

ЎЗБЕКИСТОН ХАЛҚ ТАЪЛИМИ ВАЗИРЛИГИ  
ТОШКЕНТ ДАВЛАТ ПЕДАГОГИКА УНИВЕРСИТЕТИ  
«ПЕДАГОГИКА» КАФЕДРАСИ

# ЎЗБЕК ПЕДАГОГИКАСИ АНТОЛОГИЯСИ

Тўлдирилган ва қайта ишланган иккинчи нашри  
(I жилд)

«О'QITUVCNI» НАШРИЁТ-МАТБАА ИЖОДИЙ УЙИ  
ТОШКЕНТ – 2010

„Китобхон аҳлига“ мақоласи муваллифлари Ўзбекистон Фанлар академиясининг академиги **И. ИСКАНДАРОВ**, педагогика фанлари доктори, профессор **М. ҲАЙДАРОВ**

Тузувчи муваллифлар: педагогика фанлари номзоди,  
профессор **К. ҲОПИМОВ**,  
педагогика фанлари доктори,  
профессор **САФО ОЧИЛ**

Тақризчилар:  
фалсафа фанлари доктори, профессор **К. Ж. ТУЛЕНОВА**,  
педагогика фанлари доктори, профессор **М. ОЧИЛОВ**.

### Таҳрир ҳайъати:

**К. ҲОПИМОВ** (раис), **И. ИСКАНДАРОВ**, **Ф. И. ҲАЙДАРОВ**,  
**Р. МИРЗАЕВ**, **С. МИРЗАХЎЖАЕВ** (котиб), **И. ОРТИҚОВ**,  
**М. ҲАЙДАРОВ**, **С. НИПОННОВА**, **Ф. ЮЗЛИКАЕВ**.

Мазкур китоб «Ўзбек педагогикаси антологияси»нинг тўлидирилган ва қайта ишланган иккинчи нашри бўлиб, унда ўзбек диёрида зарлунштийликдан кейин то XX аср бошлиригача бўлган даврдаги таълим-тарбия тўғрисида фикр юритилади. Шунингдек, Ал-Хоразмий, Ал-Фарғоний, Форобий, Ал-Беруний, Ал-Чағминий, Ибн Сино, Аҳмад Яссавий, Амир Темур, Алишер Навоий, Оғаҳий, Нодира сингари алломаларниң ҳаёти, ижоди ва улар яшаб ўтган даврниңг илму фан тараққиёти, маданий-маърифий қарашларидан сабоқ берилади.

Антологияниң маъно-мазмуни Шарқ маданияти тарихи билан боғлиқ бўлиб, унда ўзбек маърифатининг тараққиёти хронологик тарзда тадқиқ этилган.

X 430200000-69  
353-04-2010 Қатъий буюртма—2010

ISBN 978-9943-02-290-4

© „Ўқитувчи“ нашриёти, 1995 й.  
© „O'qituvchi“ НМИУ, 2010 й.

---

## Ўзбекистон Республикаси мустақиллигининг 19 иyllигига бағишиланаади

### КИТОБХОН АҲЛИГА

Ўзбекистон Республикасининг мустақилликка эришуви миллий маданиятимиз тарихини ўрганишга, у ҳақда холисона фикр билдиришига катта имкониятлар яратиб, қалрияятларимизни тиклашга, қадимий бой тарихимизни объектив баҳолашга, ҳур фикрлиликка шароит туғдирди.

Республикамиз истиқлол йўлига кирганлиги муносабати билан Ўзбекистон ҳалқи ўз бошидан янгиланиш ва ривожланиш, глобаллашуви, яъни ҳаёт суръатларини бесқиёс даражада тезлашуви асосида ўз тарихий тараққиётининг янги босқичи — давлат тузумининг янги эрасига қадам қўйди.

Истиқлол туфайли муқаддас меросларимиз: миллий қалрияйтлар, тарихий анъаналар, миллий маданият, умуминсоний маънавий бойликлардан фойдаланишга кенг йўл очилди.

Ўтмишда ота-боболаримиз, буюк алломаларимиз, юксак маърифат соҳиблари баҳт-саодатни озодлик, эркинликда деб билганлар, шунингдек, Ватаи ва ҳалқ истиқболи, баҳтиёр турмуш, фан ва маданият тараққиёти билан бевосита боғлиқ экани ҳақида таълим берганлар.

Зотан, таълим ва тарбияда ҳикмат кўп. Шунинг учун Ал-Хоразмий, Ал-Фарғоний, Ал-Беруний, Абу Али ибн Сино, Аз-Замахшарий, Имом Бухорий, Улуғбек, Алишер Навоий сингари кўплаб даҳолар илм ва фан, адабиёт ва санъат, умуман, маданиятни ривожлантиришга беқиёс ҳисса қўшганлар.

Ҳалқимизнинг мард ва қаҳрамон фарзандларидан Жалолиддин Мангуберди Хоразмшоҳ, Амир Темурларнинг ҳаёти, уларнинг босиб ўтган йўли, бутун фаолияти буғунги ва келгуси авлод учун ибратли эканини ҳамиша ёдда тутиш лозим. Чунки ўша фан арబобларию, ҳалқ қаҳрамонларининг фаолияти ҳар томонлама тарбиявий аҳамиятга эгадир.

Юқорида айтиб ўтилган буюк ва суюк инсонларнинг мероси илмий-назарий жиҳатдан озми-кўпми ўрганилди. Бироқ ўша мероснинг педагогик қирралари атрофлича, мукаммал тадқиқ қилинмади, десак янглишмаймиз. Ҳолбуки, эндигина мустақилликка эришган ҳалқимиз мағкурасини пухтароқ тарбиялашда илмий ва

маданий анъаналар, урф-одатлар, миллий қадриятларни кенг кўламда тарғиб ва ташвиқ этиш ниҳоятда муҳимдир. Ўзини миллатпарвар ва ватанпарвар деб ҳисоблаган ҳар бир зиёли худди шу нарсага эътиборни қаратиши керак.

«Ўзбек педагогикаси антологияси» китоби маъно ва мазмуни билан уйғунашган олижаноб мақсад йўлида қўйилган илк қадам ва шу муборак вазифани амалга ошириш иштиёқида қилинган эзгулик нишонасиdir. Асар хронологик тарзда яратилган бўлиб, у ўзбек халқига кўпроқ таълим-тарбиявий жиҳатдан илмий ва амалий ахборот бериши билан қимматлиdir.

«Ўзбек педагогикаси антологияси» зардуштийлик давридан бошлаб то Ислом динининг вужудга келишигача, шунингдек, мусулмонлар дунёси даври имон-эътиқод силсиласидан таълим беради. Куръони Карим таълимотию Мұхаммад алайҳиссалом ҳадислари тарғиботчилари, шунингдек, одоб ва эътиқод илми йўлида фидойилик кўрсатган улуғ зотлар тўғрисидаги саҳифалар киши руҳига илиқлиик баҳш этади. Чунки улар ўзбек миллий тарбияшунослик илми ва амалиётининг асосини ташкил этади.

Хулоса қилиб айтганда, мазкур китоб фақат илм аҳлига эмас, балки мактаб ўқувчисиую муаллимга ҳам, оддий меҳнаткашу олимга ҳам хизмат қилишга қодир.

Академик И. ИСКАНДАРОВ,  
педагогика фанлари доктори,  
профессор М. ҲАЙДАРОВ.

---

## ЎЗБЕК МИЛЛИЙ ТАЪЛИМ-ТАРБИЯСИ АНЬАНАЛАРИ ТАРИХИДАН

Ҳар бир ижтимоий тузум келажаги, инсоният истиқболи, кишиларнинг ҳаёт ва турмуш даражаси фан ва маданият тараққисти билан бевосита боғлиқдир. Фан ва маданият ривожланиши таълим-тарбия ишларининг қай йўсунда олиб борилишидан келиб чиқади. Бу фалсафий ақида давлат аҳамиятига эга бўлган ижтимоий қонуният ҳисобланади.

Ўн иккинчи чақириқ Ўзбекистон Республикаси Олий Кенгашининг ўн биринчи сессиясида 1992 йил 8 декабрда қабул қилинган Ўзбекистон Республикасининг Конституциясида ҳам таълим-тарбия масаласига алоҳида ўрин ажратилган. Чунончи, Қомуснинг 41-моддасида шундай дейилган: «Ҳар ким билим олиш ҳукуқига эга. Бепул умумий таълим олиш давлат томонидан кафолатланади. Мактаб ишлари давлат назоратидадир». Бу сермазмун ва пурмаъно қонун 42-моддада янада ривожлантирилади.

«Ҳар кимга илмий ва техникавий ижод эркинлиги, маданият ютуқларидан фойдаланиш ҳукуқи кафолатланади.

Давлат жамиятнинг маданий, илмий ва техникавий ривожланишига фамхўрлик қиласи.

Ўзбекистон мустақилликка эришгандан кейин таълим-тарбия соҳасида, миллий ахлоқ-одобни қайта тиклаш борасида, миллий урф-одатлар, турли-туман анъаналар, миллий қадриятларни янада ривожлантириш хусусида жуда кескин ва буюк бурилишлар бўлгани барчага аёндир. Айниқса, «Ўзбекистон — келажаги буюк давлат» деган шиорнинг ҳаётга жорий қилиниши республикамизнинг ҳар соҳада мустаҳкамланиши зарурлиги йўлини белгилаб беради. Давлатнинг буюк келажаги, албатта, ёшларни чуқур билимли ва покиза ахлоқ-одобли қилиб тарбиялаш билан бевосита боғлиқ эканини ёддан чиқар-маслик лозим.

Биз юқорида «қадрият» сўзини келтирдик. Бу кенг қамровли, пурмаъно, ҳикматли сўздир. Зотан, ўз қадрини билмаган киши бошқалар қадрига етмайди. Худди шунингдек, ўз миллий қадриятларини ҳурмат қилиб эъзозламаган, ривожлантириш ҳакида ўйламаган инсон ўша ҳалқ вакили деган улуғ унвонга сазовор эмас. Чунки миллий қадрият ҳалқ ўтмишига, бугуни ва келажагига, фан ва маданият тараққиётига, миллий ахлоқ-одобга нисбатан юксак ҳурмат билан белгиланади. Шунингдек, дину диёнат ва аждодларимиздан мерос

бўлиб қолган турли-турли анъаналарга, чунончи, «Рўза ҳайит», «Курбон ҳайит», «Наврўз» сингари маросим ва байрамларни нишонлаш каби фазилатлар миллий қадриятларимизнинг яна бир мўътабар томонидир. Республикамизда мустақиллик тантанаси туфайли миллий қадриятларнинг юксалиши учун кенг йўл очилди.

Умуман олганда, халқ турмушининг яхшиланиши, ривожланиши билан бевосита алоқадор бўлган фан ва маданият тараққиётини таълим-тарбиясиз тасаввур этиш мумкин эмас. Бу — аждодларимиз томонидан исбот қилинган илмий-назарий, фалсафий-тарбиявий ҳақиқатдир.

Ўзбек халқи тарихан таълим-тарбия соҳасида ўзига хос дорилғунун яратган. Ҳатто, ҳозирги ўзбек халқи яшаб турган заминда зардуштийлик дини кенг ёйилган даврда ҳам некбин педагогик мафкура ҳукм сурган. Шу нарса зардуштийлик динининг муқаддас китоби — «Авесто»нинг бизгача стиб келган айрим саҳифаларида ўз ифодасини топган.

Бироқ, муборак исломгача ўтган давр тарбияшунослиги, фан ва маданияти тарихини ёритиш имкони кам. Чунки, Кутайба раҳбарлигига араб истилочилари олиб борган қирғин-барот жанглар, талончиликлар, вайронгарчиликлар туфайли ўша даврга тегишли деярли барча асарлар, манбалар ёқиб юборилган. Бу — халқнинг оғир ва аянчли қисматидир.

Тарихий қисмат қисматлигича ўтиб кетди. Лескин исломдан кейинги мавжуд педагогик қарашларни, миллий таълим-тарбияга оид анъаналарни, қадриятларни, халқ педагогикасини илмий ўрганиш, пухта таҳлил қилиш ва ҳаётга татбиқ этиш бугунги куннинг муҳим ва долзарб муаммосидир.

Зотан, ўзбек маданияти, чунончи, шарқона миллий тарбия назарияси ва амалиёти мозийгача бориб етган тарихий илдизлар орқали озиқланади. Унинг тарбиявий гоялари ўтган ҳар бир тарихий давр ва босқичлар давомида ижтимоий-сиёсий жараёнлар моҳиятини ўзида мужассамлаштирган ҳолда томир отди.

Ўзбекистонда педагогик тафаккур ва таълим-тарбия тараққиёти тарихини шартли равища асосан уч даврга бўлиб ўрганиш мумкин:

1. Октябрь тўнташигача бўлган давр (1917 йилгача).
2. Шўро тузуми даври (1917 йилдан 1991 йилгача).
3. Мустақиллик даври (1991 йилдан кейин).

Биринчи давр, аввал қайд қилганимиздек, зардуштийлик динининг чуқур илдиз отиши ва шу диннинг муқаддас китоби «Авесто»нинг Ўрга Осиё ва Эрон каби мамлакатлар халқлари ўргасила ёйилиши билан бошланади. VI—VIII асрларда Ўрга Осиё минтақасида яна муҳим бир тарихий воқеа рўй бердики, бу — Ислом динининг кириб келиши, кенг тарқалиши, унинг халқ томонидан тез қабул қилиниши билан изоҳланади. Бу ҳодиса Араб халифалигининг тутган ташқи сиёсати, энг асосийси, Ислом динини тарғиб этиши, халқлар онгига у ёки бу йўсинда сингдириши билан бевосита боғлиқдир.

Шу ўринда бир нарсаны алоҳида уқтириб ўтиш лозимки, бирор динга нисбатан эътиқодини кенг халқ оммасига мажбуран синглириш қийин. Тарғиб қилинаётган дин халқ руҳига мос туңса, унинг ўтмишдаги эътиқоди, қадрияти ва ахлоқ-одоб ҳамда тарбия анъана-ларига монанд бўлсагина қабул қилиниши мумкин. Бу фикримиз Ислом динининг «Авесто»да ўз ифодасини топган ғояларга яқинлиги, ҳар томонлама мукаммаллиги, халқпарварлиги, инсонпарварлиги билан изоҳланади.\*

Шуни таъкидлаш ксракки, Ислом динининг Ўрта Осиё халқлари ўртасида мустаҳкамланиши билан бирга, бу заминга араб тили ҳам кириб келди. Натижада араб маданияти кенг кулоч ёзди. Бу асосан, қадимий карвон йўли — Буюк ипак йўли билан боғлиқдир. У Ўрта Осиё, Хитой, Византия, Ҳиндистон ва бошқа Шарқ ўлкалари халқларини боғлаб турувчи мавқега эга бўлиб, ўша даврда қишлоқ хўжалиги, хунармандчилик маҳсулотлари ва шу кабилар орқали иқтисодий, савдо-тижорат алоқаларини ўрнатишда мухим аҳамият касб этди. Иқтисодий, савдо-тижорат алоқалари, биринчи навбатда, халқлар ўртасидаги маданият соҳасида яқинлашувга замин ҳозирлари ва бу яқинлашув аста-секин мустаҳкамланиб, таълим-тарбиянинг ривожланишига самарали таъсир қилди.

VII—XII асрлар давомида Ўрта Осиёда маданият, илм-фан бекиёс ривожлана борди. Айниқса, аниқ фанларга қизиқин кескин орта бошлади. Ўша тарихий даврда Ал-Хоразмий, Ал-Киндий, Закария ар-Розий, Ал-Беруний, Ал-Фарғоний, Ибн Сино, Аз-Замахшарий сингари қомусий олимлар дунёга келди. Улар билан ёнма-ён дунёвий илмлар туғилди. Ўша улуғ мугафаккирлар инсон маънавий ва тафаккур дунёсини бойитишда, инсоният онгини, маданий-маърифий қараашларини ўстиришда ўз даврида ва кейинги даврларда ҳам асосий ва мухим ишларни амалга ошириллар.

Дайлиқ, Ал-Хоразмий риёзиёт илми-нинг барча табиий фанларни ривожлантиришида мухим аҳамият касб этиши барчага аён. Ал-Беруний, Ал-Форобий, Абу Али ибн Сино каби даҳолар кўнгина аниқ фанлар пойдеворини қуриш билан бирга, ўша фан намояндлари эришган ютуқларни умумлаштириллар, улар асосида инсон камолотига доир бекиёс таълимотларни яратдилар.

XV—XVI асрларга келиб туркий халқлар (қадимий Туркистонни назарда тутаётимиз) жаҳонга Қозизода Румий, Улугбек, Али Қушчи, Ҳайдар Хоразмий, Ҳофиз Хоразмий, Лутфий, Навоий, Муҳаммад Солиҳ, Бобур, Абулғозий Баҳодирхон сингари алломаларни вояга етказди. Бу даврда Ўрта Осиё шаҳарларида қатор маданий ва илмий марказлар вужудга келди. Қадимий ва нақарон Хива,

\* Шўро тузуми ҳукмронлик қилган 70 йил давомида Ўрта Осиё халқи христиан динини умуман қабул қилмади. Қолаверса, Ислом динига қарши қанча кураш олиб борилмасин, уни сиқиб чиқариш, халқни ундан воз кечдириш мумкин бўлмади.

Бухоро ва Самарқанд музофотларида қурилган мадрасалар, илмий кузатиш ва тажриба иншоотлари алоҳида таҳсинга сазовордир.

Шўролар тузуми даврида Ўрга Осиё ҳалқлари шаънига етмиш ўйлар давомида «ўтмишда маданиятсиз, саводсиз бўлишган» тарзидағи бўхтонлар ёғдирилди. Бу хилдаги фикрларнинг уйдирма эканини кичик бир далил орқали тўла-тўқис рад этиш мумкин: Октябрь тўнтаришидан олдин, яъни 1900—1917 йилларда фақатгина Хива ҳонлиги ҳудудининг ўзида 130 та мадраса, 1636 масжид ёш авлодга таълим-тарбия берган. Шунингдек, шу воҳада 1500 мактаб бўлиб, уларда 45 мингдан зиёд талаба илм-сабоқ олган.\*

Қолаверса, ҳонлик таълим-тарбия ишларини давлат миқёсидағи вазифа деб билиб, унга жуда катта маблағ ажратган. Биз ҳали асримиз бошида Кўхна Самарқанд, Бухоро, Кўқон ҳонликлари ҳудудидаги фан ва маданият тараққиёти, мадраса ва масжидлардаги қайноқ фаолиятлар, таълим ва тарбиянинг гуркираб яшнагани тўғрисида тўхтамадик. Шунингдек, Ал-Хоразмий, Ал-Беруний, Абу Али ибн Сино, Улуғбек, Абулғозий Баҳодирхон яшаб ижод этган даврлардаги илм-фан тараққиёти, мадраса ва масжидлар фаолияти, илмий обсерваториялар тўғрисида сўз очмадик. Уларнинг барчасини педагогик таҳлил нуқтаи назаридан ўрганилса, қанча-қанча жилд асарлар вужудга келиши қўёш каби равшан бўлади.

Демак, Ўрга Осиё ҳалқлари, хусусан, ўзбек ҳалқи ва унинг маданий-маърифий тараққиёти асрлар давомида мисли қўрилмаган даражада ривожланган. Қолаверса, ахлоқ-одоб, педагогика фанлари бутун жаҳонга ўрнак бўларли маъно ва мазмун касб этган.

Тарихий манбалардан маълумки, Ўрга Осиё ҳудудидаги мадраса ва масжидларда, эски усуздаги мактабларда диний таълим-тарбия етакчи ўринни эгаллаган. Қуръони Карим, Муҳаммад алайҳиссалом ҳадислари пухта ўргатилган, миллий ахлоқ-одоб қарашларини ўз ичига қамраб олган, миллий тарбия масалаларини илмий-назарий ва амалий жиҳатдан пухта ўрганишга бевосита ёрдам берадиган диний йўсингдаги асарлардан сабоқ берилган. Бу бежиз эмас, албатта. Инсон, айниқса, ёш бола юксак ахлоқ ва одоб мезонини билмай ва уни пухта эгалламай туриб, бошқа илмларни эгаллаши қийин. Бу асрлар давомида ота-боболаримиз томонидан қанча-қанча тажрибалар асосида синалган ҳақиқатдир.

Мусулмон мактабларида, мадраса ва масжидларида байналмилал тарбияга ҳам алоҳида эътибор берилган. Чунки, бу масалага муқаддас Қуръони Каримда ҳамда Муҳаммад алайҳиссалом ҳадисларида алоҳида ургу берилган. Шу ўринда эски ўқув юртларида тиллар ўрганишга бўлган эътиборни мисол қилиб кўрсатиш мумкин. Ал-Хоразмий, Аз-Замахшарий, Ал-Беруний, Абу Али ибн Сино, Улуғбек, Алишер Навоий, Муҳаммад Солиҳ, Оғаҳий каби улуғ зотлар араб, форс ва

\* Давлатёр Раҳим, Шоҳназар Матрасул, Феруз. Тошкент, 1991, 100-бет.

бошқа тилларни құнт билан ўрганишган ва ўша тилларда әркін ижод қилишган.

Жуда күп йиллар мобайнида мусулмон мактабларида табиий ва аниқ фанлар үқитилмасди, улардан сабоқ бериш ман қилингандың. Агар шу фикр ҳақиқатта жиндей түгри келса, риёзиёт, фалакиёт, ҳандаса сингари фанларга ва улар билан боғлиқ болып қалыптаса да, оның өзінде де әсес солинармиди?! Ваҳоланки, үтмишда табиий ва аниқ фанлардан сабоқ бериш ва сабоқ олиш маданияти, одоби диний таълим билан ёнма-ён ривожлантирилған да, такомиллаштирилған.

Мусулмон мактабларида таълим-тарбия тизими иккі босқичдан иборат бўлгани кўпгина манбаларда қайд этилган. Чунончи: ибтидоий ва ўрта асрлар даври мадрасалар таълими. Шу ўринда ўз устида тинмай ишлаган, иқтидорли, пешқадам муллаваччалар тенгдошларидан ўзиди кетиб, илм чўққиларини эгаллаганини ва юқори даражага эришганларини таъкидлаш лозим.

Үтмишда мактабга қабул қилинадиган ўқувчиларнинг ёши аниқ белгиланмас, баъзи ота-оналар фарзандларини 5 ёшда, айримлари эса 6—8 ёшда үқишга беришарди. Хуллас, мактабга бериш ва қабул қилиш ёши аниқ белгиланмаган. Шунингдек, шаҳарларда ўғил болалар 15—17 ёшгача, қишлоқ жойларida эса 13—15 ёшгача үқитиларди.

Ўқув дастурлари ва дарс жадвали мунтазам бўлмасдан, ўқувчилар синфларга ажратилмас эди. Ўқувчилар үқитилаётган фаннинг мазмуни ва соҳасига қараб гурухланарди. Масалан: «тахтахонлар» — домла томонидан таҳтачага ёзилган ҳарфларни ўрганувчилар, «абжадхонлар» — абжад ҳисобидан таълим олувчилар, «ҳафтиякхонлар» — ҳафтиякни билувчилар, «куръонхонлар» — Куръони Каримни ўзлаштирувчилар, «бедилхонлик» ва ҳоказолар.

Ўқувчилар синфдан-синфга кўчирилмай, босқичма-босқич үқитиларди. Шуни алоҳида таъкидлаш лозимки, бу хил үқитиш тизимида асосий мақсад — савод чиқариш ва ахлоқ-одобни таркиб топтиришга, такомиллаштиришга қаратилған эди. Таълимнинг 4-ёки 5- йилига келиб, талабаларга диний ва бошқа маросимларда ўз билимларини намойиш этиш, амалда синаб кўриш учун имкониятлар яратиб берилған. Бу хилдаги үқитиш усулида илмга ташна, иқтидорли ва истеъдоли болалар кўзга яққол ташланған, бошқалардан ажралиб туришган. Худди шундай ёшлар марказий ўқув юртларида, мадрасаларда үқишини давом эттиришган.

Русия Ўрта Осиёни босиб олганидан кейин ўз-ўзидан рус тилини ўрганиш мажбурияти вужудга келтирилди. Шунинг учун ўтган асрнинг охирги йилларига келиб, рус-тузем мактаблари ташкил қилинди. Уларда, асосан, рус тили ўргатиларди, шунингдек, бошқа табиий фанлардан ҳам сабоқ бериларди.

Октябрь тұнташыдан кейин, яғни 1917 йилдан бошлаб Туркистан минтақасыда яшин тезлигіда Шўро ҳокимияти ўрнатыла

бошланди. Бу тузум коммунистик фирмә мафкурасини тарғиб ва ташвиқ қилди.

Шўро ҳокимиятининг дастлабки йилларида Туркистонда янги мактаблар очиш ва уларни мустаҳкамлаш вазифалари кўндаланг кўйилди. Унда ёшлар онгига янги жамият foяларини сингдириш, шу мақсадни амалга оширишга йўналтирилган педагогик ходимлар тайёрлаш масаласи ўз ифодасини топган эди. Шу ишларни амалга оширишда Русия халқ таълими йўналиши ва тизими раҳбарлик қилган. Тарихдан маълумки, қайси давлат ёки мамлакат ҳукмрон бўлса, тобе мамлакат ва халққа ўз мафкурасини, маданиятини, ахлоқ-одоб ақидаларини сингдиришга ҳаракат қилган. Шўро ҳокимияти раҳнамолигида шу йўлдан борилганини илғор фикрли инсонларимиз ва зиёлиларимиз жуда яхши тушуниб етганлар.

1918—20 йилларда Русия ҳукумати ва коммунистик фирмә томонидан қатор қарорлар қабул қилинди, улар тезлик билан ижро қилина бошланди. Эски, яъни миллий руҳдаги мактаблар, мадрасалар тугатилиб, янгича мафкура асосига қурилган мактаблар, ўрта таълим ва олий ўқув юртлари ташкил қилинди. Дастлаб, бошлангич мактаблар, сўнг етти йиллик ва кейин эса ўн йиллик мактаблар очила бошланди.

1924 йил октябрьида Туркистон парчаланиб, миллий маданият йўли аста-секин тўсила бошланди. Асрлар оша амалда қўлланилиб келинган, қомусий илмлар битилган ёзувдан маҳрум бўлиш шу фикрнинг ёрқин мисолидир. Аввал лотин ҳарфлари, кейин рус ҳарфлари асосига қурилган ёзувга ўтилди. Бу Ўрта Осиё халқларини ўз маданияти ва тарихини ўрганиш имкониятидан маҳрум этди.

Араб алифбоси асосидаги ўзбек ёзувида битилган асарлар мажбуран йўқ қилина бошланди. Бу ёзув ва шу ёзувда яратилган нодир китоблару қўллэзмаларга турли мудҳиҳ ёрлиқлар ёништирилди. Бу миллий маданиятнинг ривожланишига раҳна солди, миллий қадриятлар, анъаналар, миллий ахлоқ-одоб йўриқлари оёқости қилинди.

Мактабларда дунё фанини ривожлантиришга муносиб ҳисса қўшган ўзбек фани ва маданиятининг асосчилари, мусулмон оламининг улуғ зотлари эмас, балки ўзбек халқи камолотига алоқаси бўлмаган шахслар фаолияти ўргатилди. Аҳмад Яссавий, Бедил сингари сўз усталари ва тафаккур гулшани боғбонлари халқ таълими тизимидан сиқиб чиқарилди.

Мусулмон дунёсининг муқаддас китоби Қуръони Карим, Мұхаммад алайҳиссалом ҳадислари таъқиб остига олиниди, йўқотилди. Натижада ўзбек халқи миллий ахлоқ-одоби ва тарбия анъаналаридан маҳрум бўла бошлади. Бу йўқотиш ўзбек фани, маданияти ва педагогика таълими фанлари вакиллари бошига оғир мусибатлар келтирди.

1991 йилга келиб Ўзбекистон халқи мустақилликка эришди, миллий байроғи, гербига ва мадхиясига эга бўлди, ўзининг миллий

Қомусини қабул қилиб, шу асосда яшай бошлали. Бу билан ўзбек миллий маънавияти, фани ва маданияти, педагогика фани намояндлари бошига бахт қуши қўнди.

Ўзбекистон мустақилликка эришгунига қадар миллий фан, маданият, таълим-тарбия, ахлоқ-одоб асосчилари, алломаларининг ҳаёти ва ижодий фаолиятига багишланган педагогик руҳдаги антология яратилмаган эди. Мазкур «Ўзбек педагогикаси антологияси» асари Ўзбекистон мустақиллигининг шарофати билан яратилган илк педагогик мажмуадир. Бу асар педагогика фани илк уриниш ва биринчи тажриба бўлгани учун унда айрим қусурлар, камчиликлар бўлиши табиий ҳолдир. Шу ишга самимий ва беғараз муносабатда бўлувчи китобхон ва ўқувчиларга олдиндан ташаккур айтиб, миннатдорчилигимизни билдирамиз.

## ЎЗБЕК ХАЛҚ ПЕДАГОГИКАСИ

«Ўзбек халқ педагогикаси» қамрови ниҳоятда кенг, бафоят серқирра ва сержило тушунча бўлиб, у шу халқ пайдо бўлган бутун даврни ўз ичига олади.

Халқ донишмандлиги ва одобномасининг бу нодир соҳаси ижтимоий ва маиший-ахлоқий ҳаётнинг барча томонларини, халқ оғзаки ижоди, қадршунослиги, удумшунослиги ва маросимшунослигининг етакчи йўналишларини, диний-ахлоқий таълимотни қамраб олиши билан характерланади. У халқимизнинг асрлар давомида тўплangan бой тажрибаларини, ижтимоий-сийсиy, ахлоқий, фалсафий, маърифий, эстетик, маънавий ҳамда жисмоний етуклик борасидаги қарашларини, тажриба-хуносаларини лўнда, аммо бафоят теран, донишманднамо тарзда ифодалайди. Илк бор яратилаётган «Ўзбек халқ педагогикаси»ни доно ҳалқимизнинг таълим-тарбия, ахлоқ, одоб, инсон қадриятлари ва унинг маънавий устуворлиги, имон-эътиқод бутунлиги соҳасидаги дунёқараши, амалий фаолияти, усул-методлари, анъаналари табаррук исломнинг одоб-ахлоқ, илму фан ҳақидаги таълимотига боғлиқ ҳолда, муқаддас Қуръони Карим ва Пайғамбаримиз Мұхаммад Расулуллоҳ (с.а.в.) нинг муборак ҳадиси шарифларига суюнган ҳолда ёритиш мўлжалланган. Тадқиқотда Оллоҳнинг илоҳий мўъжизаси — ҳаёт сарвари Инсоннинг она қорнида пайдо бўлишидан тортиб то туғилгунига қадар, илк тарбиясидан тортиб то вояга етгунича ҳамда оила қургунга қадар, ёшини яшаб то омонатни топширгунгача бўлган ахлоқий, ақлий, эстетик, меҳнат, экологик тарбияси, шунингдек, жисмоний чиниқиши билан боғлиқ ўйинлар, халқ педагогик анъаналарининг ҳозирги замон ёш авлод таълим-тарбиясида тутган ўрни ҳамда аҳамияти ҳақида сўз юритилади. Шу билан бирга, ўзбек анъанавий, оммавий байрам-сайиллари, расм-русумлари, одатлари ва удумларида акс этган ахлоқий қарашлар, уларнинг ўзига хос одобномаси, ибратномаси каби бафоят долзарб мавзуларни ёритишга ҳам ҳаракат қилинади.

Маълумки, халқнинг педагогик қарашлари узоқ асрлар давомида шаклланган ва улар бизга алоҳида кўлланма — дастур ёхуд дарсликлар шаклида етиб келмай, балки, асосан, халқ оғзаки ижодига кирувчи турли жанрлардаги асарлар, элшунослик, қадршунослик, удумшуносликлар қатида сақлаб қолинган ҳамда Оллоҳнинг сўзи билан битилган Қуръони Карим ва Пайғамбаримизнинг ҳадисларида ўз ифодасини топган. Демак, халқ педагогикаси ҳозиргача яшовчанлиги, асосан, оғзаки тарзда бўлиб, ҳар бир авлод унга ўз тажрибасини, қарашларини, фазилатларини қўшигандек холда бизгача етиб келган. Бугунги кунда эса шу узоқ асрлар давомида таълим-тарбия қўлланмаси, воситаси бўлиб келган халқнинг педагогик қарашларини тўплаш, ўрганиш ва чоп этиш вазифаси турибдик, бу вазифани бажариш йўқолиш арафасига келиб қолган миллий қадриятларимиз, ахлоқимиз, урф-одат, расм-русумларимизни, удумларимизни, анъаналаримизни асраб қолиш ва тиклаш учун ниҳоятда зарурдир.

«Ўзбек халқ педагогикаси анъаналари» ўкув қўлланмаси узоқ ийллик илмий, педагогик изланишлар, амалий фаoliyatlар натижалиридан келиб чиқсан ҳолда жонли, илмий-оммавий тилда ёзилган. Халқнинг оиласиий-маиший ҳаёти, таълим-тарбиявий, ахлоқ-одобга оид ҳаётий йўл-йўриқлари, усуллари, ибратли тажрибаларига оид турфа мисоллар — достоинлар, эртаклар, мавсумий меҳнат маросимлари қўшиқлари, асотирлар, нақллар, ривоятлар, афсоналар, мақоллар, маталлар, ҳикматлар, қайроқи сўзлар, афоризмлар, топишмоқлар, тез айтишлар, болалар ўйинлари, аллалар, тўй қўшиқлари, айтимлари, олқишишлар, суюш-эркалаш қўшиқлари, эркаламалар, овутмачоқлар, қизиқмачоқлар, ялинчоқлар, ҳукмллагичлар, чорламалар, чеклашмоқчалар, гулдуру-гуплар, санамалар, ўйин-кулгулар билан боғлиқ лапар, айтишув, ўлан, термалар, болалар тарқалиш, чорлаш қўшиқлари — рамазон, бойчечак, ёмғир, қуёш, юлдуз сув айтимлари, чандишлар, тегишмачоқлар, масхараламалар, «Наврӯз», «Меҳржон», баҳор, куз, қиши, ёз айтим-қўшиқ ашулалари, деҳқончилик, чорвадорлик, касб-хунармандчилик билан боғлиқ насрой ва назмий асарлар; инсон, табиат ва ҳайвонлар дунёсига оид намуналар ҳамда мифологик тасаввурлар акс этган асарлар билан бойитилган. Қуръони Карим, ҳадис ҳамда Шарқ мутафаккирларининг ахлоқ-одобга оид қарашларига доир парчалар ҳам мазкур қўлланманинг саҳифаларини брезаши табиийдир. «Ўзбек халқ анъанавий педагогикаси»га оид материалларни бамисоли уммонга қиёс қилиш мумкин. Биз ушбу тадқиқотни фақат деб билиб, шу уммондан олинган қатралар орқали халқимизни, унинг айрим саҳифалари билан таниширишни ўз олдимизга мақсад қилиб қўйдик. Кўп жилларга ва кўп йилларга мўлжалланган — «Ўзбек халқ педагогикаси» катта кучни, жамоа меҳнатини таляб қиласди...

Шуни алоҳида таъкидлаш керакки, халқ наздида, инсон она қорнидан яхши ё ёмон бўлиб туғилмайди — у бирдай туғилади. Яхши-ёмонга айланиши тарбиядан, даставвал, ота-она, оила, маҳалла-кўй,

қишлоқ-овул, қолаверса, жамият-тузумдандир. Бунда аждодлар қолдирган отамерос — оиласый педагогика, халқ педагогикаси, шунингдек, удумшунослик, қадршунослик, элинунослик ағъаналари, жамиятнинг бу соҳадаги саъй-ҳаракатлари ҳал қилувчи ўрин тутади. Халқ таъкидлашича, бола бошлан тўғри, ҳаққоний тарбияланса — у келгусида яхши инсон бўлиб етишади, эгри йўлда тарбияланса — ёмон кишига айланади. Зоро, «кўчат бошдан, бола ёшдан» мақолига амал қилиш халқ анъанавий педагогикасининг бош йўналишидир. Шу боисдан, халқ педагогикасида тарбиянинг майдо-чуйдаси, яъни бирламчи-иккиламчиси бўлмайди: ҳамма нарса ҳисобга олиниши, ҳеч бир соҳа четда қолмаслиги, айни чоғда тарбиянинг ниҳоятда нозик, инжиқ, мураккаб томонлари эътиборга олинган ҳолда, етти ўлчаб бир кесишга амал қилинади. Эътиборлилиги яна шундаки, халқ тарбияда кеча, бугун ва эртани ўйлаб иш тутади, яъни тарбияни ўтмишни унумаслик, бугунни қадрига етиш, келажакка умид асносида олиб боради...

Халқ педагогикасининг яна бир ибратли жиҳати бор. Бу — ҳаёт, табиат ва жамиятдаги ҳар бир воқеа-ҳодиса, предмет, кўриниш, қисқаси жонли-жонсиз неки бор, ундан мукаммал фойдаланишdir.

Кези келганда халқ анъанавий педагогикасида ишонтириш, исботлаш, таъсир, ибрат намунаси, тажриба натижалари, тасдиқлаш ҳам алоҳида ўрин тутишини айтиб ўтиш зарур. Буни, айниқса, довдараҳт, тоғ-тош, парранда-даррандага бағишиланган фольклор намуналарида яққол кўриш мумкин. Халқнинг бундай қарашлари таг-заминида тўргт унсурни асраш, авайлаш, яъни экологик тарбияни англаш қийин эмас.

Халқ бисотидаги энг яхши, табаррук сўзлар — дуо-олқишлиар ҳам тарбияга қаратилади. Дарвоқе, халқ анъанавий педагогикасида яхши сўз, дуо-олқишининг таъсир кучи, тарбиявий аҳамияти, инсон маънавий устуворлиги, имон-эътиқод бутунлиги, қисқаси кишиларнинг ҳар томонлама мукаммал камолоти борасида тутган ўрни ва ролига алоҳида аҳамият берилади.

Эл-юрг учун ҳар томонлама мукаммал инсонни тарбиялашга қаратилган «Ўзбек халқ педагогикаси» ҳам айрим шахслар ёхуд бир-икки жамоа (улар қанча иқтидорли-истеъодли бўлишмасин) томонидан яратилмаган, албатта. Уни халқимиз бошидан ўтказган асрлар билан ўлчанувчи бой ҳаётий тажрибалари, фарзандлар камолоти борасида тутган тутимлари, саъй-ҳаракатлари, йўл-йўриқлари, ақл-заковатлари билан яратган. Айни чоғда «Ўзбек халқ педагогикаси» ўз ривожида, бойиб, мукаммаллашиб боришида илм-фаннинг бошқа соҳаларидан, яъни мумтоз адабиёт, санъат, оғзаки ижод, элшунослик, удумшунослик, қадршунослик, одатшунослик, руҳшунослик каби соҳалар бағрида шаклланиб, улар билан бевосита алоқада бўлади, энг яхши намуналарини ўзига қабул қилиб олади...

Ҳамиша сафарларда бўлиб, ўзга юрг қишилари билан мулоқотларда бўлиш, изланишлар олиб боришдан толиқмаслик каби

хислатлар ўзбек халқи табиатига хос фазилатлардандир. Инсонпарварлик, байналмилаллик, ҳушёрлик, зукколик, топқирлик, билимдонлик, укувлиликни ўзига эътиқод қилиб олган ўзбек халқ педагогикаси айни чоғда Шарқ одобномаси, ибратномасидан доимий равиша баҳраманд бўлган, шарқона халқ педагогикаси бойликларидан озиқланган ва унинг энг гўзал намуналарини ўзига қабул қилиб олган.

Шундай қилиб, ўзбек халқ педагогикаси туркӣ халқлар — ота-боболаримиз узоқ мозийда яратган ва кўз қорачигидай асрлаб-авайлаб, сақлаб келган отамерос, Шарқ халқларининг бой ва бетакрор одобнома ва одатномаси, халқ педагогикасидаги энг яхши намуналар, алломалару адабиёт ва фольклор ижодкорлари — ижрочиларининг бу борадаги саъй-ҳаракатлари, яратган асарлари билан қўшилган ҳолда шаклланганлиги, ривожлантирилганлиги ва бойитиб борганилигини эътироф этиш бирдан-бир тўғри йўлдир.

Халқ педагогикаси асрлар давомида яшаб келди. Аждод-авлодларнинг ахлоқий, маърифий шаклланиши ва камолотида, жисмоний баркамоллигида ҳал қилувчи роль ўйнади. Оддий инсонларми ёхуд буюк алломалар, шунчаки, фуқароми ва ё юрт сultonлари, кичик суворими, ёки улуф саркардами, барибир халқ томонидан яратилган, амалда бўлган халқона тарбия анъаналарига тўла амал қилган, унга суюнган, таянган ҳолда яшаган, фаолият кўрсатган бўлса кам бўлмаган, эл-юрт назарига тушган, олқишига сазовор бўлган.

Халқ педагогикасининг бунчалик таъсир кучи, аҳамияти нимада? Яшовчанлиги, «умри»нинг шунчалар узоқ муддатлар билан ўлчаниши, уни ҳеч қандай куч-кудрат билан тенглаштириб бўлмаслигининг боиси қаерда? Ўзбек халқ анъанавий педагогикасини узоқ ўрганишимиз, ҳар бир нуқталарига чукур диққат-эътибор берганимиз оқибат-натижасида шундай хulosага келдик. Халқ педагогикасининг асрлар давомида шаклланиб, ривожланиб, бойиб боришининг, фуқаро, Ватан тақдира ида ҳал қилувчи ролининг боиси, биринчидан, унинг ҳаётийлиги, таъсирчанлиги, серқирра, сермаънолигида бўлса, иккинчидан, унинг бевосита халқ томонидан мавжуд ҳаёт жараённида жонли анъаналарда яратилиши, яшави, ҳаёт, инсон муаммоларини қамраб олиши, тарбиянинг энг долзарб масалалари ечимини ҳал қилишга қаратилгани, учинчидан, умуминсоний йўналишга, умумбашарий гоя-мақсадларга қаратилгани бўлганилигидир. Шу боис, бошқа дунёқараш, мафкура, маънавият омиллари каби, халқ педагогикаси тарих тўфонларию ур-ийқитларига, тўс-тўполонларга бардош бериб, тажриба-синовлардан муваффақият билан ўтиб, тобланиб, сайқаллашиб, ҳеч бир пайт, ҳеч бир даврда — у қанчалик оғир, мураккаб, қийин бўлмасин, барибир ўз «фаолиятини» тўхтатмасдан, аксинча фаол хизмат қилиб, авлодлар тарбияси, камолоти борасида ҳал қилувчи ролни ўйнаб келди.

Кези келганда шуни ҳам таъкидлаб ўтиш керакки, халқ педагогикаси бамисоли жонли организм, қайнар булоқ, ўлмас, ўчмас, доимо бойиб, кўпайиб борувчи илоҳий, мўъжизавий тарбия соҳаси-

дир. Халқ бор экан, әл яшар экан, бу соҳа яшайверали, ўзининг авлод-аждолларга беминнат «хизмати»ни ўтгайверали. Зеро, халқ орзуумиди, қувонч-ташвишлари, гам-гуссаси, армонлари, шодлик, баҳтиёрлик онларию қадр-қўмматлари, маънавий-маърифий, бадиий-эстетик қарашлари, дунёсқараши, фалсафий-ахлоқий тушунчалари, ҳаётий, таълим-тарбиявий хуносалари халқ педагогикасида зуҳур этилади. «Ўзбек халқ педагогикаси» ўзининг йўналиши, ибратли хуносаларга бойлиги, бебаҳо асарлари, маъно-мантиқ жиҳатдан мукаммаллиги, терапиялиги, услуби, одобномаси, одатномаси, ибратномаси билан ҳар қандай миллат, әл ҳавас қилса арзийдиган буюк меросдир.

Мустақилликка эришиб, ўзимизнинг ёрқин миллий истиқлолимизга эга бўлгач, умуминсоний ва ўзбекона қадриятларни ҳар томонлама чуқурроқ англай бошладик. Мустақил Ватанига ҳар томонлама етук, мукаммал, ахлоқий пок, маънавий устувор, имон-эътиқоди бутуни, ўз халқи, ўз опа-Ватанига фидойи, жисмоний баркамол авлодни ўстириш учун уларнинг ахлоқий-жисмоний тарбиясига алоҳида аҳамият бера бошлилар. Дарҳақиқат, Ватан тақдирни, халқ равнақи, мустақил юрганинг келгуси бошқарувчиси — янги авлод тарбияси биринчи ўринга чиқди. Жуда қийин, ўга масъулиятли, катта ғайрат-шижоат, куч-кувват, меҳнат талаб этадиган бу вазифани улдалашимиизда оғзаки ижод, мумтоз ва ҳозирги замон адабиёти, элшунослик, удумшунослик, қадршунослик, маросимшунослик қаторида халқ педагогикасининг ўрни ва аҳамияти бесқиёслидир. Халқ педагогикаси ҳаётнинг, тафаккурининг, одоб-ахлоқ, таълим-тарбиянинг ҳамма жабҳасини, барча муаммоларини қамраб олиши билан ифодаланади. Унинг олдига қўйган мақсад-вазифаси аниқ, равшан, айни чоғда хайрли, савобли ва илоҳийдир: ҳаёт гули, сарвари, эгаси — инсонни юксак фазилатлар руҳида тарбиялашдир.

Ҳар қандай бойликнинг ниҳояси бўлади, олгин, зар, зарбобга ўралишнинг умри қисқа. Осмонўпар бинолар қулаши, сулолалар келиб-кетиши, авлодлар кетидан янгилари келиши табиий, аммо халқ педагогикаси ҳайқириб оқувчи дарёдай ўйғоқ, мусаффо чашмадай бетиним, куёш тафтидай иссиқ, ой нуридай нурафшон, ҳаётнинг ўзидай гўзал, бедор инсонлардай ўйғоқ ҳолда авлодлар тарбиясида ҳамиша ўз вазифаси — айтилгандек, инсон олоби, хулқи, камолоти борасидаги хизматини ўтайверади, ҳеч қачон «толиқмайди», «чарчамайди».

Биз халқ педагогикасининг шарқона ва туркона анъаналари, оиласиий-маиший йўналишлари, халқнинг ўзига хослигининг миллий тўйларимиз, оммавий байрам-сайиллари, маросимлар, урф-одатлар ва удумларда ифодаланиши, халқ спорти, жисмоний тарбиянинг тутган ўрни, миллий мактаб муаммолари каби шу кунларда жуда долзарб, зарур ва керакли масалалар ҳақида қисқача тўхталиб ўтишни лозим деб топдик.

Булар: халқ оғзаки ижодида ёш авлодни маънавий-ахлоқий тарбиялаш ва тарбия усуллари, инсоний қадриятлар ва юртсеварлик тарбияси; дўст-биродарлик, аҳиллик, меҳнатсеварлик, касб-хунарга муҳаббат, яхшилик ва ёмонликнинг, яхши ва ёмон сўзнинг оқибати, ҳалоллик, тўғрилик, олижаноблик тарбияси, адолат, инсоф ва инсофсизлик, дўст-биродарлик, оға-иничилик ва қон-қардошликнинг аҳамияти, ботирлик ва қўрқоқлик, одоб-одобсизлик, меҳмон ва меҳмондўстлик, сахийлик, баҳиллик ва камтарлик, сабр-қаноат ва сабрсизликнинг оқибати, қадр ва қадрсизлик, муҳаббат, вафо ва бевафолик, тажрибакорлик, калтабинлик ва ишончсизлик, ор-номус ва номуссизлик, самимиийлик ва носамиийлик, андиша ва андишасизлик, фаросат ва фаросатсизлик, тежамкорлик ва исрофгарчилик, режа ва режасизлик, меъёр ва меъёrsизлик, масъулият ва масъулиятысизлик, вақт ва фурсад, фойда ва зарар, соғлом тарбия, тозалик ва озодалик, табиатни эъзозлаш, деҳқончилик ва чорвачилик қадриятлари, ҳайвонлар, қушлар, ер-сувни эъзозлаш, каттага ҳурмат, ёшга меҳр-шафқат, йўл ва йўлдош, севинч ва фам, тўй ва мотам, фарзанд ва фарзандсизлик, кийиниш, сўзлашиш, юриш-туриш, саломлашиш, кўча одоби, овқатланиш маданияти, муомала, саёҳат қоидалари, ухлаш, ювениш, жамоат ва катталар олдида ўзини тута билиш, китоб ўқиши маданияти, катталарга қарашиш, уй юмушларини бажариш, дарс тайёрлаш, ўзбек тўйлари — ахлоқий, ақлий ва жисмоний мактаб эканлиги каби қадриятлардир. Шунингдек, ўзбек халқ педагогикаси анъаналарида фарзандларни эстетик идроки, ҳиссиётни ва тасаввурларини ривожлантириш ҳамда мукаммаллаштириш; болаларнинг бадиий-ижодий қобилиятларини шакллантириш ва камол топтириш; эстетик дид асосларини шакллантириш ва такомиллаштириш; эстетик тарбияда болалар ўйин фольклорининг ўрни ва аҳамияти, болалар фольклор-этнография дасталари — эстетик тарбия маркази эканлиги, ворислик, устоз-шогирдлик анъаналарининг педагогик, ахлоқий-эстетик аҳамияти, ёшларни шахс сифатида шакллантириш ҳамда бадиий-эстетик тарбиялашда халқ оммавий томоша санъати — цирк, дорбозлик, баҳши-шоирчилик, достончилик, эртакчилик, қизиқчилик, тақлидгўйлик, маддоҳлик, қироатхонлик, қиссаҳонлик, отинлик, воизлик, бўзахўрлик алёрлари каби санъатларнинг тутган ўрни ва педагогик-тарбиявий аҳамияти, халқ анъанавий спорти, бадантарбия — фарзандлар жисмоний бақувватлиги ва етуклигининг кафолати эканлиги, чаққонлик, эпчиллик ва ҳар томонлама уйғун ривожланишнинг синалган воситаси эканлиги, болалар ўйин фольклорининг педагогик-тарбиявий аҳамияти, халқ педагогик тарбиясида сайёҳлик ва саёҳтнинг, савдо-сотиқ ва тижоратнинг ўрни, жисмоний тарбия ва спорт кўнникмаларида халқ қизиқарли томоша санъати, ахлоқ-одоб ва таълимнинг уйғунлиги ва ўзига хослиги; халқ спорти ва жисмоний тарбиясида жинсий тафовутларга аҳамият беришнинг ахлоқий-ақлий аҳамияти; халқ анъанавий педагогикасида табиат ва инсон уйғунлашуви муаммолари,

табиат ва тарихни эъзозлаш, сақлаш ва қадрлашнинг аҳамияти, ҳайвонлар дунёси, қушлар олами ҳамда дов-дараҳтлар, ўсимликлар ва гиёҳларга, ер, сув, борлик-атрофга инсоний муносабат — халқ педагогикасининг экологик тарбия замирининг асоси эканлиги, одатлар, удумлар, расм-русумлар, маросимлар, ирим-сиримлар, қарғиш ва олқиши-дуолар, табиат, диний байрамларнинг таълим-тарбиявий аҳамияти, халқ оммавий байрам-сайиллари «Наврӯз», «Меҳржон» «Рӯза ҳайит», «Қурбон ҳайит» ва бошқа байрамларнинг, боланинг дунёга келиши, қулогига азон айтиш, тиш чиқиши, илк қадами, бешикка солиши, биринчи кийим-бош кийдириш, беш, етти кун, ўн бир кунлиги, бир йиллиги, уч, тўрт, беш йиллигининг алоҳида байрам қилиниши, мактабга бориши, суннат қилиниши, кокил қўйиш, кокил олдириш, мўйлов оши, уйланиш — никоҳ тўйи, биринчи фарзанд кўриш, қирқ, эллик, олтмиш ёшлар тантаналари, Пайғамбар ёши, етмиш, саксон, тўқсон йиллик юбилейлари, кумуш тўй, олтин тўй, марварид тўй ва бошқа байрам-сайиллар, тўй-томушалар, одатлар, удумлар, маросимлар ва анъаналарнинг таълим-тарбиявий, педагогик йўналиши ва аҳамияти ва шу кабилар.

Санааб ўтилган ва бошқа юзлаб удумлар, расм-русумлар, одатлар, маросимлар, анъаналар, бошқача ибора билан айтганда, қадриятлар, халқ педагогикасининг қирралари нақадар кўп ва хўблигини тақозо этади.

Оллоҳ ўн саккиз минг оламни бунёд этгандан сўнг унга сарвар қилиб инсонни — Ҳазрати Одаматони яратган экан. Одамато қовурғасидан Момоҳавони яратиб, заминда одам уругини кўпайтирган, урчитган экан. Айтишларича, одамнинг қўнглига уч нарса урмас, яъни инсон уч нарсадан асло безор бўлмас, доимо ардоқлар экан. Дастлабкиси, эр учун аёл, аёл учун эр. Чунки, аёл Одаматонинг қовурғасидан, яъни бир вужуддан яралган. Вужудда эса ошиқча аъзо йўқ. Ҳеч ким бирон аъзосидан воз кечолмагани каби аёл жинси эрдан, эр жинси аёлдан айри ҳаёт кечира олмас экан. Инсон қўнглига урмайдиган иккинчи нарса ризқ-рӯз, яшаш омили бўлган нон экан. Мана неча минг-минг йиллар ўтса ҳам Одамато ва Момоҳаво илк бор таъмини татиб кўрган буғдой ҳамон уларнинг авлодлари насибаси бўлиб хизмат қилиб келаётир. Дунёдаги не бир шириналлар, таомлар нон ўрнини босолмаслиги барчага аён. Башарият фарзанди учун учинчи улуғ нарса бу — китоб экан. Зеро, Куръондаги дастлабки оят «Иқра» эканлиги, улуғ Пайғамбаримиз Мұхаммад Мустафо соллаллоҳу алайҳи васаллам ўқишини ўрганиб, Оллоҳнинг сўзларидан хабардор бўлиб, уларни халқа етказгани, муслимлар дилига сингдиргани маълумдир.

Китобнинг муқаддаслиги яна шундаки, одамлар у орқали фикран бойийдилар, ағтан ўсадилар, ахлоқий камфл топадилар, қандай сўзлаш, қандай яшаш зарурлителлини, имон-эътиқодни асрашни

билидилар. Шу боисдан ҳам ўзбек халқ педагогикаси анъаналари саҳифаларидан асосий ўринни ёруғ оламнинг гултожи — Инсон, унинг ризқ-рўзи — Нон ва ақл-идроқи маҳсули — Китоб одобномаси ва ибратномасининг ўрин олиши бежиз эмас.

Биз бу ўринда Оллоҳнинг ердаги уч муқаддас, улуғ неъмати ҳамда бошқа инсон, ҳаёт безаги улуғ хислат-фазилатлар, одобнома ва ибратномаларнинг ўзбек халқ оғзаки ижодида, педагогикасида акс этган намуналарига қисқача тўхталиб ўтамиз.

Даставвал шуни айтиш керакки, ўзбек халқ оғзаки ижодидаги ҳар бир жанр бир олам, одоб, таълим-тарбиянинг ўзига хос дарслиги дейиш мумкин. Дарҳақиқат, фольклорнинг ҳар бир жанр намунаси тарбиянинг умумий жиҳатларини акс эттиришидан ташқари, яхшилик, эзгулик ва одамийликни гўзал, ибратли мисолларда тасдиқлаши, даъват этиши, юқтириши билан бирга, аниқлик ҳам касб этади.

Чунончи, эпик ижод намунаси — қаҳрамонлик, ишқий-романтик, тарихий достонлар кўпроқ ишқ-муҳабbat ва вафо аслида қандай бўлишлиги, инсон ўзлигини таниш, ор-номус, бурчни англаш, имон-эътиқодли бўлиш, инсон ва ҳайвонот дунёси, масалан, от ҳамкорлиги, қийинчиликлар, тўсиқлар ва мушкул аҳволларни мардона енга олиш, мақсад йўлида қатъият кўрсатиш, ирода, матонат кабилардир.

Кўшиқлар (лирик, маросим, мавсум қўшиқлари, «Ёр-ёр»лар, «Алла»лар, йиги-йўқловлар, соғим, ўрим, янчиқ, байрам-сайиллар қўшиқлари, болалар фольклорининг намуналари ва бошқалар) гўзаллик, самимият, меҳр-шафқат, орзу-умид, қувонч-шодлик, фам-гусса, армон, қисқаси маҳзун ва маъсум туйгуларни тараннум этиш орқали ҳар қандай кишида чукур инсоний туйгуларни ўстиради, ҳаётга, табиатга, инсонга чексиз муҳабbat, камол топтиради. Эргаклар орқали кишилар сирли-сеҳрли олам билан танишади, бу борадаги билими, тушунчалари бойийди, яхши одамлардаги яхши хислатлар, ёмонлардаги бадхулқлар билан хабардор бўлиб, яхшиликка меҳри тобланади, ёмонликка нафрати ортади. Халқ донишмандлигининг юксак бадиий тимсоли, қисқа, содда, аммо ҳар бирининг маънолари катта-катта китобларга жо бўла оларли — мақоллар, маталлар ҳикматлар, қайроқи сўзлар, афористик иборалар ҳам халқ педагогикаси анъаналарининг заррин саҳифаларидандир. Бундай одобнома, ибратнома, қадршуносликка оид саҳифалар орасида кишини ақл-заковат, улдабуронлик, топқирлик, фикр-мулоҳазага ўргатувчи топишмоқлар, яхши кайфият, тетиклик, бардамлик, умидворлик уйғотувчи, умрига умр қўшишда муҳим таълим-тарбиявий ролни ўйновчи латифалар, асқия, қизиқчилик намуналари ҳам ўзига хос одобномалардир. Асотирлар, афсона ва ривоятлар эса донолар донолиги, ибрати, шунингдек, табиатни асраб-авайлаб, қадрига этиш, сақлаш, чиройига чирой қўшишга бўлган иштиёқни ўстириш, экологик тарбияни йўлга қўйиш, камол топтиришда муҳим

манбалардан бўлиши, педагогик тарбиянинг етакчи соҳаларига айланиши табиийдир.

Шундай қилиб, ҳалқ педагогикаси анъаналарида маълум ўрин тутувчи инсон одоби, таълим-тарбиясида ҳал қилувчи ролни ўйновчи, ҳалқимизнинг асрлар бўйи ўз орзу-умидлари, дард-аламлари, кувонч-шодликлари, ғам-гуссаларию армонлари, яхши кунлар орзуси, мустақиллик даври кишиларининг ахлоқий қараашлари, умуминсоний ва миллий қадриятлари акс этган фольклор намуналари муҳим тарбиявий аҳамият касб этади.

«Ўзбек ҳалқ педагогикаси» ҳақида сўз борар экан, шўролар тузуми, комфириқанинг сароб сиёсати туфайли унинг «бошига» тушган кулфатларни ҳам эслаб ўтиш фойдадан холи бўлмас. Дарҳақиқат, бошқа ўзбек қадриятлари қаторида ҳалқ педагогикаси анъаналари бошига ҳам бекиёс кулфатлар тушди: улардан бир қисми — эскилиқ қолдиқлари социализмга хизмат қилмайди, деб қораланган бўлса, бошқасига динни тарғиб-ташвиқ қиласи деб, уларга «реакцион» деган тамға босилди. Бошқаларига хос икки тамға босилиб, улар ёш авлод. тарбиясида заарали, деб топилди. Шу боисдан, қадим-қадимда яратилиб, ҳалқ таълим-тарбияси, одоб-ахлоқида муҳим ўрин тутган ҳалқ анъанавий педагогикасининг катта бир қисми унтилди, қолганлари ҳалқ орасида сочилган ҳолда яшаб келди. Йўқолиб бораётганларини сақлаб қолиш, сочилиб ётганларини тўплаб, кундалик таълим-тарбияда фойдаланиш хусусида ҳеч ким қизиқмади. Оқибат-натижада замонавий одобнома, таълим-тарбияда ҳалқ педагогикаси намуналари мутлақо четлаб ўтилди, дейиш мумкин. Ваҳоланки, ҳозирги замон таълим-тарбиясида, кишиларни маънавий устувор, имон-эътиқодда мукаммал қилиб тарбиялашда таълим-тарбиянинг бошқа манбалари каби ҳалқ педагогикасининг анъаналари ҳал қилувчи, жуда зарурий муҳим манба бўлиб хизмат қилиши мумкин эди.

Бу хато қанча тез тузатилса, шунча фойдали иш қилинади. Бугунги долзарб вазифа — мактаб, маҳсус ўрта ва олий таълим дастурларида, педагогикага оид қўлланмалар ва дарсликларда, қисқаси одоб-ахлоқ, таълим-тарбия ишларимизда «Ўзбек ҳалқ педагогикаси анъаналари»дан мақсадга мувофиқ тарзда кенгрок фойдалана билмоқдир. Қолаверса, миллий истиқбол мағкурасини яратишимида ҳам ўзбек ҳалқ педагогикасидан унумли фойдаланиш мумкин, чунки оғзаки ижод, ҳалқ педагогикаси анъаналари миллий истиқбол мағкурасининг асосий манбаларидандир. Яна бир муаммо. Миллий истиқбол мағкураси кишилар онгига жуда эрта, ҳатто оилада, болалар боғчаларидаёқ сингдирилмоғи, ёшларни ҳалқимиз оғзаки ижодиёти, педагогик анъаналари, қадршунослиги хуласалари асосида тарбиялаш, ахлоқий, маърифий-эстетик руҳда камол топтириш ҳар қачонгидан кўра ҳам долзарброқ муаммолардан бўлиб қолмоқда. Хўш, бу соҳадаги асосий муаммолар, амалга оширилиши ниҳоятда зарур бўлган амалий ва назарий ишлар, ташкилий изланишлар нималардан иборат?

*Биринчидан*, ёш авлодни миллий одоб-ахлоқ йўлида тарбиялашда фольклор, шунингдек, қадимий қадриятларимизда ифодаланган миллий ва умумбашарий хислат-фазилатлар мужассамланган тарбияга эришиш.

*Иккинчидан*, мактаб, олий ўкув юртлари тизимини бутунлай ўзгартириб, уни халқимизнинг миллий таълим-тарбияси, миллий анъаналари асосида бутунлай қайта қуриш; чунки, ёшларни ахлоқий-мафкуравий ва жисмоний етуклик, имон-эътиқод борасида илк таълим-тарбия берувчи бошланғич, ўрта ва олий таълим олийгоҳлари бўлиб, улар ўз фаолиятларини миллийлаштирмасалар, амалий кундалик ишларидан тортиб, ўқиш-ўқитишларигача халқимиз педагогикаси анъаналари асосида қурмасалар, сўз бораётган соҳада мустақиллигимиз талаб қилган даражадаги ютуқларга эришиш амри маҳол.

*Учинчидан*, халқ оғзаки ижоди том маъноси билан одобнома, халқ педагогикасининг ажралмас қисмидир. Чунки, халқ оғзаки ижодининг қайси шакли бўлмасин, юқорида таъкиллаб ўтилганидек, халқ ахлоқий қараашларининг у ёки бу жиҳатлари ўз ифодасини топган бўлади. Демак, халқ оғзаки ижоди одобномаси, унинг таълим-тарбиявий томонларидан кундалик ҳаётимида ҳар қачонгидан ҳам кўпроқ фойдалана билиш — давримиз, истиқолимиз талабларидандир.

*Тўртминчидан*, «Ўзбек халқ педагогикаси» ўкув қўлланмаси ва унинг кўп жилди тарихини яратишнинг вақти келди.

*Бешинчидан*, илмий-назарий тадқиқотлар ва амалий фаолиятда «Ўзбек халқ педагогикаси анъаналари»нинг нафақат ахлоқий, маърифий-эстетик жиҳатларидан фойдаланиш, балки унинг улкан қисми — халқ анъанавий спорти, жисмоний тарбия ва фольклор ўйинларининг, шу жумладан, байрам-сайилларининг фарзандлар жисмоний, ақлий тарбияси, бакувватлилиги, чаққонлиги, эпчиллиги, қисқаси, ҳар томонлама ақлий-жисмоний ривожланишининг синалган анъаналаридан мақсадга мувофиқ фойдалана билиш.

Демоқчимизки, боғча-яслилар, мактаб, олий ўкув юртлари жисмоний тарбия ва спортга оид фаолиятларини миллий ва умуминсоний қадриятлар асосида қайта қуриш, эрлар ва қизларни алоҳида-алоҳида ажратиб ўқитиш, жисмоний чиниқишининг миллий кураш, тош кўтариш, узоққа чопиш, узоққа сакраш, «Чиллак», «Тўптош», ошиқ ва тош ўйинлари, «Овш», «Қоп кўтариш», «Том ёпиш», «Чавандозлик», «Камонбозлик», «Сузиш», «Сув остида туришлик», «Қулоқ чўзма», «Тепа кураш», «Товон тепарлик», «Эшакминди», «Отда чопиш», «Айиқ-айиқ», «Бўри ва қўйлар ўйини», «Дараҳт қулатиш», «Рўмол олиш», «Олтин қабоқ», «Куч синашлик», «Тўп ўйини», «Беллашув», «Тортишув», «Зув-зувлаш», «Бекинмачоқ», «Ер олиш», «Мечмон-мечмон», «Ходага чиқиш»,

«Арқон тортиш», «Соч ўриш», «Толпопук», «Ё рамазон», «Бойчечак», «Гаплашиш», «Дарра уриш», «Пиёда кўпкари», «соққа», «тухум уриштириш», «ланка» каби юзлаб фольклор йўинилари — етуклик мактаби анъаналаридан қўллана билиш ва ҳоказолар.

Шундай қилиб, ўзбек халқ педагогикаси анъаналари, шу жумладан, унинг ажралмас қисми—оғзаки ижод намуналаридағи одоб-ахлоқ, таълим-тарбия борасидаги пандномалар бағоят ҳаётий, халқчил ва ибратлидир. Хусусан, анъанавий халқ достонлари ва эртаклари, кўшиқлар ва мақоллар — одобнома дарслари эканлигини, фольклорнинг бошқа катта-кичик жанрлари бошдан-оёқ пандномалигини унутмаслигимиз керак. Дарҳақиқат, ҳақиқий инсонни шакллантирувчи одоб-ахлоқ ҳақидаги халқ қарашлари, халқ оғзаки ижоди асарлари, хусусан, достонларда яшаб келади, уларда одоб-ахлоқ мавзуси ўта донишмандлик билан кенг ишланганига гувоҳ бўламиш.<sup>1</sup>

Бунинг учун биргина Жанубий Ўзбекистон достончилигига оид Қодир бахши Раҳимовдан ёзиб олинган ва нашрга тайёрланган машхур «Гўрўғли» силсиласига киравчи «Зайдикон» достонига назар ташлаш кифоя. Ушбу достонда машхур баҳодир ва юрт бошлиғи Гўрўғлининг болалиги ва илк орзу-умидлари, доимий ҳамроҳи ва йўлдоши Фиротга эга бўлиб, ор-номус, қадр-қиммат ва шаън учун бошдан кечирган дастлабки гаройиб баҳодирликлари, кўрсатган шижаот-жасоратлари юксак бадиий савияда акс этган.

Баҳодир Гўрўғли ҳали болалигига ҳаётнинг аччиқ-чучуги, баланд-пастини, яхши-ёмонни, хиёнату диёнатни, разолату адолатни, ёвуэлигу эзгуликни, росту ёлғонни, тўғрилигу айёрликни ҳамиша фарқлай олмайди. Унга буларни ўргатиш учун мураббий даркор. Аммо, асосий тарбиячилар — ота-она йўқ. Шу сабабли бу вазифани бажариш ҳомий — *Хизр ва 40 чилтон* зиммасига тушади. (Айни шу қаҳрамонлар образларининг қўлланиши туфайли ўзбек бахши шоирлари ва достонлари «бошига» коммунистик ахлоқ тарафдорлари томонидан озмунча тошлар отилмади, кулфатлар солинмади.) Дарвоҷе, мислсиз қаҳрамонликлар кўрсата оладиган, жасурлик, довюраклик, марду майдонликнинг тимсоли бўлган, яхшилик, эзгулик ва одамийлик, эл-юрт учун мардонавор кураша оладиган бўлғуси эпик қаҳрамоннинг тарбиячилари, халқ достонлари анъанасига кўра, фавқулодда донишмандлик фазилатларига, бениҳоя куч-кудрат ва илоҳий хислатларга эга бўлмоғи лозим. (Анъанавий достонлардаги айни шундай ўринларнинг ёшлар ахлоқи, таълим-тарбиясида айрича аҳамияти борлигини ёддан қочирмаслик керак.)

Қирқ насиҳатда инсонни севиш, ардоқлаш, қадрлаш, эъзозлаш, унинг баҳт-саодати учун курашиш зарурлиги кабилар қирқ чилтон насиҳати, дуо-олқишиларининг асосий мағизини ташкил этади.

<sup>1</sup> А. Эргашев, Р. Ҳакимов. Достонлар — одобнома дарслиги. Ўзбек халқ донишмандлиги сабоқлари. Т., 1993, 120—125- бетлар.

Кишиларга муҳаббат, даставвал, бири ақл, бири идрок бўлмиш ота ва онага силқидилдан муҳаббатдан, ҳаёт бағишлаган азизларни иззат-хурматини жойига қўйишдан бошланиши инсоний бурч эканлиги уқтирилади, инсонга инсоннинг ҳурмати, садоқати, меҳр-муҳаббати ифодаланади.

Қирқ насиҳат — дуодан бир-иккитасинигина келтирамиз:

Ота билан яшар ушбу башорат,  
Фарзанд учун ота олтин иморат,  
Ёмон бўлса ҳамки ота улуғдир,  
Кетган бўлса қил қабрини зиёрат.

Она кўрсатади жаҳон юзини,  
Олтинга бит ҳар бир айтган сўзини.  
Бириси ой бўлса, биридир қуёш,  
Тавоб айла босиб кетган изини.

Осмонга тош отсанг бошингга тушар,  
Ўлимтик қушни кўр маслиқни<sup>1</sup> тишлар.  
Бир марднинг изидан кулиб камситма,  
Қўлингдан келарми ул қилган ишлар.

Меҳнат билан топсанг молинг қиласр маст,  
Киши моли билсанг юқмас бир нафас.  
Бошинг эсон давлатингни кам дема,  
Хизмат қилган роҳат кўрмасдан қолмас.

Зилзиладан чиқар тоғнинг нидоси,  
Ҳеч киши бўлмасин фийбат фидоси.  
Силаганман ёби бўлмас тулпор от,  
Мақтагандан номард бўлмас асло мард.

Хулоса тариқасида шуни алоҳида таъкидлаб ўтишни истар эдикки, «Ўзбек халқ педагогикаси» ва унинг асосий манбаларидан бўлмиш оғзаки ижод — фольклорнинг инсон маънавий устуворлиги, имон-эътиқодининг бутунлиги, ватанпарварлик, дўст-биродарлик, яхшилиқ, эзгулик, аҳиллик, қадр-қиммат ва инсон шаънини улуғловчи саҳифалари ранг-барангдир. Бу саҳифаларнинг ҳар бири Одобнома, Ибратнома деб баҳоланишга тамомила асослидир.

Хозирги замон таълим-тарбияси, истиқлол мағкураси ана шу меросдан озиқланса, унинг энг яхши саҳифаларини, қоидаларини қабул қилса, ўз олдига қўйган мақсад-вазифаларини шараф билан бажариши мумкин. Чунки, халқ одобномаси ва ибратномасининг бу

<sup>1</sup> *Маслиқ* — ҳаром, ўлиб қолган ҳайвон гўшти.

икки теран, бой, сермаъно, мазмунли соҳаси — халқ оғзаки ижоди ва халқ педагогикаси анъаналари — инсонни ҳар томонлама тарбиялаш, камолга етказиш, маънавиятларимизнинг устувор, имон-эътиқодларимизнинг бутун бўлишини, юксак қадриятларимизнинг эъзозланишининг кафолатидир.

## ЎЗБЕК ХАЛҚ ПЕДАГОГИКАСИ НАМУНАЛАРИДАН ЛАВҲАЛАР

Ўзбекистон мустақиликнинг ластлабки босқичини ўтаётган шу кунларда ёшлар тарбияси масаласи, тарбияда халқ педагогикасининг тутган ўрни, унинг миллийлик ва умуммиллий (байналмилал)лик касб этиши долзарб муаммолардан бири бўлиб қолмоқда. Хусусан, республикамиз халқ таълими тизимини инсонпарварлаштириш, халқ-чиллаштириш асосида қайта қуриш, миллий мактаблар барпо қилиш, мавжуд мактабларнинг ўқув-тарбия жараёнини миллийлаштириш босқичида халқ педагогикаси стакчи ўринда туриши шубҳасиздир.

Халқ педагогикасининг ижодкори ва шу асосда авлод-аждолларимизни баркамол кишилар қилиб тарбиялаб келган биринчи ва тўнгич педагог — халқ — ўқитувчидир. Бироқ, афсуски, шўро тузуми даврида (қарийб бир аср давомида) ўзбек халқи ўз маданиятининг ажралмас қисми бўлмиш халқ педагогикасидан ажралиб қолди.

Мамлакатимиз ижтимоий ҳаётининг барча соҳасида ҳукм сураётган танглик маориф соҳасига ҳам жiddий салбий таъсир кўрсатмоқда. Бу танглик республикамиз халқларининг тарихан қарор топган умумбашарий қадриятларидан, бола тарбияси борасидаги педагогик қараашлар, ғоя, урф-одат, расм ҳам анъаналардан ажраб қолиш билан боғлиқдир.

Маълумки, миллат ўз тарихини унутса, унинг миллий педагогикаси ҳам ўз заминидан ажралиб қолиши табиий ҳол. Илгор демократия, инсонпарварлик асосида шаклланган халқ педагогикасидан ажраб қолиш умумтаълим мактаблари, ўрта ва олий педагогика ўқув юртлари, оила ва кенг жамоатчиликнинг тарбия борасидаги фаолиятига жiddий зиён етказди. Халқ Она сути билан кириб, унинг қон-қонига сингиб кетган миллий одоб-ахлоқ анъаналаридан маҳрум бўлди. Натижада, ёшлар ўртасида турли кўринишдаги ахлоқсизлик, жиноят, маънавий қашшоқликлар тобора кучайиб борди.

Маълумки, «халқ педагогикаси» деганда халқ оғзаки ижодиёти-нинг барча жанрларида акс эттирилган тарбия борасидаги қараашлар, ғоя, урф-одат, расм-руsum ҳамда анъаналар йиғиндиси тушунилади. Демак, халқ педагогикасининг асосий манбаи фольклордир. Худди шу жиҳатдан халқ педагогикаси мумтоз педагогикадан фарқ қиласди. Фольклор ҳамиша буюк мутафаккирларнинг диққат марказида бўлиб келган.

Халқ педагогикасининг қамрови кенг бўлиб, уни муайян халқ тарихи, фалсафаси, психологияси, этнографияси ҳамда халқ табобатидан ташқарида тасаввур қилиб бўлмайди. Фольклор — халқ педагогикасини, яъни халқ оммасининг тарбия борасидаги қарашлари, фоя, урф-одат ҳамда анъаналар йигиндисини ифодалайди. Шунингдек, тарбияни амалга оширишда қўлланиб келинган усул, восита, кўникума ва малакалар бирлигини ҳам ўз ичига олади.

Бироқ, афсуски, шу пайтгача халқ педагогикасини ўрганиш ва уни замонимиз нуқтаи назаридан қайта ишлаб улгурмадик ва амалий фаолиятда қўллай олмадик. Ўзбек халқининг бекіёс даражадаги бой педагогик фикр ва қарашлари илдизи кароматли «Куръон» ҳамда Мұхаммад алайҳиссалом ҳадисларига бориб тақалади.

Бола тарбияси борасидаги анъаналар ўзбек мумтоз адабиётида ўз аксини топа борган. Жумладан, IX—XII аср алломаларидан Низомулмulkнинг «Сиёсатнома», Носир Хусравнинг «Саодатнома», «Рўшноинома», Юсуф Ҳожибининг «Кутадгу билиг», Маҳмуд Кошгариининг «Девону луготит турк», Аҳмад Юғнакийнинг «Ҳибатул ҳақойиқ», Кайковуснинг «Қобуснома» каби асарлари жаҳон олимларининг эътиборини ўзига тортган ва улардаги педагогик фоялар салмоқли ўринни эгаллайди.

Хозиргача нашр қилинган халқ оғзаки ижоди намуналари ва фольклор материаларида бевосита болалар (ёшлар) иштирок қилмаган ёки қаҳрамонининг ёшлиги тасвиранмай қолган асар кам учрайди. Болалар бевосита иштирок қилган халқ ижоди намуналарида эса, қай даражада бўлмасин, халқ педагогикасининг тарбиявий анъаналари четлаб ўтилмайди. Демак, халқ оғзаки ижоди қадим замонлардан буён жаҳон халқларининг, шу жумладан, ўзбек халқ педагогикасининг ҳам ягона тарбия воситаси бўлиб келган ва у бизнинг замонимизда ҳам ўз қимматини йўқотмаган.

Ўзбек халқ педагогикаси бола кўриш, тарбия жараёни ва унинг жамиятда тутган ўрни, халқ педагогикасида тарбиянинг таркибий асослари (ақлий, ахлоқий, жисмоний, меҳнат ва нафосат тарбияси), миллий тарбияни амалга ошириш усул ва воситалари, ёшларни дастлабки оиласиб одоб қоидаларига одатлантириш ва уни амалга ошириш йўллари, ёшларни дастлабки оиласиб дастёрлик меҳнатига одатлантириш, уни амалга оширишда фойдаланиладиган усул ва воситалар, халқ педагогикасида мактаб ва ҳунар таълими, шунингдек, бошқа шу каби тарбиявий тадбирларни қамраб олади. Буларнинг ҳаммаси халқ оғзаки ижодида акс этиб келган. Илмий педагогика, ўз навбатида, ана шу омиллар заминида шаклланган.

Илмий педагогиканинг бош мақсади ва вазифаси — ҳар жиҳатдан тўла камолотга эришган, баркамол авлодни тарбиялаб вояга етказишига қаратилиди. Баркамоллик эса ёшларни ақлий, жисмоний, ахлоқий, меҳнат ҳамда нафосат жиҳатдан етукликни ўз ичига қамраб олади.

Бас, илмий педагогика халқ педагогикаси билан чамбарчас боғлиқдир. Халқ педагогикаси эса халқ оғзаки ижодида намоён бўлишини алоҳида таъкидлаш лозим. Маълум маънода, ўзбек халқ оғзаки ижоди тўғридан-тўғри бола тарбиясига таъсир этиш воситаси бўлиб хизмат қилган ва хизмат қилиб келмоқда.

Чунончи, тез айтиш — болалар нутқини ўстиришга, топишмоқ — болаларнинг топқирлигини тарбиялашга, мақол — болаларнинг одоб-ахлоқ тарбиясига, қўшиқ — болаларнинг нафосат тарбиясига, достон ва эртаклар — боланинг турли томонлама тарбиясига ижобий таъсир қилиб келган.

## Тез айтиш

«Фани филдиракни физиллатиб филдиратди».

«Олим Олимадан олма олдими, Олима Олимдан олма олдими?»

«Эшик олдида булоқ, булоқдан сув ичар улоқ, узун қулоқ».

«Тўп-тўп кўк копток, ҳар тўп кўк коптокда биттадан катта копток», каби тез айтишлар орқали гапдаги сўзлар маъносини тез англаб олиш, ургуларни ўз ўрнида ишлата билиш, болаларда нутқни тўғри ва бурро талаффуз қилидра олиш малакаларини ҳосил қилишда катта роль ўйнайди.

Топишмоқ (жумбок) қадимдан давом этиб келаётган ва халқимиз орасида, хусусан, ёшлар ўртасида энг кўп тарқалган жанрлардан биридир:

Тоғдан келар лўк-лўк,  
Бўйни узун, кўзи кўк.  
Ҳай-ҳай унинг юриши.  
Фамза билан туриши.

Узун-узун минора,  
Ҳар шохидан бир лола.  
Лоласидан олибман,  
Балосига қолибман.

Йўргакланган маликам,  
Сочлари ҳам бир тутам.  
Икки ажиб қулоги бор:  
Бири тинглар, бири сўзлар.  
Бир отаси, бир онаси,  
Неча юз минг боласи.

Болаларнинг топқирлигини тарбиялаш ва зеҳнини ўткирлаштиришда, фикрлаш қобилияtlарини ўстиришда топишмоқлар муҳим аҳамият касб этади. Ўз хусусиятига кўра, топишмоқларни топиш икки ва ундан ортиқ болалар ўртасида мустақил фикрлаш йўли билан, қизғин савол-жавоб усулида, тортишувлар, баҳслар орқали олиб бориладиган топқирлик мусобақаси жараёнидир.

Топишмоқ болаларнинг тобора кўпроқ нарса ва буюмларни, табиат ва унинг ҳодисаларини идрок қилишига ёрдам беради.

**Мақоллар** одамларнинг ҳаёти ва турмуши жараённида тўплаган тажрибалари, дунёкараши, ўзи яшаб турган ижтимоий ҳаётга бўлган муносабати, ўтмиш ҳаёти ва унинг ибратли сабоқлари, шахснинг руҳий ҳолати, умид ва орзуларини ифодалайди. Шунинг учун ҳам улар бола тарбиясида, хусусан, ахлоқ ва одобига ижобий таъсир этишда самарали таъсир кўрсатишига қодир.

Мақолларнинг ўзига хос хусусияти шундаки, ўзбек мақоллари, асосан, иккинчи шахс — тингловчига нисбатан ўгит-насиҳат йўси-нида, бадиий ўхшатишлар орқали айтилади:

Яхши бола ёғ келтиrap,  
Ёмон бола доғ келтиrap.

Яхши бола — тўрга тортар,  
Ёмон бола — гўрга.

Одоб — кишининг зебу зийнати.  
Одоб — олтиндан қиммат.

Сўз кишининг ўзаги,  
Одоб кишининг бозаги

каби мақолларда одоб-ахлоқнинг қиммати ҳақида гап юритилса,

Олтии олма, дуо ол.  
Дуо олтин эмасми.

Онангга бошингни хам қил,  
Отангга гапингни кам қил

сингари мақолларда ўгит-насиҳат биринчи даражага кўтарилиди.

**Қўшиқ** жанри ўшларнинг нафосат тарбиясида алоҳида ўрин эгаллайди. Ўзбек халқ қўшиқлари асосан «Алла», «Ёр-Ёр», «Үлан», «Азайифи» каби бир неча турда шаклланган.

Бола, даставвал, она «Алла»сини эшитади. Бинобарин, бола кўриш баҳтига мұяссар бўлган оналарнинг қай даражада бўлмасин, «Алла» айтолмасликларини тасаввур қилиш мумкин эмас. Ҳатто, кўғирчоқ ўйнашни уddyалай олган жажжи қизлар ҳам «Алла» айтиш билан гўё кўғирчоқларини овунтирадилар ва шу орқали қўшиқ оламига илк бор қадам қўядилар.

Она «Алла»сининг тарбиявий аҳамияти муҳимдир. X аср Ўрта Осиё халқларининг машҳур мутафаккири ва тиббиётнинг буюк сиймоси Абу Али ибн Сино она «Алла»сининг тарбиявий аҳамияти ҳақида болаларнинг талабини қондирмоқ учун унга икки нарсани кўлламоқ кераклиги, чунончи: бири — болани секин-секин тебратиш, иккинчиси — уни ухлатиш учун одат бўлиб қолган мусиқа — алла-лашдир, деган фикрни илгари сурган.

**Эртак ва достонлар** болани ҳар томонлама етук қилиб тарбиялашда асосий омилдир. Ўзбек оиласида эртак айтиб бермай бола ўстирган ота-она ва катталарни ёки эртак эшитмай улгайган ёшларни тасаввур қилиш қийин. Буни тарихда ўтган илм-фан вакиллари, шоир ва адиллар, жамоат арбоблари эътироф этадилар. Шулар жумласидан X. Олимжон болалик кунларида тинглаган эртаклари ва уларнинг таъсир кучини хотирлаб, шундай деб ёзади:

Болалик кунларимда,  
Ўйқусиз тунларимда,  
Кўп эртак эшитгандим,  
Сўзлаб берарди бувим.

Бувимнинг ҳар қиссаси,  
Ҳар бир қилган ҳиссаси  
Фикримни тортар эди,  
Ҳавасим ортар эди.  
Тинглар эдим бетиним,  
Узун тунлар ётиб жим,  
Сеза олардим кучин.

Эртак ва достонларнинг тарбия учун муҳим томони шундаки, унда халқ оғзаки ижодидаги топишмоқ, мақол, қўшиқ каби жанрлар жамланган бўлиб, улар педагогик гояларнинг мукаммалроқ, таъсиричан бўлишини таъминлайди. Эртак ва достонларда бола тарбиясининг деярли ҳамма таркибий қисмлари: жисмоний ва ақлий камолот, илм ва хунарга муҳаббат, меҳнатсеварлик, маънавий сифат ҳамда нафис дидларнинг таркиб топишига оид кўпдан-кўп педагогик маълумотларни учратиш мумкин.

Масалан, «Қорасоч пари» эртагида Нодир жуда ёш чоғида отадан етим қолади. Унинг онаси — доя Қамбар. У Нодирни сафарга жўнатиш олдидан бағрига босиб: «...Менинг уч насиҳатимни қулоғингдан чиқарма, биринчи — бировга хиёнат қилма, иккинчи — бировнинг дилини оғритма, учинчи — қайси шаҳарга борсанг энг аввало, ўша шаҳарнинг қариялари билан сұхбатлашиб иш кўр!» деб насиҳат қилади ва бола умрининг охиригача она насиҳатига амал қилиб, мурод-мақсадига етади. Шунга ўхшаш «Эрали ва Шерали» достонида Эрали билан Шералининг домласи шогирдларини кузатар экан, куйидагича насиҳат қилиб қолади:

Яхшиликдан ажратмагин дилингни,  
Ҳам яхшилик устун қилар қўлингни.  
Мискинларга сарф айла, бер пулингни,  
Мен сенинг қурбонинг бўлай Эрали.

Куч-қувватни фойиблардан тилагин,  
Фарибларнинг манглайини силагин.

Сен улардан олтин —дую тилагин,  
Дую олтин бўлур, билгин, Эрали,  
Мулла Ҳайдар, берди шу насиҳатни.  
Сен ҳам бўлдинг менинг бир фарзандим.  
Қулоғингда турсин шу насиҳатим,  
Минг яшагин, асло ўлма, Эрали.

Демак, юқорида кўрсатиб ўтилганидек, фольклор намуналари тўғридан-тўғри тарбия воситаси сифатида хизмат қиласиди.

Ўз фарзандини «саломлашиш»га одатлантиrolган ота-она улуғланади:

Қизил-қизил олма тердим, тепа шоҳдан эгилиб,  
Қизларжон ўтиб борадир сочбоғи ерга тегиб.  
Салом берсам, алик олди тол хипчиндек эгилиб,  
Ўстирган онангга раҳмат, ўлмагайсан кўз тегиб.

Бильякс, ота-она қаттиқ қораланади. Ота-она турли таъна ва иснодга қолади:

Икки юзинг пишган олма,  
Ноз этиб ҳаргиз буралма.  
Ишдан ҳеч бўйин товлама,  
Чиройлисан кўрдик келин.  
Онанг сени ўстирган хом,  
Сўзларимни уққин тамом.  
Катталарга бергин салом,  
Шунда қадринг ортар келин.

Шу билан бирга қўшиқларда «саломлашиш» ёшлиарнинг одобли ёки одобсизликларини белгилайдиган омил эканлиги ҳам кўрсатилади:

Ховличадан ўтаман,  
Эгри-буғри йўл солиб.  
Бир сўзим бор айтаман,  
Кўнглингизга қўл солиб.  
Ака, ёрингни кўрдим,  
Далада юрган экан.  
Қайрилиб салом берсам,  
Тили йўқ, ҳайвон экан.

Демак, қўшиқ асосан нафосат тарбияси воситаси бўлса ҳам, айни пайтда одоб-ахлоқ тарбияси воситаси сифатида муҳим аҳамиятга эга.

Ахлоқий тарбия усуллари жумласига: тушунтириш, намуна кўрсатиш, одатлантириш (ўргатиш, машқ қилдириш), илтимос қилиш, тилак-истак билдириш, маслаҳат бериш, ундаш, маъқуллаш,

раҳмат айтиш, дуо қилиш, олқиши (оқ йўл тилаш) кабилар киради. Тақиқлаш, таъна (гина, ўпка) қилиш, масхара (мазах) қилиш, мажбур қилиш, танбех бериш, койиш, қарғаш, қўрқитиш, узр сўраш, лаънатлаш, уриш, калтаклаш сингари тарбия усуллари ҳам кенг тарқалган.

«Уста Нишон» эртагида Нишон ўз қишлоғига кета туриб, йиғилганларга қарат: «Оталар, акалар, мен арзимаган сабаб билан сизнинг қишлоғингизга келдим. Тузингизни ичдим, иззат-хурматингизни кўрдим. Мени деҳқончилик қилишга, боғ тутишга ўргатдиларингиз. Сиздан мен жуда-жуда хурсандман. Энди менга ижозат берсаларинг, ўз қишлоғимга, ота-онам олдига кетсам. Сизлардан оқ фотиҳа сўрайман», дебди. Йиғилганлар: «Ўғлим, биз сиздан жуда хурсандмиз, бизнинг мушкулимиизни осон қилдингиз, боғроғларимиз қайта кўкарди. Сиздан ҳеч ёмонлик кўрмадик. Отангиз чақиртирган экан, иложимиз қанча. Ота-онангиз олдига боринг, умрингиздан барака топинг, яхши қаллик учрасин, бола-чақали бўлинг. Отангизга, волидангизга биздан дуо денг», деб жавоб берадилар. Бу эртакни ўқиган болада яхши хулқли бўлиш, дуо олиш, ота-онага раҳмат келтириш иштиёқи уйғонади. Энди қуйидаги манзарага эътибор беринг:

Сен, жувонмарг, эшит менинг тилимни,  
Нега сен йиғлатдинг менинг улимни?  
Нега урдинг эчки боқар калимни?  
Сен-да одам, билиб юргин йўлингни!

Боймамат хурмати, сийлаб турайин,  
Бундан бўлак теккин қани, кўрайин,  
Э жувонмарг, билганимдай қилайин,  
Қараб тургин, сен ҳам мени биласан,  
Эчки боқар калга тегсанг ўласан.

Бу парчада қоралаш усулининг қарғиши шакли ишлатилган. Шу сатрларни ўқиган болада ёмон йўлдан юриш, одобсиз бўлишдан кечиш туйгулари пайдо бўлади.

Ўзбек халқ педагогикасида юқоридаги каби фольклор жанрлари билан бир қаторда, бола яшаб турган мухит-шароитнинг воситачи роли ҳам мавжудки, булар ёшларнинг маънавий фазилатларини шакллантириша катта ва самарали тарбия манба ҳисобланади.

*Шулар жумласига*: болалар ўйинлари (кўп турда), чойхўрлик (чойхона гурунги), болалар гапи (гап айтиш), болалар мажлиси, меҳмондорчилик, ҳашар кабиларни киритиш мумкин. Қолаверса, халқнинг миллий урф-одатлари, турли анъаналар, байрам ва маросимлар болалар тарбиясида мухим аҳамият касб этади. Чунончи:

а) тўй маросимлари — бешик тўйи, суннат тўйи, никоҳ тўйи, ҳовли тўйи;

- б) сайиллар — дала сайли, гул (бинафша) сайли, қовун сайли;  
в) йиғин (томуша, туғилған қунни нишонлаш), йигит базми, қыз базми (мажлиси), келинсалом, улоқ (күпкари), пойга, кураш, турли шаклдаги мусобақалар;  
г) аза маросими, маъракаси;  
д) сафарга чиқиш, овга бориш; бизнинг замонимизда: кино, театр, истироҳат боғи, оммавий йиғину томошаларга бориш ҳамда байрамлар («Рўза ҳайит», «Курбон ҳайит», «Наврӯз»).

Бундай давралар ёки йиғинларнинг тарбиявий таъсири катта бўлган ва ҳозир ҳам ўз аҳамиятини йўқотган эмас. Масалан: «Дурадгорнинг ўғли» эртагида хон ўрдасига тезроқ етиб бориш учун шошилаётган ота ўғлига қараб: «Ўғлим, мени қачон қайтишим номаълум бўлиб турибди, балки бугун-эрта қайтмасман. Мехмонларга яхши қараб тур. Ўринларидан туриши билан жойларини йиғиштири, юз-қўлларини ювгани сув бер, сочиқ тут, сўнг салом бериб яхши ётиб турганликларини сўра, сут, қаймоқ билан нонушта бер. Керак бўлса, отларига ем-хашак тушириб бер, ҳурматларини қил. Башарти, бугун кетишадиган бўлиб қолишиса, мендан дуо айт, келолмас-лигимнинг сабабини айтиб, узр сўра. Кутишмай кетишса, кузатиб қўй. Кўз илғамайдиган бўлгунча орқаларидан қараб тур», деб тайинлади.

Шу йўсунда ота меҳмон билан қандай муносабатда бўлишни уқтиради. Шунга ўхшаш термалардан бирида:

Дўмбирамнинг қопқоғи тутдан,  
Мен айтайин арзи доддан.  
Устоз кўрмаган шогирдан,  
Мажлис кўрмаган йигитдан,  
Ақлли ҳайвон яхшироқ,  
Ақлсиз бўлиб ўсган қиздан,  
Мажлисдаги қўпол сўздан,  
Индамай кетган яхшироқ.

Шундай қилиб, ўзбек халқ педагогикасида илмий педагогикадагидек „аклий“, „ахлоқий“, „жисмоний“, „меҳнат ва нафосат тарбияси“ каби атамалар учрамайди. Аммо халқ донишманлигига — педагогикасида, ўзбек мумтоз педагогикасида айнан шу тарбия таркиблари назарда туғилғанлиги яққол намоён бўлади. Бугина эмас, ўзбек халқ педагогикасида илмий педагогикада қўлланадиган тарбия усул ва воситалари ҳам акс эттирилганки, бу педагогик тушунчалар, ёшлар иштирок қилган ёки ёшларга қаратса айтилган рамзий ўгитлар барча фольклор жанрларида яққол кўзга ташланади.



# **Зардүшт**

(Эрамизгача бўлган 589—512- йиллар)



Абулқосим Тусий Фирдавсий «Шоҳнома»нинг алоҳида боблари ҳамда „Гуштасп“ достонида Ўрта Осиё ва Эрон халқларининг Исломгача бўлган дини зардустийлик ҳамма унинг асосчиси Зардуст ҳақида меҳр билан ёзди, уни мўъбадлар мўъбади — донишманлар пешвоси, Пайғамбар деб таърифлайди, у асос солган Қомусий китоб — «Авесто»ни кўп тилга олади. Ҳақиқатан ҳам, Зардуст Шарқнинг биринчи файласуфи, нотиги, шоири, донишманди, халқ доҳийси ҳисобланади.

Чет эл ва ўзимизнинг шарқшунослардан Ян Рипка, К.В. Тревер, Е.Э. Бертельс, С.П. Толстов, И.С. Брагинский, Б.Faфуров, М.Дьяковнов, X. Мирзозодаларнинг талқиқотларидағи мулоҳазаларга қараганда, Зардуст эрамиздан олдинги VI асрда яшаган. У Хоразм ҳокимлигига қарашли вилоятда чорвачилик билан шуғулланган Спитама уруғидан бўлган. Отасини Пурушасп, онасини эса Дуғдова деб аташган. Болалигиданоқ, от ва тия боқиши билан шуғулланган Зардуст чорвадор қавмлар орасида юриб, уларнинг урф-одатлари, дину удумларини ўрганганди, ҳар хил эътиқоддаги кишилар пешволарининг суҳбатларида бўлган. (Биз ушбу матнларни ёзишда юқорида тилга олинган олимларнинг асарларидан, «Авесто»нинг «Маориф ва маданият» рўзномаси, «Садои Шарқ», «Помир» ойномаларида эълон қилинган матнидан фойдаландик — X. X.)

Маълумки, қадимги ота-боболаримиз турли-туман динларга топинган, у билан боғлиқ кўплаб расм-русумларни бажарганилар. Ана шулардан бири ҳар бир қабиланинг ўз Худосига қурбонлик қилиш одатидир. Чорвадорлар орасида кезиб юриб, мўйсафидлар гурунгига бўлган Зардуст кўп қурбонлилик натижасида борган сари молларнинг камайиб, қирилиб кетаётганини кўриб азият чекади, бунинг оқибати хунук бўлишини кўра билади; қабилалар орасида тез-тез содир бўладиган низо, қирғин урушларнинг негизи ҳам мана шу одат билан боғлиқлигини ҳис этади.

Турфа дунё-қарашдаги кексалар билан бўлган суҳбат, баҳслар натижасида Зардуст кўпхудоликнинг заарини тўла тушуниб етади ва йигирма ёшида ўзининг нор туясига миниб (Зардуст — сариқ

түн эгаси демакдир) қишлоқма-қишлоқ, шаҳарма-шаҳар кезади, яккахудолик гоясими тарғиб этади; уч ўғли, уч қизи билан оиласини хавф остида қолдириб бўлса-да, бу йўлда фидойилик кўрсатади. Натижада, ўн йилдан кейин ягона Худо — Аҳурамаздани кашф этади ва қабила, ургучилик эътиқодларига қарши яккахудолик гоясими тарғиб қилишни асосий мақсад қилиб қўяди. Бу ишда у инсон руҳиятига яқин туралиган халқ шеъриятидан усталик билан фойдаланган. Зардушт илгари сурган гоянинг негизини икки нарса ташкил қиласди: мутлақ фоя — Хурмузднинг яккаю ягоналигини тан олиш; яхшилик билан ёмонлик, ростгўйлик билан ёлғончилик, зулмат билан нур ўртасидаги доимий кураш ҳақидаги таълимот — борлиқни иккига бўлиб қураш — дуалистик қурашга содиқ қолишидир. Зардушт камбағал бўлган. У, оту туяси камлиги, ўз ақидаларини ёйиш йўлида мабласизлигидан шикоят қиласди, нолийди.

Зардушт таълимоти тобора халққа таъсир ўтказаётганини сезган мухолифлари унга қарши қатъий курашга киришадилар. Ҳаёти хавф остида қолган Зардушт бир гуруҳ тарафдорлари билан Хоразмдан Эронга қочиб ўтади ва ўз таълимотини узил-кесил шакллантиради.

Зардушт шоҳ Гуштаспнинг вазири Фрашаштранинг қизи Ҳавовига уйланиб, Иставатр, Уруватр, Пуручитра исмли уч ўғли ҳамда Фрини, Трини, Пуручисто исмли уч қизи бўлган. Доро I ҳукмронлиги даврида (эрамиздан олдинги 522—486- йиллар) ахоманийлар сулоласининг расмий дини зардуштийлик бўлган.

Фирдавсий ва Берунийнинг тавсифида, Зардушт биринчи бўлиб ўз динини Эрон шоҳи Виштаспга асослаб кўрсатиб унинг эътирофини қозонади. «Шахристонҳои Эрон» китобида Виштасп фармонига кўра Зардушт 1200 бобдан иборат панднома — «Авесто»ни олтин таҳтачаларга ёзиб, шоҳнинг оташкадасига топширган», деб ёзилган. Шундан сўнг шоҳ Пайғамбарнинг тарафдори сифатида янги диннинг фаол тарғиботчисига айланди. Бу орада Амунинг икки соҳилидаги юртларнинг ҳокими Аржасп акаси Виштаспни аждодлар эътиқодидан қайтганликда айблаб, унга қарши лашкар тортади. Тенгсиз мұхорабада Аржасп ўлдирилади. Натижада Эрону Туронда оташпарастлик — зардуштийлик дини тўла жорий этилади. Зардуштнинг хоҳиши ва Виштаспнинг фармонига мувофиқ барча шаҳарларда оташкадалар — ибодатхоналар курилади. Ана шундай оташкадалардан бири — энг улкани Балх шаҳрида қад кўтаради.

Зардушт 77 ёшида ўша олтиң суви билан зарҳалланган бинода ибодат пайтида кўпхудолик тарафдори Браторваҳ томонидан чавақлаб ўлдирилади. Аммо унинг таълимоти, асос солган дини Ажам ўлкаларида Ислом мажбуран қабул қилирилгунга қадар муқаллас эътиқод бўлган.

Ҳозир ҳам Жанубий Ҳиндистонда юз мингдан зиёд, Шимолий Эронда бир неча минг киши зардуштийлик эътиқодидадирлар.

Ўрта Осиё ҳалқлари орасида турли маросимларда, баъзи удумлар юзасидан шам ёқиб қўйиш, тўйларда гулхан ёқиб, унинг атрофида базм уюштириш, кўчага гулхан ёқиб, келинни унинг атрофида бир айлантиргач, уйга олиб кириш; чавандозларнинг катта гулхан алангасидан ошиб ўтишлари, йўргакланган чақалоқни гулхан устидан у ёқ-бу ёққа отиб олиш ва бошқа анъанаалар ҳам оташпарастликнинг ҳамон сақланиб келаётган удумлариданdir.



## **«Авесто»**



«Авесто» зардыштийлик динининг муқалласа китоби бўлиб, уни илк саҳифалари Зардушт томонидан 548—529- йиллар орасида, Амударё соҳилларида яратилган. Кейинчалик Жанубий Эронда оташпастлик динининг уламо-коҳинлари томонидан тўлдирилиб, такомиллаштирилган. Бу китоб 12 минг ҳўқиз терисига битилган!

Македониялик Александр Шарқни забт этганда унинг нодир нусхасини Элладага элтиб, ўзига керакли жойларини таржима қилдирган, қолганини эса ёқтирган. Эрамизнинг биринчи аслида ашконийлар ҳукмдори Валагес Ариакид ва учинчи асрда ҳамда Хусрав Парвиз, Шопури Хурмузд даврида «Авесто» бир неча бор кўчирилган, қайта тикланган. Кейинги вақтларга қадар «Авесто» нинг ватани хусусида олимлар ўргасида жиддий баҳслар бўлиб келарди.

80- йилларнинг ўрталарига келиб, барча тадқиқотчилар «Видёвдал» да учрайдиган Марв, Бақтрия, Ҳирот, Сўғд, Нисо, Хоразм, Сейистон, Амуларё, Сирдарё каби географик атамаларга асосланиб, «Авесто» нинг ватани Ўрта Осиё ва унга чегарадош юртлардир, деган қатъий холосага келдилар. Ҳақиқатан ҳам, «Авесто»даги географияга доир маълумотлар бу холосани тўла тасдиқлайди. Зероки, унда икки дарё ҳудудидаги жойлар, тоғлар, яйловлар ҳақида мулоҳазалар кўн.

Араблар VIII асрда Эронни забт этганда зардыштийликка садоқатини сақлаган бир неча минг маҳаллий аҳоли Жанубий Ҳиндистонга қочиб ўтадилар. Улар қадимги маданият, адабиёт ва эътиқодга доир ёдгорликларни ҳам ўзлари билан олиб кетадилар. Жумладан, «Авесто» нинг тўртдан бир қисмининг энг нодир нусхасини ҳам ўзлари билан сақладилар.

1723 йили инглиз олими Жорж Боуже «Авесто» нинг бир нусхасини Ҳиндистондан олиб келиб, Оксфорд коллежининг кутубхонасига топширади. Шундан сўнг бир неча йил оташпастлар орасида юриб, уларнинг қадимги тилини ўргангандар француз олими Анкетиль Дюпперон 1771 йили «Авесто» нинг бир қисмини сўз боши, асл матн ва таржимаси билан нашр эттиради. Бу иш туфайли Фарбий Европада «Авесто» га қизиқиш ва ўрганиш авж олади.

Хозир ана шу дастхатлардан бири Бомбайдаги Кома шарқшунослик илмгоҳида сақланади. Бу илмгоҳ зардыштийларнинг маданий маркази бўлиб, шу жамоа маблағи ҳисобига ишлайди. Китоб 1615 йилда парфиённий ёзувидан кўчирилган бўлиб, 672 бетдан иборат.

Бизга қадар «Авесто»нинг қўйидаги қисмлари стиб келган:

1. *Ясна* — ибодат пайтида ижро этиладиган матнилар. 72 бобдан иборат бўлган бу қисмнинг 17 боби Зарлушт қўшиқлари — Готмадҳиялардан иборат.

2. *Яшт*—оташпастларнинг Оллоҳни тавсиф этадиган маҳсус оҳанглар асосига қурилган мадҳиялари.

3. *Вендидод* — девларга — зулмат тимсолига қарши қонунлар мажмуаси. Мазкур бўлимда диний қонунлар матни, қадимги достонлар, мифларнинг мазмуни, парчалари сақланган мифологик қаҳрамонларнинг номлари келтирилган.

4. *Виспарад* — бутун борлиқ Оллоҳники. Ибодатлар тўплами, ибодат йўсилари.

«Яшт» ҳамда «Вендидод» да Зарлуштнинг шахсияти, руҳий олами, ижтимоий келиб чиқишига оид далиллар, зардуштийликнинг тарқалиш йўлидаги зиддиятлар ҳақида маълумотлар мавжуд.

«Авесто» зардуштийликнинг муқаддас китоби бўлиши билан бирга, илм-фан, ҳаётнинг барча соҳалари бўйича мукаммал маълумот берадиган улкан, энг кўхна манба ҳисобланади. Грек олими Плинний «Авесто»ни 2 миллион байтдан иборат (эрамиздан олдинги 3- аср) деган эди. Биз ундан Ўрта Осиё, Эрон ва Озарбайжон халқларининг энг қадимги маросимлари: урф-одат, эътиқод, ибодат пайтида қироат қиласидан оятлари, диний маросимларда ижро этадиган қўшиқлари, минглаб халқ оҳанглари ҳақида маълумот оламиз. Бундан ташқари, китобда қадимги халқ оғзаки ижодига тааллукли ягона сюжетлар — достонлар, парчалар мавжуд; Жамшид, Қаюмарс, Митра, Анахита, Ардивиссура, Заҳҳок, Фаридун, Баҳром сингари кўплаб мифологик тимсоллар, ривоятлар билан боғлиқ атамалар тилга олинади; «Мавзун сухан»— алоҳида ҳижо (бўғин) ва «қофияли шеър» ҳақида маълумот берилади. Чорвадорлик, деҳқончилик, савдо-сотигу ҳунармандчилик билан боғлиқ жуда кўп лавҳалар, мулоҳазалар баён этилади. Масалан, Зардушт қурғоқчилик юз бериши билан деҳқончиликка завол келиб, яйловлар камайиб, чорва моллари қирилиб кетаётганидан Хурмуздга илтижо билан мурожаат этади.

Бундан ташқари, «Авесто»да эрамиздан олдинги икки мингинчи йиллардан тортиб то олтинчи асрларгача бўлган даврдаги Ўрта Осиё ва Эрон халқлари тарихига доир, Сирдарё ва Амударё соҳилларида яшайдиган халқларнинг ижтимоий турмушига оид маълумотлар бор. Чунончи, китобда шу заминларда истиқомат қилган халқларнинг касб-кори, савдо-сотиги, қўшини халқлар билан муносабатлари баён қилинган: ҳар бир касб-хунар эгасининг жамиятда тутган ўрни алоҳида қайд этилган. Деҳқонлар билан чорвадорлар жамият моддий неъматларини яратувчилар сифатида таърифланган.

Бундан ташқари, мазкур обида иқтисодий ҳаёт, жуғрофия, фалакиёт, илми нужум, ижтимоёт, биология, фалсафа ва тиббиётга

доир кўп қимматли маълумотлар мавжуд. «Авесто» даги тиббий далиллар ота-боболаримизнинг табобатга доир қарашлари рим, юнон ва араб табобатидан кўхнароқ ва узокроқ тарихга эга эканлигини кўрсатади.

Ундаги тиббий маълумот кўпроқ «Вендиidot»нинг турли жойларида учрайди. «Авесто» даги тиббий фикрларни тахминан қуийдагича тасниф этиши мумкин:

1. Ташреҳ (анатомия) ва мизои (физиология).
2. Беморликларнинг олдини олиш воситалари.
3. Касалликлар ҳақидаги маълумотлар.
4. Беморларни даволаш йўллари.
5. Табибларнинг ахлоқи ва табобатга оид баъзи қонун-қоидалар.

«Авесто»да инсон аъзолари, мушак, суюк, тери, мия, асаб, бадан юнги, томир ва қонга (асаб ва мия — ерга, бадан туки дарахтга ўхшатилган), бадандаги томирлар қора қонли томирлар, қизил қонли томирлар ва оқ, яъни қонсиз томирлар (асаб) га бўлинган.

Баданинг қуввати эса жон, виждон, равон (тан), идрок ва азалий (қадимий) руҳ каби 5 қисмга бўлинган, «Жигар қон манбаи бўлиб, ўнг томонда жойлашган» дейилади.

«Авесто»да ер, сув, замин, хона, бадан, кийим-кечак, озиқ-овқатларни тоза тутиш ва сақлашга алоҳида эътибор берилган. Унда гўристонларни шаҳар ва қишлоқлардан йироқда ташкил этиш, уни ўраб қўйиш, мурдашуйларни махсус тозаликка риоя қилиши, мурда теккан либос, ерларни қатрон қилиш хусусида фикрлар мавжуд. Инсон ёки ҳайвон ўлиги тушган сой, ариқ, ҳовуз, қудуқларни бир неча марта қатрон қилиш (сувга тўлдириб бўшатиш, ёмғир суви билан ювиш, тўлдириб бўшатиш) таъкидланади. «Унинг (сувнинг) устида уч ҳайвон ичадиган сувга айланади». Ахурамазда жавоб берди: — Ўт-ўланлар ҳамда мевали дарахтлар экилган, сувлари ҳамиша равон бўлган замин энг яхши ердир. Аёл ва фарзандлари сарсон ва саргардон юрадиган (физо тополмайдиган) ер энг ёмон заминдир. Ерни ифлос қилган ва уни асраш қоидаларини бузган шахслар «400 қамчи уриш жазоси»га гирифтор қилинарди. Инсон яшётган хонадаги обрезхонада ювиниш ва чўмилиш қатъиян ман этилган. «Авесто» даги муҳит тозалигини сақлаш ва касалликларни олдини олиш воситаларини қуийдаги гуруҳларга бўлиш мумкин:

1. Ахлатларни бекитиш, ифлосланган жойларни тупроқ, тош, кул билан кўмиб ташлаш. Шу йўл билан микроблар ўлдирилган ёки камайтган.
2. Оташ, иссиқлик ва совуқлик йўли билан йўқотиш. «Авесто» да оташ — покловчи ва офатни кетказувчи восита. У билан ҳатто кийим-кечаклар зарарсизлантирилган.

3. Кимёвий йўл: кул, сирка, шароб, турли гиёҳлар (исфанд, михак, садаф, пиёз, алоэ, сандал) тутатиш йўли билан: буларнинг

кўпи ҳозир ҳам микроқушидир. «Вандидод» нинг 5- бобида шамол, ҳайвон, парранда, пашша орқали турли касалликларнинг тарқалиши қайд этилган. Касаллик тарқатадиган ҳайвон ва ҳашаротларни йўқотишга даъват этилган ҳолда, «Авесто»да уй жониворларини эҳтиёт қилишга даъват кучли бўлган. «Вандидод» да «...сув ёки (ов) итини ўлдириган киши 10000 барсум, 10000 руҳиятни тетиклаштирадиган ўсимлик барги бериши лозим. Шунингдек, у 1000 эҷкемар, 1000 та сув қўнғизи, касал тарқатувчи пашшани ўлдириб, гуноҳини ювиши лозим», дейилган.

«Вандидод» нинг 5- ва 17- бобларида доимий бадантарбия билан шугулланиш, кунда юз-қўлларни бир неча марта ювиш, сочни тоза тутиб, тирноқларни тез-тез олиб туриш тавсия этилади. Инсон меъёри билан доим тўқ юриши, кўпроқ гўшт истеъмол қилиши лозимлиги уқтирилган.

«Авесто» да иссиқлиқ, совуқ ҳаво, очлик ва пораҳўрлик, руҳий изтироб, бузилган таомни ейиш, тозаликка риоя қилимаслик; Ариман юборган қурт, пашша ва бошқа ҳашаротлар, ёмон ҳаво касалликларнинг асосий манбаи дейилади. Унда 9999 касалликни Ариман пайдо қилди, дейилади.

Эркак зурриёт қолдириш қобилиятига эга бўлса-ю, аммо уйланмаса, унга тамға босишар ёки бслига занжир боғлаб юришга мажбур қилишарди. Баъзан эркакни қопга солиб калтаклашган. «Авесто»да қариндошлиарнинг ўзаро оила қуриши ман этилган. Қавм ва уруғ қонини тоза, авлюдни бенуқсон сақлаш учун шундай қилинган. Кўп болали оиласаларга давлат ҳисобидан нафақа тайинлаш лозимлиги қайд этилган, бир йўла 2—3 та туққан аёллар мукофот олишга сазовор деб уқтирилади.

«Вандидод»да касалликларни режим, парҳез, дуо, дори, жарроҳлик йўллари билан даволаиш айтилади ва доривор ўсимликларнинг номи берилган: шира, барг, дон, гул, мева, бута, гиёҳ илдизи ва ҳоказо. Улар заъфарон, коски, кунжут, кўкнори, сипонд, зира, пиёз, сиёҳдана (седана), савсан, қатрон, найшакар, турп, хурмо, сабзи, беҳи, шакар, асал, зйтун мойи ва бошқалардан тайёрланган. Жарроҳликда асл шаробга наша қўшиб бериб, бехуш қилиб кесишган; Буқротнинг табиблар қасамёди ҳақидаги фикридан бир неча аср бурун «Авесто»да табибларнинг маҳсус қасамномаси келтирилган; табобат раман — илон заҳар сочаётган идиш — жом тасвири ҳам илк бор шу китобда тасвирланган. Унда қадимги кишиларнинг ўртача умри 800—900 йил бўлиши, айрим одамлар яшаш шароити, муҳитга қараб 1400 йилгача умр кўриши мумкинлиги уқтирилган.

Хуллас, қадимги ажлодларимиз яратган «Авесто» дунёдаги энг қадимий, ноёб билимлар хазинасиdir. Унда одамдаги барча — диний, дунёвий, табиий фанлар бўйича теран мuloҳазалар мавжуд.

## «АВЕСТО» ДАН НАМУНАЛАР

Тарбия — ҳаётнииг энг муҳим тиргаги (таянчи) бўлиб ҳисобланиши лозим. Ҳар бир ёшни шундай тарбиялаш зарурки, у аввало яхши ўқишни ва сўнгра эса ёзишни ўрганиш билан энг юксак поғонага кўтарилисин.

\* \* \*

Мен зардуштийлик динига содиқ бўлишга ваъда бераман, мен яхши фикрлар, яхши сўзлар, яхши ишларга ишонаман...

\* \* \*

Болалар ёш пайтиданоқ дараҳт кўчати ўтқазиш, уй-рўзгор қуроллари ясаш, ерга ишлов бериш ва чорва билан шуғуланишга ўргатилиши шарт.

\* \* \*

Яхшилик ва эзгулик яратиш учун киши меҳнат қилиши, ўз қўллари билан моддий ноз-неъматлар яратиши лозим.

\* \* \*

Инсон чорванинг кўпайишига, яйловларнинг гуллаб-яшнашига ёрдам берган тақдирдагина, деҳқончилик ва сугориш ишларида иштиёқ билан меҳнат қилгандагина Худонинг иноятига ноил бўлгусидир.

\* \* \*

Порсо инсон уй тиклаб, оловга ва оиласига, хотин ва фарзандларига, подаларига ўрин ажратиб берса, ем-хашаги кўп бўлиб, чорваси ва итлари тўқ яшаса, уйида ноз-неъматлар муҳайс бўлиб, хотин ва фарзандлари фаровон яшаса, уйида эътиқоди событ, олови алангали, бошқа нарсалари ҳам мўл-кўл бўлса, ўша манзил муҳтарамдир.

\* \* \*

... Меҳнат қилмайдиган одам! Сен ҳақиқатан ҳам тиланчилар қаторида, ёт эшикларга таъзим қилиб, агадулобад бош эгиб туражаксан! Ҳақиқатан ҳам, сенинг ёнингдан турли хил зироатларни олиб ўтадилар, бу ноз-неъматларнинг барчаси меҳнат қилаётган, тўқ ва фаровон яшаётган хонадонга насиб қиласди. Агадулобад шундай бўлажак!

\* \* \*

Дон эккан киши, тақводорлик уруғини экади, у маздага ихлосмандлик эътиқодини олға суради, у имонни озиқлантириб туради...

\* \* \*

Буғдой ўстирила бошланса, девларни қора тер босади, совурилган буғдой тайёр бўлса, девлар заифлашиб қолади, ун тайёр бўлгач эса

девлар нола-фигон чекишиши... Девларни мағлуб этиш учун хонадонда ҳамиша унли овқат бўлиши лозим — бу овқатни егандан сўнг улар жуда қизишиб кетишади ва қоча бошлайди.

\* \* \*

Еб-ичмайдиган инсоннинг тоат-ибодат қилишга кучи бўлмайди, эр-хотинлик вазифасини адо этишга қуввати етмайди, бола туғдира олмайди.

Озиқ-овқат яхшиланиши билан халқнинг ахлоқ-одоби ҳам кучаяди. Овқат мўл-кўл бўлса, илоҳий сўзлар яхшироқ идрок этилади.

\* \* \*

Яхши кун кўриш учун даркор бўлган нарсалар мўл-кўлчиликдадир.

\* \* \*

Ерга ўғит ташлаган ва экин эккан дехқон эса аёлни фарзандли қила олган эркакка ўхшайди. Аёл ва фарзандлари сарсон-саргардон юрадиган (ғизо тополмайдиган) ер энг ёмон заминдир.

\* \* \*

Ўт-ўланлар ҳамда месвали дараҳтлар экилган, сувлари ҳамиша равон бўлган замин энг яхши ердир. Қаровсиз қолган ер эса, гўё турмуш қурмаган қиздай...

\* \* \*

Инсон бутун умри давомида сув, тупроқ, олов, умуман, дунёдаги жамики яхши нарсаларни пок ва бус-бутун асрашга бурчлидир.

\* \* \*

Ер, сув, ҳаво, оловни асрани қоидаларини бузган киши 400 қамчи уриш жазосига маҳкумдир...

\* \* \*

Ҳар бир инсон ўзи ўсиб-улгайган (заминни) мамлакатни энг яхши ва гўзал мамлакат деб тушунмоги керак.

\* \* \*

Ҳар бир инсон (зардушт), кунига беш марта ювиниб, покланиб, қуёшли олқишилаб сифиниши шарт.

\* \* \*

Агарда қарз олган одам қарзини вақтида қайтариб бермаса, барибир у тунда бирорнинг уйига ўғрилийка кирган одамга ўхшайди.

\* \* \*

Агар мурдани қушлар олиб кетса, у художўй одамдир. Агар мурдани ҳайвон ёки ит олиб кетса — бундай одам ҳурматга сазовор

бўлмаган кишидир. Агар ҳеч қандай жонзот мурдага яқинлашмаса — у ниҳоятда бахтсиз кишидир.

Мен яхши фикр, яхши сўз, яхши ишга шон-шавкат бахш этаман. Мен яхшиликдан иборат Мазда қонунига шон-шавкат бахш этаман.

\* \* \*

Яхши фикр илоҳий қонун руҳидаги, яқин кишисига меҳрибон бўлиш, муҳтожлик ва хавф-хатар остида қолганда кўмаклашишга шайлик, ёвузликка қарishi, кишилар баҳт ва саодати учун фаол курашишга шайлик, ҳамма билан аҳил ва тотувлиқда, ўз маслакдош биродарлари билан дўстлик ва ҳамжиҳатлиқда яшашга интилишда руҳидаги ниятлар ва фикрлар мусаффолиги тушунилади. Инсон ўз фикру хаёлида бошқаларга ҳасад қилмаслиги лозим; яхши ниятли киши дарғазаб бўлмайди ва бошқа жаҳолатларга берилмайди, аммо бундан ўзгача ҳолатида у яхши ниятини йўқотади, бурч ва адолат ҳақида унугтади ва ножёй ҳаракатлар қиласди.

\* \* \*

Кимки менга содиқ бўлса, энг яхши нарсага мушарраф бўлади, кимки содиқ бўлмаса, унга энг ёмон нарса насиб этади, менинг ақл-идроким ва менинг фикримнинг аҳду қарори ана шундай! Кимки мени — Заратуштрани қувватласа, бунинг эвазига истаган барча нарсалари билан биргаликда бир жуфт соғин сигир ҳам олади!

\* \* \*

Яхшилик таълимини ва садоқатини амалга ошириб... яхши ҳокимлар ҳукм юритаверсинлар! Одамларга ва уларнинг авлолиларига баҳт-саодат келтирадиган таълимни амалга оширсинлар!

\* \* \*

Чиндан ҳам сен (ўз баҳтингдан) ўзингдан баҳраманд бўлганинг учун ҳам роҳат-фароғатдасан... Уларнинг (яъни баҳтли кишиларнинг) уй-жойлари шинам, чорваси мўл, узоқ-узоқ вақтларгача мўл-кўлчилиқда яшайдилар... Уларнинг қизлари қўлларига билагузуклар тақиб, белларига камарни маҳкам боғлаб ўтирадилар.

\* \* \*

Чорвадорлар тўқ бўлсин учун чорвани муттасил парвариш қилмоқ лозим.

\* \* \*

Ҳозирги яхшилик ва ёмонлик ўртасида ўқкиланиб турган кимса қиёмат кунида яхшилик учун ҳам, ёмонлик учун ҳам жавоб беради.

\* \* \*

Тақводор киши ўт-олови ва сут-қатиги, ичида хотини, болалари ва яхши чорваси бўлган уй қурган жой — чиндан ҳам энг яхши

жойдир. Бундай уйда чорва мўл, хотинлар мўл ва болалар мўл, ўт-олов мўл ва хилма-хил рўзгор буюмлари мўл бўлади. Ҳақиқатан ҳам шундай жой — Спитам Заратуштра, кўпроқ фалла, ўт-олов, экин-тикин, мева-чева етишириладиган, ҳаммадан ҳам кўпроқ чорва боқиладиган жой энг яхши жойдир.

\* \* \*

Экин экиш — демак, ердаги ёвузликни йўқотишдир, чунки дон етилганда девларни тер босали, тегирмон пайдо бўлганда девлар гангиб қоладилар, ун чикқанда девлар саросимага туша бошлайдилар, нон пайдо бўлган пайтда девлар қўрқянларидан зўр бериб дод соладилар.

\* \* \*

Чорвадор яхши ният учун курашади, чорвадор бўлмаган киши бундай ниятдан йироқдир.

\* \* \*

Тақволи чорвадор ўз туриш-турмушида одил, оқил ва хурматга сазовор бўлса катта подага эга бўлиши мумкин.

\* \* \*

Эзгу ўй, эзгу сўз ва савоб ишлар билан эзгу ўй, эзгу сўз ва савоб ишни алқайман. Ўзимни бари эзгу ўйларга, эзгу сўзлар (айтиш)га, яхшилик ишлар амалига баҳшида қиласман, барча ёмон ўйлардан, ёмон сўзу ёмон ишлардан юз ўгираман.

\* \* \*

Топинчим ва мақтovларим, эзгу фикрим ва сўзим, (савобли) ишларим танамдаги жоним билан бирга Сизларга бўлсин, ўлим билмас Валийлар.

\* \* \*

Ҳақиқат — энг олий неъмат.

## АРАСТУНИНГ ИСКАНДАРГА НАСИҲАТИ

Юнон подшоҳи Филипп (Филипп II — эр.авв. 382—336- йиллар). Александр Македонский (Искандар)нинг отаси. Эр. авв. 359-йилдан Македония подшоҳининг касали оғирлашиб, ўғли Искандар (Александр Македонский — эр.авв. 356—323- йиллар) буюк жаҳонгир (эр.авв. 336-йилдан Македония подшоҳи) салтанат тахтига ўтирганда, Арасту (Аристотель — эр.авв. 384—322- йиллар), қадимий юнон файласуфи, Афлотун (Платон)нинг шогирди (Александр Македонскийнинг мураббийси) унга шундай дебди: «Бирор кимса тўғрилик ва яхшилик билан амр этса, фақат шунинг ўзи учунгина буйруғига бўйсунган кишидан баҳтлироқ эмас. Билимдоннинг илму

денишдан оладиган баҳраси талаба олган баҳрадан ортиқроқ эмас. Бирор одам панду насиҳат қилса-ю, насиҳати қабул қилинса, у ўйтларини эшигтан кишидан кўра кўпроқ ҳамду сазовор эмас.

Тангри таоло бандаларига ўзи ихтиёр этмаган нарсани ихтиёр қилмайди. Чунончи, уларга раҳмдил бўлишни буюрган, ўзи уларга раҳм айлаган. Уларга содиқ ва ростгўй бўлишни амр этган, ўзи ҳам уларга нисбатан садоқат ва ростгўйлик билан иш тутган. Эҳсон қилишни фармойиш этган, ўзи ҳам уларга эҳсон қилган. Афву этишни тайинлади, ўзи ҳам уларга баҳшида этиб, марҳамат кўрсатди. Шундай бўлгач, (Тангри таоло) бандаларидан ўзи уларга ато этган нарсадан бошқасини қабул қилмайди ва уларга ўзи ато этган хулқу атворга хилоф иш тутишларига рухсат бермайди. Бинобарин, қўл остингдаги фуқаро билан ўзинг улардан интиқ бўлиб кутаётган раҳм-шафқат, афву мурувват билан иш тутгил. Ишончинг комил бўлсинким, агар қўл остингдагиларга меҳрибон бўлсанг, Оллоҳнинг буюк инояту муруввати сенинг барча ишларингда мадад бўлгай. Билгинким, сендан яхши ном ва Парвардигорнинг розилигидан ўзга нарса сақланиб боқий қолмагай<sup>1</sup>.

Агар Тангрига таянсанг, сени ўзгалар зааридан омон сақлагай. Агар ундан ўзгага таянсанг, замон офтларини ўзингдан дафъ этолмайсан ва ҳеч бир бошқа одам ҳам балою қазони сендан дафъ қилолмайди. Шуни билгилки, ўзинг бузук ва фосиқ бўлсанг, раияту фуқарони ислоҳ қилолмайсан.

Агар ўзинг адашган гумроҳ бўлсанг, уларга йўлбошчилик қилолмайсан. Агар нотўғри йўл (залолат)да бўлсанг, уларни тўғри йўлга бошлай олмайсан. Ахир ўзи кўр бўлган одам, қандай қилиб кўрга йўлбошчилик қилсин? Ўзи қашшоқ бўлган одам, ўзгани бой қила оладими?<sup>2</sup>

Кимки, ўзи хору залил бўлса, ўзгани қандай қилиб машхуру азиз эта олсин?<sup>3</sup>

Билгилки, ислоҳ этишни истаган ҳеч бир кимса, ўзини ислоҳ қилмагунча, ўзгаларни ҳам ислоҳ эта олмайди. Агар ўзи бузуку фосиқ бўлмаса, бошқа бир кишини фасод ишга тортолмайди. Агар қўл остингдагиларни ислоҳ этишни истасанг, ислоҳ қилишни

<sup>1</sup> Саъдиё, ҳеч қачон ўлмайди никном,  
Мурда улким, тиригу лаънатлар мудом. (Саъдий)

Яхши ҳам, ёмон ҳам қолмайди мудом,  
Яххиси олиб кет бундан яхши ном. (Саъдий)

<sup>2</sup> Куруқ булут, суви қуриган,  
Сув берганин ўзи ким кўрган?

<sup>3</sup> Айт, эй Оллоҳ, сен подшоҳларнинг подшоҳисан, истасанг подшоҳ этиб тайинлайсан, истаганингни подшоҳликдан туширасан, истаганингни улуғлайсан, хоҳлаганингни пасту залил этасан. Барча эзгуликлар сенинг қўлингдадир. Сен барча ишга қодирсан.

ўзингдан бошлагин. Агар ўзгалар айбини йўқотишни хоҳласанг, аввал ўзингни айблардан ва хунук хулиқ-атвордан поклагин. Ҳеч қачон ўйлаган фикринг сенга фириб бермаслиги лозим<sup>1</sup>.

Агар сўзларинг гўзал, қилмишларинг эса хунук бўлса, ишлари гапларига тескари, зоҳири ботинини акс эттирамайдиган ваъзхон бўласан, қоласан.

Билгилки, сенинг замирингда турли хислатлар мавжуддир. Улардан баъзилари маъкулдир, бошқалари эса лаънатга лойикдир. Сенинг энг ёмон душманларинг иолойиқ хислатларингдир. Сен учун энг яхши нарсалар эса, сенинг таҳсинга сазовор хислатларингдир. Шундай бўлгач, баъзи ёмон хислатларингни бошқалари ёрдамида ўзингдан узоқлаштиргин. Фазабу аччиғингни сабру чидамлилик билан, нодонлигингни илму дониш билан, фафлату аромушкорликни хотирлаш ва дикқат қилиш билан ўзингдан узоқлаштиргин.

Билгилки, агар замона ҳукмдорлари солиҳ бўлсалар, ҳалқ учун улардан яхшироқ одам йўқ. Агар ҳукмдорлар бузуку фосид бўлсалар, ҳалқ учун улардан ёмонроқ кимса йўқ. Ҳукмдор (валий)нинг фуқарога нисбатан тутган ўрни, руҳнинг бадандаги мақоми, бошнинг инсоннинг бошқа аъзоларига нисбатан тутган мавқеига ўхшайди. Руҳсиз бадан ўлими муқаррар, бошсиз инсоннинг бошқа аъзолари ҳам сақланиб турмайди.

Раият ҳукмдорни ислоҳ қилишга эҳтиёж сезгани каби, ҳукмдор ҳам ўз мақомининг анча устунлигига қарамай, раиятни ислоҳ этишга эҳтиёж сезади. Бирининг куч-куввати ўssa, бошқасининг ортишига сабаб бўлади. Бирининг куч-куввати заифлашса, бошқасиники ҳам заифлашишига сабаб бўлади. Агар ҳукмдор ўз раияти ичидан бузуқлигу фасод тарқалганлигига қарамай, ўзини ислоҳ қилишдан узоқ бўлса, мисоли боши ўзга аъзоларидан узилиб қолган инсоннинг баданига ўхшайди ва унинг ҳалокати муқаррардир. Бироқ, фуқаро ўзининг фосиқ ҳукмдорини тузатганидан ёки солиҳ ҳукмдорининг бузуқ томонларини ислоҳ қилганидан кўра, ҳукмдорнинг ўзи фуқаросини ислоҳ этса, мақсадга мувофиқроқдир. Зоро, унинг куч-куввати кўпроқ, фуқаронинг нуфузи ва куввати эса камроқдир. Шоир Ҳўмер шундай деган экан: «Замон пешволари ўзларига эргашган кишиларни куч-кудратлари соясида ислоҳ қиласидилар, бироқ, эргашувчи одамлар ўз пешволарини ислоҳ эта олмайдилар»<sup>2</sup>.

Сен ҳирс ва тамадан сақланишинг керак. Сени ислоҳ эта оладиган ва ўзингнинг ёрдаминг билан тузалишингга сабаб бўладиган куч — тўғрилик, порсолик ва тақвадорликдир. Тақвадорлик имон воситасида камол топади. Имон эса фикру андиша соясида ҳосил бўлади. Бу дунё ҳақида ўзингча бир фикр қилиб кўрсанг, уни улуғлаш мақсадида

<sup>1</sup> Ўйларинг ва гапларинг қилмишларингга зид бўлса, ўзингни алдаган бўласан.

<sup>2</sup> Ҳўмер (Гомер — қадимги юонон афсонавий шоири). Машхур «Илиада» ва «Одиссея» асарларини унинг қаламига мансуб деб ҳисоблайдилар.

нариги дунёни хор тутмоинг нолойиқ иш эканлигини тушунасан. Зоро, бу дунё ранжу хонаси, турумсиз мұвақат манзилдир. Шоир Ҳўмер демишким: «Ҳар бир зиддиятли нарса ўз зиддиятига қаршидир. Заволу йўқолиши яқин бўлган нарсанинг яхшилигу фойдаси йўқдир».<sup>1</sup>

Ўзингнинг номаъкул хулқ-авторингни тузатгил. Зероки, агар ёмон ахлоқ дунёвий майлу истаклар билан бирлашса, худди оловга ўтиң ёки балиққа денгиз муносиб бўлганлек бўлади. Агар номаъкул хулқ-авторни ўзингдан узоқлаштирсанг ва ул нафсоний истакларнинг йўлини тўссанг, олов ўтиң йўқлигига учганидек, балиқ денгиз бўлмаганида ҳалок бўлганидек, сенинг номаъкул хулқ-авторинг ҳам йўқола бошлиайди. Агар бойлик тиласонг, уни қаноатдан изла. Зероки, ким қаноатсиз бўлса, молу дунёси қанчалик кўп бўлмасин, унга ёру мададкор бўлолмайди. Ҳўмер шутидай деган экан: «Кимки, қаноат қилишни тарқ этса, у бадавлат бўлолмайди. Қаноатли бўлмаган шахс фойда ҳам ололмайди. Билгилки, бу дунё ишлари билан машғул бўлмоқлик ва ҳаёт кечирмоқликнинг аломатларидан бири шулким, унинг бир чеккасини хароб этмагунингча, иккинчи чеккасини тузата олмайсан».<sup>2</sup> Бинобарин, бу дунё айшу сурурини излаган одам учун зиллат ва хорликдан ўзга йўл йўқ. Бойликка етишиш учун, фақирлик ва ҳожатмандликдан бошқа чора йўқ.

Билгилки, гоҳида дунё ақлли бўлмаган ва узоқни кўра олмайдиган, диний нуқтаи назардан имтиёзли бўлмаган кишиига кулиб боқади. Шунинг учун сен хато йўлда бўлсангу, бу дунёда иқболинг кулиб боқса ёки сен тўғри йўлда бўлсангу, бу дунёда баҳтинг чопмаса, баҳту дунё сендан юз ўғирганлиги учун ҳеч вақт ҳақорагланмаслигинг ва ранжимаслигинг лозим. Бу сени яна хато йўлга қайтишга ва тўғри йўлдан чиқишга мажбур қилмаслиги керак».

Сен хоҳлаган нарса бошқаларда бор бўлса, уларга ҳасад қилма ва ўзинг ёқтиримаган нарсани ўзгаларга раво кўрма.

Ўз нафсингни ўтқинчи ҳаваслардан тийгил, шаҳватингга эрк берма, қалбиндан ҳасадни чиқариб ташла. Истаку майлларинг ва орзуларингнинг чеку чесгараси бўлсин. Зоро, агар орзуларингга кенг йўл очиб берсанг, қалбинг қаттиқлашиб, шафқатсиз бўлишига сабаб бўлади ва охират фикрини қилишингга тўсқинлик этади.

Газаб ўтини сўнлиришингда сенга ёрдам бера олалиган воситалардан бири шуки, сен ушбу нарсани билишинг керак, ҳеч бир кимса ҳаётда сийпаниш ва хато қилишдан холи эмас. Айнан шу боисдан дўстинг хатога йўл қўйгандир ёки бўлмаса, душманларингдан бири уни сийпанишга ва хато қилишга мажбур қилгандир. Шунинг

<sup>1</sup> Абул-Аъло Маърий (файлласуф-шоир лемишким). Ҳаёт турган-битгани мashaққатдир. Бунинг ажабланарли сри йўқ. Ўлим соатида бўлар ғамлиқ. Туғилиш соатида ортади шодлик.

<sup>2</sup> Амир ал-мўминин Али розияллоҳу анҳу хутбаларидан бирида айтган гапи.

учун ҳам, агар сенга нисбатан бирон айб иш қилган биродарингга қарши нафсу ҳавойингга эргашиб, душманлик қилсанг, бу билан ганимингни ўз устингдан ғолиб этган бўласан. Душманингни қўллаб-қувватлашинг билан унга ўз манфур мақсадини амалга ошириши учун имкон яратасан. Шу тариқа ўз биродарингнинг балном этилишига сабабчи бўласан. Бас, шундай экан, эй, Искандар ушбуни билмоғинг нечоғлик таҳсинга сазовор ва жоиздир. Итоат этишинг ҳалокатингга сабаб бўлувчи, унга бўйсунмаслигинг эса саломатлигинг боиси бўлса-да, сени fazablanтирувчи нарса — бу сендаги нафсу ҳаводир.

Эй, Искандар, балки сен жиноятчини жазолашга буюриб, буни унинг қилган гуноҳи учун берилган жазо ёки унинг тўғри йўлга киришига сабаб бўладиган тадбир деб хаёл қиласан. Агар шундай иш қилишга жазм қилган экансан, аввало, ўз қалбингга мурожаат қилгин. Бунинг сабабини қалбингнинг ташқарисидан, сиртқи қисмидан эмас, балки тубидан, замирингдан излагин. Жиноятчига жазо белгилашдан мақсадинг яхши ном чиқаришми ёки қаҳру fazabингга таскин беришми, шуни аниқлагин. Агар бу ишдан кўз-лаган мақсадинг қасос олиш бўлса, билгилки, қаҳру fazab аччиқ-дир, аччиқ дараҳт эса ширин мева бермайди. Агар жазони белгилашдан мақсадинг, сенинг нуқтаи назарингдан ҳам, жиноятчи учун ҳам тузалиш бўлса, у ҳолда жиноятчини молу мулкидан маҳрум этсанг ёки таҳдид қилиб, кўрқитсанг, бу сени аччиқ устида fazab билан оғир жазолар белгилашдан холос этади.

Зиндонга ташлашнинг ўзигина етарли бўлган кимсага нисбатан шамшир ишлатиш ёки таҳдид, дўйк-пўписанинг ўзи кифоя қилган кишини зиндонга ташлаш лойиқу шойиста иш бўлмайди. Чунки, бир хилдаги жиноятлар учун жазо белгилашда жиноятчилар ахлоқининг ҳар хиллигини назарда тутиш керак.

Билгил, агар ҳакамлик қилган чоғингда, жазо белгилай туриб ҳаддан зиёда қаттиқўллик қилсанг ва белгилаган жазоларинг ҳақиқатга хилоф бўлса, мақсадинг жиноятчини тўғри йўлга солиш бўлмаса, у ҳолда жазолаш орқали ўзингга етказган зааринг, жазоланувчига етказган заарингдан кўпроқ бўлади. Шундай бўлгач, қозилик қилганингда дикқат ва синчковлик билан иш тутгил, токи бегуноҳ одамлар сенинг шамширинг ва қамчинингдан ноҳақ балога гирифтор бўлмасин.

Жиноятини шамшир ва қамчисиз тузатиб бўлмайдиган одамлар, сендан омонлик топмасин.

Шаҳвоний ишлардан парҳез қилгил. Шаҳватни тарқ этишда қўйидаги ҳикматни ёдда тутсанг сенга ёрдам беради. Билгил, шаҳват ақлни емиради, фикрни қоронғилаштиради, шахснинг обрўйига доғ туширади ва унинг буюк ишлар қилишига тўсқинлик этади. Зоро, шаҳвату фасодга етакловчи куч — кўнгилхушликдир (лаҳву лаъб). Қаерга лаҳву лаъб йўл топса, у ерда жиддий иш амалга ошмайди. Диний ва дунёвий ишлар эса жиддий ишларсиз узоқ сақланиб турмайди.

Агар нафсу ҳавойинг сени шаҳвоний ишларга ва лаҳву лаъба тортса, у сени энг ёмон ва паст ерларга итаради. Сени тубанликка ва маънавий қулашга етаклайди. Агар нафсинг сендан гўзал одобу ахлоқ қоидаларига зид нарсани талаб қилса, у билан аёвсиз курашгин ва у истаган нарсани бажаришдан сақлангил. Сен нафсу ҳаво йўлидан ҳақиқатга қайтишинг даркор. Зеро, агар ҳақиқатни тарқ этсанг, ундан ботил ва ёлғон йўлга кириш учун юз ўғирасан. Агар тўғри йўлни тарқ этсанг, ундан хато йўлдан юриш учунгина воз кечасан.<sup>1</sup>

Ўз нафсингни майда орзу-ҳавасларга эргашишга одатлантирмагин, зеро, кўнглинг тама истаб қолади. Жуда катта орзу-ҳавасларга эргашсанг ҳам шундай бўлади. Ҳеч қачон кичик хато қилгач бепарво бўлмагил, зеро, ҳар бир хатонинг зиёни бордир. Агар ўзингни кичик хатоларга одатлантиранг, у сени катта хатоларга итаради.

Умрингни Ҳақдан ўзгага бағишлаб бекорга ўтказма ва молмулкингни зарур бўлмаган нарсалар учун беҳуда сарфлама. Кучкүвватингни фақат мамлакат бойиши йўлида сарфла, ўй-фикрларингни тўғрилиги — ростликдан ўзга нарсаларга йўналтирма. Тангри ато этган неъматлардан тўлалигича фойдаланган ҳолда асррагил, айниқса, азиз умрингни авайлагилки, ҳаётда ҳамма нарсани қўлга киритиб бўлади, уни эса йўқ. Агар нафсингни бирор лаззатли ишга машғул қилишга мажбур бўлсанг, у ҳолда оладиган лаззатинг донишмандлар мажлисидан, фалсафаю ҳикматга оид китоблар мутолаасидан бўлсин. Зероки, шаҳвоний лаззатланишининг энг аълоси ҳам сени бирор юқори даражага ёки мақомга етказмайди. Бироқ, донишмандлар хизматида бўлиш ва уларнинг китобларини ўқиш сени олий даражага мақомларга етишиди ва сенга тўлиқ шодлигу саодат бағишлиайди. Агар шунга қарши иш тутсанг, бу дунёда олишинг мумкин бўлган иззату ҳурматни нариги дунё заҳматлари билан алмаштирасан. Нафсоний истагу майллардан энг муносибу лойифини билиб таилаган кимса, одамларнинг энг баҳтлисицир,

Мағрурланиб кетишдан ва гердайишдан сақлангил, чунки нимадан ва қаердан пайдо бўлганингни ўзинг биласан ва қаерга боришингни ҳам яхши тушунасан<sup>2</sup>.

Агар шаҳватга нисбатан сабру чидамли бўлсанг ва таркиби йўқолувчан, заволга мойил, чирийдиган ва бир ҳолатдан иккинчи ҳолатга ўтувчан нарсалардан иборат бўлган вужудинга назар ташласанг, охир-оқибатда борлигингни сўнгги йўқлик бўлган жойга боришини, сенинг жисминг ўсиб, ривожланиб камолотга етгач, парчаланиб чирий бошлишини кўрасан. У ҳолда ҳар иккиси ҳам йўқ бўлувчи кибру ҳаво ва гердайишдан қочасан.

Ёлғондан сақлангил. Зеро, ёлғон нафснинг заифлигидан, фикрнинг сустлигидан ва кетини ўйламай иш қилишдан келиб чиқади.

<sup>1</sup> Оллоҳ таоло айтган: «Ҳақ йўлдан ўзгаси залолатдир».

<sup>2</sup> Сизлар яралдингиз Ундан, яна Унга қайтасиз ва яна такрор Ундан қайтасизлар.

Ёлғоннинг зарари ёлғончига тегади ва ёлғоннинг энг кичкина зиёни ҳам ёлғончининг ўзини мақсадидан четлатади. Ёлғончининг ҳолатини Шарққа боришни истаб, лсқин Farbga кетаётган кимсага ўхшатиш мумкин. Ҳўмер демишикм: «Ёлғондан пастроқ нарса йўқ ва ёлғончи киши бефойдадир».

Билгилки, яхши ишлар қилувчи кишилар бир-бири билан учрашганда, худди ёмғир суви тезда дарё суви билан қўшилиб кетгани каби, бир зумда иноқлашиб, келишиб оладилар. Бироқ, бузғунчилар узоқ вақт қўшилишга ва мушоират қилишга уринсалар ҳам, худди узоқ муддатбирга яшаб, бир-бирига илтифот қилмаган тўрт оёқли ҳайвонлар мисоли жуда кеч ўзаро келишиб оладилар.

Билгилки, мамлакат молиявий аҳволини ислоҳ қилиш, девон ходимлари ва вазирларнинг қай йўсинда иш юритишига боғлиқ. Агар молиявий ишларни ислоҳ этишни истасанг, ходимлар ва вазирларнинг тўғри иш тутаётганилиги хусусида ишонч ҳосил қилишинг лозим. Уларга нисбатан лутфу иноят қилгин. Кўп сонли ходим ва вазирлардан тўғри иш тутадиган оз қисминигина танлаш билан кифоялангин. Зеро, гавҳар вазни сенгил бўлса ҳамки, қимматбаҳодир, тош эса оғир бўлгани билан камбаҳо бўлиб, қадрланмайди.

Бундан кейин солиҳу тўғри амалдорларни танлашга ҳаракат қилгил. Зеро, амалдор ўз валийси (хукмдори) учун худди жангчи кишига қуролу аслаҳадек керакдир. Агар иш кўзини биладиган амалдор ўз валийсидан узоқлашса, валий жанг майдонида қуролу яроқсиз қолган шиҷоатли аскар ҳолига тушиб қолади.

Бажарилиши лозим бўлган ишларга киришишдан илгари, даставвал, қиласидан тадбиринг шу бўлсинким, халқ қилаётган ишларингни Тангрининг қўллаб-қувватлаши билан бўлаётганини, унинг ҳимоясида қилинаётганини билиши керак. Бузғунчи ва фосиқлар қалбida сенинг қаттиқ жазойингдан қўрқув ҳисси бўлиши лозим. Фақат шу ҳолдагина сенинг салтанатинг барқарор туради ва оқилу тадбиркор подшоҳ ҳисобланасан.

Бироқ, ишларни бажаришда саъй ва кушиш қилганинг билан сийпаниш ва хатога йўл қўйишдан омонликларни бўласан деб, тўла ишонч билдира олмайман. Агар хатойинг ҳақиқатни ўрнатиш бўлса, сенинг узру тавбанг қабул қилинади. Яхиси, агар ишларинг чигаллашиб, қоронғилашиб кетса, донишмандларга мурожаат қилишинг керак. Келгуси улуғ ишларингни тўғри бўлиши учун, ҳозир қўлга киритишинг керак бўлган кичик натижалардан бири шундан иборатким, ишга киришишдан аввал фикр қилиб, тугал қарорга келишинг даркор. Зотан, олимнинг жоҳилдан устунлиги ҳам айнан шу нарсададир, у бўлгуси ишнинг хатари ва ўзи йўл қўйиши мумкин бўлган нуқсонларни олдиндан ойдинлаштириб олади.

Афлотун демишикм: «Чироқнинг нури туни зулматини ҳайдагани каби, ишлардаги ноаниқлик ва қоронғилик ҳам оқил кишилар аҳдининг ёғдуси билан ойдинлашади ва ошкор бўлади».

Шояд, ўйлаб-ўйлаб, агар донишмандлардан мадад сўрасанг, баъзиларнинг сенга ҳақоратли қарашига ёки мазкур донишмандларнинг наздида хору зор бўлишингта сабаб бўлади, деб натижа қилурсан. Қачонки, бундай фикрлар қалбингда қўрқув уйғотса, уни тезда ўзингдан узоқлаштиргин. Зероки, илму дониш билан бажарган ишларинг ва нодон шахсларга қарши курашиб ғалаба қилганингнинг нафи ва аҳамияти, бошқа ҳар қандай йўл билан эришган натижадан юқорироқ туради ва улугроқdir. Яна шуни ҳам билгинки, икки гуруҳ одамлар мавжуд. Бири олимлардир. Илм истовчилардан бўлсанг, улар наздида мақоминг юқорироқ бўлади. Бошқаси, жоҳиллардир. Улар билан келишиб бўлмайди.

Билгилки, ҳеч ким айб ва фазилатдан холи эмасдир. Бинобарин, бирор кимсанинг айби унинг яхши хислатларидан фойдаланища тўсқинлик қилмаслиги керак. Шунга ўхшаш, бирор кимсанинг фазилати, сени унинг айбларини ахтаришга мажбур қилмаслиги керак. Билгилки, ёмон ёру дўстларинг борлигининг зарари, яхши ва содик ёру дўстларинг бўлмагандан кўра каттароқдир.

Билгилки, адолат буюк ва қудратли Худонинг ер юзидағи ўлчовидир. Унинг ёрдамида заиф бўлган ҳақ одам, кучли бўлган ноҳақдан ўз ҳақини олади. Кимки Оллоҳ бандалари орасида ўргатган илоҳий адолат ўлчовини бузса ва ундан четлашса, катта нодонликлар қилиб, хатоликларга йўл қўяди. Ўз ишларингда икки сифатни эгаллашга интилгин. Бири, дилларни асир этиш. Бошқаси, ишда саботли ва пойдор бўлиш. Ишларни амалга оширишда сустлик ва пайсалга солишдан сақлангил. Чунки, ишларни бажарища сусткашлик ва тамагирлик уларнинг янада кўпайиб кетишига сабаб бўлади ва шундан сўнг ишларни бажаришга фурсат тополмай қоласан. Агар уни бошқа кишига топширсанг, ишинг янада оғирлашиб, катталашиб кетади ва кейин уни бажариб бўлмай қолади.

Билгилки, ишлар икки хил бўлади. Бири кичиклари бўлиб, уларни ўзинг бажаришинг муносиб эмас. Бошқалари эса каттадир ва уларни ўзгаларга ишониб топшириб бўлмас. Агар кичик ишларни шахсан ўзинг бажарсанг, сени катта ишлардан қолдиради. Агар катта ишларни ўзгаларга топширсанг, ишни тартибга солишдан кўра кўпроқ бузғунчилик қилган бўласан. Бу эса яхшиликдан кўра кўпроқ фасодга сабаб бўлгай. Ўзи учун адолатни ихтиёр қилган ва уни бандалари орасида барқарор қилиш, тарқатишни амр этган ва қудратли Тангрига илтижо қиласманки, сенинг қалбингни адолатли бўлишга илҳомлантирсин ҳамда сени адлу инсофга эргашувчилардан бири этсин. Сени ўзингга тобе бўлганлар орасида ва бутун ер юзида адолат усууларини ижро қилишга эриштиrsин.

Бу рисола таржимасининг таҳририни Абу Абдуллоҳ шаъбон ойининг пайшанба куни... тугатди. 1340 ҳижрий — 1922 милодий йили.

***Бисмиллахир роҳманир роҳим  
Муҳаммад Мустафо соллаллоҳу  
алаиҳи васаллам пайғамбарнинг  
қисқача таржимаи ҳоли***

(570 – 632)



Муҳаммад алайҳиссалом Пайғамбарнинг насл-насаби, ҳаёти, турмуш тарзи, у яшаган даврдаги диний мазҳаблар тўғрисида жуда кўп тадқиқотчи олимлар ва муҳаддислар шуғулланишган. Ул зоти олий зикр қилган ҳадисларни тўплаш, уларни шарҳлаш каби муборак ишлар элдошларимиздан Имом Бухорий, Имом ат-Термизий, Аз-Замахшарий сингари мўътабар инсонларнинг доимий машгулотига айланган.

Кейинги йилларда, яъни Ўзбекистон Республикаси мустақилликка эришгандан сўнг ўзбек мусулмонларининг Расулуллоҳ таржимаи ҳоли ҳамда Ислом тарихини ўрганиш, тадқиқ этиш каби улуғвор йўлга тушиб олишгани қувонарли ҳолдир. Қуръони Карим ва ҳадисларни чоп этиш каби муаммолар аста-секин ҳал бўляпти.

Пайғамбарамизнинг отаси Абдуллоҳдир. Онаси Омина бўлиб, у Курайш қабиласига мансуб. Муҳаммаднинг ота-боболари, она-момолари халқ ҳурматини қозонган, турли томонлама ибратли. Расулуллоҳнинг насл-насаби пухта ўрганилса, улар пок, мўътабар ва нуфузли инсонлар бўлишганига қаноат ҳосил қилинади. Пайғамбарнинг насл-насаби Иброҳим алайҳиссаломнинг ўғли Исмоилга бориб тақалади. Курайш аёллари ичиди энг зоти покиза бўлиб, Омина Абдуллоҳга турмушга чиқади ва Пайғамбар алайҳиссаломга ҳомилдор бўлган. Эри Абдуллоҳ иш билан Шомга жўнайди ва оғир дардга чалиниб, йўлда Мадинада бандаликни бажо келтиради. Унга ўғлини кўриш насиб қилмайди.

Омина ахлоқ-одобда мислсиз, илм-маърифатда ягона, зътиқоди ва имони покиза ўғил туғади. Бу қувончли хушхабар 570-йилнинг баҳорида тарқалди. Унга Муҳаммад деб исм кўйишиди. Унинг энагаси Абдуллоҳнинг чўриси ҳабаш Умму Айман Барака бўлиб, Муҳаммадни унинг амакиси Абдулаҳаднинг чўриси Сувайба биринчи бўлиб эмизган. Лекин Муҳаммад алайҳиссаломга сут оналик баҳти Абуҳабша деган чорвадорнинг хотини Ҳалимага насиб этади.

Болани тоза ҳавода ўстириш, яйратиш учун Ҳалима уни ўз қишлоғига олиб кетади. Бу оила фақирона кун кўрарди. Бироқ ўша гўдак уйга қадам кўйиши билан кут-барака ҳам кириб кела бошлади.

Мұхаммад Ҳалиманинг уч ўғли билан бирга ўйнарди. Улар ўйнаб юришганда оқ кийимли икки киши ғойибдан пайдо бўлиб, Мұхаммаднинг кўкрагуни ёриб, улар қора нуқта (шайтон васвасаси) ни олиб ташлашади. Бу воқеани болалар Ҳалимага келиб айтиб берганда, бу аёлнинг эс-хуши чиқиб кетади ва қаттиқ кўрқиб қолади, болани онасига беш ёшдалигида қайтиб беради.

Шу орада Омина эрининг қабрини зиёрат қилиб келиш мақсадида Мадинага боради. Қайтиб келар экан, у йўлда вафот этади. У илгари, эри ўлгандан сўнг юрак хасталигига дучор бўлганди. Кейин бобоси Абдулмуталлиб Мұхаммадни ўз қаноти остига олади. Бир йил ўтгач, бобоси Абдумуталлиб ҳам оламдан ўтади ва Мұхаммад тоғаси Абу Толиб тарбиясига ўтади. У болага оталик меҳрини қўйиб, сидқидилдан тарбиялайди.

Пайғамбар алайҳиссалом биринчи марта ўн икки ёшида тоғаси билан Шом сафарига боради. Улар Шомдан қайтиб, Бусро деган бир жойга тушадилар. Бу ерда яхудий уламоларидан Боҳейро деган бир роҳиб Мұхаммаднинг боши узра бир парча булут уни Қуёш тафтидан асраётганини, бошқа бир дарахтни болага бир оз эгилиб, оҳиста-оҳиста тебранаётганини сезиб қолади. Боҳейро илгариги муқадлас китоблардаги Мұхаммад Пайғамбарнинг дунёга келиши ҳақидаги башоратни эслайди ва шу чоғда унинг тоғасига болани асрраб-авайлашлари лозимлигини уқтирган.

Мұхаммад ўн беш, йигирма ёшларига етган йилларда қабилалар ўртасида тез-тез урушлар бўлиб турарди. Бундай жанжаллар туфайли Пайғамбар алайҳиссалом руҳан азоб чекарди. Аксарият ҳолларда қабилалар ўртасида иттифоқ тузилишига сабабчи бўларди.

Расууллоҳнинг фоят жасурлиги, поклиги, адолатпарварлиги, тўғрисўзлиги, тантлилиги учун уни «Ал-Амин» (ишончли) дейишарди, ҳеч качон ёлғон гапирмагани учун эса «Содиқ» (садоқатли) деб чақиришарди. Бу далил Мұхаммаднинг одамлар ўртасида бекиёс хурмат қозонганини, ардоқли бўлганини тақозо этади. Шунингдек, ул зоти олийнинг ваъдасига вафодорлиги, дўстпарварлиги каби фазилатларини унинг ҳар бир ҳатти-ҳаракатида кузатиш мумкин эди.

Мұхаммад айни йигитлик ёши — йигирма бешга етганда бой савдогар аёллардан Ҳадича унинг самимийлигию ростгўйлигидан ва уни қабиладошлари Амин (ишончли) деб аташларидан хабар топади. Бу аёл хизматга энг лаёқатли, тадбиркор одамларни жалб этиб, тижорат ишларини олиб борарди. Ҳадича бону Мұхаммадни ишга таклиф этади ва амакиси Абу Толиб рози бўлганидан сўнг уни карvonларга бош қилиб савдо ишларига юборади. Расууллоҳ тижорат ишларида қатнаша бошлаганидан сўнг Ҳадича бонунинг давлати кундан-кун орта боради ва у Мұхаммаднинг хосиятли йигит эканини сезади.

Кейин Мұхаммад Хадича бону тақлифига биноан, у билан оила қуради. Шунда Хадича ойим қирқ, Мұхаммад эса йигирма беш ёшда әдилар.

Мұхаммад алайхиссалом таржимаи ҳоли түгрисида зикр қилинар экан, унинг Каъбанинг қайта қурилиши, Байтуллоҳнинг ислоҳ қилинишида бош-қош бўлганини эслатиб ўтиш лозим.

Унинг болалиги, ёшлиги қийин аҳволда ўтди. Отаси ва онасидан жуда ёшлигида етим қолди, тирикчилик ва илм олиш учун зарур бўлган мерос қолмади, эмикдош оға-инилари билан пода боқди, Маккада ҳам кишиларнинг кўйларини боқиб, чойчақа олди, текин бойлик, мол-давлат изидан қувмади.

Мұхаммад алайхиссаломнинг феъл-атвори ниҳоятда ёқимли, дўсту биродарларга садоқатли, одамгарчиллик жиҳатдан барчага намунали, муомала-муносабати ширин, қўни-қўшнилар билан алоқаси мустаҳкам, кўнгли юмшоқ, каттаю кичикнинг чексиз ҳурматига сазовор инсон бўлган. У киши ҳамиша ростгўй бўлган. Расулуллоҳ алайхиссалом ўттиз ёшларда эканида Ҳиро тоғидаги форга бориб ибодат қилиб ўтирганида бирдан, унинг атрофини, вужудини бир ажиб сирли шуъла куршаб олади.

Қирқ ёшида ўша форда ўй-тафаккурга берилиб, Худони ёдлаб ўтиаркан, унга ғойибдан «Ўқи!» деган сеҳрли овоз эшитилади. Мұхаммад эса: «Мен ўқий олмайман», деб жавоб қилади. Чиндан ҳам Мұхаммад ўқиш ва ёзишни билмасди. Шунда Жаброил Пайғамбар алайхиссаломни бағрига олди ва қаттиқ қисди-ю, Мұхаммад кучмадори кетиб, бўшацди. Шу пайт Жаброил «Ўқи!» дейди. Мұхаммад эса яна: «Ўқишини билмайман», деб жавоб беради. Сўнг Жаброил Мұхаммадни қўйиб юбориб: «Ўқи!» деб буюради. Расулуллоҳ эса яна: «Ўқий олмайман», деб жавоб қайтаради. Жаброил Мұхаммадни учинчи гал қаттиқ қисиб ва дарҳол қўйиб юбориб, Оллоҳ сурасининг 1–5- оятларини айтади. Бу сирли воқеаларни у Хадичага айтиб беради. Хадича беҳад суюнади.

Яна бир кун Жаброил Мұхаммадни кўради ва дейди: «Ё Мұхаммад, Сиз чиндан ҳам Расулуллоҳсиз». Шундан сўнг Каъбага бориб тоат-ибодат қилаётганда ҳам унга Худонинг Элчиси экани билан боғлиқ овозлар эшитилади.

Мұхаммадга биринчи бўлиб Хадича, кейин Али, Зайд ва бошқалар имон келтиришган. Фаришта Жаброил унга намозни Куддус томонга қараб ўқишни таъкидлайди. Энди Мұхаммад аста-секин одамларни Ислом динига даъват этишни бошлайди. Лекин бу йўлда жуда катта қийинчиликлар бўлади, Мұхаммад қаттиқ таъқиб ва тазийкларга дуч келади.

Расулуллоҳ қавмининг кўпчилиги уни поклиги, оқиллиги, хушмуомалалиги, одамгарчилиги, меҳр-оқибатлилиги, адолатли бўлгани учун қаттиқ ҳурмат қилади. Шунингдек, бошқа одамлар ҳам унга эргаша бошлашади. Бу эса Ислом дини ғанимларига, Мұхаммадга қарши кишиларга ёқмайди. Шунинг учун улар

Расуллорохни дўст-биродарлари, муштариylари билан ораларини бузиш қасдида ҳеч нарсадан қайтишмайди. Ҳатто уни шаҳзодаю давлат арбобларига чақишади, унга қарши турли ифвою фитналар уюштиришади. Муҳаммадни гоҳ сеҳргарликда, гоҳ афсунгарликда айбламоқчи бўлишади.

Мажусий шаҳзода Ҳабиб ибн Маликнинг қизи Сатиҳа оғир дардга чалиниб, кар, кўр, оёқ-кўллари шол бўлиб қолади. У қизини Каъбага олиб келиб, тоат-ибодат этиб, соғайишини тилаб юради. Шу пайтда Муҳаммадни кўролмайдиган амакилари Абу Сўфён билан Абу Жаҳл шаҳзодага Муҳаммадни чақиб, унинг ёрдамида ўлдириб юбормоқчи бўлишади. Доно Ҳабиб эса Муҳаммадни хузурига чорлаб олади. Ҳабиб Расуллорохни очиқ чехрасига, нурланиб турган юзига беихтиёр термилиб, қараб қолади.

**Ҳабиб:** «Оллоҳ сени Пайғамбар қилиб юборганмиш, шу ростми?» деб сўрайди. Расуллороҳ: «Рост, инсонларни ҳақ йўлига бошлиш учун Оллоҳ мени Пайғамбар қилиб юборди», деб жавоб қилади. Ҳабиб эса далил талаб қилади ва чодирида ким борлигини ва уни бу ёққа нима учун олиб келганини айтиб беришни сўрайди. Шунда Муҳаммад: «Илоҳо, бизга шифо бергил», дейдилар. «Ё Ҳабиб, чодирингда қизинг бор. У кўр, кар, шол. Сен унга шифо истаб, бу ерга келтиргансан. Бор, чодирингга кир, қизинг билан гаплаш» — дейди. Ҳабиб чодирга кирса, қизининг қўзи очиқ, қулоғи эшитади ва соппа-соғ эди.

Ҳабиб Муҳаммаддан яна мўъжиза кўрсатишни талаб қилади. Ўша чоғ Расуллороҳ Илоҳга яна ибодат қилгач, ҳамма ёқ қоронгилашиб, ой чиқади. У бармоғини осмонга қадайди. Шунда ой нақ иккига бўлинниб, яна бирлашади. Ўша ерда турганлар ва Ҳабиб бундан жуда ҳайрон қолишади. Бу чоғ Ҳабиб ва тўрт юз етмиш киши Муҳаммадга имон келтиришади.

Бироқ бунга чидай олмаган, кин ва адсоват тўнини кийиб олган Муҳаммаднинг ғанимлари таъқиби давом эттиришади, хўрлашади. Уни жисман йўқотиш пайига тушишади. Шундай бўлса-да, ҳақиқат ваadolat йўлида унга доимо Оллоҳнинг ўзи ҳамкор ва кўмакчи бўлаверади, Ислом йўлидаги ишлари бароридан келаверади.

Бир куни чарчоқдан кейин Расуллороҳ донг қотиб ухлайди. У тушида Тангрининг таҳтини кўради. Расуллороҳ уйкудан уйғонгач, ўз тарафдорлари ва дўст-биродарларига айтадиган ўйтлари аён бўлади:

1. Сиз ёлғиз Тангри — Ягона Оллоҳга сифининг.
2. Ота-онангизга ҳамиша меҳрибон бўлинг.
3. Қариндош-уруғларга ёрдамлашинг, бева-бечоралар ва мусофиirlарга мададкор бўлинг.
4. Ҳасис бўлманг, лекин исрофгарчиликка ҳам йўл қўйманг.
5. Болаларингизни фақирлик туфайли ўлдирманг.
6. Ҳаёсиз, ахлоқсиз бўлманг.
7. Бекор-бехудага қон тўкманг.
8. Етим-есирларнинг моли ва пулига қўз тикманг.
9. Тоат-ибодатни канда қилманг.

10. Савдогар бўлсангиз, тўғри ўлчаб, тўғри тортинг.
11. Эшитган ҳар гапга кўр-кўёна ишонаверманг.
12. Такаббур, шуҳратпарамаст ва мақтанчоқ бўлманг.

Мусулмонларнинг беш вақт намоз ўқиб, бир йилда бир марта рўза тутишлари ҳам шунда айтилган.

Мушрикларнинг Мұхаммад алайҳиссаломга нисбатан таъқиби, тазийиқи, таҳди迪 тобора кучайиб боради. Шунинг учун Расулуллоҳ Исломни тарғиб қилиш каби ишларини маҳфий равишда олиб борарди. Шу орада Ҳижр сурасининг: «Сенга буюрганини ошкора ўртага ташла, мушриклар билан тенг бўлма», деган 94- ояти нозил бўлади. Шундан сўнг у Оллоҳнинг ҳимоясига ишониб, мусулмонлик ва Ислом динига ўтишга очиқ-ошкора даъват эта бошлайди.

Мұхаммад алайҳиссалом дини Ислом йўлида ошкора ҳаракатга тушганидан сўнг мисли кўрилмаган таъқиб ва тазийклар туфайли хўрланди. Унинг учун Байтуллоҳга бориб намоз ўқиши ўлим билан баробар бўлиб қолди. Уни тўхтовсиз таъқиб қилиб юрувчилар, «ўғрилар қоронигида топишади» деганидек, қабиҳ ният билан бир гуруҳга бирлашдилар ва Мұхаммадни очиқдан-очиқ ҳақоратлаб, масхаралай бошладилар. Бир куни уларнинг бошлиғи Абу Жаҳл жамоа орасида шундай деди: «Мұхаммад динимизни камситяпти, илоҳларимизни сўқяпти, бизларни ақлсизликда, ота-боболаримизни залолатда қолганликда айблаяпти. Оллоҳга қасам ичиб айтаманки, эртага бир катта тошни олиб, Мұхаммадни пойлаб ўтираман. Намоз пайтида саждага бош қўйганида бошини янчиб ташлайман»<sup>1</sup>.

Пайғамбар алайҳиссалом намоз ўқиётганида Абу Жаҳл улкан бир тошни юксак кўтариб, Расулуллоҳга яқинлашаётганда унинг ранги бўзариди, орқага чекинди, қўлидан тош тушиб кетди. У ўз одамларига Мұхаммадга яқинлашиб энди ураман деганида катта қўрқинчли эркак туюнга қараб келганини, шу туфайли мақсадига эришолмаганини айтиб беради. Бироқ, Абу Жаҳл ва унинг тарафдорлари бу билан ўз қабиҳ ниятларидан воз кечишмади, Расулуллоҳ изидан қолишмади.

Имом Бухорий Мұхаммад алайҳиссалом намоз ўқиётганида Абу Жаҳл тарафдорларидан Ақаба ибн Абу Муайд тозаланмаган туюнни унинг устига ташлайди. Лекин ифлос қоринни қўрққанларидан унинг устидан олиб ташлашга ҳеч ким ботинолмайди, Расулуллоҳ эса унинг устидан қоринни қизи Фотима келиб олиб ташламагунга қадар саждадан бошини кўтармайди. Ўша қабиҳ одамларни Мұхаммад алайҳиссалом дуоибад қиласди. Кейин улар Бадр урушида битта қолмай ҳалок бўлганлар.

Бундай разиллик ва вахшийликлар жуда кўп тақрорланади. Бундай қабиҳликлар, разилликлар, ҳатто қувғинлар Расулуллоҳни тўғри ва адолат йўлидан қайтаролмади, дини Исломни тарғиб қилиш каби

<sup>1</sup> Мұхаммад Ҳузарий. Нур-ул яқин. Тошкент, «Чўлпон» — «Камалак», 1992, 36- бет.

мўътабар ишдан чалғитолмади. Билакс, Худо ёрлақаб, унинг омади келаверди. Одамлар эса унга эргашаверди. Мусулмон динига кирувчилар, Мұхаммадға имон келтирувчилар сони кундан-кунга ўсаверди. Бу, Оллоҳнинг инояти, күмаги биландир. Расулуллоҳ алайхиссаломнинг ҳасадгўйлардан, ғанимлардан кўрган хўрлик, азият ва риёзатларнинг чегараси йўқ эди. Мұхаммаднинг ўзига туҳмату иғволар уюштирилади, оиласини бадном қилишга уриниб қўришади. Бироқ Мұхаммад доимо ақл билан иш тутади, душманлар гапларига, иғволарига учмайди ва ишонмайди. У бошқаларни ҳам шундай қилишга даъват этади. Ўзи эса доимо ақлининг нақадар тинниқлиги, сабр-тоқатли, қаноатли эканини амалда исбот қиласиди.

Шу ўринда Мұхаммад алайхиссалом ва унинг оиласига уюштирилган туҳматлардан бирини эслаб ўтишни лозим топдик. Юқорида эслатилган разил ва қабиҳ воқеалардан янада оғирроғи — унинг умр йўлдоши — Ойшага нисбатан қилинган туҳматдир. Воқеанинг ҳақиқий қисқа тафсилоти қуидагича: «Мусулмонлар бани Мусталиқ газотидан қайта туриб, Мадина яқинидаги бир қўйналғага тушишди. Пайғамбар алайхиссалом ярим кечаси қўшинни йўлга отлантириллар. Бу пайтда ҳазрат Ойша зарурат учун чеккароққа кетган эди, манзилгоҳига кела туриб, бўйнидаги маржони тушиб қолганини билиб, дарров изига қайтади. Бу орада отланишга буйруқ келиб, қажавани кўтарадиган хизматчилар унинг ичидаги ҳазрат Ойша бор деган ўйда, туга ортишади. Ҳазрати Ойша ёш, озгин, енгил бўлгани учун қажаванинг ичидаги бор-йўқлиги билинмаган... Ҳазрати Ойша мунҷофини топиб келганларида қўшин юриб кетган; у кишининг йўқлигидан ҳеч ким хабар топмагани учун бирон кимса қолдирилмаган эди. Ойша барибир излаб келишади, деган ўйда илгариги жойига ўтиради-ю, кўзи илинади. Қўшиннинг орқасидан қолиб кетган, йўқолган нарсаларни йиғишириб юрган Сафвон ибн Муаттал исмли саҳоба мизғиб ўтирган ҳазрат Ойшани кўриб қолади. У Ойшани мастура бўлишидан аввал билгани учун таниб, баланд овоз билан: «*Инна лILLAХИ вА инна илайХИ рожиУн*» (Биз Оллоҳнинг илкидамиз, яна Оллоҳнинг даргоҳига қайтиб борамиз) дейди. Ҳазрат Ойша уйғониб юзини ёпади. Сафвон бир оғиз сўз қотмай туюни чўқтиради, ҳазрат Ойша ҳам чурқ этмай минади. Сафвон туюни етаклаб қўшиннинг орқасидан етиб келганда одамлар тушилик овқатдан кейин дам олишаётган эди. Дарров шивир-шивир бошланди, фийбатчилар эса ҳайикмай бу иккови ҳақида оғзига келганини бемалол алжий бошлашди».

Расулуллоҳ, аввало, Ойшанинг чўрисидан у ҳақда сўраб-суриштиради, ўзи билан суҳбатлашиб, Ойшанинг поклигига ва бу душманларнинг туҳмати эканига тўла қаноат ҳосил қилди. Демак, иғвогару туҳматчилар, ҳасадгўйлар, чақимчилар, миш-мишчилар фитналари барбод бўлди. Туҳматдан Парвардигорнинг ўзи асрасин!

Кўпгина манбаларда кўрсатилишича, Муҳаммад алайҳиссалом йигирма олтита катта-кичик жаигда иштирок этади ва дини Исломни, ватанни ҳимоя қилишда жонбозлик кўрсатди. Бу унинг ватанпарварлигидан, инсонпарварлигидан, ёътиқодининг бутунилигидан далолат беради. Умуман олганда, унда ўзидан олдин ўтган Пайғамбарларнинг яхши фазилатлари мужассам эди. Чунончи: Одаматонинг яхши хулқ-автори, Сифнинг илму донишлиги, Нуҳнинг жасорати, Иброҳимнинг шафқати, И smoilnинг фасоҳати, Исоқнинг камтарлиги, Лутнинг фаросати, Ёқубнинг топқирлиги, Юсуфнинг хуснжамоли, Мусонинг сабот-матонати, Юнуснинг ҳалимлиги, Довуднинг хайриҳоҳлиги, Илёснинг олижаноблиги, Яҳёнинг мусафолиги, Исонинг тақводорлиги унда мужассам эди.

Пайғамбар бир куни намоз ўқиётганила Оллоҳдан аҳли мусулмон учун қиблани Каъба томонга ўзгартириш тӯғрисида ваҳий келади. Дарҳол у намозни қиблаи Каъбага қараб ўқий бошлади. Шундан эътиборан қибла Каъбага қараб ўзгартирилди.

Қурайшларнинг Пайғамбар алайҳиссалом ва унинг тарафдорларига зуфуми, етказган зиёни маълум. Муҳаммад қурайшлар катта карвонининг Шомга кетганидан ва орқага қайтаётганидан хабар топган эди. Кейин у ҳам саҳобаларини унга қарши юборди. Бироқ баъзи боқибекамлар Расулуллоҳ урушмайди, деган хаёлга бориб, сафарга ҳозирлик кўришмади ва келишмади. Пайғамбар эса уларни кутмасдан йўлга чиқди, тўғрироғи, у, қурайш мушриклари етказган озорлар, беҳисоб кулфатлар учун ўч олиш мақсадида юриш қилган эди. Зотан, Расулуллоҳ: «Кишининг ўз ҳаққи ҳимоясида ўлмоғи ҳам яхши ўлимдир», деб каромат қилган.

Беқиёс қийинчиликлар, Расулуллоҳнинг тинимсиз меҳнати, матонатли курашлари туфайли Ислом динининг жуғрофий доираси кенгайди, қўшни мамлакатлар халқлари ҳам Ислом динига ўтиб мўмину мусулмон бўлишди. Шундан кейин Муҳаммад алайҳиссалом кўпчилик иқлим подшоҳларига мактублар йўллади, элчилар юборди. Хатлар учун кумушдан маҳсус мухр ясалиб, унга «Муҳаммадун расулуллоҳ» деган сўзлар зарб қилинди. Ўша мактублар подшоҳлар қўлига тегиши билан уларнинг кўпчилиги мусулмон динига имон келтирадилар. Бу, Исломнинг халқчиллигидан, кўпчилик мамлакат халқлари ўртасида қозонган ҳурматидан далолат беради.

Чунки ер юзидағи барча мавжудотни энг ардоқлиги, икки дунё ҳожаси, Оллоҳнинг суюкли ҳабиби бўлмиш Муҳаммад Мустафо соллаллоҳу алайҳи васаллам халқни зулмат, жаҳолату қабоҷат дунёсидан саодатли йўлга стаклади. Парвардигорнинг марҳамати ила ул зоти олий йигирма уч йил мобайнода Ислом динини оммалаштирди, тарғиб ва ташвиқ қилди, Қуръони Каримни халққа машъял қилиб тортиқ этдики, бутун аҳли Ислом ҳозиргача ундан баҳраманддур.

Қолаверса, Мұхаммад Пайғамбаримиз шундай мүйжизалар яратдики, санаб саноғига етиш қыйин. Уларнинг барчаси инсоният баҳт-саодати, камолоти учун хизмат қилди ва ҳозир ҳам хизмат қилмоқда.

Ул ҳазрати олий 632- йилда охирги гал ҳажга боради. Бу гал Маккага келганда Мұхаммад алайҳиссалом Каъбани етти марта айланиб чиқади. Ҳазрати Иброҳимнинг хотини Ҳожар сув қидириб юрган йўллардан ўтади, Сафо ва Маъво тоғлари бошига чиқиб, теварак-атрофни кузатади. У ёруғ дунёдан кетишини сезганди.

Бу воқеадан икки ой кейин Мұхаммад Мустафо соллаллоҳу алайҳи васаллам касалга йўлиқади. Боши қаттиқ оғрийди, ҳарорати кўтарилади. Бироқ, масжидга чиқишини ва намозгўйларга имомлик қилишини канда қилмайди. Бора-бора аҳволи оғирлашади. 632- йил ўрталарида, яъни 6-ойнинг 8-куни Мұхаммад алайҳиссалом 63 ёшида бандаликни бажо келтиради.

## АХЛОҚ-ОДОБГА ОИД ҲАДИС НАМУНАЛАРИДАН

Мунофиқлик белгиси учтадир: ёлғон сўзлаш, ваъдасининг устидан чиқмаслик ва омонатга хиёнат қилиш.

Одамлар ичида Тангрига ёқимсизроғи — ашаддий душманлик қилувчиидир.

Қўй боқинглар, чунки у баракадир.

Тангридан қўрқинглар ва фарзандларингизга бир хил меҳрда бўлинглар! (Уларга кийим ва таомларни баробар тақсимланглар.)

Икки кишига Тангри қиёмат куни раҳмат назари билан боқ-майди: 1. Қариндош-уругидан узилиб кетган кишига. 2. Ёмон қўшнига.

Ҳалокатга олиб борувчи етти хил гуноҳдан сақланинглар:

1. Тангрига ширқ келтирмоқ<sup>1</sup>.
2. Сехр ишлари билан шугулланмоқ.
3. Бирорни ноҳақ ўлдирмоқ.
4. Судхўрлик.
5. Етимлар молини емоқ.
6. Ватан мудофааси учун бўлаётган урушдан қочмоқ.
7. Эрли, мўмина, иффатли аёлларни фоҳиша деб ҳақоратламоқ.

Тангри наздида энг яхши гап — рост гапдир.

Тангри наздида энг маъқул жиҳод<sup>2</sup> — золим подшоҳга айтилган ҳақ сўзdir.

Тангри наздида уйларнинг яхшироғи — етимлар иззат қилинадиган уйдир.

Ўзингга ёққан нарсани бошқаларга ҳам раво кўр!

Дўстингни енгилроқ севгинки, куни келиб душман бўлиб қо-

<sup>1</sup> Тангрини бирдан ортиқ демоқлик ва ундан бошқаларда ҳам илоҳий куч бор деб билмоқлиқ.

<sup>2</sup> Жиҳод — жанг.

лиши ҳам мумкин. Душманингга ҳам енгилроқ адоват қилгинки, куни келиб дўст бўлиб қолиши мумкин.

Икки жағингиз ва икки оёғингиз ўртасидаги аъзоларингизни тийинг!

Отангиз вафотидан кейин унинг дўстлари билан алоқани давом эттиринг. Улар билан алоқани узсангиз, Тангри сизнинг нурингизни ўчиради<sup>1</sup>.

Амирнинг совға олиши ҳаром ва қозининг пора олиши диндан чиқишидир.

Қайси бирларингга қозилик лавозимини ўташлик тўғри келиб қолса, жаҳду ғазаб келганда ҳукм чиқарилмасин, хусумат билан келганларга қарашиб, уларни ўтқизишида ва уларга имо-ишора қилишда баробар бўлинсин.

Зиёратингизга келган одам ҳурматини жойига қўйинглар.

Кимники, Тангри дўст тутиб қолса, одамларнинг унга ҳожати тушадиган қилиб қўяди.

Қайси бир аёлга уйланиш дилга тушиб қолса, олдин уни бир кўриш ёмон эмас.

Қачонки, хаёлингиздан бирор шубҳали фикр ўтса, уни тарк этинг!

Савобли иш қилганингизда хурсанд бўлсангиз, гуноҳ иш қилганингизда эса хафа бўлсангиз, демак, сиз ҳақиқий мўминидирсиз.

Қайси бирларингиз ўзингиздан бойроқ ёки ахлоқи покроқ одамни кўриб қолсангиз, дарҳол ўзингиздан камбағалроқ ва ахлоқизроқ одамлар ҳам борлигини эсланг.

Дунёдан ўтиб кетганларнинг фақат яхши сифатларини ёд этинглар. Ёмон сифатларидан тилингизни тийинглар.

Одамларга кенг қалбли бўлинглар, шунда одамлар ҳам сизларга шундай бўлурлар.

Бу дунёда одамларга қаттиқ азоб берадиган кишиларни Тангри қиёмат куни қаттиқ азоблайди.

Беш хил хислатга кафил бўлинглар, токи мен ҳам сизлар учун жаннатга кафил бўлай: 1. Меросларингизни тақсимлашда бир-бирларингизга хиёнат ва зулм қилманглар. 2. Одамларга ўзларингизча инсоф қилинглар. 3. Душман билан бўладиган жангларда қўрқоқлик қилманглар. 4. Ўлжа тақсимотида хиёнат қилманглар. 5. Зулм қилувчилардан мазлумлар ҳақини ундириб беринглар!

Гарчи Хитойда бўлса ҳам илмга интилинглар, чунки илм олишга ҳаракат қилиш ҳар бир мўминга фарзdir.

Яхшиликни чехралари очиқ, хушрўй одамлардан кутинглар.

Учрашганда қайси бирларингиз биринчи бўлиб салом берсангиз, ўша одам Тангрига ҳам итоатлироқdir.

Хотинларнинг баракалироғи — сарф-харажатни камроқ қила-диганидир.

<sup>1</sup> Обрў-эътиборингизни пасайтиради маъносида.

Имоннинг афзали — сабр ва кенг қалбли бўлишдир.

Садақанинг афзали — мўмин киши илм ўрганиб, сўнг бошқа мўмин биродарларига ҳам ўргатишидир.

Бойларнинг уйига камроқ киринглар, акс ҳолда Тангрининг сизларга берган неъматларини писанд қилмаган бўласизлар.

Узр сўрашни<sup>1</sup> камроқ қилинглар.

Гуноҳнинг каттаси: Тангрига ширк келтиरмоқлик<sup>2</sup>, ноҳақ қон тўқмоқлик, ота-онага оқ бўлмоқлик ва ёлғон гувоҳлик бермоқлик.

Аввало онангга, яна онангга ва яна онангга, сўнг отангта яхшилик қил.

Тангри афв этувчиидир ва афв этувчи кишиларни дўст тутади.

Тангри сахийдир, сахийларни дўст тутади. Ахлоқи олий кишиларни ёқтириб, ахлоқсизларни ёқтирумайди.

Тангри ғам-ташвишли одамларга ёрдам берадиганларни дўст тутади.

Тангри аксиришликни ёқтиради, эснашликни ёмон кўради.

Бахти одам фитна-фасодлардан четлаб юрувчи ва мусибатга сабр қилувчи кишидир.

Тиламчилик қўйидаги уч тоифадан биригагина жоиздир:

1. Хун тўловчига. 2. Оғир қарздорга. 3. Мискин-қашшоқ кишиига.

Ўлим — даҳшатли ҳодисадир. Қачонки, тобутни кўрсаларингги на дарҳол (хурмат юзасидан) ўринларингиздан туринглар.

Имонли одам ваъдага вафодор бўлади.

Кишиларнинг молини ноҳақ ейишга ўч одамлар қиёмат куни дўзахга маҳкумдирлар.

Берган нарсасини қайтариб оладиган киши гўё ит қайт қилган нарсасини яна қайта ёавериши билан баробардир.

Икки заиф тоифа, яъни етим ва аёл ҳаққини емоғликни сизларга ҳаром қиласман.

Амирлик (подшоҳлик) нималигини сизларга айтсан, у биринчидан, маломатга қолиш, иккинчидан, пушаймонлик, учинчидан қиёмат кунидаги азобга қолиш. Одил подшоҳлар бундан мустасно.

Экмоқ ниятида қўлингизда кўчат турган пайтда, бехосдан қиёмат-қойим бўлиб қолиши аниқ бўлганда ҳам, улгурсангиз уни экиб қўяверинг.

Мен етимнинг кафиллигини олган одам билан жанинатда бирга бўлурман.

Қўшни билан яхши алоқада бўлинглар!

Сизларга кимлар жанинат аҳли бўлиши тўғрисида хабар берайми?

Улар заиф бечоралар ёки Тангрига қасамёл қилсалар, албатта устидан чиқадиганлар. Дўзах аҳлидан хабар берсан, улар қаттиқ хусумат қилувчи, мутакаббир одамлардир.

<sup>1</sup> Узр сўраладиган ишни.

<sup>2</sup> Тангрини бирдан ортиқ демоқлик ва ундан бошқаларда ҳам илоҳий куч бор, деб билмоқлик.

Ораларингизда энг кучлиларинг кимлигини айтайми?! У ғазаби келгандың ўзини тутиб турға оладиганингиздир.

Гұмондан сақланинглар! Зеро, у ёлғон гапдан иборатдир. Бир-бирларингизни текишириб, жосуслик құлманғлар. Мол-дунё учун мусобақа құлманғлар. Ўрталарингда ҳасад, адсоват ва аразлаш бұлмасин. Тангрининг ўзаро биродар бандалари бўлинглар. Бирор қўйган совчи устига, то улар ўзаро битишгунча ёки тарк қилишгунча, совчи юборманғлар.

Одамлар орасида чақимчилик ва бўғтон гапларни тарқатишдан сақланинглар.

Қайси бир одам ҳалол қасб билан молу дунё топиб, ундан ўзининг, Тангрининг бошқа бандаларининг озиқ-овқати ва кийим-кечаги учун сарф қилса, шуларнинг ҳаммаси унга садақа ҳукмидә ёзилади.

Қайси бир қавм бошлиғи ўз қўл остидаги одамларга хиёнат қилиб, уларни алдаса, у қиёмат куни дўзахга маҳкум бўлади.

Оила нафақасидаги тежамкорлик тирикчиликнинг ярмига тенг. Одамлар билан дўстлашиш ақлнинг ярмига тенг. Савол сўраш одобларини билиш илмнинг ярмига баробар.

Ислом, яъни мусулмончилик ошкора нарсадир, имон эса дилладир.

Сабр ва бардош Тангридан, шошқалоқлик эса шайтондандир.

Закотини адо этувчи, меҳмондуст ва мусибатли кишига ҳамдард бўлган одам баҳиллик ва қизғанчиқлиқдан ҳалосдир.

Тўйда мискинлар қолиб, фақат бойларгина еб кетадиган таом ёмон таомдир.

Ростгўйликда ҳавфу ҳатар кўрсанғлар ҳам фақат рост сўзланғлар. Шунда нажот топасизлар. Гарчи фойда кўриб турган бўлсанғиз ҳам ёлғондан сақланинглар. Чунки, барибир ёлғоннинг охиривой.

Бир-бирларингизга хайр-эҳсонли, меҳр-оқибатли бўлиб, қўл бериб сўрашиб юринглар, шунда дилларингиздаги филлу ғашлик кетади.

Уч хил сифат бордирки, кимда-ким уларга эга бўлса, Тангри қиёмат куни уни ҳимоя қилиб, ўз жаннатига киргизур:

1. Заифлар билан хушмуомала бўлиш.
2. Ота-онасига шафқатли бўлиш.
3. Қўл остидагиларга ҳимматли бўлиш.

Уч хил кишилар борки, уларнинг обрўсини тўкиб ҳақоратлаш мумкин:

1. Фисқ-фасод ишларни ошкора қилувчи одамни.
1. Золим подшоҳни.
3. Бидъат-хурофот ишлар қилувчи одамни.

Уч тоифа кишилар борки, Тангри қиёмат куни улар билан сўзлашмайди ва раҳмат назари билан ҳам боқмайди, гуноҳларини ҳам кечмайди, балки уларни қаттиқ азоблайди:

1. Кекса бўла туриб, зино ишларидан қайтмаган одам.

2. Ёлғончи подшоҳ.

3. Мақтанчоқ камбағал.

Саккиз тоифа кишилар қиёмат куни Тангрининг маҳлуқлари ичидаги энг ёмони ҳисобланурлар:

1. Ёлғончилар.

2. Мутакабирлар.

3. Қалбларида мўмин биродарларига нисбатан адоват сақлаган ҳолда, уларни кўрганларида мулозамат қилувчилар.

4. Тангри ва Расулининг даъватини секин, шайтоннинг буйруғини эса тез бажарувчилар.

5. Ноҳақ бўлса-да, қасам билан дунёдан тама қиласидаган кишилар.

6. Чақимчилар.

7. Дўстларни бир-биридан айиришга ҳаракат қилиб юрувчилар.

8. Гуноҳсиз, пок одамларга ноҳақ бўхтон қилувчилар, мазкурларнинг ҳаммасига Тангрининг газаби ёғилур.

Бозорларимизга четдан мол олиб келиш гўё Тангри йўлидаги жиҳод кабидир. Бозорларимиздаги нарсаларни уйида яшириб сақловчи одам гўё Тангрининг китобидаги Худосиз кабидир.

Мўминларнинг бир-бирларида олтита ҳақлари бор: салом бериш, чақирса бориш, маслаҳат сўраса бериш, аксирса жавоб айтиш, касал бўлса бориб кўриш, ўлса бориб дафнида қатнашиш.

Мўмин кишида қуидаги икки хислат бўлмаслиги керак: баҳиллик ва ахлоқсизлик.

Беш хил гуноҳ кечирилмайди: 1. Тангрига ширк келтириш. 2. Ноҳақ қон тўкиш. 3. Мўминларга нисбатан бўхтон уюштириш. 4. Жангдан қочиш. 5. Қасам ичиб, бирорнинг ҳақини ноҳақ ўзлаштириш.

Хотинларнинг яхшиси эрининг кўзини қувонтирадиган, амрига итоат қиласидаган ва у ёқтирадиган нарсасини ёқтирадиган, ёқтирадиганини ёқтирадиган бўлади.

Ота-оналарининг кексалик вақтида ҳар иккисини ёки бири бўлмагандан бошқасини рози қилиб, жаннатий бўлиб олмаган фарзанд xor бўлсин, xor бўлсин ва яна xor бўлсин!

Пора берувчи ҳам, уни олувчи ҳам дўзахга маҳкумдир. Ўлиб кетганларни ҳақорат қилувчи одам ҳалокатга яқиндир.

Бева хотинларга ва мискин-бечораларга ёрдам берувчи киши гўё Тангри йўлида жиҳод қилувчи ёки кечалари ибодат қилувчи, кундузлари рўза тутувчилар билан баробардир.

Ёлғон гувоҳлик берувчининг оёқлари ердан қўзғалмай туриб Тангри унга дўзахни раво қилиб қўяди.

Кишидаги энг ёмон хислат — ўта баҳиллик ва ўта қўрқоқликдир.

Қарзини узмай дунёдан ўтган одам, то ўша қарзи узилмагунча қабрида кишанланган ҳолда ётади.

Отага итоат қилиш — Тангрига итоат қилишдир. Унинг олдида гуноҳ қилиш Тангри олдида гуноҳкор бўлиш билан баробардир.

Бир соатгина илм ўрганиш бир кечалик ибодатдан яхши, бир кунлик эса уч ой тутилган нафл рўзадан афзалдур.

Илм ибодатдан афзалдир, тақво динни тутиб турувчи (устун)дир.

Икки хил қозилар борки, улар дўзахга маҳкумдирлар, бир хиллари эса жаннатийдирлар. Ҳақни билса-да, ноҳақ ҳукм чиқарадиган ёки умуман илми йўқ бўла туриб, ўз хоҳлаганича ҳукм чиқарадиган қозилар дўзахийдирлар.

Илмга нисбатан гўё чўпон каби посбон бўлинглар, лекин илмни фақат ривоят қилувчи бўлманглар!

Жаноб Пайғамбаримиз қачонки ёш болалар олдидан ўтиб қолсалар, улардан олдин салом қилиб ўтар эдилар.

Пора берувчини ҳам, уни оловчини ҳам, иккаласининг орасида турувчини ҳам Тангри лаънатласин!

Ота-онаси қарғаганни Тангри қарғайди. Тангридан бошқага атаб жонлик сўювчиларни Тангри лаънатлайди.

Мабодо, мен далил-исботсиз тошбўрон қилишим мумкин бўлгандан, мана шу фоҳиша аёлни тошбўрон қилар эдим.

Юриб кетаётганга — отлик, ўтирганга — юриб кетаётган, кўпчиликка — озчилик салом берсин! Саломга алик олса яхши, борди-ю олмаса, салом берувчига зарари йўқ.

Кураш тушиб ийқитган эмас, балки фазаби келганда ўзини босиб олган одам кучлидир.

Одамларни сулҳга келтириш, аразлашганларни яраштириш учун гапирилган ёлғон гапнинг зарари йўқдир.

Ирим қилувчи ёки ирим қилдирувчи, фолбинлик қилувчи ёки фолбинга борувчи, сеҳр қилувчи ёки сеҳр қилдирувчилар бизлардан (яъни мўмин) эмаслар.

Ҳасадгўйлик, чақимчилик ва фолбинлик қилувчилар мендан эмаслар, мен ҳам улардан эмасман.

Кимки ҳаётда тежамкор бўлса, зинҳор қашшоқликка тушмайди.

Қайси бир одам бирор мўмин биродарининг бошига мусибат тушиб, обрў ва хурматига путур етиб турганда ёрдам қўлини чўзмаса, ўзининг бошига кулфат тушиб, нажот тилаганда Тангри ҳам унга ёрдам бермайди. Агар, аксинча, унга ёрдам қўлини чўзса, Тангри ҳам унинг ҳожатига мададкор бўлади.

Ўн киши ва ундан ортиқ одамларга бошлиқ бўлган киши қиёмат куни икки қўли бўйнига боғлиқ ҳолда кўпгай. Агар у одил бўлган бўлса, адолати келиб қўлларини ечади. Борди-ю, золим бўлган бўлса, зулми қўлларини маҳкамроқ боғлайди. Амалдорликнинг боши — маломат, ўртаси — надомат, охири — қиёмат шармандалигидир.

Тангрининг наздида тўғри сўздан ортиқ садақа йўқдир.

Қайси бир халқнинг ичидаги жиноят ва гуноҳ иш қилувчилардан

кўра қилмайдиганлар кўп ва кучли бўлатуриб уларни тийиб қўймасалар Тангрининг офати ҳаммаларига баробар бўлади.

Кимки отасининг вафотидан кейин ҳам унга яхшилик қилишни истаса, унинг ёру биродарлари билан алоқани узмасин.

Бирорвнинг уйига берухсат эшик ёки тешикдан мўралаган одамнинг қўзини ўйиб олиш жоиздир.

Бир мўмин кишини гийбат қилаётганда унинг обрўсини ҳимоя этишга қодир бўла туриб, буни қилмаса, Тангри уни бу дунёда ҳам, у дунёда ҳам хор этур.

Ўзи билимсиз бўла туриб, турли низо ва муҳокама ишларида қатнашиб юрадиган одам то бу ишидан қайтмагунча Тангрининг фазабида бўлур.

Сизларнинг қай бирингиз бирор жиноят ёки гуноҳ иш қилаётган одамни кўрсангиз, уни аввало қўл билан қайтаринг. Бунга имкони бўлмаса, тил билан қайтаринг. Бунга ҳам қодир бўлмасангиз, дилингизда нафратланиб туринг. Лекин бу учинчиси одамнинг имони заифлигига далолатдир.

Икки қиз фарзандни боқиб, тарбиялаб вояга етказган одам билан мен жаннатда бирга бўлурман.

Кимки мусулмон мамлакатида яшовчи бошقا динга мансуб кишини ҳақорат қилса, қиёмат куни ўтдан ясалган қамчи билан урилади.

Бу дунёда иккюзламачи бўлган одамнинг қиёматда ўтдан ясалган икки тили бўлади.

Золимнинг золимлигини билиб туриб, унга ёрдам бериш учун у билан бирга юрган одам исломдан чиқиб қолади.

Кимки учта қиз фарзандни ўстириб, тарбиялаб, вояга етказиб, муносиб жойларга узатса, унинг мукофоти жаннатдир<sup>1</sup>.

Ўз ҳақини ҳимоя қилиш йўлида қурбон бўлган одамнинг ўлими нақадар яхши ўлимдир!

Раҳм қилмаганга раҳм қилинмайди, кечирмаганни кечирилмайди ва бирорвнинг узрини қабул қилмаганнинг тавбаси ҳам қабул қилинмайди.

Расууллоҳ қабр устига бирор нарса ёзиб қўйишни ҳам ман этганлар.

Кофиirlарни ҳақорат қилиб, мўминлар бошига улардан бирор кулфат етишига сабабчи бўлиб қолманлар!

Ўлиб кетганларни ёмонлаб ҳақорат қилманлар, чунки улар қилмишларига яраша мукофот ёки жазо оладиган жойга кетганлар.

Ўлганларни ҳақоратлаб, уларнинг тирик қариндошларини ранжитиб қўйманлар!

Мозорларга, азиз-авлиёларга атаб қурбонлик қилиш исломда йўқ.

Уч кундан ортиқ аразлашиб юриш исломда йўқ.

<sup>1</sup> 580- рақамли ҳадисга қаранг.

**ҚАДИМГИ ЎРТА АСРДА ЎЗБЕК ТАЪЛИМ-ТАРБИЯ  
МАКТАБИННИНГ РИВОЖЛАНИШИ  
(VI—VIII АСРЛАР)**

*Абу Абдуллоҳ Мұхаммад  
ибн Мусо ал-Хоразмий*

(780(3) — 850)



Маълумки, VII—IX асрларда Хоразм ободончилик , қурилиш иншоотларининг юксалиши жиҳатдан Шарқ мамлакатлари ичидагатта мавқега эга эди. Кўшни давлатлар ва халқлар билан савдо алоқасининг мустаҳкамлиги туфайли унинг маданияти ҳам тезкорлик билан ривожланиб бораётган эди.

Кутайба бошлиқ араб истилочилари 712- йилда Хоразмни забт этди. Ривожланган маданияти топталди, мавжуд китоблар йўқ қилинди, фан ва маданият арбоблари қирғинга учради.

Ана шундай тарихий даврда Абу Абдуллоҳ Мұхаммад ибн Мусо ал-Хоразмий тахминан 780- йиллар бошида Хоразмда дунёга келди. У бутун дунё илм оламини забт этган қомусий олимдир. Унинг риёзиёт ва фалакиёт илмига асос солгани ўз замонида ҳам, ҳозир ҳам тан олинган.

Ал-Хоразмий илмга жуда ёшлигидан меҳр қўйди. Ўз-ўзидан аёнки, дастлабки хат-саводни туғилган кентида чиқарди, мадрасаларда таълим олди, тинмай мутолаа қилди. Бўлгуси йирик олим мантиқий фикрлаш малакасини оширган, асосий эътиборни тил ўрганишга қаратган. Натижада Хоразмий тили билан бир қаторда, турк, араб, форс, санскрит, яхудий тилларини пухта эгаллаган.

Худди шу даврда, яъни 1813 йиллар араfasida Ал-Маъмун халифалик қилган даврда истеъдодли қомусий олим Ал-Хоразмий Бағдодга лутған таклиф қилинади. Олим бу таклифни қабул қилади, у ерда илм эгаллаш ва уни шогирдларга ўргатиш билан машғул бўлган. Унинг бу фаолияти, инсон сифатида ҳам, олим сифатида ҳам бағри кенглиги жуда катта обрў келтирган.

Ал-Хоразмий Бағдоддаги илм маркази (Донишмандлар уйи, кутубхоналар, обсерватория ва бошқа илм-маърифат тармоқлари)

ни бошқарган. Маҳаллий олимлар билан бир қаторда, Шарқ мамлакатларидан ташриф буюрган Аҳмад ал-Фарғоний, Аҳмад ибн Абдуллоҳ Марвазий сингари етук алломалар Ал-Хоразмий раҳнамолигида кенг кўламдаги илмий тадқиқот ишларини олиб боришган.

Ал-Хоразмий арифметика, алгебра, фалакиёт, ҳандаса, жуғрофия, тарих ва бошқа фанлар бўйича жиддий илмий кузатишлар олиб борди. Олимнинг «Китоб ал-мухтасар фи ҳил-жабр вал-муқобала» («Ал-жабр вал-муқобала ҳисоби ҳақида қисқача китоб»), «Зиж фи ила ал-фалак» («Астрономия Зижи»), «Китоб сурат ал-арз» («Ер сурати»), «Китоб ат-тарих» («Тарих китоби») сингари ўнлаб асарлари жаҳон илм хазинасини бойитди.

Ал-Хоразмий алгебрага оид китобининг ҳандасага бағишлиланган қисмида шаклларни ўлчаш (бурчак, учбурчак, тўртбурчак, кўпбурчак, конус, пирамида ва шу кабилар) масалаларини тадқиқ этган. Бу геометрик чизма билан бевосита боғлиқ, албатта. Олим тадқиқ қилган ўлчаш усувлари ҳақидаги таълимот чизмачилик фани тараққиётида муҳим аҳамият касб этди.

Хулоса қилиб айтганда, Ал-Хоразмийнинг илмий мероси фақатгина илм дорилфунуни учун эмас, балки ҳозирги таълим-тарбия, маърифий-маданий мактаблар тараққиётида жуда катта аҳамиятга эгадир.

## АЛ-ХОРАЗМИЙ ИЖОДИДА МАТЕМАТИК ФАНЛАР

Буюк математик, астроном ва географ, «ҳозирги замон алгебрасининг отаси» Муҳаммад ал-Хоразмий VII аср охири — IX асрнинг биринчи ярмида яшаб ижод этди. Олимнинг тўлиқ исми Абу Абдуллоҳ Муҳаммад ибн Мусо ал-Хоразмий ал-Мажусийдир. Бу ерда исмнинг «Абу Абдуллоҳ Муҳаммад» қисми исломга янги ўтганларга бериладиган анъанавий исмдир. «Ибн Мусо» «Мусонинг ўғли» демакдир; «ал-Мажусий» тахаллусига кўра, Хоразмийнинг аждодлари мажусий коҳинларидан, яъни муғлардан бўлиб, исломни отаси қабул қиласанлигини кўрсатади.

Олимнинг туғилган ва вафот этган йиллари ҳамда ҳаёт йўли ҳақида аниқ маълумот сақланмаган. У туғилган йилни 783- йил деб таҳмин қилинади. Хоразмийнинг бошланғич таълими, шунингдек, Хоразмни қандай шароитда ташлаб кетганлиги ҳам фан учун ҳозирча номаълум. Маълумки, мажусий коҳинлари қадимий диний урф-одатларидан хабардор бўлган, ерли халқ ёзувини билган ҳамда диний ва илмий адабиётлар уларнинг қўлида сақланган. Шунга кўра, Хоразмий бошланғич маълумотни ўз уйида олган деган хулосага келиш мумкин.

Айрим тадқиқотчиларнинг фикрича, Бағдодда астрономия билан шуғуланишга турткы бўлган сабаблардан бири бағдодликлар ҳиндларнинг билимидан хабардор бўлганликлариdir. Бу далил ҳақида ва Хоразмийнинг унда тутган ўрни ҳақида XIII асрнинг тарихчиси Ибн ал-Қифтий (1172—1248) қуйидагича хабар беради:

«Ибн Одамий деб маълум бўлган ал-Ҳусайн ибн Мұхаммад ибн Ҳамид ўзининг «Терилган маржон» деб аталган катта зижда ҳикоя қиласиди, бир юз эллик олтинчи (милодий 773) иили Ҳалифа ал-Мансур олдига Ҳиндистондан бир киши келди. У ёритқичларнинг ҳаракатлари, уларнинг чорак дараҷа учун ҳисобланган кардаражалардан тузилган тенгламалари ва ёритқичлар билан бўладиган бошқа самовий ҳодисалар, чунончи, тутилишлар эклиптика (даражаларнинг) чиқишлари ва бошқалар ҳақидаги Синдҳинд деб аталувчи ҳисобдан хабардор эди... Булар бир неча боблик китобда келтирилган эди. У (Ал-Ҳусайн) айтадики, ўша (ҳинд) китобни ҳинд подшоҳларидан бўлмиш Фигар исмли подшога мансуб кардаражалар ҳисобига қисқартирган, бунда кардаражалар минутлар учун ҳисобланган бўлди.

Ал-Мансур, араблар сайёralар ҳаракати (масалаларида) асос қилиб олсинлар деб, бу китобни таржима қилиш ва унга кўра китоб ёзишни буюрди. Бу (ишга) Мұхаммад ибн Иброҳим ал-Фазорий киришди ва шу (китоб) асосида бир китоб ёзди, у астрономлар орасида «Катта Синдҳинд» деб аталади. У замон аҳли то ҳалифа учун Абу Жаъфар Мұхаммад ибн Мусо ал-Хоразмий қисқартириб, ўз зижини тузди, бу (зиж) ислом мамлакатларида машҳур бўлди. Бунда у Синдҳинддаги ўртacha (планеталар)га таянади, лекин, тенгламалар ва (Қуёш) оқиши (масаласида) унга мухолиф бўлди. Шунинг учун у тенгламаларни форслар мазҳабига кўра, Қуёш оқишини эса Птолемей мазҳабига кўра аниқлади. Унда у тақрибий (ҳисоблашнинг) ажойиб навларини ихтиро қилди, гарчи бунда унинг геометрияда заиғлигидан далолат берувчи муайян хато бўлса ҳам, у замон аҳлининг Синдҳинд тарафдорлари бу китобни маъқулладилар ва уни тезда мамлакатларга тарқатдилар. Замонимизнинг синчков қишилари унга тузатиш киритиб, ҳатто ҳозирги кунда ҳам фойдаланиб келмоқдалар».<sup>1</sup>

Шундай қилиб, Ибн ал-Қифтий келтирган хабар Хоразмийнинг Бағдодга келган даври ҳақидаги энг илк ва аниқ гувоҳликдир. Хоразмий Бағдодга келиб, у ердаги Қутраббул маҳалласида яшаганлиги ҳақида хабар бор<sup>2</sup>. У «Байт ул-ҳикмат»нинг кутубхонасига мудирлик қилади<sup>3</sup>.

<sup>1</sup> Ибн ал-Қифтий. Китаб ахбар ал-улама би-ахбар ал-Ҳукама. Қоҳира 1326 х. (1908 м.), 177—178- бет.

<sup>2</sup> Салье М. Мухаммед аль-Хорезми — великий узбекский ученый. Ташкент, 1954, 5- бет.

<sup>3</sup> Ибн ал-Қифтий. Ўша асар. 187- бет.

Хоразмий Маъмун академиясида олиб борилган илмий кузатишларда фаол қатнашади. Ҳусусан, Бағдоднинг Шаммосия маҳалласи расадхонасидаги астрономик кузатишлар Хоразмий ва Яҳё ибн Абу Мансур бошчилигига олиб борилган<sup>1</sup>.

Хоразмий «Байт ул-ҳикмат»нинг илмий фаолиятида узлуксиз ва бевосита иштирок этиб, унинг энг фаол аъзоларидан бири бўлган. Хоразмий халифалик тарихидаги муҳим бир давр — уйғониш даврининг бошида ижод этди.

Олимнинг ижоди ҳақидаги маълумотлар ҳам унинг ҳаёти тўғрисидаги маълумотлар каби жуда кам. Сақланган маълумотларга кўра, унинг қаламига мансуб асарларнинг сони ўндан ортиқдир:

1. Арифметик асар, лотинча *Algoritm de numero indarum* («Алгоритми ҳинд ҳисоби ҳақида») номи билан маълум. Асарнинг арабча нусхалари сақланмаган.

2. Ал-китоб ал-муҳтасар фи ҳисоб ал-жабр вал-муқобала («Ал-жабр ал-муқобала ҳисоби ҳақида қисқача китоб»).

3. «Зижи ал-Хоразмий» («Хоразмий Зижи») арабча нусхада сақланмаган. Асарнинг 1007 йили испаниялик араб астрономи Маслама ал-Мажритий (Х—XI) қайта ишлаган нусхасидан XII асрда Аделард Бат бажарган лотинча таржиманинг нусхалари мавжуд.

4. Муҳаммад ибн Мусо ал-Хоразмийнинг ажойиб ишларидан, устурлаб ёрдамида азимутни аниқлаш («Зара иф мин<sup>6</sup> амал Муҳаммад ибн Мусо ал-Хоразмий та риф ас-самт би-л-астурлоб»), ягона арабча кўлёзмаси Истанбулда Аё Сўфиё кутубхонасида 4830/ 13 рақамли инвентарь (198<sup>8</sup>—200<sup>a</sup> вараклар, ҳижрий 620 йили кўчирилган) рақам билан сақланади. Русча таржимаси нашр этилган.

5. Мармар соат ҳақида китоб (Китоб ар-руҳама).

6. Тарих китоби (Китоб ат-тарих).

7. Абу Маслама ал-Мажритий ўзининг «Фоят ал-ҳаким» номли асарида Хоразмийнинг астромагик маънога эга асаридан кўчирма келтиради<sup>2</sup>. Бу асар сақланмаган.

8. Яхудийларнинг эралари ва байрамлари ҳақида рисола (Рисола фи истихроҳ та рих ал-йаҳуд ва а ёдиҳим), тақвимга тааллуқли. Бу китобни муаллиф таржима қилган.

9. Сурати-л-арз китоби (Китоб сурати-л-ард) — Хоразмий «География»си, бу асар ҳам муаллиф томонидан таржима қилинган.

10. Устурлаблар билан амал тутиш ҳақида китоб (Китоб ал-амал би-л-астурлобот).

<sup>1</sup> Sayili A. The islamik observatorics, S. 78.

<sup>2</sup> Sergin F. LAS. Bd. VI. S. 143.

## ХОРАЗМИЙ АРИФМЕТИКАСИ ВА ЎНЛИК ПОЗИЦИОН ҲИСОБЛАШ СИСТЕМАСИ

Хоразмийнинг арифметик ва алгебраик асарлари математика тарихида янги даврни — ўрта асрлар математикаси даврини бошлаб берди ва математиканинг кейинги асрлардаги ривожланишига беқиёс таъсир кўрсатди. Улар кўплаб тадқиқотлар учун таянч вазифасини ўтади: уларни кўплаб муаллифлар шарҳлади ва уларнинг қисмлари бошқа асарлар таркибига кирди, асрлар давомида бир неча авлодлар математик маълумотларни шу асарлардан олди. Олим ўзининг математик асарларида кундалик ҳаёт талаби ва эҳтиёжларини эътиборга олган ҳолда олимлар учун ҳам, хунармандлар учун ҳам энг керакли бўлган маълумотларни тўплади ҳамда сермазмун ва содда иборалар билан қисқагина баён этди.

Ўзининг арифметик асарида Хоразмий араб тилида биринчи бўлиб ўнлик позицион ҳисоблаш системасини ва унга асосланган амалларнинг баёнини келтиради.

Сонларнинг ҳинд рақамлари билан ўнлик позицион системада ёзилишини ва «О» га ўхшаш кичик доирача»нинг ишлатилиши ҳақида муфассал сўзлаганидан сўнг Хоразмий катта сонларни айтишни ўргатади ва бунда у фақат бирлар, ўнлар, юзлар ва мингларнинг номларидан фойдаланади. Мисол тарикасида Хоразмий мана бу (қўлёзмада кўрсатилмаган) 1180 073 051 492 863 соннинг ўқилишини кўрсатади, у бундай ўқилади: мингта минг минг минг минг беш марта ва юз минг минг минг тўрт марта ва саксон минг минг минг минг тўрт марта ва етмиш минг минг минг уч марта ва уч минг минг минг уч марта ва эллик бир минг минг икки марта ва тўрт юз минг ва тўқсон икки минг ва саккиз юз олтмиш уч<sup>1</sup>. Сонларнинг бундай нокулай ўқилиши Шарқда ҳам, Европада ҳам узоқ муддатгача сақланиб, ўнлик позицион система узил-кеシリл ғалаба қилгандагина йўқолади.

Хоразмий икки бараварлаш ва иккилаш, яъни яримлаш амалларига муҳим аҳамият беради.

Бундан кейин Хоразмий бутун сонларни бир-бирига кўпайтиришга ўтади. Бунинг учун у 9 ни 9 гача кўпайтириш жадвалини ёддан билиш кераклигини айтади.

Хоразмий бутун сонлар устида амалларни тугатгач, каср сонлар устидаги амалларга ўтади. Каср сонлар рисоланинг лотинча таржимасида fractcones дейилган бўлиб, бу сўз арабча «каср» — «бўлак» («касара» — «синдиримоқ, майдаламоқ») сўзининг таржимасидир. Кейинчалик деярли барча Еврона тилларидағи «каср» маъносини англатувчи сўзлар шу лотинча номдан таржалади. Хоразмий арифметик рисоласининг лотинча таржимасида ҳам касрларнинг аталишида араб тилига хос бўлган хусусият сақланган.

<sup>1</sup> Таржима, 104- бет.

Хоразмий «олтмишлик касрлар» тушунчасини киритишда бирни олтмиш бўлакдан иборат деб қараб, бунинг ҳар бир қисмини «дақиқа», бунинг олтмишдан бир қисмини «сония», бунинг олтмишдан бир қисмини «солиса» ва ҳ. к. дейилишини айтади. Лотинча таржимада бу номлар сўзма-сўзига «минута», «секунда», «терция» ва ҳ. к. деб таржима қилинган. Бутунни эса Хоразмий «даражা» деган, лотинчага у «градус» деб таржима қилинган. Хоразмий кўпайтиши биринчи ўринга қўяди. Аввал у олтмишлик касрларни кўпайтишда кўпайтманинг мартабасини аниқлаш қоидасини айтади. Касрларни ва аралаш сонларни ўзаро кўпайтишда кўпайтма қўйи мартбадаги соннинг мартбасида бўлишини таъкидлайди. Бўлиш амалида бўлинувчи ҳам, бўлувчи ҳам улардаги энг қўйи мартбада ифодаланади: агар бўлинувчининг шу мартбадаги бирлари бўлинувчи-никидан кичик бўлса, уни яна битта қўйи мартбага ўтказилади<sup>1</sup>. Кейин Хоразмий олтмишлик касрларни қўшиш, айриш, икки бараварлаш ва иккилаш амалларини баён қиласди.

Европада ўнлик позицион ҳисоблаш системасининг ва рақамларнинг тарқалишида XII асрдан бошлаб арабча арифметик асарларнинг ва, айниқса, Хоразмий рисоласининг лотин тилига қилинган таржималари катта аҳамият касб этади.

## АЛ-ЖАБР ВАЛ-МУҚОБАЛА — АЛГЕБРА

Хоразмийнинг алгебрага оид рисоласи унинг арифметик рисоласидан аввал ёзилган. Олимнинг рисоласида арифметик алгебрасини эслаши бунга далил бўла олади<sup>2</sup>. Рисоланинг таржимамизга асос бўлган 1342 йили кўчирилган ва Оксфорд университетининг Бодлеян кутубхонасида сақланадиган арабча нусхада 34 варақни ташкил қиласди. Рисола уч қисмдан иборат: 1) алгебраик қисм (16—15 *a*- бетлар), охирида кичик бир бўлим — савдо муомаласига оид боб келтирилади; 2) геометрик қисм, алгебраик усул қўллаб ўлчашлар ҳақида (15 *a* — 18 б- бетлар); 3) васиятлар ҳақидаги қисм. Хоразмий уни алоҳида ном билан «Васиятлар китоби» деб атаган (18 б — 34 *a*-бетлар). Хоразмий рисолада ҳеч қандай белгилашларни келтирмайди ва мавзуни бутунлай сўз билан баён этади ва шакллар келтиради.

Рисола бошида ҳамду санодан кейин бу китобни ёзишдан мақсади нима эканлигини қўйидаги сўзлар билан айтади: «... Мен арифметиканинг оддий ва мураккаб масалаларини ўз ичига оловчи «Ал-жабр вал-муқобала ҳисоби ҳақида қисқача китоб»ни таълиф қилдим, чунки мерос тақсим қилишда, васиятнома тузишда, мол тақсимлашда ва адлия ишларида, савдода ва ҳар қандай битимларда,

<sup>1</sup> Таржима, 108- бет.

<sup>2</sup> Юқорида. 102- а бетга қаранг.

ва шунингдек, ер ўлчашда, каналлар ўтказишда, геометрияда ва бошқа шунга ўхшаш турлича ишларда кишилар учун бу зарурдир<sup>1</sup>.

Олимнинг бу сўзларила, рисолада ўз оллига қўйган комплекс масалалар акс этган. Шу билан бирга, Хоразмий халифаликда кун тартибида турган хўжалик эҳтиёжлари, ислом ва шариат доктринасига кўра юзага келадиган масалалар, меъморчилик ва ирригация билан боғлиқ бўлган масалаларни ҳал қилишни ҳам кўзда тутганилигини билдиради. Умуман олганда, Хоразмий алгебраси — сонли квадрат ва чизиқни тенгламаларни счиш ҳақидаги фандир.

Хоразмий асосий алгебраик мавзуга ўтишдан аввал ўнлик позицион ҳисоблаш системаси, унинг қулайлик ва афзаллиги ҳақида қисқача тўхталиб ўтади.

Хоразмий айтишича, алгебрада уч хил сонлар билан иш қўрилади: илдиз (жизр) ёки нарса (шай), квадрат (мол) ва оддий сон ёки дирҳам (пул бирлиги)<sup>2</sup>. Яна унинг айтишича, илдиз — ўзини ўзига кўпайтириладиган миқдор, квадрат эса илдизни ўзига кўпайтиришдан ҳосил бўлган катталиклар. У аввал рисолада қўриладиган олтида чизиқли ва квадрат тенгламанинг таснифланишини келтиради. Бундан кейин конкрет мисоллар билан бошқа ҳар қандай тенгламалар рисола моҳиятидаги асосий амаллар ал-жабр вал-муқобала амаллари ёрдамида олти каноник қўринишга келтирилиши қўрсатилади.

Рисоланинг қўрилган бобларида алгебраик ҳисоб ҳақида бошланғич маълумотлар келтирилган бўлиб, Хоразмий уларнинг бирида «квадрат иррационаллик» тушунчасини ишлатади ва уни «жизр асамм» деб атайди<sup>3</sup>.

Хоразмий «иррационаллик» тушунчасини ишлатган бўлса ҳам, иррационал миқдорлар билан кўп иш кўрмайди.

Хоразмий ясси шакллардан учбуручаклар, тўртбуручаклар ва ўткир бурчакли ва ўтмас бурчакли учбуручаклар билан иш қўради. Уларни аниқлаш учун Хоразмий уларнинг катта томонининг квадрати билан қолган икки томони квадратларининг йифиндиси орасидаги тегишли тенглик ёки тенгсизликни келтиради. Шуни ҳам айтиш керакки, бу маълумотлар Героннинг асарларида ва Евклид «Негизлар»нинги I—II китобларида бордир. Евклидинг асари эса Хоразмийдан бир оз аввал араб тилига таржима қилинган эди. Пифагор теоремасини Хоразмий хусусий ҳолда тенг ёни учбуручак учун исботлайди<sup>4</sup>.

Хоразмий тўғри призма, цилиндр, пирамида, конус ҳамда баландлиги ва асослари маълум квадратдан иборат кесик пирамиданинг ҳажмларини топиш қоидаларини ҳам келтиради. Бу кейинги ҳажмни у иккита тўлиқ пирамида ҳажмларининг айрмаси деб қарайди ва аввал уларнинг баландликларини аниқлайди.

<sup>1</sup> Таржима, 1- бет.

<sup>2</sup> Таржима, 2- а бет.

<sup>3</sup> Таржима, 6- б бет ва 55- изоҳ.

<sup>4</sup> Таржима, 16- а бет.

Хоразмий алгебрасининг геометрик қисмида у Герон асарларига ёндашган адабиётлар билан ва ҳинд геометрик назариялари билан таниш эканлиги сезилади. Геометрик қисми ҳажми жиҳатидан кичик бўлса ҳам, ўша давр ҳунармандлари учун жуда зарур бўлган маълумотларни ўз ичига олган ҳамда содда ва равон тил билан баён этилган эди.

Хоразмий алгебрасининг васиятномаларга багишланган учинчи бўлимидаги масалаларнинг деярли барчаси чизиqli тенгламалар билан ифодаланади. Бу бўлимда келтирилган қатор масалаларда аниқмас ва, кўпинча, бир жинсли тенгламалар билан иш кўрилади.

Хоразмий алгебрасининг фан тарихидаги роли ниҳоятда улканdir. Алгебрада у бошлаб берган йўналишни кейинги давр математиклари давом эттириб, юқори поғоналарга кўтардилар. Умар Хайём Хоразмий бошлаб берган алгебрадаги йўналишни давом эттириб, геометрик алгебра усулини янада чуқур ўрганиб, такомиллаштиради. У конус кесимлар ёрдамида кубик тенгламаларни ечиш усулини Шарқ алгебрасига киритади ва тенгламаларнинг Хоразмийдан тўла таснифланишини келтиради. Хоразмийда каноник кўринишлар б та бўлган бўлса, Умар Хайём уларни, кубик тенгламалар ҳисобига, 25 тага етказади.<sup>1</sup> Машхур математик ва астроном Жамшид Коший (XIV—XV аср) эса ўзининг 1427 йилда ёзилган «Мифтоҳ ал-ҳисоб» номли асарида бу усулни янада такомиллаштиради.<sup>2</sup> Шу билан бирга, Коший ижодида Хоразмий бошлаб берган Шарқ алгебраси ва, умуман, математикаси ўзининг энг юқори поғонасига кўтарилади.

## МУҲАММАД ИБН МУСО АЛ-ХОРАЗМИЙНИНГ «ВАСИЯТЛАР КИТОБИ»ДАН

### *Нақд ва қарз ҳақида боб*

Вафот этган кишидан икки ўғил қолган ва у молининг учдан бирини бошқа одамга васият қилган. У нақд ўн дирҳам ва ўғилларидан бирининг (улушига тенг) қарзга бергани қолдирган. Қоидаси: қарздан олинадиганни нарса деб қабул қил ва уни нақдига, яъни ўн дирҳамга кўш. Ўн ва нарса ҳосил бўлади. Бундан учдан бирини айир, чунки у молининг учдан бирини васият қилган, бу учу учдан бир дирҳам ва нарсанинг учдан бири. Олтию учдан икки дирҳам ва нарсанинг учдан иккиси қолади. Буни ўғиллар орасида тақсимла. Шунда ҳар бир ўғилнинг улуши — учу учдан бир дирҳам ва нарсанинг учдан биридир. Бу олинадиган нарсага тенг. Шу ерда нарсанинг учдан бирини нарсанинг учдан бирига рўпара қўй. Қолгани: учдан икки дирҳамга

<sup>1</sup> Омар Хайям. Трактаты, 73—74- бетлар.

<sup>2</sup> Джемшид Гиясэддин ал-Каши. Ключ арифметики. Трактат об окружности. М., 1956, 9—262- бетлар.

тeng уч дирҳам ва нарсанинг учдан иккисидир. Сен нарсани тўлдиришга муҳтоҗсан (бунга унинг ярмига тенгини қўш ва учу учдан бирга унинг ярмига тенгини қўш, беш дирҳам ҳосил бўлади. Мана шу нарса бўлиб), у қарздан ҳосил бўлади.<sup>1</sup>

### *Васиятлар ҳақида бошқа боб*

Вафот этган кишиининг хотини, унинг битта ота ва онадан икки укаси, икки синглиси қолган ва у бошқа бир одамга ўз молининг тўққиздан бирини васият қилган. Қоидаси бундай: агар сен мероснинг бўлакларини қирқ саккиз қисмдан иборат дессанг, унинг (саноғини) аниқлаган бўласан. Сен биласанки, агар молнинг ҳаммасидан тўққиздан бирини айрсанг, саккиздан тўққизи қолади ва айрилаётган қолаётганинг саккиздан бирига тенг. Тўққиздан саккизга унинг саккиздан бирини қўш ва қирқ саккизга унинг саккиздан бирини, бу олти, қўш, бу билан сенинг молинг тўлиқ бўлади. Эллик тўрт ҳосил бўлади. Тўққиздан бири васият қилинган киши бундан олтисини, яъни бутун молнинг тўққиздан бирини олади. Қолганини, яъни қирқ саккизни меросхўрлар орасида уларнинг улушига кўра тақсимланади.<sup>2</sup>

*(Тақдир) айланшишидаги ҳисоб.<sup>3</sup>*

### *Касалликда уйланниш ҳақида боб*

Бир киши ўладиган касал бўла туриб, бир аёлга юз дирҳамга уйланди ва унинг бундан бўлак моли йўқ эли, аёлнинг ўзи баравар маҳри<sup>4</sup> ўн дирҳам эди. Сўнгра аёл ўлди, у молининг учдан бирини васият қилган эди. Кейин эри ўлди. Қоидаси, у аёлдаги юздан унинг маҳрини, яъни ўнни айир. Унда тўқсон дирҳам қолади, васият қилинганни ана шундан ҳисобланади. Васият қилинганни нарса лебол ва уни шундан айир. Нарсасиз тўқсон қолади. Аёлнинг қўлида ўн дирҳам ва нарса қолади. У ўз молининг учдан бирини, яъни учу учдан бир дирҳам ва учдан бир нарсани васият қилган. Олтию учдан икки дирҳам ва учдан икки нарса қолади. Бундан эри меросининг ўзига қайтадиган — ярми, яъни — учу учдан бир дирҳам ва учдан бир нарса. Эрининг меросхўрлари қўлида нарсанинг учдан иккисисиз тўқсон учу учдан бир дирҳам қолади. Мана шу хотини меросининг икки бараваридир, яъни нарса, чунки хотин эри қолдирган мероснинг учдан бирини васият қилишга ҳаққи бор. Унинг васият қилганининг икки баравари икки нарсадир. Тўқсон учу учдан бирни учдан икки нарса билан тўлдир ва буни икки нарсага қўш. Ҳосил бўлади: тўқсон учу учдан бир дирҳам иккию учдан икки нарсага тенг. Битта нарса шунинг саккиздан училир, яъни тўқсон учу учдан бирининг саккиздан уни, яъни ўттиз беш дирҳамдир.<sup>5</sup>

## *Алгоризми ҳинд ҳисоби ҳақида*

### *(Арифметика)*

Алгоризми<sup>6</sup> деди: Раҳмли ва меҳрибон Тангрига лойиқ мақтовлар айтайлик, унга миннатдорчилигимизни билдирайлик ва уни кўкларга кўтариш билан мақтовни оширайлик, унга ибодат қиласайлик, токи у бизни адолат сари бошлаб, ҳақиқат йўлидан олиб борсин ва бизга 92 та ҳарфдан иборат ҳинд ҳисоби ҳақида баён этишга қилган қароримизга ёрдам берсин. Улар ҳар қандай сонни қулайлик ва қисқалик учун арифметикани ўрганаётганларнинг мушқулини осон қилиб, яъни катта ва энг кичик сонни ҳамда уни кўпайтириш ва бўлиш, қўшиш ва айриш ва бошқа барчасини шу (ҳарфлар) ёрдамида ифода этадилар.

Алгоризми деди: Мен ҳиндулар<sup>7</sup> 9 та ҳарфдан, уларда ўзлари хоҳлаганларича жойлаштиришларига кўра, истаган сонларини тузатишларини кўрганимдан кейин, агар Худо хоҳласа, ўрганаётганларга осонлик учун бу ҳарфлардан нима ҳосил бўлишини кўрсатишни азм қилдим. Агар ҳиндулар худди мана шуни хоҳлаган бўлса ва бу 9 та ҳарфнинг улардаги маъноси менга очилган маънонинг ўзгинаси бўлса, Тангри мени шунга қаратади йўллаган. Ёинки улар бу ишни мен айтгандан бошқа сабабга кўра бажарган бўлсалар, у ҳолла менинг баёнимдан бу сабабни ҳам аниқ ва ҳеч қандай шак-шубҳасиз топиш мумкин бўлади ва ҳам кузатувчи, ҳам ўрганувчи учун у осонроқ намоён бўлади.

Шундай қилиб, улар 9 та ҳарф яратганларки, буларнинг шакллари мана бундай...<sup>8</sup> Ҳар хил кишида буларнинг шаклларида фарқлар бор: бундай фарқ беш ва олти ҳарфларнинг ва шунингдек, етти ва саккизнинг шаклида бор. Лекин бунда ҳеч қандай қийинлик йўқ. Чунки, булар сонларни ифодаловчи белгилардир, фарқланадиган шакллари эса қўйидагилар...<sup>9</sup>: Мен «Ал-жабр вал-муқобала», яъни «Тўлдириш ва рўпара қўйиш китоби»да ҳар қандай сон ҳам тузма сон ва ҳар қандай сон бирлардан тузилган эканлигини кўрсатган эдим. Бу ҳақда арифметикага доир бошқа китобда ҳам айтилган. Бир ҳар қандай соннинг илдизидир ва, демак, у сонлардан ташқарида туради. У шунинг учун соннинг илдизидирки, ҳар қандай сонни у туфайли аниқланади. У шунинг учун сонлардан ташқаридайдирки, у ўз-ўзича, яъни ҳеч қандай бошқа сонсиз аниқланади. Қолган сонлар эса бирсиз топилиши мумкин эмас.<sup>10</sup>

Чунки, сен «бир» деганингда у ўзининг таърифланиши учун бошқа сонга муҳтоҷ эмас, қолган сонлар эса бирга муҳтоҷ. Шунинг учун сен, агар олдинда бир келмаган бўлса, «икки» ёки «уч» дейа олмайсан. Демак, сон бирларнинг йиғиндисидан бўлак нарса эмас ва биз, «агар олдинда бир келмаган бўлса, «икки» ёки «уч» дейа

олмайсан», деганимизда сўзлар ҳақида эмас, ишнинг айни моҳияти ҳақида ганирган эдик. Чунки агар бирни йўқотилса, икки ва уч мавжуд бўла олмайди. Бир эса иккинчи ва учинчисиз ҳам мавжуд бўлаверади.<sup>11</sup> Шундай қилиб, икки иккиламчилик ёки бирнинг иккиланганидан бўлак нарса эмас. Бошқа сонлар ҳақида ҳам шу йўсинда фаҳмлайвер.

### *«Васиятлар китоби» ва Арифметик китобга изоҳлар*

1. Агар қарзга берилганни  $x$  десак, бутун мол  $10 + x$  бўлади. Иккала ўғилга ва васият қилинганга тегадиган улушларнинг ҳар

$$\text{бири тенг бўлиб, у } \frac{10+x}{3} + x \text{ бўлгани учун бундан } \frac{10}{3} = -\frac{2}{3}x \text{ аа } x = 5.$$

2. Исломда мерос улашиш ҳукуқи шариатга кўра белгиланган бўлиб, унга Куръонда «Нисо» сурасининг қўйидаги оятлари асос қилиб олинган: «Оллоҳ сизларга болаларингиз ҳақида васият қиласиди, ўғилнинг улушки икки қизнинг улушига тенг, агар аёллар иккитадан ортиқ бўлса, уларга у (отаси — А. А.) қолдирган молнинг учдан бири; агар аёл битта бўлса, унга ярми ва ота-онасининг ҳар бирига у қолдирганинг олтидан биридир, агар унинг фарзанди бўлса; агар унинг фарзанди бўлмаса, унинг ворислари ота-онаси бўлади ва бунда онасига учдан биридир. Агар унинг акалари бўлса, онасига у васиятномасида васият қилганидан ёки ота-онасининг ва болаларининг қарзларини тўлаганидан кейин қолганинг олтидан биридир (Куръон, «Нисо», 12-оят). «Сизларга хотинларингиз қолдирганинг ярмидир, агар уларнинг болалари бўлмаса; агар уларнинг боласи бўлса, уларнинг васиятномасида васият қилганидан ёки қарзлари тўланганидан кейин қолганинг чораги сизгадир; уларга эса агар сизларнинг болаларингиз бўлмаса, қолдирганингизнинг чорагидир. Агарда сизнинг болангиз бўлса, уларга васиятномангида васият қилганингиздан ёки қарзни тўланганидан қолганинг саккиздан биридир» (ўша ерда, 13-оят).

Исломда мерос улашишнинг шаръий ҳукуқига кўра, онаси

молнинг  $\frac{1}{6}$  ини, хотини  $\frac{1}{8}$  ини олгани учун керакли ёки зарурий

мерос, яъни онаси, хотини, ака-укалари ва опа-сингилларига қолдирган мероси 48 қисмга бўлинади, бундан 8 қисми онасига, 6 си хотинига тегади, қолгани эса ака-ука, опа-сингиллар орасида ула-

шилади. Керакли мерос  $\frac{8}{9}$  қисм бўлгани учун бутун мол  $\frac{9}{8} \cdot 48 = 54$

қисмга бўлинади, бундан 9 қисми васият қилинган кишига тегади, 8 қисми онасига, б си хотинига, қолган қисмлари эса ака-ука ва опа-сингиллар орасида улашилади.

Шариат ва ислом ҳукуқшунослиги мерос улашишда «ҳам фарз, ҳам қарз» масаласини қонунийлаштиришга уринган бўлса ҳам, аслида, ҳаётда квадрат тенгламаларни ечиш билан боғлиқ бўлган анча мураккаб масалалар юзага келарди. Бундай ҳолларда масалани ҳал қилиш қозиларнинг қўлидан келмай, улар илм мутахассисларига, хусусан, математикларга мурожаат қилишга мажбур бўлардилар. Хоразмий алгебраси, айниқса, унинг «vasият китоби» қисми, шундай масалаларни ҳал қилишга мўлжалланган қўлланма деса бўлади. Кейинчалик ислом мамлакатларида васият ва мерос масалалари «Илми фароиз» номи билан аталувчи алоҳида фанга шаклланди. Бу фанга оид «Хулосат ул-ҳисоб» номли энг йирик асарни XVI асрда яшаган суриялик математик Баҳоуддин ал-Омилий ёзган.

3. Биз шундай таржима қиласиз. Матнда сўзма-сўз «давр ҳисоби», бу ердаги «давр» сўзи муддатни билдирувчи давр маъносида бўлмай, балки «давр талаби», «давр тақозоси» ёки «пешона» ибораларида ишлатиладиган ва кўпроқ «тақдир», «пешона» тушунчаларига яқин бўлгани учун шундай таржима қилинди. Бу ерда Хоразмий кўраётган масалаларда «давр тақозоси» ёки «пешонадагига» кўра, масалада иштирок этувчи шахсларнинг ўрни алмашиб қолиши мумкин, яъни васият қилаётган киши кутилмаган сабабга кўра унга васият қилинаётган кишининг ўрнида бўлиб қолиши мумкин. Масалан, ўладиган касалликдаги васият қилувчи киши ўлмай, тўсатдан унга васият қилинаётган киши ўлиб қолиши масала шартларининг ўзгартирилишини талаб қилган. Европада бу турдаги масалалар «дов бўлиниши» ҳақидаги масалаларга олиб келган бўлиб, бу масалалар эҳтимоллик назариясининг юзага келишида муҳим роль йўнади (қаранг: Майстров Л. Е. Роль азартных игр в возникновении теории вероятностей, Acta Universitatis Debreceniensis, t. VI1/2, 1961, pp. 3—24).

4. Маҳр — ўрта асрларда ислом мамлакатларида уйланувчи киши қалин пулига кирувчи ва аёлнинг «маҳрига тушган» пулни ҳам тўлаши керак бўлган. Аёл «маҳрига тушган» пулни хоҳлаганича сарфлаш ҳукуқига эга бўлган.

5. Аёл васият қилаётган нарсани  $x$  десак, маҳри билан бирга  $10 + x$  бўлади, эрининг қарамогидаги пул эса  $100 - (10 + x) = 90 - x$  бўлади. Аёл ўз молининг учдан бирини васият қолиши мумкин, бу

$\frac{1}{3}(10 + x)$  бўлади. Эрига ундан қолганинг ярми, яъни  $\frac{1}{3}(10 - x)$

тегади, қолганинг иккинчи ярмини аёлнинг ворислари олади. Бошқа

жиҳатдан, хотин әридан қолганнинг фақат учдан бирига эгалик қилиши мумкин бўлгани учун эрининг ворисларига 2x тегади. Шунинг учун

$$90 - x + \frac{1}{3}(10 + x) = 2x, \text{ яъни } x = 35 \text{ бўлади.}$$

6. Алгоризми, лотинча нусхада Algorizmi. Бу срда Algorizmi сўзи олимнинг тўлиқ номидаги Ал-Хоразмий исбасининг транскрипциясиdir. Бонкомпаны нашрида бу исм икки марта Algoritmi, учинчи ҳолда algoritmi шаклида келган, қўлёзмада эса учала ҳолда ҳам бир хил келган. XII асрда яшаган севилиялик Иоани ўзининг «Алгоризмнинг арифметик тажриба ҳақида китоби» (Joanni Hispalensis liber algorizmi de pratica arifmetice, Trattati o Arif-jnetica publicati da Baldas-Sarc Bonsomagni, II, Roma, 1857, pp. 25–90) асарида бу исмни algorizmi шаклида транскрипция қилган, ўша асрда яшаган Магистр А. Аделарл Бат) эса «Алгоризмнинг астрономия санъатига кириши китоби» номли асарининг (Liber us agogarum algorizmi in artem astronomicam a magistro A. Compositus; Curtze M. Über eine Algorismus-Schrift des XII Jahrhundert Abhandlungen Zur der Mathematik, Heft 8, Leipzig, 1898) қўлёзмасида бу исмни alchozismi шаклида транскрипция қилган.

Рисола қўлёзмасида номи келтирилмаган асар «Алгоризми ҳинд ҳисоби ҳақида» (Бонкомпаньида Algoritmi de numero indorum) номи билан маълум бўлиб, бу ном рисоланинг биринчи абзасидан олинган.

Ал-Хоразмий исми Algorismus ва Algorithmic шаклларида Европада ўрта асрларда ўнлик ҳисоблаш системасининг синоними бўлиб қолган эди. Бу ҳисоб билан европаликлар Хоразмийнинг рисоласи орқали танишдилар, унинг номи эса кейинчалик «алгорифм» (ёки «алгоритм») шаклини олиб, бу сўз ҳар қандай регуляр ҳисоблаш жараёнини англатувчи тушунча бўлиб қолди.

7. Қўлёзмада деярли барча рақамлар ўша давларда Европада кенг тарқалган рим рақамлари билан ёзилган. Шубҳасиз, арабча қўлёзмада ҳинд рақамлари бўлган, чунки Хоразмий рисоласини ёзишининг боиси ҳам ўша ҳинд рақамлари асосидаги ҳисобни баён этиш эди. Биз рим рақамларини араб рақамларига алмаштирамиз.

8. Ҳиндларнинг янги ҳисоб системасини баён қилганликлари ҳақидаги илк маълумот Фрот бўйидаги Дайр Қиннасринда яшаган суриялик руҳоний Север Себохтнинг қўлёзмасида келтирилган. 622-йили ёзилган бу асарида Себохт юнон тилидан фойдаланмайдиган олимларга жирканиб қаровчиларга эътиroz билдириб, бундай олимларнинг катта илмий ютуқларига мисол тариқасида ҳиндларнинг ҳисоблаш системасини эслатади: «Мен сурёнийлардан фарқ қиласидиган ҳиндларнинг фани ҳақида, уларнинг юнонлар ва бобилликларнинг

кашфиётларига қараганда чуқурроқ бўлган астрономиядаги ажойиб ихтиrolари ҳақида ва уларнинг барча тавсифдан ҳам ортадиган ҳисоб системалари ҳақида айтмоқчи эмасман. Балки мен фақат улар ҳисобни тўққизта белги ёрдамида бажаришлари ҳақида айтмоқчиман. Агар фақат юононча сўзлашишнинг ўзи билан фаннинг барча ниҳояларига етдим деб ўйладиганлар бу ҳақда билганиларида эди, улар бирор нарсани билувчи бошқалар ҳам борлигини билган бўлардилар» (қаранг: F. Nau, *Netes d'Astronomie syrienne Jorna] Asiatique*, 6-ime s'erie, t. 16, 1910, P. 225).

Ҳинд грамматиги Шанкара 686 йили ёзган бир асарида хабар бериб айтадики, айнан бир белгининг ўзи «турли жойда ўрнатилганида сўз билан бир, юз, минг ва ҳоказо деб ифодаланадиган турлича тушунчаларни англатади» (қаранг: B. Datta, *Early history of the principle of place volne Scientia* vol.50, 1931).

9. Лотинча қўлёзмада тўққизта рақамнинг шакли келтирилмаган. Арабча қўлёзмаларда рақамлар ушбу i, g, r, z кўринишга эга эди. Ушбу қўлёзмада фақат 1, 2, 3 ва 5 ни ифодаловчи рақамлар келтирилган.

10. Фарқланувчи рақамларнинг турли шакллари қўлёзмада келтирилмаган. Ҳинд рақамлари шакллариининг фарқланиши уларнинг Европада тез тарқалишига тўсиқлик қилди, чунки бу пул хужжатларида қаллобчилик қилишга имкон берарди.

11. «Ал-жабр вал-муқобала», яъни «тўлдириш ва рўпара қўйиш киби» — Хоразмийнинг алгебраик рисоласи. «Ал-жабр вал-муқобала», яъни «тўлдириш ва рўпара қўйиш» — лотинчага algebra et almuqabala шаклида транскрипция қилинган. Бу ерда Хоразмий алгебраик рисоласида айтган қўйидаги сўзларини назарда тутади: «Мен кишиларга ҳисоблашда нима кераклигини текшириб қараганимда, бунинг ҳаммаси сон эканлигини кўрдим. Мен барча сонлар бирлардан тузилишини ва бир барча сонларнинг таркибига киришини топдим» (2- а бет). Хоразмий алгебраик рисоласига ҳавола қилишига қараганда, арифметик рисоласини ундан кейин ёзган кўринади.

### **«АЛ-КИТОБ АЛ-МУХТАСАР ФИ ҲИСОБ АЛ-ЖАБР ВАЛ-МУҚОБАЛА» («АЛ-ЖАБР ВАЛ-МУҚОБАЛА ҲИСОБ ҲАҚИДА ҚИСҚАЧА КИТОБ») РИСОЛАСИДАН**

...Ўтмиш даврларда ўтган халқларнинг олимлари фаннинг турли тармоқлари ва фалсафанинг турли бўлимлари соҳасида асарлар ёзишдан тийилмас эдилар. Бу билан улар ўзларидан кейин кела-диганларни назарда тутардилар ва булар томонидан ўзларига (сарф қилган) кучларига муносиб мукофот бўлар деган умид тутардилар

ҳамда шон-шараф билан мукофотланардилар, ростгүй лаблардан мақтовлар айтилади, деб ишонардилар. Чунки, улар бунга нисбатан фаннинг махфий сирларини очиш учун ўз бўйинларига олган қийинчиликлар ва меҳнатларини арзимас бир нарса деб билардилар. Улардан бири ўзидан аввалгилар қилган ишларни амалга оширишда бошқаларидан ўзиб кетади ва уни ўзидан кейин келувчиларга мерос қилиб қолдиради. Бошқаси ўзидан аввалгиларнинг асарларини шарҳлайди ва бу билан қийинчиликларни осонлаштиради, табият сирларини очади, йўлни ёритади ва уни тушунарлироқ қиласди ёки бу айрим китобларда нуқсонлар топадиган ва сочилиб ётганини тўплайдиган одам бўлиб, у ўзидан аввалгилар ҳақида яхши фикрда бўлади, такаббурлик қилмайди ва ўзи қилган ишидан мағрурланмайди.

...Мен арифметиканинг оддий ва мураккаб масалаларини ўз ичига оловучи «Ал-жабр вал-муқобала ҳисоби ҳақида қисқача китоб»ни таклиф қилдим, чунки мерос тақсим қилишда, васиятнома тузишда, мол тақсимлашда ва аддия ишларида, савдода ва ҳар қандай битимларда, шунингдек, ер ўлчашда, каналлар ўтказишда, ҳандасада ва бошқа шунга ўхшаш турлича ишларда кишилар учун бу зарурдир.

Мен ал-жабр вал-муқобала ҳисоби учун зарур бўладиган уч хил сон: илдизлар, квадратлар ва квадратларга ҳам, илдизларга ҳам тегишли бўлмаган содда сон борлигини топдим. Квадрат ўзининг бешта илдизига teng бўлса, унинг квадрат илдизи бешга, квадрати эса йигирма бешга teng. Квадратнинг учдан бири тўртта илдизга teng бўлса, у ҳолда бутун квадрат ўн икки илдизга teng, яъни у бир юзу қирқ тўртга teng ва унинг илдизи ўн икки. Квадрат тўққизга teng десанг, у ҳолда тўққиз квадрат, унинг илдизи эса уч квадратнинг ярми — ўн саккизга teng десанг, квадрат — ўттиз олтига, илдизи эса олтига teng. Илдиз уч сонига teng десанг, илдиз — уч, унинг квадрати — тўққиз. Тўртта илдиз йигирмага teng десанг, битта илдиз — беш, унинг квадрати эса йигирма беш. Илдизнинг ярми ўнга teng десанг, илдизи йигирмага teng, унинг квадрати — тўрт юз. Квадрат ва унинг ўнта илдизи ўттиз тўққиз дирҳамга teng десанг, бу қўйидагини билдиради, агар бирор квадратга унинг ўнта илдизига teng нарсани қўшсанг, ўттиз тўққиз ҳосил бўлади. Илдизлар (сони)ни иккига бўл, бу масалада беш ҳосил бўлади, уни ўзига tengга кўпайтир, йигирма беш бўлади. Уни ўттиз тўққизга қўш, олтмиш тўрт бўлади. Ундан квадрат илдиз чиқар, саккиз бўлади. Ундан илдизлар (сони)нинг ярмини, яъни бешни айир, уч қолади. Мана шу (сон) сен излаган квадрат илдиз бўлади, унинг квадрати эса тўққиз. Сен квадрат ва йигирма бир сони унинг ўнта илдизига teng дейсан, бу эса агар квадратга йигирма бир дирҳам қўшсанг, шу квадратнинг ўнта илдизига teng бўлади, дегани, унинг қоидаси қўйидагича: илдизлар

сонини иккига бўл, беш ҳосил бўлади. Уни ўзига тенг (сон)га кўпайтири, йигирма беш бўлади. Ундан квадрат томондаги йигирма бирни айир, тўрт қолади, ундан квадрат илдиз чиқар, икки бўлади. Буни илдизлар (сони)нинг ярмиси, яъни бўшдан айир, уч қолади. Бу сен излаган квадратнинг илдизи бўлади. Унинг квадрати тўқиз, агар бу илдизни илдизлар (сони)нинг ярмисига қўшишни истасанг, илдизи, уни квадрати — қирқ тўқиз. Агар сенга шу бобга тегишли масала учраса, унинг тўғри ечимини қўшиш ёрдамида топишга ҳаракат қил, агар тўғри чиқмаса, айришинг зарур бўлади. Сен учта илдиз ва тўрт сони квадратга тенг десанг, у ҳолда қоида мана бундай: илдизлар (сони)ни иккига бўл, бир ярим ҳосил бўлади, уни ўзига тенг (сонга) кўпайтири, иккю чорак ҳосил бўлади. Тўртга қўш, олтию чорак бўлади. Ундан квадрат илдиз чиқар, икки ярим бўлади. Унга илдиз (сони)нинг ярмисини, яъни бир яримни қўш, тўрт ҳосил бўлади: мана шу квадрат илдиз, унинг квадрати — ўн олти.

Агар нарсасиз ўнни нарсали ўнга (кўпайтири) деса, ўн ўнга — бу юз, айриладиган нарса ўнга — ўнта айриладиган нарса, нарса ўнга қўшиладиган ўнта нарса, айриладиган нарсани нарсага (кўпайтмаси) — айриладиган квадрат, уларнинг ҳаммаси биргаликда — юз квадратсиз дирҳам, дегин. Агар сен икки квадрат илдиз тўқизни уч квадрат илдиз тўртга кўпайтиришни истасанг, сенга ўргатганимиз каби икки квадрат илдиз тўқиздан илдиз чиқар, яъни улар қандай квадратнинг илдизи эканини топ. Уч квадрат илдиз тўрт билан ҳам худди шу ишларни қил, яъни улар қандай квадратнинг илдизи эканини бил ва квадратлардан бирини иккинчисига кўпайтири. Ҳосил бўлганидан чиқарилган квадрат илдиз икки квадрат илдиз тўқизни уч квадрат илдиз тўртга кўпайтмаси бўлади.

Шуни билгинки, кишиларнинг савдо-сотик, айрибошлиқ ва қарз олиш каби келишувга доир ишларида сўровчи томонидан ўрнатиладиган тўртга сон — ўлчов, баҳо, миқдор ва қиммат қатнашади. Ўлчовга мос сон қийматга мос сон қаршисида, баҳога мос сон эса миқдорга мос сон қаршисида туради. Бу тўрт сондан учтаси ҳамма вақт маълум бўлади, биттаси эса номаълум бўлади.

Агар учбурчак шаклидаги ер майдонининг икки томони ўн газдан, асоси эса ўн икки газ бўлиб, унинг ичиди квадрат шаклидаги ер майдони бўлса ва квадратнинг ҳар бир томони қандай деб сўралса, унинг қоидаси қўйидагича: учбурчакнинг баландлигини бил, яъни асосининг ярмини, яъни олтини унга тенгга кўпайтири, олтини унга тенгга кўпайтирилса, ўттиз олти ҳосил бўлади, уни қисқа томонлардан бирининг ўзига тенг сонга кўпайтирилганидан, яъни юздан айир, олтмиш тўрт қолади; ундан квадрат илдиз чиқар, (у) саккиз, бу баландлик ва у (учбурчак)нинг юзи — қирқ саккиз газ, бунинг учун асосининг ярми, яъни олтини баландликка кўпайтири. Квадрат-

нинг томонларидан бирини нарса (номаълум) деб оламиз (ва) ўзига тенгга кўпайтирамиз, квадрат ҳосил бўлади; уни ёдда сақлаймиз — сўнгра биламизки, бизда квадратнинг томонлари бўйича иккита ва устида битта учбурчак қолади. Квадратнинг томонлари бўйича жойлашган учбурчакларга келсак, улар тенг, чунки ҳар иккаласининг баландлиги бир хил ва бу иккала учбурчак ҳам тўғри бурчакли. Уларнинг юзи қўйидагича: нарсанни ярим нарсасиз олтига кўпайтири, ярим квадратсиз олти нарса ҳосил бўлади, бу квадратнинг томонлари бўйича жойлашган учбурчакларнинг умумий юзи бўлади. Юқори учбурчакнинг юзига келсак, у ҳолда нарсасиз саккизни, яъни (учбурчакнинг) баландлигини нарсаннинг ярмига кўпайтири, квадратнинг ярмисиз тўртга нарса ҳосил бўлади. Буларни, яъни квадратнинг юзини ва учта учбурчакнинг юзини қўшамиз. Ўнта нарса қирқ саккизга тенг бўлади, бу катта учбурчакнинг юзи. Шунинг учун битта нарса тўрт ва бешдан тўрт квадратнинг бурчак томонлари шундай.

Доиранинг юзи диаметрининг ярмини айланада узунлигининг ярмисига кўпайтирилганига тенг (59—78-бетлар).

## «ЗИЖ» ИДАН

Агар сен тескари синусни ва (синуслар устунига) кириш лозим бўлган тўқсон градусдан кичик қийматини топмоқчи бўлсанг, бу қийматни тўқсон градусдан айриши лозим, сўнгра (ясси) синусни топиш ва синусни олтмишдан айриши керак. Қолгани, сен қидирган нарса бўлади. Агар биринчи қиймат тўқсон градусдан ортиқ бўлса, тўқсон (градуснинг) ўзига мос ясси синус берилади, унга тегишли қолдиқ, сўнгра эса унга тегишли (синус)ни олтмишга қўшиш керак, буларнинг ҳаммаси биргаликда тескари синус деб аталган бўлади.

Кўёш баландлиги бўйича ихтиёрий жисмнинг ясси сояси қандай аниқланади? Баландлик билан, яъни Кўёшнинг кундузги баландлиги билан синуслар (устунига) кириш лозим, сўнгра баландликни 90 дан айриш ва қолгани билан синуслар (устунига) кириш керак. Бу иккинчи синус ўн иккига кўпайтирилади ва кўпайтма яна юқоридаги сингари бўлинади. Агар ҳар қандай жисм ўн икки бармоқча бўлинган деб олсак, бўлинманинг сони соядаги бармоқлар сонига тенг.

Агар сен соя бўйича баландликни аниқласанг, у ҳолда соя ўз-ўзига кўпайтирилади, сўнгра кўпайтмага 144 қўшилади ва йифиндининг илдизи, яъни квадратнинг томони топилади. Бу илдиз шу соянинг диаметри. Сўнгра соя 60 га кўпайтирилади ва кўпайтма эслатилган диаметрга бўлинади, (бўлинма бўйича) ёй топилади. Сўнгра топилган ёй 90 дан айрилали. Қолдиқ изланган баландликни кўрсатади.

Ўша баландлик билан синусларнинг ўша устунига (киритилади), сўнгра (баландликни) 90 дан айирилади ва қолдиқ билан яна синусларнинг (устунига) киритилади. Сўнгра биринчи синус иккинчи синусга бўлинади. Агар минутлари бўлса, у ҳолда улар олтмишга кўпайтирилади, кўпайтма юқорида кўрсатилгани сингари бўлинади. У ҳолда биз бўлинмада тескари сояни кўрсатувчи бармоқ ва минутлар ҳосил қиласиз (29—42- бет).

### ФОЙДАЛАНИЛГАН АДАБИЁТЛАР РЎЙХАТИ

1. *Ибн ал-Қифтий.* Китоб ахбар ал-улама биа ахбар ал-Ҳукама. («Ҳокимлар хусусидаги хабарлар билан олимларни танишириш китоби»). Қоҳира, 1326 ҳ. / 1908 м., Лейпинг (1903).
2. *Салье М. Мухаммед ал-Ҳорезми* — великий узбекский учёный. Ташкент, 1954.
3. *Омар Хайям.* Трактаты. М., 1961.
4. *Джемшид Гиясэддин ал-Каши.* Ключ арифметики. Трактат об окружности. М., 1956.
5. *Муҳаммад ибн Мусо ал-Ҳоразмий.* Таъланган асарлар. Тошкент, «Фан», 1983.
6. Куръони Карим.
7. *Абу Райҳон Беруний.* Таъланган асарлар, V жилд, 1- китоб, Қонуни Маъсудий, 1—5- мақолалар. Таржимон А. Расулов. Махсус мұхаррир А. Ахмедов. Изоҳларни А. Ахмедов ва А. Расулов тузган. Тошкент, 1973.
8. *Юшкевич А. П.* Арифметический трактат Мухаммеда бен Муса ал-Ҳорезми. «Труды института истории, естествознания и техники АН СССР», вып. I, М., 1964.



---

# **Маҳмуд ибн Муҳаммад ибн Умар ал-Чагминий**

(XII—XIII аср)



XII аср охири — XIII аср бошларида ижтимоий тўқнашувлар кескин тус олганлиги, давлатлар ўртасида уруш-жанжаллар кучайгани тарих саҳифаларидан маълум. Айниқса, Хоразмдай буюк давлатга қарши ружу авжига чиққанди. Бироқ, хоразмшоҳлар ўзларининг мустақиллиги учун ақл-заковатини тўғри йўлга солиб, бу ишда матонат кўрсатишарди. Ўша даврда Хоразмда фан ва маданият, адабиёт ва санъат ривожланган бўлиб, муқаддас Хоразмда етишиб чиққан қомусий олимлар риёзиёт, фалакиёт, ҳандаса, тарих, география, тиббиёт, чизма ҳандаса сингари фан соҳаларига асос солғанлар ва такомиллаштирганлар.

Қай бир давлат фан ва маданият тараққиётига эришолмаса, у ривожланмайди. Шунинг учун хоразмшоҳлар бу нарсага алоҳида эътибор беришган. Бу исбот талаб қилмайдиган ҳақиқатдир.

Тарих саҳифаларига Отсиз ибн Кутбиддин Муҳаммад ибн Ануштегин (1097—1156) Хоразмнинг қудрати ва мустақиллиги учун курашган фидойи шоҳ экани зарҳал ҳарфлар билан ёзилган. Отсиз шоҳлик қилган даврда Жанд ва Манғишлоқ ярим ороли ва Сирдарёнинг пастки қисми, шунингдек, бошқа кўп шаҳарлар Хоразмга қўшиб олинди.

Эл-Арслон, Отсизнинг ўғли Муҳаммад Хоразмшоҳ (тўлиқ исми Алоуддин Такаш ибн Эл-Арслон ибн Отсиз ибн Ануштегин) невараси Алоуддин Такаш, чевараси (Такашнинг ўғли) Султон Муҳаммадлар (Муҳаммад Хоразмшоҳ деб ҳам айтилади — З. О.) шоҳлик қилган даврларда Хоразм жуда катта марказлашган давлатга айланди.

Ўша даврда Хоразмда фан, маданият ва илмга қизиқиш кучайди, тадқиқотлар кўлами ва салмоғи юксак поғонага кўтарилди. Бу ерга бошқа мамлакатлардан олимлар келиб, илмий ишларини давом эттиридилар, кўплари эса хоразмлик олимлардан илм сабоқларини олишиди. Уларга ҳам хоразмшоҳлар етарлича шарт-шароит яратиб беришган.

Ана шундай тарихий даврда Маҳмуд ибн Муҳаммад ибн Умар ал-Чагминий Хоразмнинг Чагмин деган кентида туғилган (туғилган

йили аниқ эмас). Профессор Ҳамидулла Ҳасанов «Чағминн»ни «Сайёҳ олимлар» номли асарида («Ўзбекистон» нашриёти, 1981, 43-бет) «Жағмин» деб кўрсатади. Бизнингча, Чағмин тўғри бўлса керак. Чунки Хоразм халқи деярли «ж» лаб гапирмайди.

А. Ирисов, А. Носиров ва И. Низомиддиновлар Чағминийнинг туғилган жойи тўғрисида «ўрта осиёлик қирқ олим» рисоласида («ФАН» нашриёти, 1961, 72- бет) «...Бухоронинг Чағмин деган қишлоғига нисбат бериб, шундай атаган деган фикрлар ҳам йўқ эмас» деган фикр билдиради. Қолаверса, «Буни (яъни «Қонунча»ни — З. О.) баъзилар, масалан, «Кашф уз-зунун» нинг муаллифи Котиб Чалабий «Қонун» табиий энциклопедияси (Ибн Сино асари — З.О.) дан олинган леб ёзади» каби сатрларни келтиради. Бу тахминларга қўшилиш қийин. Салоҳиддин Мусо ибн Муҳаммад Қозизода Румийнинг Маҳмуд ал-Чағминийнинг «Астрономиянинг қисқа баёни» номли асарига ёзган «Астрономиянинг қисқача баёнига шарҳ» и шу фикримизнинг далили бўлиб хизмат қилади. Чунончи, у шарҳнинг кириш қисмида «асарни Султон ибн Султон ибни Султон Улугбек ибни Шоҳруҳ Амир Темур Кўрагонга бағишланган» лигини айтиб, сўнгра китобнинг муаллифи тўғрисида «Астрономия бўйича ёзилган бу китоб Маҳмуд ибни Муҳаммад ибни Умар Чағминий томонидан ёзилган. Муаллиф исмидаги Чағмин сўзи эса Хоразмдаги кентнинг номидир» сингари фикрни илгари суради. (Қаранг: Ҳ. Сиддиқов. Ўрта Осиё, Яқин ва Ўрта Шарқ олимларининг ишларида геометрия «Фан» нашриёти, 1991, 184-бет). Кўпгина Европа олимлари ҳам турли мамлакатлар кутубхоналарида сақланётган қўлёзмаларни талқиқ этиш асосида юқоридаги каби хulosага келганлар.

Демак, Маҳмуд Чагминий буюк Хоразмнинг Чагмин деган кентида туғилиб, дастлаб Хоразм, кейин Бухоро, Самарқанд мадрасаларида таълим олган, илм сирларини ўрганганди.

Маҳмуд Чагминийнинг вафот этган йили хусусида ҳам турли маълумотлар мавжуд. Кўпчилик олимлар у 1221 йилда оламдан ўтган, деган хulosага келганлар. Бироқ вафот этган жойи ҳақида ҳеч қандай маълумот берилмайди. Биз Чагминий асарлари ва у яшаган тарихий даврни, шунингдек, ҳозирги замон олимларининг фикрларини ўрганиш асосида олим Хоразмда вафот этган деган хulosага келдик. Чунки ўша даврларда Хоразм фан ва маданият ўчоги бўлгани учун кўпчилик машҳур олимлар у ерда тўпланишган ва фаолият кўрсатишган. Шу боис умрининг охирида Чагминийга бошқа шаҳарга кетиш эҳтиёжи йўқ эди. Хуллас, Маҳмуд Чагминий тўғрисида Шарқ ва Европа олимлари асарларида узук-юлуқ фикрлар билдирилади, лекин улар олим ва педагогнинг таржимаи ҳолини қайта тиклаш учун тўла маълумот сифатида хизмат қилолмайди.

Муҳаммад Мустафо соллаллоҳу алайҳи васаллам ахлоқ-олобга оид ҳадисларида «Гарчи Хитойда бўлса ҳам илмга интилинглар, чунки

илем олишга ҳаракат қилиш ҳар бир мүминга фарздор» дейди. Зотан, Маҳмуд Ҷағминийнинг илму фан билан машғул бўлиши, маданият ва таълимга қизиқиши унинг маърифатли ва улуғвор инсонлигини тақозо этади.

Маҳмуд Ҷағминий тиббиёт, илми фалакиёт ва нужум, риёзиёт, ҳандаса, чизма ҳандаса, география сингари фан соҳалари бўйича илмий тадқиқот ишларини олиб боргани тўғрисида унинг мерос қилиб қолдирган мўътабар асарлари гувоҳлик беради. Шунингдек, олимнинг асарлари унинг ўз она тилидан ташқари араб ва форс тилларини пухта билганини ҳам тўла тасдиқлайди.

Олим фан дунёсига фалакиёт ва география илмлари бўйича таълим берувчи (Муллаҳхас фи-л-ҳайъа) («Илми нужум ҳақида қисқача китоб») номли асари билан машҳур ва манзурдир. Бу мўътабар китобга Улуғбек расадхонасида хизмат қилган машҳур олим ва айни чоғда Улуғбекнинг устози Салоҳиддин Мусо ибн Муҳаммад Қозизода Румий 1412 йилда шарҳ ёзган экан. Бу далил Маҳмуд Ҷағминийнинг «Илми фалакиёт ҳақида қисқача китоб» рисоласи ўзидан кейинги олимлар ва талабалар дикқат-эътиборида бўлганини ва ҳурматини қозонганини тўла тасдиқлайди. Дарвоҷе, ўша шарҳ Улуғбекнинг таклифига биноан ёзилган. Демак, бундан Маҳмуд Ҷағминийнинг «Муллаҳхас фи-л-ҳайъа» («Илми фалакиёт ҳақида қисқача китоб») номли асарида Улуғбекнинг илми фалакиёт дорилғунунидан фойдаланилган деган мантиқий хуроса келиб чиқади.

Хоразмлик олим ва тарбияшунос (мархум) Халил Сиддиқовнинг гувоҳлик беришича, Ҷағминийнинг илми фалакиёт ҳақидаги китоби Қозизода Румийдан ташқари, Абдулҳасан Али ибн Муҳаммад Сайид Шариф Журжоний, Камолиддин Туркманий, Ҳиндистоннинг машҳур олими Муҳаммад Ҳожа Муқим ва шу кабилар томонидан шарҳланган.

Хоразмлик қомусий олим Маҳмуд Ҷағминий илми тиббиёт соҳасида ҳам бекиёс истеъдод соҳиби эканини кўрсата олган. У бу илмий мартабага эришиш учун ўзидан муқаддам ўтган олимларнинг асарларини чукур ўрганди, тинимсиз ўқиди, уларга шарҳлар ёзди. Шу ўрганиш ва илмий кузатишлар туфайли олимнинг «Қонунча» деган асари вужудга келди, у табобат илмини бойитишга, тўлдиришга хизмат қилди. Мазкур китобда инсон аъзолари ва уларнинг тузилиши ҳақида айтилиб, баъзи касалликларни даволаш, шунингдек, озиқалар ва уларни истеъмол қилиш қонуниятлари ва шу кабилар хусусида таълим берилади. Демак, Ҷағминий, тиббиёт илмини ҳам илмий, ҳам амалий жиҳатдан пухта эгаллаган назариячи олим ва шифокор бўлган.

Маҳмуд Ҷағминий риёзиёт илми билан пухта шуғулланиб «Ҷағмин илми» деган асар битган. У «ал-Муллаҳхас» номли қўлсэмага

жамланган. Ундан сферик тригонометрияга тегишли «Хандаса шакллари» ҳам ўрин олган.


Қайд қилинган ўша тригонометрия ва илми фалакиёт билан боғлиқ шакллар чизмачилик санъати асосида чизилиши ва қоғозга тушириб кўрсатилиши табиий. Демак, Маҳмуд Ҷағминий чизма ҳандаса ва чизмачилик илмини ҳам пухта эгаллаган олимдир.

Хулоса қилиб айтганда, хоразмлик қомусий олимнинг илмий-ижодий фаолияти ўзидан кейинги фан тараққиёти учун катта хизмат қилган. Унинг асарларини ўрганиш, тарғиб қилиш жуда беқиёс таълим ва тарбиявий аҳамият касб этади.


## МАҲМУД ҶАҒМИНИЙ АСАРЛАРИДАН НАМУНАЛАР

Ҷағминий ясси тўла тўрт томонликни ҳосил қилиш foясини шундай бошлайди: АС ва АВ тўғри чизиқлари бирор А нуқтала кесишисин. Агар уларни учинчи бир тўғри чизиқ билан кессак, у АС ни бирор Е нуқтада кесади. Бу ҳолда Е нуқта АС нинг кесмаси орасида бўлади (1- шакл).

Агар учинчи тўғри чизиқнинг АВ ва АС тўғри чизиқлари билан ўзаро кесишиш тартибини ўзгартирсак, у ҳолда кесишишининг Е нуқтаси АС орасидан ташқарида ётади (2- шакл).



1- шакл




2- шакл


Агар бу уч чизиқнинг ўзаро кесишишларини яна бошқачароқ қилиб ўзгартсак, у ҳолда Е нуқтаси АС орасидан ташқарида қолади; олдинги ҳолда Е нуқтаси С нуқтаси томондан ташқарида қолса, кейинги ҳол учун Е нуқта АС орасида А томондан ташқарида қолади.

Шунингдек, агар АС, АВ ларни тўртинчи СД чизиги билан кессак, у ҳолда АС нинг С нуқтада ва АВ ни ташки Д нуқтада кесганини кўрамиз (3-шакл). Агар учинчи шаклдаги АВ чизиқ билан кесишиш ҳолатини озгина ўзгартиб, СД билан кессак, у ҳолда биз қуйидаги шаклга эга бўламиз. Ёки АВ ва АС нинг кесишишини олсак, СД тўғриси АВ ва АС ларни Д нуқтада шаклдагидек кесади (4-шакл).

АВ, АС, ВЕ, ДС чизиқлари тўлиқ тўрттомонликнинг томонлари дейилади ва бу томонлар 6 та А, Д, В, F, Е, С нуқталарда кесијпади.



3- шакл



4- шакл

Бу шундай геометрик шаклки, унинг ҳар бир томонида 3 та чизик 3 нуқта билан аниқланади.

АВ томонда 3 та кесма: АВ, АД, ДВ.

АС томонда 3 та кесма: АС, АЕ, ЕС.

ВЕ томонда ҳам 3 та кесма: ВЕ, EF, BF.

ДС томонда эса: DC, DF ва FC.

Шундай қилиб, бу шаклда ҳаммаси бўлиб 12 та кесма бор. Шуларга асосан Чагминий бу шаклдаги чизиқларга нисбатан тубандаги нисбатлар тўғри эканлигини кўрсатади:

$$\frac{AB}{BD} = \frac{AE}{EC} \cdot \frac{CF}{FD}$$

Бу тенгликни исботлаш учун Чагминий А нуқтадан DF чизигига параллел ўтказади ва уни BE чизиги билан Т нуқтада кесишгунга қадар давом эттиради. У ҳолда ҳосил бўлган учбурчак AET билан учбурчак CEF лар ўзаро ўхшаш учбурчаклар ҳисобланади. Бу ўхшашликдан:

$$\frac{AT}{CF} = \frac{AE}{EC}$$

бўлади (5- шакл).

Учбурчак DFB билан учбурчак ATB нинг ўхшашлигидан эса


$$\frac{DF}{AT} = \frac{BD}{AB}$$

Агар бу иккала тенгликни бирбирига мос равишида кўпайтирсак, ушбу тенглик ҳосил бўлади:

$$\frac{DF}{CF} = \frac{BD}{AB} \cdot \frac{AE}{CE}$$

ёки

$$\frac{BD}{AB} = \frac{DF}{FC} : \frac{AE}{EC} = \frac{DF}{FC} \cdot \frac{EC}{AE}.$$



5- шакл

Демак,

$$\frac{AB}{BD} = \frac{AE}{FC} \cdot \frac{CF}{FD}.$$

Фараз қиласылар, ABC айланасыда иккита ўзаро бўлмаган AB ва AC ёйлари берилган бўлсин ва бу ёйлар A каби умумий нуқтага эга бўлсин. У ҳолда BC ватари AB ва AC ёйлари йигиндисига тенг ёй ватаридир (б-шакл).

А нуқтадан ўтувчи диаметрни A билан белгилайлик. Бу диаметр ватарни бирор D нуқтада кесади ва бу нуқта орқали ватар BD ва CD каби кесимларга бўлинади. Бундай ҳолда Чагминий

$$\frac{BD}{DC} = \frac{\sinus \overset{\circ}{BA}}{\sinus \overset{\circ}{AC}}$$

тенглик тўғри бўлади, деб кўрсатади. Буни кўрсатиш учун Чагминий AN диаметрига BF ва OC перпендикулярларини туширади. Бу перпендикулярлар BA ва CA ёйларига мос келган синуслар ҳисобланади. Шундай қилиб, ҳосил қилинган учбурчак BDF ва DCОлар ўзаро ўхшаш учбурчаклардир ва  $\angle F = \angle C = 90^\circ$  тенг. Шу сабабли:

$$\frac{BF}{OC} = \frac{BD}{DC} = \frac{\sinus \overset{\circ}{BA}}{\sinus \overset{\circ}{AC}}.$$

Бу билан у исботланиши керак бўлган муносабатнинг тўғрилигини кўрсатади. Шундан кейин Чагминий сферик тўрттомонликларга ўтади. Яси тўлиқ тўрттомонлик билан сферик тўлиқ тўрттомонликлар орасидаги фарқни у кейингисининг томонлари айлана ёйлари бўлиши кераклигини қайд қилиб ўтади.

Фараз қиласылар, учбурчак ABC да унинг AB гипотенузаси ва  $\angle A$  бурчаги берилган. Элементар геометрияга асосланиб, бу берилганлар бўйича учбурчак ясаш мумкин:

$\angle A + \angle B + \angle C = 180^\circ$  муносабатидан  $\angle A, \angle B$  ларни ҳам аниқлаш мумкин. Лекин учбурчак томонлари билан бурчаклари орасидаги муносабатни юқорида айтганимиз каби ифода қиласиган тенгликни ҳамма вақт ҳам кўрсатиб бўлмайди. Агар берилган учбурчакдан BC катетни топиш керак бўлса, берилган миқдорларга асосан:

$$\sin \alpha = \frac{BC}{AB}$$

каби нисбат олинади. Агар A бурчаги ўзгармаса, томонларининг узунлиги қандай бўлса ҳам, у нисбат ўз қимматини ўзгартирамайди, яъни:


$$\frac{BC}{AB} = \frac{ED}{AE} = \frac{FD}{AD}.$$

Демак, берилган бурчак қаршисидаги катетнинг гипотенузага бўлган нисбати берилган бурчакнинг функцияси бўлади. Шуни алоҳида қайд қилиб ўтиш керакки, элементар геометрия ёрдамида ҳам қадимги олимлар синуснинг баъзи маълум бурчакларига тегишли қийматларини ҳисоблаганлар. Агар  $\angle A = 30^\circ$  (7- шакл) ва радиуси  $AB = R$  қилиб айланачизсак ва  $BC$  ни айлананинг  $D$  нуқтаси билан кесишгунча давом эттирасак,  $AC \perp BC$  бўлиб,


$$\overset{\smile}{CD} = \overset{\smile}{CB} \text{ ва } \overset{\smile}{BE} = \overset{\smile}{ED}$$

бўлади ва  $\angle DAE = 30^\circ$ ,  $\angle BAD = 60^\circ$  бўлади.

Демак, ВД ватари айланачизига чизилган мунтазам олтибурчакликнинг бир томони ҳисобланади. У ҳолда унинг радиусга бўлган нисбати бирга teng бўлади. Бундан:



6- шакл



7- шакл

$$\sin 30^\circ = \frac{BC}{AB} = \frac{1}{2}$$

эканлиги келиб чиқади. Лекин исталган бурчакнинг синусига тегишли қийматни бу усулда келтириб чиқариб бўлмайди. Шу сабабли Қадимги Юнонистонда, Ўрта Осиё олимларининг астрономия ва математикага оид ишларида тригонометрия, сўнгра сферик тригонометрияга муҳтожлик туғилди.



## **Имом ал-Бухорий**

(194/810—256/869)



Абу Абдуллоҳ Мұхаммад ибн Исмоил ал-Бухорий ҳижраттинг бир юз түқсон түртінчі йили шаввөл ойининг ўн учинчисида (810 йил, 21.7) Бухорода таваллуд топди. Отаси Шайх Исмоил ибн Иброҳим ахли мұхаддислардан бўлиб, савдо ишлари билан ҳам шуғулланар эди.

Имом-ал Бухорий ёшлик чоғида отаси вафот этади ва у онаси қўлида тарбия топади. Мактабда ўқиб, саводли бўлгач, Имом Бухорий 10 ёшиданоқ араб тили ва ҳадис китобларини ўқиш ва уларни ёдлашга қунт билан киришади. Кейин у бухоролик мұхаддислар Мұхаммад ибн Салом ал-Пойкандий (161/877—125/839), Абдуллоҳ ибн Мұхаммад ал-Маснадий ал-Жуъфий (ваф. 239/843) лар ҳузурига бориб, ҳадис дарсларига қатнашди ва кўп ҳадисларни ёд олди. 16 ёши (210/825—826) да Имом ал-Бухорий онаси ва акаси Аҳмад билан ҳаж сафарига отланди. Сафар асносида қайси шаҳардан ўтса, ўша ердаги ҳадис олимларидан озми-кўпми ҳадис ўқимай ўтмасди. Шу тариқа Балх, Басра, Куфа, Бағдод, Ҳижоз, Жибол, Нишопур, Миср, Макка, Мадина каби кўплаб шаҳарлардаги машҳур ҳадис олимларидан шу илм сир-асорини ўрганди.

Имом ал-Бухорий қўли очиқ ва хайр-саҳоватли киши бўлганлигидан отаси шайх Исмоилдан қолган мерос молларидан катта қисмини фақиру мискинлар ва толиби илмлар эҳтиёжига сарф этар эди. Имомнинг хотираси шу қадар кучли эдики, ривоятларга кўра, қайси бир китобни кўлга олиб, бир маротаба мутолаа қилиб чиқиш билан ҳаммаси ёдида қолаверарди. Имом Бухорий юз минг саҳиҳ ва икки юз минг гайри саҳиҳ ҳадисни ёд билар экан. Унинг шогирдларидан Амир ибн Фаллос: «Мұхаммад ибн Исмоил ал-Бухорийга маълум бўлмаган ҳадис, албатта, ишончли ҳадис эмасдур», дейди

Устозларидан имом Аҳмад Абу Абдуллоҳ ибн Ҳанбал ал-Марвазий (164/780—241/855):

«Бутун Хуросондан Мұхаммад ибн Исмоил каби олим чиққан эмас», дер эди. Имом Бухорий билан Басрада ҳадис дарсига қатнашган шерикларидан Ҳошид ибн Исмоил айтади: «Имом Бухорий бизлар

билин биргә дарс әшитарди. Устоз ривоят қылган ҳадисларни биз ёзиб олар эдик, аммо Бухорий фақат қулоқ солибгина ўтиради. Шу тарзда қанча күнлар ўтиб, орада устоз қарийб ўн беш минг ҳадис ривоят қилди. Шунда биз Бухорийга: «Сен нега ҳадисларни ёзмайсан?» деган вақтимизда: «Сизлар ёзиб бораётган ҳадисларни мен устоз оғзидан ёллаб оластирман», деди-да, устоз ривоят қылган ҳамма ҳадисларни бир чеккадан ёддан ўқиб берди. Шундан кейин биз ёзиб олган ҳадисларимиздаги хатоларни унинг ёдлаганидан тузатиб оладиган бўлдик», дейди.

Баъзи ривоятларга кўра, Имом Бухорий 16 ёшга қадам кўйганида Абдуллоҳ ибн Муборак ал-Марвазий (118/736—182/798) ва Вакиъ ибн ал-Жарроҳ (130/747—195/812) ларнинг китобларини батамом ёллаб олган экан.

Имом Бухорий: «Мен бир минг саксонта мұҳаддисдан ҳадис әшиятдим. Уларнинг ҳаммалари «Имон, у сўз ва амалдан иборатдир» деган эътиқоддаги кишилар эди», дейди.

Имом Бухорий йигирма ёшидан бошлиб китоб таълиф эта бошлаган. У кишининг шоҳ асари «Ал-Жомиъ ас-саҳиҳ» («Ишончли тўплам») дан ташқари, йигирмага яқин китоблари бўлиб, кўплари бизгача етиб келмаган. Ўзбекистон Мусулмонлари Диний Бошқармаси қарамоғидаги кутубхонада «Ал-Жомиъ ас-саҳиҳ», «Ат-тафсир ал-кабийр» («Катта тафсир»), «Ат-тарих ас-сағиyr» («Кичик тарих»), «Ал-Қироату ҳалфа-л-имом» («Имом ортида туриб қироат қилиш»), «Рафъу-л-йадайн фис-с-салоти» («Намозда икки қўлни кўтариш») каби асарларнинг қаламий нусхалари мавжудdir. Бундан ташқари, Имом Бухорийнинг «Ал-Адаб ал-муфрад» («Алаб дурдоналари»), «Ат-тарих ал-авсат» («Ўртacha тарих»), «Ал-Жомиъ ал-кабийр» («Катта таянч»), «Китобу ал-хиба» («Хайр-эҳсон ҳақида китоб»), «Ал-Муснад ал-кабийр» («Катта таянч»), «Китоб-ул-илал» («Нуқсонли ҳадислар китоби»), «Бирр-ул-волидайн» («Ота-онани ҳурматлаш»), «Китоб ул-ашриба» («Ичимликлар китоби»), «Китоб уз-зуафо» («Заифлар китоби»), «Асо-мий ас-саҳоба» («Саҳобаларнинг исмлари»), «Китоб ал-куна» («Кунялар ҳақида китоб») каби катта ва кичик ҳажмдаги бир қанча китоблар ёзганлиги маълум.

Умрининг охирида у Она ватани — Бухорога қайтди ва бирмунча вақт толиби илмларга ҳадисдан дарс берди. Шу аснода Имом Бухорийга Аббосия халифалигининг Бухородаги амири Ҳолид ибн Аҳмад аз-Зухлий «Бундан буёқ амирлик саройига келиб туринг ва болаларимга (иккинчи ривоятда: сарой аҳлига) «Ал-Жомеъ ас-саҳиҳ»дан дарс беринг!» деб нома юборади. Имом бу таклифни қабул қилмайди ва: «Мен илмни хорлаб, сultonу амирлар эшигига олиб бормайман. Агар амирга илм керак бўлса, болаларини (иккинчи ривоятда: саройдагиларни) уйимга ёки масжидга юборсун!» деб жавоб қайтаради.

Шунинг натижасида ва у зотни кўролмаган баъзи ҳасадгўй шахсларнинг фитна ва иғволари туфайли амир аз-Зуҳлий Имом Бухорийнинг Бухорони тарк этиши ҳақида фармон беради. Бу воқеадан хабар топган Самарқанд олимлари Имомнинг Самарқандга кўчиб келишини илтимос қиласидар. Имом бу илтимосни қабул қилиб, йўлга чиқади. Лекин Самарқандга 18 км. етмай, Хартанг қишлоғи (ҳозирги Пойариқ) худудидаги қариндошларидан Абу Мансур Голиб ибн Кибрил деган кишининг уйига тушиб, бир неча кун шу ерда бетоб бўлиб ётиб қолади ва ҳижратнинг 256-йили рамазон ойининг охирги куни, шанба кечаси вафот этади (869). Эртаси ҳайт куни жаноза ўқилиб, шу Хартант қишлоғида дағн қилинади.

Имом Бухорийнинг қабри ва масжиди ҳозирги кунда ҳам обод ва улар дунё мусулмонларининг зиёратгоҳига айланган.

### ИМОМ БУХОРИЙНИНГ «АЛ-ЖОМИЙ АС-САҲИХ» КИТОБИДАН ҲАДИСЛАР

1. Душман билан тўқнаш келишни орзу қилманлар, унинг ўрнига Оллоҳдан тинчлик ва хотиржамлик сўранглар.

2. Ҳеч бирингиз ўз биродарига қурол ўқталмасин, чунки уни шайтон ақлдан оздириб қўйиши, натижада, у қотиллик қилиб қўйиб, дўзахга маҳкум бўлиб қолиши мумкин.

3. Мураккаб ва қутулиб кетишнинг иложи йўқ бўлган ҳолатлардан бири, бу ноҳақ қон тўкишиликдир.

4. Мусулмон кишига уч кундан ортиқ ўз биродаридан аразлаб, гина сақлаб, гаглашмай-сўрашмай юриши мумкин эмасдур. Улардан қайси бири биринчи бўлиб саломлашса, ўшаниси яхшироғидир.

5. Бир киши Пайғамбардан: — Исломда қайси иш афзалроқ? — деб сўради.

— Очларга — таом, танишу нотанишларга салом беришлиқ, — деб жавоб бердилар.

6. Мусулмон киши садақа қилиб туриши керак, дер экан Пайғамбар. Шунда ундан сўрашибди:

— Садақа қилишга нарса топа олмаса-чи?

— Меҳнат қилса, меҳнатидан топади; ундан ўзи ҳам ейди, садақа ҳам қиласди.

— Буни ҳам қила олмаса-чи?

— Унда ҳожатмандлар ҳожатини раво қиласди.

— Унга ҳам ярамаса-чи?

— У ҳолда одамларни яхшиликка лаъват қилсин. Борди-ю, унга ҳам ярамайдиган бўлса, лоақал ўзи ёмон ишлардан сақланиб юрсин — бу ҳам садақа ўрнига ўтаверади.

7. Кимки фаровон ҳаёт кечирай ва дунёда яхши ном қолдирай деса, қариндош-уругларига меҳрибон бўлсин, уларнинг аҳволидан доимо боҳабар бўлиб турсин.

8. Кимки Оллоҳ ва охиратга имони бўлса, қўшинисига озор бермасин.

9. Кимки Оллоҳ ва охиратга ишончи бўлса, меҳмонни иззат-икром қилиб, ҳурматини ўрнига қўйсин.

10. Кимки Оллоҳ ва охират кунига ишонса, фақат яхши сўзлардан гапирсинг, акс ҳолда тилини тийиб юрсинг, сукут сақласин.

11. Пайғамбардан:

— Исломда қайси амал афзал ҳисобланади? — деб сўрашибди.

Шунда у киши:

— Тилидан ҳам, қўлидан ҳам бошқаларга зарари етмайдиган амал барча амалларнинг афзалидур, — деб жавоб бердилар.

12. Пайғамбар бир гурух саҳобаларга шундай дедилар:

— Оллоҳни ҳеч вақт шериги бор деб билмаслик, ўрилик ва зино қилмаслик, фарзандларни ўлдирмаслик, бирорвга қарши бўхтон гаплар тўқимаслик ва хайрли ишлар қилишлик. Кимки шу келишувга вафо қилса, Оллоҳ унга ажримини бергай, кимки юқоридаги гуноҳ ишлардан қилиб қўйса-ю, ҳаётлик вақтида унинг уқубатини ҳам тортган бўлса, шунинг ўзи унга каффорат бўлиб, унинг гуноҳи кечирилади...

13. Мунофиқнинг учта белгиси бўлур: гапирса ёлғон гапиради, ваъдасига вафо қилмайди ва омонатга хиёнат қиласи.

14. Барча қилинадиган ишлар ниятга боғлиқдир. Инсон ниятига яраша ё савоб, ё гуноҳга эришур.

Кимки Оллоҳ ва унинг Пайғамбари йўлида ҳижрат қилган бўлса, шу ниятига яраша савобга эга бўлур.

Кимки ҳижратдан мақсади бойлик орттириш ёки уйланиш бўлса, шу ниятига яраша иш қилган бўлади.

15. Ҳар бирингиз кўл остингизда қарам бўлганларга масъулдир-сиз: подшоҳ ўз фуқаролари олдида, эркак киши ўз оила аъзолари олдида, аёл киши эрининг уйидаги барча ашёларига ва хизматчи ўз хўжасининг молу мулкига масъулдурлар.

16. Золим биродарингга ҳам, мазлум биродарингга ҳам ёрдам қил.

Шунда у кишидан сўрадилар:

— Мазлумга ёрдам бериш масаласи тушунарли, аммо золимга ёрдам беришни қандай тушунмоқ керак?

Расууллоҳ жавоб бердилар:

— Золимни зулм қилишдан қайтаришинг, унга қилган ёрдаминг бўлади.

17. Оллоҳ нафретига энг лойиқ киши одамлар билан ўта хусумат ва адоватда бўлгувчи кишиидир.

18. Ўзи яхши кўрадиган нарсасини ўзгаларга ҳам раво кўрмагунча, киши мўмин-комил бўла олмайди.

19. Расууллоҳ ўз биродарига шарму ҳаёдан панд-насиҳат қилаётган бир ансорийнинг ёнидан ўта туриб: «Ҳаё ҳам имон белгиларидандир», — деб унинг гапига қўшимча қилдилар.

20. Икки мусулмон қўлларига қилич олган ҳолда тўқнашиб, бири иккинчисини ўлдирса, қотил ҳам, мақтұл ҳам дўзахга маҳкумдир. Шунда Расулуллоҳдан: «Биринчиси-ку қотиллик қилди, аммо иккинчисининг айби нима?» деб сўрадилар. Расулуллоҳ: «Чунки у ҳам биродарини ўлдиришга қасд қилган эди», деб жавоб бердилар.

21. Куйидаги тўрт сифат кимда мужассамланган бўлса, у бешак мунофиқдир... Улар: омонатга хиёнат, ёлғон гапирмоқ, аҳдга бевафолик ва бирорларга ҳаддан ташқари хусумат қилиш.

22. Мусулмон кишини ҳақорат қилиш — гуноҳ, у билан уришиш эса кофириклир.

## «АЛ-АДАБ АЛ-МУФРАД» АСАРИДАН

1. Абу Ҳурайра (розияллоҳу анху) айтадилар: «Бир киши Расулуллоҳ ҳузурларига келиб: «Ё, Расулуллоҳ! Менинг бир қўшним бор, у менга кўп озор беради», деб шикоят қилди. Расулуллоҳ унга: «Уйингга бориб ҳамма буюм, асбоб-ускуналарингни кўчага чиқарib қўй», деб маслаҳат бердилар». У Расулуллоҳ буюрганиларидек, уйидаги нарсаларини кўчага чиқарib қўйди. Одамлар йигилиб: «Бу нима, нима ҳодиса бўлди?» деб сўрашганда, у бўлган воқеани айтиб берди, одамлар эса: «Ўз қўшиисига озор берган бундай қўшнига Оллоҳ таолонинг лаънати бўлсин!» деб дуойибад қила бошладилар. Бу можародан хабар топган ўша ёмон қўшни келиб унга узр айтди ва: «Юкларингни уйингга киргизиб қўявер, бундан кейин мен сенга сира озор бермайман», деб қасам ичди.

2. Савбон ибн Баждад (розияллоҳу анху) айтадилар: «Икки киши бир-бири билан уч кундан ортиқ аразлашиб юриб, биттаси вафот этса ёки иккаласи ҳам ярашиб ултурмаган ҳолда ўлса, албатта иккаласи ҳам Оллоҳнинг қаҳрига йўлиқади. Қайси бир қўшни ўз қўшиисига зулм қилиб, уни ўз ҳовлисидан чиқиб кеталигани ҳолатга келтирса, албатта ҳалокатга учрайди», дедилар.

3. Абу Ҳурайра айтадилар: «Ҳар бир мўмин бандада ўз биродарининг кўзгусидир. У биродарида бирор айб кўрса, ўзида бўлган шундай айбни тузатишга ҳаракат қиласи (қилиши керак)».

4. Абу Ҳурайра айтадилар: Расулуллоҳ: «Товуш чиқарib кулишини кам қил. Чунки кўп кулиш дилни ҳалок (вайрон) қиласи», дедилар.

5. Абдуллоҳ ибн Амр ибн ал-Ос (розияллоҳу анху) дан ривоят қилинди, у киши айтадилар. Расулуллоҳ: «Икки мўмин бандада бир-бирини кўрмасдан олдин уларнинг руҳлари бир кунлик йўлда учрашади», дедилар.

6. Абу Ҳурайра Расулуллоҳдан ривоят қилдилар: «Бойлик — молнинг кўплиги эмас, балки бойлик — бу қалб саховатидир», дедилар.

7. Убайдуллоҳ ибн Миҳсан ал-Ансорий (таяхаллуси, асл исми Абу Исмоил, ибн Муҳаммад Ҳиравий) (1006 — Ҳирот — 1088 — файласуф, шоир, мутафаккир) айтадилар: Расулуллоҳ: «Ким ўз

оиласи ичиди тинч, тани соғ бўлиб турса ва олдида шу кунига етарли таоми бўлса, у оламга гўс бутун дунё берилиган ҳисобланади», дедилар.

8. Абдуллоҳ ибн Масъуд (розияллоҳу анху) айтадилар: Расулуллоҳ: «Мўмин банда кишиларни таъна қилувчи, уларга лаънат этувчи, ёмон иборалар билан сўкувчи ва озоркунандалик қилувчи бўлмаслиги керак», дедилар.

9. Абдуллоҳ ибн Масъуд (розияллоҳу анху) Расулуллоҳдан ривоят қилидилар: «Мўмин киши одамларни таъна қилувчи, уялтирувчи, лаънат этувчи, ёмон иборалар билан сўкувчи ва уятгиз, аччиқ тилли бўлиши ҳам мумкин эмас».

10. Анас ибн Моликнинг амакиваччалари Ҳишом ибн Омир (розияллоҳу анху)дан ривоят қилинди. Бу киши Расулуллоҳдан, «Ҳеч бир мусулмон кишининг иккинчи мусулмон биродари билан уч кечадан ортиқ гаплашмай юриши жоиз эмас. Ҳар иккаласи ҳам шундай ҳолатдаги даврларида ҳақ йўлдан четлашган бўладилар. Улардан қайси бири аввал яхшилик, меҳр-шафқат қилиш томонига ўтса, гаплашмай юрган вақтидаги гуноҳига кафолат бўлади. Улар бундай гаплашмай юрган ҳолича дунёдан ўтиб кетсалар, иккаласи ҳам жаннатга кирмайди. Агар улардан бири салом берса-ю, иккинчиси жавоб қайтармаса, салом берганига фаришта ва жавоб қайтармаганига шайтон жавоб қайтаради», деган гапларини эшитганларини айтдилар.

11. Абу Ҳурайра (розияллоҳу анху) айтадилар, Расулуллоҳ: «Мўмин банда дунё ишларида алданувчи, аммо саховатли, мунофиқ эса — алдовчи, маккор ҳамда хасис бўлади», дедилар.

12. Маоз ибн Жабал (розияллоҳу анху)дан ривоят қилинди, у киши: «Бир биродарингни яхши кўрсанг, у билан жанжаллашма, ҳар иккала томонга ёмонликни қўзғатадиган ҳаракатни ҳам қилма ва унинг ҳақида ҳам суриштирма, чунки сен суриштирган киши унинг душмани бўлса, йўқ нарсаларни гапириб, ораларингизни бузиб қўйиши мумкин», дедилар.



# *Имом ат-Термизий*

(824 — 892)



Машхур муҳаддис Термизий Абу Исо, Имом Термизий (тўлиқ исми Муҳаммад ибн Исо ибн Савра ибн Мусо Захҳок ас-Сулламий ал-Буғий Термизий) (824 — Термиз — 892) ҳозирги Сурхондарё вилоятининг маъмурий маркази Термиз шаҳрида туғилди. У ёшлиқ чоғиданоқ илм олишга чанқоқ бўлган ва шу мақсадда ислом олами бўйлаб кўпдан-кўп саёҳатлар қилган. Термизий Ҳижоз (Исфаҳон), Ироқ, Хурросон, Макка, Мадина ва бошқа мамлакатларга қилган сафарлари асносида кўплаб улуғ муҳаддислар билан танишган ва улардан ҳадис илми сирларини ўрганиб, уларни батартиб дафтарига ёзиб борган. Ўзи билмаган ҳадисларни ёзиб келиш учун Термизий ҳар қандай оғир ва мاشаққатли сафарларга ҳам тайёр эди. Термизийнинг хотираси ўта кучли бўлганилигидан у турли жойларда машхур муҳаддислардан эшигтан кўплаб ҳадисларни кейинроқ бўлса ҳам, дафтарига аниқ ёзиб қўяр эди.

Ривоят қиласиларки, Имом Термизий кунлардан бир кун Макка йўлида машхур муҳаддис деб шуҳрат топган бир шайхни учратиб қолади ва ундан: «Мен сизнинг ривоятингиз ила айтилган ўнлаб ҳадисларни ўқувчиларингиздан ёзиб олгандим. Ушбу фурсатдан фойдаланиб, мазкур ҳадисларни ўзингиздан эшитиб текшириб олсан деган умиддаман», деб сўрайди.

Шайх ҳадислар ривоятини тугатгач, Термизий текшираётгандай бўлиб тикилиб турган қофозга кўз ташласа, унда ҳеч нарса ёзилмаганини кўради ва жаҳли чиқиб: «Нега менинг устимдан кулаётисран, бу қофозга ҳеч нарса битилмаган-ку?» дейди. Термизий узр сўрайди ва: «Кечиравасиз, ёзилган қофозларимни уйда қолдирган эканман. Аммо ҳозиргина сиздан эшигтан ҳадисларни мен ёдлаб улгурдим», деб, ўша ҳадисларни сўзма-сўз, ҳеч бир ўзгаришсиз оғзаки айтиб беради.

Шунда шайх: «Мен ҳаётимда бундай хотираси кучли муҳаддисни биринчи бор кўришим», деб Термизийга тасанно айтган экан.

Умрининг охирида Термизийнинг кўзи ожиз бўлиб қолади. У ҳижратнинг 279- йили (892 милодий) она-Ватани Термизда вафот этди.

Термизий — Имом Бухорий, Имом Муслим, Имом Абу Довуд, Кутайба ибн Саид, Исҳок ибн Мусо, Маҳмуд ибн Файлон, Саид

ибн Абдурраҳмон, Али ибн Ҳажар, Аҳмад ибн Мани, Муҳаммад ибн Мусанна каби машҳур муҳадислардан дарс олган ва ҳадис илми сирларини ўрганиган.

Термизийнинг шогирлари ҳам кўп бўлган. Макхул ибн ал-Фадл, Муҳаммад ибн Маҳмуд Либар, Ҳамод ибн Шокир, Абл ибн Муҳаммад Насафий, Ҳайсам ибн Кулайб Шоший, Аҳмад ибн Юсуф Насафий, Абул Аббос Муҳаммал ибн Маҳбуб ал-Маҳбубий ва бошқа муҳадислар Имом Термизийнинг шогирларидаидир.

Термизийнинг ёзган асарлари ичилда энг машҳури илмий манбаларда «Жомиъ ат-Термизий», «Саҳиҳи Термизий», «Сунан Термизий» номи ишларни ҳадислар тўпламидири. Термизий бундан ташқари «ал-Илал» («Ҳадислардаги иллатлар»), «ат-Таърих» («Гарих»), «Аш-шамил ан-набий соллаллоҳу алайҳи вассаллаҳ» («Пайғамбар алайҳиссаломнинг шакл ва сифатлари»), «Китоб уз-зухд» («Зоҳилиси») каби бир қатор қимматбаҳо китобларнинг ҳам муаллифидир.

## ИМОМ ТЕРМИЗИЙНИНГ «СУНАН ТЕРМИЗИЙ» КИТОБИДАИ ҲАДИСЛАР

1. Оллоҳ наздида энг яхши дўст деб одамларга доимо хайрли ишларни қилиб юрувчи кишига айтилади.

Оллоҳ наздида энг яхши қўшини ўз қўшниларига яхшилик қилғувчисидур.

2. Одамларга шукр айтмайдиган киши Оллоҳга ҳам шукр қилмайди.

3. Одамларга хайрҳоҳлигинг — бу сенинг садақанг.

Хайрли ва яхши ишлар қилишига даъват этишинг ва маккорларни зулм қилишдан қайтаришинг — сенинг садақанг.

Адашган кишиларга тўғри йўл кўрсатишинг ҳам — садақа. Ҳатто камбагалларга хушмуомалала бўлишинг ҳам — сенинг садақанг.

Ерда халақит бериб ётган бирор тош, тиканак ёки суюкни бир чеккага олиб қўйишинг ҳам — садақа.

Ўз пақирингдаги сувдан бошқаларнинг идишларига солиб беришинг ҳам сенинг садақанг ҳисобланади.

4. Икки нарса борки, кўпчилик уларни қадрига етмайди: бири — соғлиқ, иккинчиси — бўш вақт.

5. Кимда-ким жамоат намозига имомлик қилгудек бўлса, уни қисқароқ ўқисин, чунки жамоанинг орасида болалар, қариялар, хасталар ҳамда юмуцдан чарчаб келган кишилар бўлиши ҳам мумкин.

Борди-ю, кишининг якка ўзи намоз ўқигудек бўлса — қисқа ўқийдими ё узун ўқиши ўз ихтиёрида.

6. Чинакам сабр-тоқатли деб мусулмон кишининг мусибат юз бергандаги чидамлилигига айтилади.

7. Яқин кишиси вафот этганда жоҳилият давридаги одат бўйлган ёқа йиртиш, ортиқча навҳа тортиб йиғлаш каби одатларга амал қилган зот мусулмон саналмайди.

8. Марҳумларнинг фақат яхши сифат ва қилмишларини сўзланглар. Ўлган киши ҳақида ёмон сўзлар айтилмасин.

9. Ҳақиқий мўмин деб хушхулқ ва аёлига нисбатан хушмуомала кишига айтилади.

10. Кимда-ким бир кўчат ўтқизса, ё бўлмаса экин экса-ю, улар ҳосилидан одамлар, қушлар ва ҳайвонлар баҳра олса, бу ҳам ўша одам учун садақа саналади.

11. Барча мусулмонлар ўзаро биродардурлар. Улар ҳеч қаҷон бир-бирларига ёмонликни раво кўрмасликлари керак. Кимда-ким ўзининг мусулмон биродарига ёрдам қилса, охиратда Оллоҳ унга ёрдам қиласди.

Кимда-ким ўз биродари ҳожатини енгиллатса, Оллоҳ ҳам унинг охиратини енгил қиласди.

12. Кимда-ким мусулмон биродари айбини яширса, қиёмат куни Оллоҳ ҳам унинг хато ва камчиликларини ошкора қилмайди.

13. Пайғамбардан бир киши сўрабди:

— Эй, Расулуллоҳ, мен кимни ҳурмат қиласи?

— Ўз онангни, — деб жавоб бериди Пайғамбар. У яна сўрабди:

— Онамдан бошқа яна кимни? Пайғамбар:

— Онангни, — деб жавоб бериди.

Ҳалиги киши учинчи марта сўраганида ҳам «онангни» деган жавобни олибди.

У тўргинчи марта ўз саволини қайтарганда, Пайғамбар:

— Ўз отангни, сўнгра яқинларингни ва қариндошларингни, — деб жавоб бериди.

14. Марҳум отасининг дўстлари билан доимо мулоқотда бўлиб туриш — бу энг олижаноб ишлардандир.

Пайғамбар айтибди: «Хола ҳам худди онадек ҳурмат ва эътиборга муносибдур».

15. Уч хил дуо сўзсиз мустажоб бўлади: мазлумнинг дуоси, мусоғир кишининг дуоси ва ота-оналарнинг ўз фарзандлари ҳақидаги дуолари.

16. Қариндош-уруглар билан алօқани узган киши жанинатга дохил бўлмас.

17. Кимнинг кўпроқ қиз фарзандлари бўлса ва у уларни сабр ва матонат билан тарбият этса, Оллоҳ қиёматда шу иши учун уни дўзах ўтидан фориғ этади.

18. Кимга олиҳиммат берилган бўлса, унга ҳамма нарса берилган ҳисобланади. Кимга у берилмаган бўлса, унга ҳеч нарса берилмаган бўлади.



# **Аҳмад Фарғоний**

(797 — 865)



Абул Аббос Аҳмад ибн Мұхаммад ибн Касир ал-Фарғоний қомусий олим Абу Жаъфар (Абу Абдуллоҳ) Мұхаммад ибн Мусо ал-Хоразмий замондоши бўлиб, Бағдод расадхонасида илмий ходим бўлиб хизмат қилгани маълум. Унинг «Фарғоний» деган тахаллуси олимнинг асли Фарғонадан эканлигига ишорадир. Бироқ Аҳмад Фарғонийнинг таржимаи ҳоли, болалиги, ёшлиги, ҳаёти ва ижодий фаолияти тўғрисида маълумотлар тўлиқ эмас.

Бутун Туркистон ҳудудидаги кўпчилик шаҳарларда тарихий IX аср билан боғлиқ илмий муҳит ва фанга қизиқиш, масжид ва мадрасалар қурилиши, таълим ва тарбия даражасининг юксаклиги бизга аён. Бу далил Аҳмад Фарғоний бошлангич таълимни Фарғонада олган, деган фаразимизни ёрқинлаштиришга хизмат қилади. Қолаверса, олим асарлари унинг ёшлигига тиришқоқлиги-ю, фанга ва илмга чанқоқлигидан, тартиб-интизомли, гўзал ахлоқ ва одобга эга бўлганлигидан дарак беради. Шундай фазилатларга эга бўлмаган кишидан буюк нарсалару ишлар кутиш қийин.

Олим ва унинг замондошларининг, шунингдек, қадимги ва ҳозирги замон тадқиқотчиларининг кузатишларию хабарларига биноан Аҳмад ал-Фарғоний IX асрнинг дастлабки ўн йиллигига гўзал Фарғонада 797 йилда дунёга келган, Хива — 850, Бағдод — 847 йиллар ичida бандаликни бажо келтирган, деган маълумотлар бор. (Баъзи манбаларда 861 йилда вафот этгани қайд қилинади.)

Унинг унумли ва сермаҳсул илмий фаолияти араб халифалиги минтақасидаги Дамашқ ҳамда Бағдод шаҳарларида жойлашган илмий марказлар билан боғлиқдир.

Зотан, араб халифаси Маъмун дунёвий фанларга жуда қизиқсан. Гарчи у илмга қизиқмаганида ёхуд унинг равнақига аҳамият бермаганида бир фарғоналик кишини ўша даврдаги Аббос ибн Саид, Саид ибн Холид, Яхё ибн Мансур сингари машҳур аҳли илми фалақиёт илиа бирга ишлаш, қолаверса, Дамашқ расадхонасида илмий кузатишлар олиб бориш учун таклиф қиласмиди?! Кези келганда

яна бир нарсани таъкидлаш керакки, Аҳмад Фарғоний раҳнамолиги ва иштирокида, дастлаб Бағдод, кейин эса Дамашқ расадхоналари курилди. Йирик олимнинг асосий илмий фаолияти ўша шаҳарларда камол топиб, баланд-баланд чўққиларга юксалди.

Аниқроғи, Фарғоний ва унинг илмий маслакдошлари сайёрапарнинг коинотда жойлашиши, юлдузларнинг сирлари, шунингдек, уларнинг ҳаракат қилиш қонуниятларига оид текширишлар билан машғул бўлишди. Худди шу жараёнда улар машҳур грек олими Птолемейнинг юлдузлар жадвалини тажрибалар асосида ўрганиб чиқдилар. Шу кузатувлар натижасида зикр қилинган жадвалда айrim нуқсон ва чалкашликлар мавжудлиги аниқланди ва тузатишлар киритилди.

Дамашқ ва Бағдод шаҳарларида зикр қилинган ва бошқа истеъодли олимларнинг географик вазиятлар нуқталари ҳақидаги илмий маълумотлар, шунингдек, Халифа Маъмун ар-Рашид (813—833) даврида Бағдод ҳамда Дамашқдаги илми фалакиёт бўйича кузатишлари «Аз-зижул-Маъмун ал-Мумтахана» («ал-Маъмуннинг текширилган жадваллари») номи остида бутун Европа ва бошқа чет эл мамлакатларида маълум. Бу асар ҳақида Аҳмад Фарғоний «Самовий ҳаракатлар ва юлдузлар фанининг мажмуси ҳақида китоб»да хабар берган. Шу мўътабар маълумот орқали Европа олимлари «Маъмун зижи» асарининг маъно ва мазмуни, илмий-назарий йўналиши, тадқиқот мақсади ва ҳал қилинган фан муаммоларини билиб олишган.

Аҳмад Фарғоний фалакиёт илми билан муттасил шуғулланди ва қатор илмий-назарий асарлар яратдики, улар илм оламининг диққат-эътиборини тортди. Олимнинг «Китобу амал ар-Рухо-мот», «Китобу илал-ал афлок» («Фалакда бўладиган сабаблар ҳақида китоб»), «Ал-мадҳал ила илми ҳайъат ал-афлок ва ан-ну-Жум» («Фалакиёт ва илми нужум фанига кириш») сингари рисолалари шулар жумласидандир.

Айrim тадқиқотчиларнинг хабар беришига қараганда, Аҳмад Фарғоний фақат илмий кузатувчи ва тадқиқотчи бўлиб қолмай, балки расадхона учун маҳсус асбоб-ускуналар ҳам яратган. Шу ишлар натижаси ўлароқ, олим ва амалиётчи муҳандис «Ал-комил фи-устурлаб» (Астролобия ҳақида мукаммал билимлар), «Фи-санъат ва устурлаб» («Астролобия ясаш санъати ҳақида») каби амалий аҳамиятга эга бўлган икки асар ёзган. Рисолалар мавзуу ва мазмунларидан Аҳмад Фарғонийнинг чизмачилик санъати ва сир-синоатини пухта билгани яққол кўзга ташланади. Чунки асбоб-ускуналар дастлаб қоғозга чизма ҳолда туширилади, кейин амалий меҳнат ва тажрибалар орқали жисм сифатида шакллантирилади.

Аниқроғи, Аҳмад Фарғоний «Фалакиёт асослари» номли илмий-назарий жиҳатдан мукаммал китоби билан шуҳрат қозонди.

Академик Т. Н. Қори-Ниёзий сўзлари билан айтганда, бу асар «астрономик билимларнинг ўзига хос қомусидир».

Аҳмад Фарғоний Шарқ ва Farb мамлакатларида Алфраганус номи билан танилган ва шуҳрат қозонган.

Яна бир нарсани таъкидлаш лозимки, «Фалакиёт асослари» номли асарида муаллифнинг ва бошқа олимларнинг шу соҳадаги намунали ишлари ва уларнинг муваффақиятлари асосли равишда изчил ёритилган. Шунингдек, Аҳмад Фарғоний томонидан мұқаддам аҳли илм тадқиқ ишлари қиёсий ўрганилган. Демак, бу рисоладан Аҳмад Фарғонийга қадар яшаб ижод этган олимлар асарлари тўғрисида ҳам тегишли илмий-назарий маълумотлар олиш мумкин.

Аҳмад Фарғонийнинг илмий-назарий ижодини кузатар эканмиз, унинг Птолемейдек буюк олимнинг фалакиёт илмига бағишиланган «Алмажистий» деган китобига шарҳлар ёзиб, унга изоҳ ва иловалар қўшганига, шунингдек, тақвим (ислом йилномаси) тузилиши ҳақида маълумот берганига, қуёш соати ясаш йўлини кўрсатганига қаноат ҳосил қилиш мумкин.

Жуда катта истеъдод соҳиби Аҳмад Фарғоний географик илм билан ҳам муттасил шуғулланган. 861- йили халифа Мутаваккил (846—861) Аҳмад Фарғонийни ўз қабулига таклиф қиласди ва Нил дарёси сатҳини ўлчаш тўғрисида топшириқ беради. Шундан сўнг олим дастлаб Нил дарёсининг сатҳини ўлчаш учун зарурий асбобни ясашга ва уни ўрганишга Қоҳирада бўлган. Бу далил, биринчидан, Аҳмад Фарғоний география фани бўйича илмий ва амалий масалалар билан шуғулланганини кўрсатади. Иккинчидан, «Аҳмад Фарғоний 861- йилда вафот этган» деган қатъий маълумотни рад этади.

Қомусий олимнинг илмий-ижодий фаолиятини диққат билан кузатар экансиз, унинг, қайси соҳада бўлмасин, илмий ишни бошлашдан олдин шу мақсадни ва вазифани амалга ошириш учун керакли асбоб-ускуналарни тайёрлаб, ўзига амалий шарт-шароит яратишига қаноат ҳосил қиласиз.

Аҳмад Фарғонийнинг фалакиёт илмига доир асари сўнгида жуғрофий жойлар жадвали ўрин олган. Ундан дастлаб шарқий вилоятлар ўрин олган ва улар Шарқдан Farbга томон бирин-кетин кўрсатилган: «... биринчи иқлим Машриқдан, Чин мамлакатининг чеккасидан бошланади... Сўнг Кулзум денгизини кесиб ўтиб, Ҳабаш мамлакати ва Нили Мисрдан ўтади... Кейин бу иқлим Мағриб ерлари томон ёйилиб, Барбар мамлакатининг жанубидан ўтади ва Мағриб денгизига етади». Худди шу йўналишда Ал-Хоразмийнинг ҳам жадвали бор. Лекин, баъзилар уни Ал-Хоразмий жадвали билан бир хил деса, айрим олимлар унинг Ал-Хоразмий жадвалидан фарқла-ниши ҳақида фикр билдиришган.

Умуман олганда, Аҳмад Фарғоний тинимсиз самарали илмий меҳнати ва фаолияти туфайли буюк фалакиётшунос сифатида илми

риёзиёт ва география соҳасида катта обрў қозонди. Қолаверса, у Шарқ мамлакатларида «Ҳожиб» (математик) деган таҳаллус олгани маълум. Бу унга риёзиёт илми бўйича берилган юксак баҳо эди.

Аҳмад Фарғоний асарлари кейинчалик бошқа халқлар тилларига таржима қилина бошлади. II асрдан кейин лотин тилига ўгирилди. Ўша даврларда лотин тили Европада умумий алоқа тили ҳисобланарди. Олим асарлари лотин тили орқали бутун Европага тарқалди.

\* 1986 йилда нашр қилинган Ўзбекистон тақвими (288-бет) да қизиқарли маълумот берилган. У «Тошга битилган ҳарита» сарлавҳали кичик мақолага жамланган. Шу мақолани тўлиқ келтирамиз. «Қирғизистондаги Ўш педагогика институтининг филолог олими Лутфулло Жусупаҳматов Олой водийсига қилинган экспедиция вақтида одам яшамайдиган баланд тоғда тошга думалоқ муҳр ўйиб туширилганини эшитди. Ҳақиқатан 4,5 минг метр баландликдаги қоятошда роппа-роса тўртга бўлинган доира чизиқ ичида ҳалқачалар, чизиқлар кўзга ташланиб турарди. Йўсинлар тагидан яна 17 та шундай тасвир чиқди. Ҳар бир доира композицияси ўзига хос. Географ олим К. Матикеев топилма айлана жаҳон ҳаритаси эканини топди. Болқон ва Апеннин, Тяншань ва Помир, Шарқи-Жанубий ва Ўрта Осиё, Олой тизмалари... аниқ чизилган. Мутахассислар тошга ўйилган ҳаританинг асл нусхаси IX асрда яшаб ижод қилган осиёлик машҳур математик, астроном Мұхаммад ибн Мусо Хоразмийга тегишли дейишмоқда.

Лекин тошга эски араб алифбосила тарихчиларга номаълум Ласур Аалим ибн номи ёзилган».

Олимнинг ўзи ижод этган даврда, яъни араб ҳалифалиги даврида юонон илмий дунёсига қизиқиши тобора ортиб борарди. Бу, албатта, Аҳмад Фарғоний шарофати билан боғлиқ эди. Ҳалифа Мъамун ар-Рашид (813—833 Бағдод) таржимону олимлар учун маҳсус «Билим ўйи» («Байт ул-ҳикмат») ни қурдиргани маълум. Бу ғамхўрлик Бағдод мулкида таржимачилик ишларининг ривожланишига ва юксак чўққиларга кўтарилишига сабаб бўлди. Ўша таржима марказида шу фаолият учун зарурий қўлланма — тил бўйича араб атамашунослиги яратилган.

Аҳмад Фарғонийнинг ҳар қандай мақтолларга муҳтож бўлмаган асарлари ўзидан кейинги дунё олимларига қўлланма сифатида хизмат қилди ва хизмат қилмоқда. Ҳудди шу маънода буюк олимни ажиб муаллиф ва педагог сифатида қадрлаймиз.



# *Абу Бакр Мұхаммад ибн Закариё ар-Розий «Жолин-үз-Замон»*

(865 — 925)



**Розий** Ўрта ва Яқин Шарқ халқларининг илғор ижтимоий-фалсафий салафларидан. У табиатшунос, эмпирик материалист сифатида Қадимги Ўрга Осиё, Эрон ( зарвонизм таълимоти) ва Юнонистанда вужулга келган содда материалистик ва атомистик таълимотларни ижодий ривожлантирган. Йирик табиатшунос, ҳозирги замон табобат, кимё (фалакиёт) илми фанларининг тамал тошларини кўйган, уларнинг шаклланиши ва ривожланишига жуда катта таъсир кўрсатган вакиллардан бири. Қадимги Ўрга Осиё ва эронлик мутафаккирлар Жобир ибн Хайём (813- йилда вафот этган), Абул-Аббос Эроншахрий (875- йилда вафот этган) уларнинг издоши ва шогирди бўлган.

Розий табиатшунослик, хусусан, табобат, кимё илмлари, фалсафа ва динларнинг қиссий таҳлили бўйича фундаментал асарлар ва таълимотлар яратган. Микроблар, касалликларнинг сув ва ҳаво орқали таъсири, кенг кўламдаги тиббий профилактика тадбирлари, тиб, кимё фанларининг асбоблари, маҳсус ўtkазиладиган тажриба асосидаги илмий ҳақиқат инсон руҳига соғлом психик (руҳий) таъсир, ақл, илм-фан, таълим-тарбия тўғрисидаги пайғамбарлар ҳадисларининг ҳақиқий мақсадлари ва шу кабилар тўғрисида Розий қарашлари ва таълимотлари ана шулар жумласидандир.

Розий жуда катта табиий-илмий, фалсафий ва динларнинг қиёсий таҳлилига бағишланган бой маънавий мерос қолдирган. Гарчи унинг ўзи 200 атрофида китоб, мақола ва рисолалар қолдирганман, деб кўрсатган бўлса ҳам, ўрта аср фан, тиббиёт тарихчилари ва феҳрест муаллифлари Ибн ал-Кифти, Ибн Абу Усайбия ҳамда Абу Райхон Берунийлар 133 тадан то 236 тагача асарларни санаб келтирадилар. Улар орасида энг машҳурлари «Китоб ал-Ховий», «Китоб ас-Сайдана», «Китоб манофесъ алазия», «ат-Тибби ал-мулукий», «ал-Кутуб ал-исино ашара» («Касалликлар тарихи ва клиник кузатишлар»), «Китоб ус-сир», «Китоб ус-сир ал-аспор», «Китоб тибб ар-руҳоний», «Китоб сийрат ал-файласуфийа», «Мақолафи аморат иқбол вал-давлати» ва бошқалардир.

Кейинги бешта асар бизгача етиб келган ва илмий истеъмолга киритилган. Кўйида Розийнинг педагогикага алоқадор қарашларидан парчалар юқоридаги манбалар асосида келтирилади. Қавс ичидаги биринчи рақам асарнинг манбалари рўйхатидаги ўрнини, кейинги рақамлар эса қисмлар ва бетларни билдиради. Келтириладиган парчалар (4-сон манбадан келтирилган парчалардан ташқари) ушбу бўлим муаллифи томонидан ўзбек тилига ўғирилган ва эълон қилинмоқда.

## АР-РОЗИЙНИНГ ЎЗИ ВА БОШҚА МУТАФАККИРЛАРНИНГ У ҲАҚДАГИ ФИКРЛАРИ

Ар-Розий: «... кўзларим ожиз бўлиб қолди, гўштларим осилиб қолди, буларнинг ҳаммаси ҳозир менинг ўқишим ва ёзишимга халақит беради, бироқ, мен ҳозирги ҳолатимда ҳам қўлимдан келганча ёзиш ва ўқиши тўхтатганим йўқ ва мен доимо ўқиб берувчи ва кўчириб берувчининг ёрдамига муҳтожман...

Э, Худо! Сен менга ўта закийлик ва қобилиятлилик ато этдинг. Энди менга озгина давлат ато қилсанг эди, мен ўз истакларимга етган бўлур эдим. Бўлмаса, бу закийликни ҳам, жонимни ҳам олу, мени азобдан қутқар... (5—104- бет).

... Гален ўзининг «Манофеъи ал-Ава» китобида ўз обрўйидан фойдаланиб, ўз шогирдларини ўзининг барча қарашларини нотанқидий қабуллашга мажбур қилувчи олимларга қаттиқ таъна қиласди. Агар бу улуф инсон ҳозир тирик бўлганда эди, унинг қарашларини танқид қилганим учун менга таъна қилмас, аксинча, менинг китобимни («Шукук ар-Рази ала қалами Жолинус» — («Жолинус қарашлари борасида ар-Розий шубҳалари») бафоят зўр хурсандчилик билан мутолаа қилган бўлур эди...» (3—59- бетлар).

Ибн ан Нодим... У (яъни Розий) одамларга жуда хайрли ва саховатли эди, камбағалилар ва касалларга жуда раҳмдиллик қиласди, уларга доимо хайру садақа қилас ва ҳатто ўзи уларнинг ҳолидан хабар олиб, қараб турарди... (3—58- бет).

Захириддин Байҳақий («Татимма Сивон ал-Хикма» муаллифи): Абу Бакр Мұхаммад бин Закариё авваллари заргар эди, кейинчалик эликсир (алкимё) илми билан шуғулланди. Эликсирни тайёрлаш жараённида кўлланиладиган турли дориворлардан чиққан буғлар ва тутунлар таъсири натижасида унинг кўзлари оғриб қолди ва у табибга мурожаат қиласди. У (яъни табиб) эса даволаш ҳақига 500 олтин сўради. Ар-Розий бу пулни тўлаб, деди: «Мана ҳақиқий эликсир қаерда экан, мен шу пайтгача шуғулланиб келганим эликсир эмас». Шундан сўнг эликсир илмини қўйди ва табобатни ўрганишга машғул бўлди... (3—58- бет).

Беруний. Мұхаммад Закариё Розий китобларининг рўйхати тўғрисидаги рисола: «...Розий доим илм билан шуғулланган. У чироқни девор токчасига қўйиб, унинг олдида ўтиришга одатланган,

бунда у ўз китобини деворга қаратиб шундай тутганки, агар уйқуга кетгудек бўлса, унинг қўлидан китоб тушиб уни уйғотган. Бу унинг кўзининг ишдан чиқиши сабабларидан бири эди; боқило (йирик ловия)ни кўп истеъмол қилиши ҳам шунга олиб келган. Ниҳоят унинг икки кўзи кўр бўлиб қолган. Табаристондан унинг кўзини даволаш учун шогирдларидан бири келади. Катарактани операция қилиш лозимлигини айтган шогирдга Розий ўз ҳаётининг тугаб қолганлигини ва бундай вақтда оғриқقا бардош бериш анча қийин эканлигини айтади (4—18- бет).

## **РОЗИЙ ИЛМ-ФАН, КАСБ-ХУНАР САНЬАТЛАРИНИНГ АФЗАЛЛИГИ, ИЛМИЙ ҲАҚИҚАТЛАР ВА «ДИНИЙ ҲАҚИҚАТЛАР» ҲАҚИДА**

... Минглаб табиблар, эҳтимол, минг йиллар давомида табобатни такомилга етказиш билан шуғулланганлар. Шунинг учун ҳам кимки уларнинг яратганларини астойдил, қунт билан ўрганса, уларнинг маъносини тушуниб етишга берилса, ўзининг қисқагина ҳаётида минг йиллар давомида хастахоналарга юргурганда ҳам қўлга кирита олмайдиган даражада кўпроқ нарсани кашф қиласи, чунки, бир одам, ҳатто юз йил яшаганда ҳам, агар у ўз ўтмишдошлирининг тажрибалари билан таниш бўлмаса, фақатгина ўзининг кузатишлари билангина ҳеч бўлмаганда табобатга оид ҳақиқатларнинг асосий қисмини билиб олиш мумкин бўлмайди.

... Нафақат ўқишишнингина, балки ўқиганини муҳокама қила олиш, ўқиганларини баъзи ҳолларда татбиқ қила олиш қобилиятигина табибни табиб қиласи...

... Қани ўша сизларнинг имомларингизнинг заҳар ва озиқ ўртасидаги фарқлар, дориларнинг таъсиrlари тўғрисидаги кўрсатмалари? Бу тўғрида ҳеч бўлмаса битта кўрсатмани мисол келтиринг. Ҳолбуки, улар тўғрисида Гиппократ ва Гален китобларидан бир эмас, минглаб нарчалар келтиришади ва бу барчага фойда келтирган. Осмоннинг ҳаракати ва бунинг сабаблари тўғрисида биронта имомингизнинг гапларидан ҳеч бўлмаганда ҳали номаълум бўлган ва сизларнинг имомларингиз аниқлаган ҳандасанинг ўзига хос сифатлари тўғрисида хабар беринг-чи...

... Агар сизлар мана шу барча нарсаларнинг асоси сизларнинг имомларингиздан деб айтсангиз, биз айтамизки, бундай даъво нотўғри ва сизлар томондан йўл қўйиб бўлмайдигандир... Бу умумхалқ орасида ёйилган умумий ва хусусий бешармлик, ожизлиkdir.

... Агар сизлар дориларнинг танага таъсири, осмоннинг ҳаракати ҳақида кишилар қандай билдилар, деб сўрасангиз, биз бунга жавоб беришда ҳам бемалол сизларнинг имомларингизсиз иш қўраверамиз. Буларнинг ҳаммаси ҳалққа маълум бўлган қайдлардан, кузатишлардан, дориларнинг танга таъсирини эмлаш орқали билишдан

олинган; азалдан ва абадиан нимаики қўлга киритилган бўлса, уни билиш, сизларнинг имомларингизнинг ўргатишисиз ҳам фозлар учун сузиш қанчалик табиий бўлса, шунчалик табиийдир. Сизлар келтирган «исботлар» ана шунинг ўзи билан инкор этилади...

... Кимки фалсафани ўрганиш билан машғул бўлса ва бунга зўр бераётган бўлса, у ҳақиқат йўлидан боришга лойикдир. Ҳақиқатан ҳам, кишиларнинг руҳи бу дунёнинг чиркинлари ва қоронгиликларидан мусаффо бўлиши ва фароғатга етишиши фақат фалсафа ўрганиш билан бўлади. Агар инсон уни (фалсафани) ўрганса, биз тасаввур қила олишимиз мумкин бўлган даражада оз қисмини бўлса ҳам эгаллай олса, у ўз жонини чиркинлик ва қоронгиликдан тозалайди ва қутқаради... (3—106—107- бетлар).

... Бизга фойдали бўлган ишларда ўзимиз ҳукм юрита билишимиз учун бизга ҳайвонотта нисбатан устунлик ақл билан берилгандир. Ақл орқали биз ўзимизни улуғловчи, зийнатловчи ва ҳаётимизни хайрли қилувчи ҳамма нарсани била оламиз. Ақл билан биз ўз хоҳиш ва мақсадларимизга етамиз...

... Дарҳақиқат, ақл билан биз кемасозлик фанини билиб оламиз... Ақл ёрдамида биз ўз таналаримизга жуда кўп хайрли ва шунига ўхаша фойдали санъатларни ўзида мужассам қилган табобатни ўрганамиз... Унинг ёрдамида Ернинг шакли, Куёш ва Ойнинг катталиги, юлдузлар ҳаракати, уларнинг узоқлигини ва оқишини билиб оламиз.

... Агар, бундай эътиқодли (яъни диний эътиқодли) кишилардан улар ўзлари ундаётган масалалар ва ундағи ҳақиқатни исботлашни сўрасангиз, ғазабга келадилар ва буни сўраётган кишиларнинг қонини бекорга тўқадилар. Улар муҳокама қилишни тақиқлайдилар ва ўз рақибларини ўлдиришга даъват қиладилар. Бунинг оқибатида ҳақиқат ниҳоятда чуқур кўмилган ва яшириндир...

... Энди менинг билимга бўлган муҳаббатим, уларни қўлга киритишга ва саъй-ҳаракатимга келсак, мен билан дўст бўлган ва менинг ёшлигимдан бошлаб то ҳозирги вақтгача тўхтовсиз заҳмат чекишим, мен ўқимаган, мен билмаган китоб қўлимга тушгудек бўлса, у китобни ўзлаштириб олмагунча бошқа биронта ишга кириша олмаслигимга гувоҳ бўлган кишига ҳаммаси маълум... (3—99; 100; 104—105-бетлар).

### АР-РОЗИЙ ТАЖРИБАГА АСОСЛАНГАН БИЛИМНИНГ АФЗАЛЛИГИИ, ИНСОН АҚЛУ ЗАКОВАТИНИНГ ҚУДРАТИ ҲАҚИДА, ЖОҲИЛЛИКНИНГ ЗАРАРИ ТЎҒРИСИДА

... (Розий касалликнинг барча белгиларини ҳисобга ола олмаганилигидан афсусланиб): ... Биз бундан бўён, Худо хоҳласа, бундай ҳолларни foятда синчиклаб текширишдан ғофил бўлиб қолмаслигимиз керак ...

... Йўлда (сафарда) бизга ҳамроҳ бўлиб, эшак ҳайдаб бораётган Абу Довуднинг кўзи оғриб қолди. (Касали) бошланган вақтда унга томирдан қон олдирини маслаҳат бердим, лекин у бундай қилмади, фақат қортиқ қўйдирди.

Ўзи билан бирга олиб юрган доридан бир ўқияни қулогига томизди ва бу ишини ҳаддан ошириб юборди. Мен уни бундан қаттиқ қайтардим, ҳатто аччиқландим, шунга қарамай, айтганимни қабул қилмади. Ўша куннинг эртасига иш улғайиб, кўз оғриги кучайиб кетди, мен шу вақтгача бундай кўз оғригини кўрмаган эдим. Мен кўз табақаларининг ёримишидан ва (кўзнинг) оқиб тушишидан кўрқардим, чунки кўз шиллиқ пардасининг қаттиқ шишиб кетганилигидан кўзнинг мугуз пардасидан битта ясмиқдек қисмигина кўринар эди. (Касаллик) уни уринтириб қўйгач, ундан икки марта уч ритл, балки ундан кўпроқ қон олдим ва кўзларини йирингдан тозаладим. Сўнг кўзларига оқ (элаки дори) сепдим, натижада ўша куни ухлади ва оғриги қолди. Ўша куннинг эртасига бутунлай соғайди. Бу ишдан одамлар таажжубланишиди...

... Абдулмўъмин заргарнинг ўғли кўз ёши найчасида бўладиган оқма яра (**гараб**) га учраб қолди. Мен ўзим таркиб қилган шиёфни унинг кўзига суртишни ва кўзининг ички бурчагига томизишни буюрдим. У шу ишини қилди ва тузалиб кетди. Мен биламан бу ҳақиқий тузалиш эмас, балки (дори) оқма ярани бириктиради ва қуригади, аммо эт олдириб, битириб юбора олмайди. Мен буни бир неча марта тажриба қилиб кўрганман.

«Наводир»да Жолинусининг сўзи бор, ўша сўз мени шундай шиёф таркиб қилишимга ундали...

... Тутқаноғи бор Назиф исмли китобфурушни диққат билан кузатган эдим, бир жуфт бўйин кўк томирини тўлган, юзини жуда қизарган ва баданини тўлган ҳолда кўрдим. Табобатни ўрганаётган шогирдга **соғини** томиридан қон олишни буюрдим. (Шогирд) унинг томиридан қон олди. Мен касал ҳолини кузатиб турдим. Бир йилгacha тутқаноқ тутмади.. (4—86; 88—89; 90—91 -бетлар).

### Баъзи сўzlар ва ибораларининг изоҳи ва шарҳлари

**Ал-Мажистий** — Птолемейнинг машҳур «География» асарининг арабча айтилиши: **арад** — **акциденция**. Аристотель ва Шарқ аристотелчилари, масалан, Форобий, Ибн Сино ва бошқаларда — борлиқ моҳиятидан иборат бўлган қисмга (субстанцияга) ва моҳиятнинг ташқи, тасодифий намоён бўлишидан иборат ўткинчи — арад (акциденция) қисмига бўлинади.

**Ал-Арш** — мусулмон илоҳиёсти космологиясида Оллоҳ борлиқни кузатиб назорат қилиб, ажрим бериб туралди, таҳт — курсининг номи. Эмишки, тақдирни азал китоби ана шу курси остида сақланади.

**Буқрот** — қадимнинг энг машҳур табиби Гиппократ номининг арабча айтилиши.

**Жавҳар** — туб моҳият ёки субстанция.

**Жолинус** — қадимнинг энг машҳур табиатшуноси ва тиб олими номининг арабча айтилиши.

**Зиндиқже** — Ўрта Осиё ва Эрон халқарида Исломдан олдин амалда бўлган диний эътиқод — зароастризмда пайдо бўлган диний ҳурфикрлилик вакилларининг мўмини-ю, мусулмончилик даврида «коғир» маъносида қўлланилган.

**Зарвонизм** — қадимги Ўрта Осиё ва Эрон халқарида Исломдан олдин амалда бўлган зароастризм қобигида шаклланган стихияли материалистик ва атомистик таълимот. «Зарвон»ни мутлақ борлиқ, «замон» маъносида тушунишдан келиб чиқсан, уларнинг вакиллари «дахрийлар» деб аталганлар.

**Иклидус** — қадимги юон олими, (Евомид геометрияси), Эвклид — олим номининг арабча айтилиши.

**«Ихван ус-Сафо»** — X—XI асрларда Ўрта ва Яқин Шарқ мамлакатларида шаклланган яширин илмий-фалсафий ва ижтимоий маърифат тарқатишини ўз олдига мақсад қилиб олган ташкилот, биродарлик жамияти.

**Манийлик** — эрамизнинг 276-йилида Истахр шаҳрида осиб ўлдирилган диний тарғиботчи, пайғамбар **Моний таълимотига** эргашган ҳаракат номи.

**Маҳдий** — шиалар, исмоилийларда қиёмат куни оламга қайтадан келиб, адолат ва абадий фароғат барқарор қиласидаган яширин И мом.

**Мулҳид** — мусулмонларда билбатчи, ҳурфикрли ва коғирларга қўйилган энг оғир лақаб, айбга сазовор бўлганлар, масалан, Ар-Розий, Ибн ар-Равандийлар мулҳид деб таҳаллус олганлар. Айнан маъноси «диннинг сирини фош этувчи».

**Ритл** — суюқликлар оғирлигини ўлчашда ишлатиладиган ўлчов бирлиги. 340 граммга тенг.

**Үқия** — порошок — кукун тарзидаги дориларни ўлчашда ишлатиладиган ўлчов бирлиги. 29, 75 граммга тенг.

**Шиёф** — кўз, бурун, ичак ва бачадон касалликларини даволашда қўлланиладиган дори номи. Ҳўл ва қуруқ тарзда даволашда қўлланилади.

**Қортиқ солиш** — тилиб ёки банка қўйиб қон олишдан иборат даволаш усули.

**Фараб** — кўз ёшини бурун найчасига туширадиган жойда яллигланиш натижасида пайдо бўладиган оқма яра номи.

**Хаюла** — Қадимги Шарқ фалсафасида дунёнинг бирламчи асоси, субстанцияси, яъни бирламчи ибтидо материя Хаюла деб аталган.



# *Абу Наср Форобий*

(873—950)



Форобий — Ўрта аср Шарқининг машҳур мутафаккири, қадимги юонон илми ва фалсафасининг Шарқдаги энг йирик тарғиботчиси ва унинг ривожига ҳисса қўшган олим. У Сирдарё бўйидаги Ўтрор (Фороб) шаҳрида туғилиб, Шош (Тошкент), Бухоро шаҳарларида ўқиди, сўнг Араб халифалигининг маркази Багдод шаҳрига бориб узоқ йил истиқомат қилиди, юонон файласуфларининг асарларини мутолаа қилиш, турли тилларни ўрганиш билан шуғулланди. Ўз даврининг машҳур олиму фозиллари билан мулоқотда бўлди, умрининг сўнгги йиллари Дамашқда ўтди.

Форобий ўз даврининг қатор илмларини чуқур ўрганиб, турли соҳаларга оид илмий асарлар ёзib қолдирди. У ўз даврининг биринчи файласуфи, мусиқачиси, шоири, қомусий олими бўлиб ном қозонди. У «Ақл ҳақидаги рисола», «Фалсафани ўрганишдан олдин нимани билиш керак?», «Субстанция ҳақида сўз», «Фалсафанинг маъноси ва келиб чиқиши», «Мантиқ илмига кириш», «Масалалар моҳияти» каби 160 дан ортиқ рисолалар яратди.

Форобий биринчилардан бўлиб ўз даври илмлар классификациясини яратган ва унга бағишлиб қатор рисолалар ёзди. У ўз даврида мусиқа масалаларига бағишлиб катта асар ёзib, мусиқа назариясининг тағсилини берди ва Шарқда кенг тарқалган най, ногора, чанг, рубоб, қатор мусиқа асбоблари таърифини ёзib қолдирди. Унинг бу асари Шарқ мусиқашунослиги тарихида ниҳоятда муҳим аҳамият касб этади. У ўз даврининг қомусий олими бўлиб, риёзиёт, тиббиёт, араб грамматикаси, алкимё, фалакиёт, мантиққа оид асарлар муаллифидир.

Лекин Форобий, авваламбор, машҳур файласуф — фалсафанинг энг муҳим масалалари бўйича қатор асарларининг муаллифи сифатида шуҳрат қозонди.

У Шарқда қадим юонон фалсафаси, айниқса, қадимги дунёнинг қомусий олими Аристотел (Арасту)нинг асарларини ўрганиш, уларга

шархлар ёзиш, фояларини тарғиб этиш ва янада ривожлантиришга улкан ҳисса қўшди. Аристотель «биринчи муаллим» деб ном олган бўлса, бутун Шарқда Форобий «иккинчи муаллим» унвонига сазовор бўлди.

У Аристотелнинг барча фалсафий асарларига яна қадимги юон олимлари Платон, Гален, Эвклид, Парфарий, Сократ кабиларнинг рисолаларига шархлар яратди.

Форобий ўз даврида ижтимоий-сиёсий масалалар бўйича биринчи бўлиб йирик асарлар яратган мугафаккирdir. У ижтимоий ҳаётнинг турли масалалари, айниқса, давлат тузилиши ва уни бошқариш, турли ижтимоий низоларнинг олдини олиш каби ҳамда камолотга эришган ижтимоий жамоани яратиш каби ижтимоий масалаларни олға сурди. Етук жамоани вужудга келтириш комил инсонни яратиш муаммосини ҳал этиш билан боғлиқ эканлигини биринчи бор ўрта аср шароитида Форобий олға сурди. Унинг «Фозил шаҳар аҳолисининг фикрлари», «Идеал жамоа ҳақида», «Бахт-саодатга эришув тўғрисида» каби машҳур асарлари шу масалаларга багишлилангандир.

У оламнинг турли-туманлиги, табиатнинг ниҳоятда бойлигини эътироф этиб, улар асосида 4 элемент (унисур): ер, сув, олов, ҳаво мавжудлигини таъкидлайди, шу билан бирга, оламнинг ибтидоси, бошланиши — бошланғич яратгувчи кучдан нурланиш ёрдамида — поғонама-поғона вужудга келганинги таъкидлайди.

Унинг дунёқараши шунинг учун пантеистик мазмун касб этади. Форобий фикрича, мавжудотнинг энг буюк ва етук маҳсули — бу инсондир, у ўзининг онги, ақли, сезиш органлари орқали оламни ҳар томонлама ўрганиш қобилиятига эгадир. Ақл ёрдамида инсон уни ўраб олган мавжудотнинг моҳиятини тушунади.

Айниқса, унинг ижтимоий сиёсий таълимотлари ўз даври учун ниҳоятда илғор аҳамиятга эга бўлиб, у инсонпарварлик фоялари билан сугорилгандир. Ижтимоий ҳаёт асосида инсон, унинг фаолияти, такомилликка иштилиши ётади. Инсонни баҳт-саодатга элтувчи жамоа етук жамоа бўла олиши мумкин. Форобий шу етук жамоага эришувнинг йўл-йўриқларини қидиради. Комил инсонни яратиш, уни баҳт-саодатга элтиш ҳар қандай давлат бошлигининг вазифаси бўлмоғи даркор. Олдига қўйган мақсадига қараб, жамоалар бирбиридан фарқ қиласди.

Форобий инсонпарварлиги, унинг таълим-тарбия, инсон шахсиятини камол тоғтиришнинг йўл-йўриқлари, илм-маърифатга эришувнинг усуллари ҳақидағи фикрлари ижтимоий муаммоларни счиш масалалари билан уйғунлашган. Бу қатор муаммоларни Форобий инсон, инсонийлик, етук инсоний хислатларни яратиш нуқтаи назаридан ҳал этишга интилади. Форобийни ўрта асрдаги Яқин ва Ўрта Шарқда илғор педагогик таълимотларнинг асосчиларидан деб

айтсак мутлақо хато бўлмайди. Чунки у ўз асарларида, дидактика, таълим-тарбиянинг психологик асослари, этика, нафосатнинг муҳим назарий масалаларини ўз фалсафасининг ажралмас қисмлари сифатида таҳлил этади.

Форобий фалсафани назарий ва амалий қисмларга ажратади. Назарий фалсафада мавжудот, унинг яшаш шакллари, оламни билишнинг йўл ва воситалари, унда илм-фаннинг ўрни ва роли каби қатор масалалар ёритилса, амалий фалсафа инсонни камолотга етказиш, таълим-тарбия, ижтимоий ҳаёт муаммоларини ҳал этиш каби қундалик масалалар билан машгул бўлади.

Демак, Форобий педагогика масалаларини ва улар билан узвий боғлиқ бўлган психологик, физиологик муаммоларни фалсафанинг муҳим қисми сифатида талқин этади ҳамда инсонни ҳар томонлама яхлит ва ўзаро узвий боғлиқ бўлган қисмлардан иборат деб ўрганиш тарафдори эканлигини намоён этади.

Форобий мавжудотни билишда илм-фаннинг ролини ҳал этувчи омил деб ҳисоблайди, ташқи оламни ўрганиш, табиат сирларини билишда табиатшуносликнинг ролини алоҳида қайд қиласди.

Унингча, инсон танаси, мияси, сезги органлари туғилишда мавжуд, лекин ақлий билими, маънавийлиги, руҳи, интеллектуал ва ахлоқий хислатлари — характеристи, табиати, диний урф-одатлари, маълумоти бошқа ташқи муҳит, бошқа инсонлар ва шу кабилар билан мулоқотда вужудга келади, инсон ўз фаолияти ёрдамида уларни эгаллайди, уларга эришади. Унинг ақли, фикри, руҳий юксалишининг энг етук маҳсули бўлади. Инсон ўз билимларини, ақлини ривожлантириб, сўнгига мавжудотнинг ибтидоси, боғланиши ҳақидаги илмга бориб этади.

Инсоннинг ахлоқий хислатларини шакллантириш, асосан, тарбия ва тарбиячининг, билимдон муаллимнинг вазифасидир.

Форобий таъкидлашича, тарбиялаш икки хил услуг ёрдамида олиб борилиши мумкин: ихтиёрий ва мажбурий. Агар тарбияланувчи ихтиёрий равищда зарурий, ақлий ва ахлоқий хислатларни, билимли бўлиши ҳамда тўғрилик, ҳақиқатни севиш, жасурлик, дўстларга садоқат каби фазилатларни эгаллашга интилмаса, уни тарбиячи, муаллим бундай фазилатларга ўргатиши керак бўлади. Бундай юксак фазилатларга эга бўлиш инсон учун етук баҳтга, саодатга элтувчи жамоани яратишнинг муҳим шартидир.

Бунда ҳаммани баҳт-саодатли жамоанинг аъзоси қилиб этиштириш, барчани етук фазилатларни эгаллашга рағбатлантириш соҳасида изчил иш олиб боришни талаб этади. Комил инсон ва баҳт-саодатга асосланган жамоа бир масаланинг икки томони, яхлит масаладир. Баҳт-саодатга элтувчи етук жамоа раҳбари, Форобий таъкидлашича, комил инсон учун зарур бўлган барча фазилатларни

ҳамда етук раҳбар учун шарт бўлган хислатларни эгаллаган бўлиши керак. Акс ҳолда кўзланган мақсадга эришишда турли тўсиқлар вужудга келади.

Лекин бир кишида етук, доно, оқил, адолатли раҳбар бўлиш учун барча зарурий хислатлар бўлмаслиги, етишмаслиги мумкин. Ундай ҳолда бу хислатларни ўзида ифодаловчи бошлиқлар бирлашиб жамоага раҳбарлик қилиши мумкин. Гап бошлиқларнинг сонида эмас, раҳбарликнинг зарурий хислатларини яхлит ифодалашдадир.

Раҳбар ёки раҳбарлар ўз фуқароларига ҳамма жиҳатдан ўрнак ва тарбиячи бўлиши зарур.

Форобий илғор педагогик қараашлари илк ўрта аср маданиятининг юксалган даврида бу соҳадаги юқори тояларни ўзида мужассам қила олади. У ўз даврининг тарбия масалаларини ифодалай олди.

Форобий фалсафаси, жумладан, унинг педагогик ғоялари, хусусан, ижтимоий педагогикаси Шарқ ва Фарбнинг сўнгги мутафаккир олимларига — Ибн Сино, Беруний, Мисқавейх, Ибн Рушд, Ибн Холдун, Роджер Бэкон, Давид, Дидақта, Спиноза кабиларга катта таъсир кўсатади.

## ФОРОБИЙ АСАРЛАРИДАН НАМУНАЛАР

### «ФАЛСАФАНИ ЎРГАНИШДАН ОЛДИН НИМАНИ БИЛИШ КЕРАКЛИГИ ТЎҒРИСИДА» АСАРИДАН

Фалсафани ўрганишдан аввал ўзингизни ҳирс-ҳаваслардан шундай тозалашингиз лозимки, сизда майшат ва шаҳвоният каби нотўғри туйғуларга эмас, балки камолотга бўлган орзу-ҳавас қолсин.

Бунга хулқ-ахлоқни фақат сўздагина эмас, балки ҳақиқатда (амалда) тозалаш орқали эришиш мумкин. Шундан сўнг хато ва адашишдан сақловчи, ҳақиқат йўлини тушуниб олишга бошловчи нотиқ (сўзловчи, фикрлаш маъносида) нафсни (жонини, руҳини) тозалashi зарур. Бу эса исботлаш тўғрисидаги илм билан шуғулланиш натижасида қўлга киритилади.

Исботлаш икки турли бўлади: ҳандасавий ва мантиқий исботлаш.

Шундай қилиб (фалсафани ўрганиш), ҳандаса исботларини татбиқ этиш зарур бўлган даражада ҳандаса илмидан бошлаш лозим ва шундан сўнг мантиқ илми билан шуғулланиш зарур.

Фалсафани ўрганишни истаган одамнинг қайси йўлга амал қилиши масаласига келсак, бу юқорида айтилганларга интилиш ва олий мақсадга эришишдир. Айтилганларга интилиш илм туфайли амалга оширилади ва илмдан олий мақсадга эришиш фақат табиатларни ўрганиш орқали қўлга киритилади, чунки табиатларни тушунишимиз осондир. Шундан сўнг ҳандасани ўрганиш керак.

Амалда мақсадга эришишга келганимизда, буни, аввало, одам ўз нафсини (руҳини) тозалаш ва сўнг бошқаларнинг, бошқа аҳоли ва уйдагиларнинг (нафсини) тозалаш орқали қўлга киритилади.

## **«МАНТИҚ ТҮФРИСИДАГИ РИСОЛАГА МУҚАДДИМА» АСАРИДАН**

Бизнинг мақсадимиз мантиқ санъатини текшириб күрмоқдир. Бу шундай бир санъатки, у ҳар доим одам нотиқликда адашиб қоладиган бўлса, тўғри фикрлашга олиб келувчи ва ақл ёрдамида бирор-бир хulosса қилинадиган бўлса, ҳатоларнинг олдини олувчи нарсаларни ўз ичига олади. Унинг ақлга нисбатан муносабати грамматика санъатининг тилга нисбатан муносабати кабидир. Грамматика одамлар нутқини тўғрилагани каби, у шунинг учун ҳам вужудга келгандир, мантиқ илми ҳам хато келиб чиқиши мумкин бўлган жойда тафаккурни тўғри йўлдан олиб бориш учун ақлни тўғрилаб туради. Грамматиканинг тилга ва тил ифодаларига бўлган муносабати мантиқ илмининг ақл ва ақлий тушунчаларга бўлган муносабати кабидир. Грамматика ҳар доим тил ифодаларида ҳатолар келиб чиқиши мумкин бўлганида тилнинг ўлчови бўлганидек, мантиқ ҳам ҳар доим ақлий тушунчаларда хато келиб чиқиши мумкин бўлгандга ақл ўлчовидир.

### **«МАНТИҚ ИЛМИГА КИРИШ» АСАРИДАН**

Баъзи нарсалар борки, улар ҳеч қандай далил-исботсиз фикр, мулоҳаза ва муҳокамасиз, хulosса чиқармасдан туриб ўз-ўзидан маълумдир. Баъзи нарсалар борки, улар фикрлаш, муҳокама юритиш, хulosса чиқариш ҳамда дедукция йўли билан маълум бўлади.

Ҳеч қандай далил-исботсиз, фикр қилмасдан туриб билинадиган нарсалар тўрт қисмга бўлинади. 1. Мақбулот (яъни мақбул бўлган фикрлар). 2. Машҳурот (яъни машҳур бўлган). 3. Маҳсулот (яъни сезиш ва идрок натижасида маълум бўлган). 4. Бошланғич маъқулот (яъни билим — тушунчалар — M. X.).

**Мақбулот** деб шундай нарсага айтамизки, у ёлғиз бир (хурматли ва обрўли) кишининг розилиги ёки маъқуллаши билан қабул қилинади.

**Машҳурот** эса, барча одамларга ёки уларнинг кўпчилик қисмига, ёки улардан энг билимдонларига, ёки шундай кишиларнинг кўпчилигига маълум ва машҳур бўлган фикр — раъй асосида (гарчанд бу масалада бошқалар хилофлик кўрсатмасалар ҳам) қабул қилинади.

Маълум бир илм, касб-хунар эгалари ёки уларнинг энг билим-донлари учун машҳур бўлган, масалан, табиблар ва уларнинг энг билимдон арбоблари учун машҳур бўлган фикр-мулоҳаза, иш ва одоб шулар жумласига киради.

**Маҳсулот** эса беш турли сезги қувватлари (яъни кўриш, эшлиши, ҳидлаш, таъм-маза билиш ва тери сезиши) билан билинадиган ва фаҳмланадиган нарсалар. Масалан: Зайд ўтирибди, мана бу вақт кундуздир — булар бевосита кўриш натижасида вужудга келувчи фикрларга мисолдир.

**Бошлангич маъкулот** (яъни билим-тушунчалар) шундай нарсаки, биз уни танишга ўзимизни гўё бошданоқ ва туғма ҳолла яратилгандек сезамиз, унга тўла қаноат ва ишонишга, дунёда ундан бошқа тўғри ва чин билимнинг бўлиши мумкин эмаслигини гўё бошданоқ билгандек бўламиз (гарчанд бундай туғмадек бўлиб кўринган билимларнинг бизда қандай қилиб ва қаердан ҳосил бўлганини ўзимиз билмасак ҳам, шунга ишонамиз). Масалан, ҳар қандай уч сонининг тоқ ва тўрт сонининг жуфт бўлиши. Шунингдес, бир нарсага бўлак ёки қисм бўлган нарса, албатта, ўша нарсанинг ўзидан кичикроқдир. Ҳар бир бутун ўз қисмидан каттадир. Шунингдек, учинчи бир ўлчовга тенг бўлган икки ўлчов бир-бирларига ҳам тенгдир ва шунга ўхаш ҳоллар бошлангич билимларга мисол бўлади.

### **«БАХТ-САОДАТГА ЭРИШУВ ҲАҚИДА» АСАРИДАИ**

Яна биз ақл нафснинг (яъни жон — руҳнинг М. Ҳ.) ҳолатидан, яъни жисмсиз жинсларнинг ҳам бошлангичи бор эканлигидан хабардор бўламиз. Чунки, ақл ва нафс ўзининг чексиз камолоти билан борлиқда инсон бўлиб гавдаланади. Аммо бу бошлангичлар одамзоднинг шу табиий бошлангичлар таъсири остида камол топиб инсонга айланиши учун кифоя қўлмайди, чунки инсон — инсон бўлиб, инсоний камолотга эришуви учун сўзлашиш ва касб-хунарга муҳтождир.

Баъзан шундай бўладики, табиатдаги кўпчилик нарсалар ҳам одамга, одамзоднинг тузилишига яқин (ҳамжинс) бўлиб туюлади. Бу масалада киши чукур тушуниши, шу нарсаларнинг одамзодга қайси жиҳатдан ҳамжинс эканлигини тўла ва яхшилаб тушуниб олиши керак. Бундан эса кишида шу нарсаларни ақлий билиши мақсади — муддаоси ҳосил бўлади. Бу билан эса табиат фанларида ўзлаштириб олган билимимизнинг камолига етамиз.

Лекин, айтиб ўтиш керакки, сўзлаш бошлангичи инсоннинг камолотга эришувига ягона сабаблардан бири эмаслиги ҳам очиқ-ойдин аёндир. Мана шу ақлий билиш табиий мавжудотдаги яна жуда кўп нарсаларга ва кишининг ўзига ҳам бошлангичдир. Шунингдес, инсон юксак камолотга эришув йўлида ҳаракат қилганидек, ақлий билишга ҳам ҳаракат қилса, у шубҳасиз ўзи интилаётган сўнгги даражадаги баҳт-саодатга эришади. Лекин бу эришиш қуруқ интилишгина бўлиб қолмасдан, балки табиий мавжудотдаги жуда кўп нарсалардан фойдаланиш йўли билан ёки шу табиатдан ташқарида бўлган жуда кўп ишларни амалга ошириш йўли билан кўлга киритилади.

Мана шу ўзимизга манфаатли бўлган табиий йўллар орқали олий камолотга эришув йўлига етиб оламиз, шунинг билан бирга, бизга ҳар бир инсоннинг шу камолотга ўз ҳиссасига яраша эриша олиши ҳам очиқ-ойдин маълум бўлади. Чунки кишининг камолотга

эришиш ҳиссаси оз ёки кўп, яъни турлича бўлади. Чунки камолотга бир кишининг ўзи ёлғиз (бировнинг ёки кўпчиликнинг ёрдамисиз) эришуви мумкин эмас. Ҳар бир инсоннинг тугма табиатида ва унга лозим бўлган ҳар қандай иш, ҳаракат жараёнида бошқа бир инсон ёки кўпчилик билан муносабатда бўлиш, ўзаро алоқа қилиш хосияти бор, одамзод жинсида бўлган ҳар қандай инсоннинг аҳволи шу: у ҳар қандай камолотга эришувда бошқаларнинг кўмаклашувларида ва улар билан бирлашишга муҳтож ёки мажбурдир.

Шунингдек, ҳайвонларнинг тугма табиатида ҳам ўз жинсдошлари билан бирга ин қўйиш, биргалашиб юриш, бир жойда йиғилиб ётиш хусусияти бор. Ҳайвон икки турли бўлиб, икки хил ном билан юритилади: бири ҳайвоний, иккинчиси маданий ҳайвон ёки инсон-дир, мана бундан янги бир илм, янги бир назария келиб чиқади.

Энди инсоннинг касб-хунар ва санъатидаги фазилатига келсак, бу фазилат тугма эмасдир, акс ҳолда унинг фикрий фазилатида мутлақо куч ва улуғлик бўлмас эди. Агар касб-хунар фазилати тугма бўлганда, подшоҳлар ҳам ўзлари истаб ва ҳаракат қилиб эмас, балки подшоҳлик уларга фақат табиий равишида мусассар бўлган, табиат талаб қилган табиий бир мажбурият бўлиб қолар эди. Назарий ва буюк фикрий фазилат, улуғ тугма фазилат ва улуғ касб (касб-хунар) фазилати, одат-малака бўлиб қолган одамда бу фазилатлар иродани ҳосил қилишнинг ва одатга айланишининг сабаби бўлади. Бундай одамлар чексиз ва жуда кучли табиат, ирода эгаларидир.

Агар инсонда мана шундай гўзал хусусиятлар ёки фазилатлар бирлашса, уйғунашса, шундан сўнг у ўзидағидек гўзал фазилат, иродани халқлар ва шаҳар аҳларида ҳосил қилиш йўлини ўрганиши керак. Лекин халқлар ва шаҳар аҳларида ахлоқ, одоб, расм-руsum, касб-хунар, одат ва иродани ҳосил қилиш учун инсондан зўр куч-кудрат талаб қилинади.

Бу икки йўл билан: яъни таълим ва тарбия йўли билан ҳосил қилинади. Таълим деган сўзлар халқлар ва шаҳарликлар ўртасида назарий фазилатни бирлаштириш, тарбия эса шу халқлар ўртасидаги тугма фазилат ва амалий касб-хунар фазилатларини бирлаштириш деган сўздир.

Таълим фақат сўз ва ўрганиш билангина бўлади. Тарбия эса, амалий иш, тажриба билан, яъни шу халқ, шу миллатнинг амалий малакалардан иборат бўлган иш-ҳаракат, касб-хунарга берилган бўлиши, ўрганишидир. Агар улар шу касб-хунарга берилган бўлсалар, касб-хунарга қизиқсалар, шу қизиқиш уларни бутунлай касб-хунарга жалб этса, демак, улар касб-хунарнинг чинакам ошиғи бўладилар.

Мақсадни амалга оширишда қасд ва ғайрат қилиш мўлжалланган ишни бажаришда катта таъсирга эгадир.

Назарий билимларни ё устозлар, ёки ҳукуматлар ўргатадилар. Назарий билимларни билиш, аввало, назарий билимлар жинсидан бўлган ёлғиз бир жинс ҳақидаги аввалти муқаддима ва аввалги маълумотни билиш ва таниш, иккинчиси эса, юқорида айтиб ўтилган ҳоллар ва категориялар (яъни мавжудот турлари ва фазилатлар)ни тартибли равишда билиб боришдан иборатдир.

Ёшлар юқорида айтиб ўтилган нарсалар: касб-хунар, иштажриба, қасд ва файратга эга бўлғанлари ва шу нарсаларни ўз вужулларида сингдиргандаридан сўнг, уларни аста-секин эгаллаша юқорилай борадилар ҳамда юқорида айтиб ўтилган фазилатларни аниқлаб бориб, назарий билимларнинг ҳаммасида мантиқий фикрлаш йўлини ишлатишга одатланадилар. Шу тартибда болаларга ўргатиш йўли билан улар то камолга етгунча, ҳамма шу фазилатлар аниқланали ва тарбия қилинади.

Шундан кейин шу фазилатлардан бирини жузъий раисликка айлантирадилар ва бола етти ёшдан ўн саккиз ёшга етгунча, бу фазилат жузъий раислик мартабасидан аста-секин юқорилаштира борилиб, сўнгра бу фазилатни олий мартабали раис (яъни энг устун фазилат) ҳолига кўтарадилар.

Бу тарбиялаш ва фазилатларни аниқлаш усули шундай кишиларнинг усуллари ёки йўлларини, улар назарий билимларни қаноатланарли равиша билишлари керак ва бу усуллар ўзларига хосдир. Фақат жуда кўп маълумотларга эга бўлгандағина назарий билимларни қаноатланарли равишида қўлга киритиш мумкин бўлади. Бу эса, етиб борган бошланғич ва жисмсиз бошланғични билишдир. Бас, шундай экан, улар умумий предметларни, категорияларни мисоллари билан ва вужудлари билан қаноатланарли равиша фаҳмлашлари керак.

Бундан ташқари, назарий билимни биргина ҳалқнинг ўзи эгаллаши мумкинми ёки ҳамма миллатлар ва ҳамма шаҳар ҳалқлари эгаллашлари мумкинми, шу назарий билимни барча ҳалқларга умумий қилишнинг йўллари қандай ва бу билимнинг ҳар бир ҳалқ томонидан эгаллаш йўллари қайси тартибда — буларнинг ҳаммасини билиш керак. Бу назарий билимларни бир миллатдан иккинчи бир миллатга тарқатиш, бир шаҳар ҳалқидан иккинчи бир шаҳар ҳалқига ёки шаҳар ҳалқининг бир қисмидан бошқа қисмига ёйиш — ҳалқларда назарий фазилатни хосил қилиш усулидир.

\* \* \*

Одамларга тарбия бериш усули икки турли бўлади. Аввалиги усул (илҳомлантирувчи М. X) — санъатни ўз рағбатлари билан ўрганувчиларга ишлатиладиган усул. Иккинчи усул (мажбур этиш — М. X.) эса, мажбурий равиша тарбияланувчиларни тарбиялаш учун

ишлатиладиган усул. Манзил эгаси ёки шогирдлар устида турган ўқитувчининг тутган усули бунга мисолдир. Масалан, ҳукумат (ёки давлат) мазкур мамлакатда яшовчиларнинг муаллими — тарбиячиси бўлганидек, шоҳлар ҳам фуқаронинг муаллими ва тарбиячиси бўладилар. Болалар устида турган одам эса муаллим бўлиб, у (болаларга) тарбия беришда турили тарбия усулидан фойдаланади. Мана шундан маълум бўладики, ҳукумат (давлат) ва муаллим ҳар иккovi ўз йўлида, болалар ёки халқа тарбия берувчи устод ва муаллимлардир. Улардан бири болаларга меҳрибонлик ва яхши сўзлар билан тарбия берса, иккинчиси мажбурий равишда тарбиялайди.

Ҳукуматлар (ёки давлатлар)нинг тарбия усувлари ҳам худди шундай: ҳукумат (ёки давлат)нинг тарбияси ҳоҳ мажбурий (усул билан) бўлсин, ҳоҳ яхши гап — муомала ва меҳрибонлик билан бўлсин, маълум меҳнат, касб-хунар билан шуғулланувчи аҳолига озми-кўпми тарбия беришдир. Улар (яъни ҳукумат ёки давлатлар) таълим ва тарбия беришда худди оила бошлиғи, болалар тарбиячиси ва муаллимдек бўладилар, шаҳар халқи ва бошқа саҳрои халқларни тарбиялашда уларни касб-хунарга ўргатиш йўлида ишлатиладиган йўл-йўриқ турлича бўлади, яъни кишиларнинг раҳбарларига қараб мажбур қилиш йўли билан (куч ишлатиб) тарбиялайдилар. Бундай (мажбур эттирувчи) куч эса, айниқса жузъий касб-хунарларда ишлатилади. Масалан, бу куч ҳарбий асбоб-ускуналардан фойдаланишда, аскарларни урушга йўллашда, мудофаа ишларида кўриладиган энг нозик тадбирларни қўллашда ишлатилади. Чунки шаҳар халқлари ва саҳрои халқлар одамзодни чинакам инсонлик даражасига кўтарадиган, уни чинакам баҳт-саодатга эриштирадиган касб-хунарларни эгаллашга ўз ихтиёлари билан берилмайдилар.

\* \* \*

Зийраклик — бу инсондаги тез фикрлилик, ўйлаган нарсасини дарров топа олиш қобилиятидир.

\* \* \*

Инсон ўз мuloҳазаси, зийраклигини ҳамиша ошириб бориши керак, агар ақл ёмонликка қаратилса, бу хислатлар разиллик, маккорлик, алдамчиликка олиб боради.

Халқ ақлли кишиларни доно деб атайди. Чунки улар инсонларга керакли нарсаларни, яъни инсонларга фойдали, зарур бўлган нарсаларни ўйлаб топадилар. Э, Худо, демак, шундай экан, уларни ер юзицаги энг яхши кишилар десак бўлмайдими, агар шунга муносиб бўлмас экан, улар номигагина донодирлар.

## «АҚЛ ТҮГРИСИДА» ГИ РИСОЛАДАН

Ақлли деб шундай кишига айтамизки, унда ўткир зеҳн-идрок бўлиши билан бирга, фазилати ҳам бўлсин. Бундай киши ўзининг бутун қобилияти ва идрокига яхши ишларни амалга оширишга, ёмон ишлардан ўзини сақлашга ва тортишга қаратган бўлмоғи лозим. Шундай одамнигина ақлли ва тўғри фикр юритувчи деб аташ мумкин.

Ақлли деб шундай кишиларга айтиладики, улар фазилатли, ўткир муҳокамали, яхши, фойдали ишларга берилган, зарур нарсаларни кашф ва ихтиро этишда зўр истеъоддога эга. Ёмон ишлардан ўзини четга олиб юрадилар. Шундай кишиларни «оқил» дейдилар. Ёмон ишларни ўйлаб топишда зеҳн-идрокка эга бўлганларни ақлли деб бўлмайди, уларни айёр, алдоқчи деган номлар билан атамоқ лозим.

\* \* \*

Ўзида ўн икки түфма хислатни бирлаштирган кишигина ахлоқли одам бўла олади:

*биринчидан*, бундай одамнинг барча органлари шу даражада мукаммал тараққий этган бўлиши зарурки, у бу органлари билан бажармоқчи бўлган барча ишларини осонлик билан амалга ошира олсин;

*иккинчидан*, барча масалани, муҳокама ва мулоҳазани тезда ва тўғри тушуна оладиган, унинг маъносини англай оладиган, сўзловчининг мақсади ва айтилган фикрининг чинлигини тезда пайқай оладиган бўлсин;

*учинчидан*, хотираси жула бақувват бўлсин, кўрган-эшитган, сезган нарсаларининг бирортасини ҳам эсидан чиқармай, ёлида сақлаб қоладиган бўлсин;

*тўртинчидан*, зеҳни шу даражада тез ва ўткир бўлсинки, бирор нарсанинг аломатини сезиши билан, бу аломат нимани билдиришини тезда билиб олсин;

*бешинчидан*, сўzlари аниқ бўлсин, фикрини ва айтмоқчи бўлган мулоҳазаларини равон ва равшан баён эта олсин;

*олтинчидан*, билиш ва ўқишига муҳаббати бўлсин, ўрганмоқчи бўлган билимини чарчашини сезмасдан осонлик билан ўзлаштира олсин;

*еттингчидан*, овқатланишда, ичимлик истеъмол этишда очкўз бўлмасин, табиати қимор ўйинларини ўйнашдан узоқ бўлсин ва улар келтирадиган хурсандликдан жирканадиган бўлсин;

*саккизинчидан*, ҳақиқатни ва ҳақиқат тарафдорларини севадиган бўлсин, ёлғон ва ёлғончиларга нафрат билан қарайдиган бўлсин;

*түйкөзинчидан*, руҳи фуурли ва ўз виждонини қадрлайдиган бўлсин, унинг руҳи ўз табиати билан паст ишлардан юқори ва олижаноб ишларга интилалиган бўлсин;

*ўнинчидан* дирҳам, динор ва шу каби турмуш буюмларига жирканиш билан қарасин;

*ўн биринчидан*, ўз табиати билан адолатни севадиган ва адолат учун курашувчиларга, адолатсизликка, жабр-зулм ўтказувчиларга нафрат билан қарайдиган бўлсин, гўзал ва яхши ҳисобланган нарсаларини барчага тақдим этган ҳолда, одамларни адолатга тарғиб этадиган ҳолда, адолатсизлик натижаларини йўқотадиган, уларга йўл қўймайдиган бўлсин;

*ўн иккинчидан*, адолатли бўлсин, аммо қайсар бўлмасин, адолат олдида, адолатсизлик, пасткашлик олдида қатъий сўзлик бўлсин, ўзи зарур деб билган нарсасини амалга оширишда қатъийлик кўрсатсин, кўрқмас, жасур бўлсин, кўрқиш ва ожизликни билмасин.

Таълим-тарбия аҳлари ҳам ўз билимларининг даражасига қараб бир-бирларидан фарқ қиласидилар, ортиқ-кам бўладилар. Уларнинг баъзи бирларида кашф, ихтиро қуввати бўлмайди, баъзиларида эса бу қувват камроқ бўлади.



## **Имом ал-Мотуридий**

*(тажминан 870—945)*



Мұҳаммад ибн Мұҳаммад Абу Мансур ал-Мотуридий ҳаёти ҳақидағы маълумотларнинг эңг дастлабки ва эңг муҳимларини Ан-Насафий ёзіб қолдирған (1114—1115 й.й.). У ўзининг «Табсират ал-адилла» рисоласида Ал-Мотуридийга анча кенг жой ажратиб, у ҳақдаги биографик маълумотлар көлтирилған ва асарларини батағсил илмий тавсифини беріб, Самарқанддаги илоҳиёт мактабида фолият юритганини эътироф этган. Ан-Насафий билан бир пайтда Ал-Мотуридий хотирасини Ал-Паздавий (1099—1100 й.й.) ўзининг «Усул ад-дин» рисоласида ёдға олган. Алиб унга қысқагина мадҳия бағишилайди, бунда ҳам күпроқ ўринни Ал-Мотуридий ҳаётига ажрагади.

Ал-Мотуридийнинг таваллуд топған йили түғрисидаги маълумотларни устозлари ва шогирдлари фаолияти орқали тахминий билишими мүмкін. Тарихий манбаларда Ал-Мотуридийнинг икки устози бўлгани, улардан бири барча манбаларда исми зикр қилинган Абу Наср ал-Иёдий ва иккинчиси — Абу Бакр Аҳмад ал-Жузжоний эканлигини билишими мүмкін. Ал-Иёдийнинг ёзишича, унинг Наср Аҳмад Сомоний (878—892- йилларда ҳукмронлик қилған) бошчилигига туркларга қарши юришда ҳалок бўлгани айтилган. Ушбу юриш Наср Аҳмад Сомоний ҳукмронлигининг сўнгги йилларига, тахминан 890- йилга тўғри келганлигини ишонч билан айтишими мүмкін. Бундан ташқари, Ал-Мотуридий Ал-Иёдийдан ўспиринилик даврида эмас, балки талабалик йилларида, ўз фикри ва маълум мустақилликка эга бўлиб туриб таълим олган, деб тахмин қилишими мүмкін. Ал-Иёдий ўзининг айнан шу шогирдини кўпроқ қадрлаган ва дарсларни у келгандан кейингина бошлаган. Ал-Мотуридий Ал-Иёдий дарсларини тинглаган пайтда, ёши салкам йигирмада бўлган, демак, у тахминан 870- йилда туғилган деган хуносага олиб келади.

Алломанинг туғилган жойини аниқлаш билан боғлиқ масала мулоҳаза ва тахминларга муҳтож эмас. Унинг нисбасидан аён бўли-

шича, Ал-Мотуридий Самарқанд яқинидаги Мотурид (ёки Мотурит) маҳалласида туғилган ва барча манбаларда таъкидланишича, шу шаҳарда вафот этган. Унинг қабри олимлар дағн этиладиган Чокардиза қабристонида бўлиб, узоқ вақт зиёрат қилинган ва қадрланган.<sup>1</sup>

Ал-Мотуридий таълимотида ижтимоий фикрга оид қуйидаги йўналишлар келтирилган:

а) Ал-Мотуридий Мовароуниҳрда жамоатчилик фикри шаклланишининг ўзига хослигини инобатга олиб, умумий фикрга кишиларнинг онгли тарзда, ихтиёрий равишда бирлашишига даъват этган. Бундай фикр бирлиги исломий эътиқолда ҳам, ҳаётий-ахлоқий соҳаларда ҳам, мағкуравий сиёсатда ҳам инсонларнинг яқдилликда эришишларида намоён бўлади;

б) Ал-Мотуридий дин исботталаб далилларга эмас, балки Қуръони Каримдаги эътиқод ва ишончга асосланниши лозимлигини ҳар томонлама тавсифлаб, жамиятдаги ижтимоий фикр барқарорлиги ҳам тазиик ва куч воситасида эмас, балки ўзаро ҳамжиҳатлик, ҳамкорлик негизида амал қилиш гоясини илгари суради.<sup>2</sup>

## АСАРЛАРИ

Ал-Мотуридийнинг бизгача фақат «Китоб ат-Тавҳид» ва «Таъвилот аҳл ас-сунна» асарларининг қўллесмалари етиб келган. Бонқа асарларидан бирорта парча ҳам сақланмаган, бизга уларнинг номларигина маълум, чунки улар библиографик асарлар таркибиға киритилган. Ўйқолган асарларидан «Радд усул ал-хамса», «Китоб радда авоил ал-адилла ли-л-Қаъбий», «Радда китоб ал-имома ли ар-равофиз», «Китоб ул-мулоқат» ларни киритишими兹 мумкин. Ал-Мотуридийнинг яна бир асари «Китоб ат-тавҳид»дир. У ўз ҳажми, фикр бойлиги ва услубига кўра, Мовароуниҳрда ўзидан аввал илоҳиёт соҳасида яратилган жами асарларидан устун туради. Бу асар имоннинг асосий ақидаларини жамлаб, уларга қуладай таърифлар бериш билан чекланмайди. Унинг мақсади — бутун ислом илоҳиётини тафтиш этиш ва уни инкор этиб бўлмас далиллардан ташкил топган яхлит тизим сифатида тан олиш лозимлигини кўрсатиб беришдир.

<sup>1</sup> Улрих Рудольф. Ал-Мотуридий ва Самарқанд суннитлик илоҳиёти (таржима). Т., 2002 й. 114—120- бст.

<sup>2</sup> Социология. Ўқув қўлланма. Тошкент, 2002 й. А. Қолирий номидаги Халқ мероси нашриёти. 36- бст.

## «Китоб ат-тавҳид»дан намуналар

- Дин буюлтарга эътиқод қилиб, тақлид қилишга эмас, далилларга асосланмоғи керак.
  - Диний маърифатга нақл ва ақл орқали эришилади.
  - Инсон, асосан, маърифатнинг уч воситасига эга:
    - а) сезги; б) нақл; в) ақл.
  - Инсон имтиҳон учун яратилган. Инсоннинг шахсий интилишлари уни тўғри йўлдан оздиради, аммо унга синовлардан ўтиш учун барча воситалар (сезги аъзолари, ақл, нақллар) берилган.
  - Имонни, маълум маъниода маърифат деб аташ мумкин, аммо, ўз моҳиятига кўра, у иқордир.
  - Кагта гуноҳ содир этган шахс мўмин бўлиб қолаверади, аммо жазодан қочиб кутула олмайди.
  - Имон ва ислом тушунчаси бир нарсани англатади, бироқ буни турли ранглар воситасида тақдим этадилар.
  - Имонда ҳеч қандай тобе, табақаланиш йўқ.
  - Илм — доимий асосланадиган таянчимииздир. Амал илмнинг натижасигина бўлиши мумкин, холос ва у ҳеч қачон етишмаган билимларнинг ўрнини босолмайди.
  - Анъаналарни авлоддан-авлодга етказиш билангина чекланиш кифоя қилмайди; нима тўғри, нима нотўғри эканини ўзимиз билиб олишимиз керак.<sup>1</sup>
- Мовароуннаҳр фикҳ мактабининг фаолияти ўрта асрларда Яқин Шарқ илму маърифат ва маданияти ривожига улкан ҳисса бўлиб қўшилди.
- Юксак мақсадларга эришиш йўлида буюк бобокалонларимиз — уламою адаб ва фақҳлар тинимсиз меҳнат қилиб, Мовароуннаҳр фикҳ мактаби донғини етти иқлимга ёйдилар.



<sup>1</sup> Улрих Рудольф. Ал-Мотуридий ва Самарқанд сунъийлик илоҳиёти (таржима). Тошкент, 2002 й. 153—171- бетлар.

---

---

## *Абу Бакр Мұҳаммад ибн ал-Аббос ал-Хоразмий*

(935—993)



Буюк қомусий олим ал-Хоразмийнинг фан ва маданият соҳасидаги ишлари бутун Хоразм илм аҳлига битмас-туганмас илҳом, куч-қудрат бағишилади. Ҳаср бошларига келиб Хоразм маданияти гуркираб яшнай бошлади. Ҳудди шундай тарихий даврда Абу Бакр ал-Хоразмий Хоразмда таваллуд топди.

Олим Абдуллаев «Абу Бакр ал-Хоразмий» («Ўзбек тили ва адабиёти» ойномаси, 1971 йил, 6-сон) сарлавҳали мақоласида Абу Мансур Абдумалик ас-Саолибий «Йатимат адлаҳи фи маосин аҳл-ал-асар» («Асар аҳлиниң фазилатлари ҳақида замонасиның дурдонаси») номли тазкирасининг бир бобини Хоразм шоирларига бағишилаганини қайд этади. Унда Абу Бакр ал-Хоразмий ўз замонининг энг доноси, наср ва назмнинг туғи, фазл ва илрок олими экани, мушоҳадасининг ёқимлилиги, ибораларининг малиҳлиги, саховатининг юксаклиги, меҳрибонлиги, нотиқлиги хусусида хабар берилади.

У Бухоро, Шом, Ироқ, Нишопур, Исфаҳон, Шероз сингари юртларда илми фозиллардан илм сирларини ўрганади. Кейин у мударрислик қилиш билан бирга, шеърлар машқ қиласи. Хуллас, у ўз замонида истеъодли шоир, олим сифатида кенг танилган. Абу Бакр ал-Хоразмий 993- йилда Нишопурда вафот этган.

### **АБУ БАКР МУҲАММАД ИБН АЛ-АББОС АЛ-ХОРАЗМИЙ ЎГИТЛАРИДАН НАМУНАЛАР**

Хурмат — эҳсон билан баробардир, сотиладиган мол нархининг қарама-қаршисидир.

Унтилган жойда эсга тушириш (бўлади), эрк берилган жойда қозига рўпара бўлинади.

Нафс ўз тузилишига мойилдир, қуш ўз зотига тортади.

Хаёт ҳодисотлари эрлар кўзгусидир, хулқ-автор эса улардаги фазилат ва камолот меъридир.

Дўстлашиш мурожаат эмас, хушмуомаликдир, хушмуомалик эса чўқур текшириш ва ўрганишни узоқча чўзмайди ҳам, ҳисоб ва сарфни кўтартмайди ҳам.

Хира кўзнинг гуноҳи зулматни севиш ва ёруғликни ёмон кўришдан (иборат).

Касалнинг оғзи овқатнинг тушишини қийинлаштирали ва сувнинг таъмидан роҳатланади.

Карамли (киши) агар ёмонлик қилса, хатоликдан (бўлади), агар яхшилик қилса, ўйлаб ва яхши ният билан қилган бўлади.

Олижаноб (киши) агар жароҳатланса, (уни) боғлаб қўяди, йиртса — ямайди, агар бир томонидан зарар келтиrsa, ҳар томондан фойда келтиради.

Олижаноб (киши) зафарининг каромати (шундаки), агар қўлга киритса, (бошқаларга) беради, пасткаш зафарининг қабиҳлиги шундаки, қўлга киритса, яна (кўпроқ) киритишини истайди.

Дангасанинг ҳожатида унга ҳамроҳ бўлма, қанча содиқ кишилар бошқанинг фасоди билан бузилиб кетадилар.

Ёмоннинг марази бардошлига тез (ёпишади), кўмир чўфи кулга қўшилгач ўчишини (унутма).

Қалбаки мақташ ҳақоратдир.

Сабабсиз узр гуноҳдир, ишонч йўқолиши билан қилинган такаллуф ҳақоратдир.

Ғазаб ҳурматни унугади, яхшиликларни кўмиб юборади ва гуноҳсизлар учун жиноятлар вужудга келтиради.

Эҳтиётсиз (қилинган) дори-дармон касалликдир, унга ҳожат тушгандагина шифо бўлади.

Коса ва чўнтакнинг иккаласини (баробар) тўлдиришга ҳукм қилинмаган, косани тўлдириш учун чўнтакни бўшатиш керак.

Карамли киши таҳқирланса ҳам азизлир. Карамли киши гўзаллик билан савдо қиласди, мол билан савдо қilmайди.

Ростгўй тил ёлғон сўзласа, тутилиб қолади. Мұҳаббат ҳар қандай қиммат нарсанинг баҳосидир.

Ота-оналар икки хил: туғилиш отаси ва таълим бериш отаси; биринчиси жисмоний ҳаёт сабабли, иккинчиси, руҳий ҳаёт сабабли.

Душманларга матонатни зоҳир қилиш сенга (лозим), ўзингдаги сустликни ҳеч зоҳир этмагин (у вақтда), сен таҳқирланиб қоласан.

Райхонни күрганмисан? Күкариб турғанда уни ҳилланади, қачон тузи ўзгарса, ташлаб юборишади.

Илм ахли бўлмаганинг илмга баҳиллиги аслига қараганда ҳукмдир, фазли билан эса маърифатдир.

Агар эр кишини хавотирлик ипи кишиналаб қўйган бўлса, орзуумид улови томон қўзғалолмайди.

Далил кўрсатишдан мағлуб бўлган (киши) ҳамма нарсани айтиб беради, гарқ бўлаётган эса ҳар бир ипга осилишга уринади.

Ақлли киши икки ёмон ишдан яхшисини танлаб олади ва иккита ишончли кишининг энг адолатлисига ён босади.

Олижаноб (одам)нинг ҳиммати унинг камбағалликдан ҳимоя қилувчиси ва қисматига қарши қуролдир. Иқорор бўлган кишига (қилинган) афв қаттиқ туриб талаб қилган кишига (қилинган) афвдан тезроқдир. Саховатли кишининг оти ўз аслига (қараб) чопади, (дараҳт) шохи эса илдизига (бориб) тақалади.

Инсоннинг келиб чиқиши тақозо қилган нарсага қандай қилиб у қаршилик қила олади, тупроғи ёмон бўлгандан кейин (қандай қилиб) ҳосил яхши бўла олади?

Пойдеворсиз қурилган бино қулайди.

Инсон эҳсони билан, эҳсон султони билан, султон замони билан, замон имкони билан, имкон эса маконини белгилаб бериши билан.

Дунё — совчиси кўп келин, подшоҳлик—харидорга сероб бир мол.

Кишиларга маълум бўлмаса ҳам, ҳақиқат ҳақиқатдир, кўр кўрмаса ҳам, кундузи кундузидир.

Танбеҳ эркакларнинг холос бўлишидир, мусибат эса аҳволнинг сайдалидир. Шижоат ҳатто унга қарши киши учун ҳам севимлидир, қўрқоқликнинг у билан муносабатда бўлган кишига жирканчли (бўлиши) ҳам худди шундай, сахийликнинг ҳатто ўз душмани қалбига ёқимли (бўлиши), баҳилликнинг эса ҳатто унга меросхўр ва унга дўст киши учун оғир (бўлиши) ҳам худди шундай.

Даҳр сескин ҳаракат қиласи, эҳтимол шошилиши ва иқболга нима хоҳласа, шуни қилиши мумкин.

Саховатни кўп тақдирлаган киши карамлидир, динорни кам йиққан киши буюқдир.

Итоатсиз бола туфайли (чеккан) мусибат (катта) даҳшатдир, унинг (ўлими туфайли одамлар) таъзияси эса табриклишдир.

Мұхабbat ҳар қандай қиммат нарсанинг баҳосидир ва ҳар қандай юқори нарсанинг шотисидир.

Давр хоинлик қилғандан кейин вафо қиласы, синдиргандан кейин тузатады, гуноҳдан кейин тавба қиласы, ҳақорат қилғандан кейин тақдирлайды.

Қариндош қариндошнинг биродари, адеб адебнинг бир дараҳт илдизидан күкарған шохи.

Шұхратли кишилар орасидаги шон-шараф, насаб, қариндошлик бурч ва ҳурматдир, карамли карамлининг биродари, улуғ улугнинг биродари, ҳатто уларнинг шаҳарлари бошқа-бошқа ва ёшлари турлича бўлса ҳам.

Қаерда рағбатлантириш бўлса, умид шу томонга йўл олади, қаерга дон сепилса, шу ерга қуш қўнади.

Агар ҳокимиятда адолат ҳукм сурмаса, у инқирозга юз тутади.

Чопқир от урилса қоқиласы, кескир шамшир зўр-зўракай (урилса) кесмайди, ростгўй тил ёлғон сўзласа, тутилиб қолади.

Чиройли кўз эҳсон (қилинадиган) оғатларнинг биридир.

Ташаккур айтганнинг шукрини қабул қилиш унинг (янада) кўпайиши учун қарздир, маддоҳ сўзини тинглаш унинг ҳожатини (чиқариш) гаровидир.

Кўрганнинг тили айтиб берганнинг тилидан нотикроқдир, воқеанинг гувоҳи бўлиш (биров) сўзининг гувоҳи бўлишдан адолат-лироқдир.

Ҳаяжонланган (киши)нинг тили жавраш билан нотикдир.

Кичикка муруват энг латиф ва энг ёқимли бўлади, худди озгина сув энг ширин ва мазали бўлганидай.

Адабнинг меваси катта ақлдир, илмнинг меваси яхши амалдир.

Узоқ хизмат ҳурматни мустаҳкамлайди, ҳурматнинг мустаҳкам бўлиши эса яқинлик ва қариндошликни қаттиқ боғлайди.

Қочаётган аскар томондан жанг қилиниши амри маҳолнинг бир тури ва амал ўқларига ўзни тутишдир.

Эҳсон эшиги унга киришни хоҳлаганлар учун очиқдир, муруват қилишни хоҳлаган киши учун унинг иҳота қилинган жойи bemaloldir.

Карамали (киши) учун түсиқ йўқдир, унинг олдидан эшик бер-китилмайди ҳам.

Яхши кўрган китобни ўқиш қайғу заҳарига қарши доридир.

Фаровонликка шукр (қилиш) болага сабр (қилиш) дан осон-роқдир, саломатликни сақлаш дардни даволаашдан енгилроқдир.

Султоннинг оз (нарсаси) ҳам кўпдир, у билан муомала қилиш (учун) эҳтиёткорлик ва тадбир (керак), унинг (айбани) очиш ва алданишидир.

Бўхтончидан кўра унга қулоқ солган киши ёмонроқдир, ёмон матодан уни қабул қилган киши ёмонроқдир.

Сўзнинг энг яхшиси зиддига қарши чиқилишидан роҳатланиш, ҳазил ва жиддийлигидан хурсанд бўлишдир.

Иқболдан қалинроқ сатри-аврат бўлмайди, ишончдан қулайроқ шофе бўлмайди.

Саховат қилган киши чарчамайди, баҳиллик қилган эса ҳеч роҳатланмайди.

Муваффақият келтирган меҳнат қандай яхши-ю, меваси йифиб олинган шавкат (қандай яхши).

Қора заҳарга чидаб бўлмайди, шеърнинг наърасига тоқат қилиб бўлмайди.

Дўстлик муносабатлари эскирса, яқин қариндошликка айланиб кетади ва иккинчи марта онани эмишгандай бўлиб қолади.

Қаерда отлиқ (пиёда) аскардан йиқилган, қачон одамсиз якка бино тик турган?

Мұҳабbat қандай яхши шифодир ва унинг эгасига қалб қандай яхши ёрдамчидир.

Иккита табиб ўргасидаги касал тузаладими, бир фиloffга икки шамшир сиғадими?

Замондан яхшироқ таълим (берувчи) муаллимни, инсондан яхшироқ таълим оладиган ўқувчини кўрмадим.

Одамлардан шундайи борки, (ҳокимиятни бошқарганда) нафси уларни амалдан туширади, одамлардан шундайи (борки), лавозимдан бўшаганларида, фазилатлари уларни ўрнига ўтқизади.

Меҳмонни хурсанд қилиш ва зарофатли бўлиш учун саҳоватли киши тўқ бўлатуриб, овқат ейди ва ташна бўлмаса ҳам, сув ичади.

Муддат қандай яхши қуролдир, саломатлик қандай яхши ҳимоядир, тақдир қандай ёмон душман, маҳрум бўлиш қандай ёмон шофе, кимсасиз қолиш қандай рафиқ.

Меҳнат — бу бир сел, агар сел тўхтаб қолса, сингиб кетади.

Яширин (нарсаларнинг) орқаси беркитилган, тухфалар ва баҳтсизликлар учун умрлар ва муддатлар бор.

Устахона (қуриш) йўлида санъатида адашган киши бой бўлмайди, ўз ўрнига деҳқончилик қилмаган экинига қарши (турган) бўлади.

Энг тоза ўсимликдан ҳам карамлироқ уни тарбиялаган кишилар.

Инсондан буюк ов йўқ, тилдан яхшироқ овлайдиган тузоқ йўқ, ваҳший ҳайвонни тузоги билан, инсонни сўзи билан овлайдиган киши ўртасида қандай фарқ бор?

Яширин дардга даво бўлмайди, даво бўлмагач, шифо бўлмайди.

Кимки ўз биродарини фақат кўргандагина эсласа, уни топиши гўё уни йўқотишидир, у билан учрашиши эса, ундан жудо бўлишидир.

Кимки молининг (сифатини) яхшиласа, у билан талаб қилган нарсасини қўлга киритади.

Кечаси юлдузларини йўқотган, оқаётган селни тўхтатган, дениз сувини қуритган, давр муддатини тутган киши ким?

Кишининг тақдир ўқидан сақланиши, ўз қадр-қиммати учун курашиши қандай яхши ва ризқ учун нарвон (бўлиши), ҳақиқий хизмат йўли билан уни қўлга киритиши қандай яхши.

## АДАБИЁТЛАР

1. *Абу Мансур ас-Саолибий*. «Йатимат уд-дахр». „Фан“ нашриёти, Тошкент, 1976.
2. *И. Абдуллаев*. Поэзия. На арабском языке в Средней Азии и Хорасоне X начале XI в.в. изд-во „Фан“, 1984.
3. *Абу Мансур Абдулмалик ибн Мұхаммад ибн Исмоил ас-Саолибий*. „Тотиммат ал-Йатимат“ («Ягона дурдонага қўшимча», 1032—38), Тошкент, „Фан“ нашриёти, 1990.
4. *И. Абдуллаев*. Абу Мансур ас-Саолибий. Тошкент, „Ўзбекистон“, 1992.

# *Абу Райҳон Беруний*

(973 — 1048)



Беруний Абу Райҳон Мұхаммад ибн Аҳмад (973. 4.9, қад. Кот (Кат) ш. — 1048.11.12. Фазна (ҳоз. Афғонистон)) буюк қомусий олим, файласуф педагог, у Хоразмда туғилған. Ўша даврда Хоразм давлатининг Қора денгиз бўйи, Киев Руси, Шарқий Европа, Волга бўйи давлатлари билан савдо ва сиёсий алоқалари бўлганини ўз тадқиқотларида ўзбек академиги Я. Гуломов қайд қилганди.

Беруний шундай буюк мамлакатдан оқиб ўтадиган Амударёнинг ўнг қирғоғига жойлашган Кот (Кат, Шаббоз, Беруний) номи билан аталган шаҳар яқинида туғилиб-ўсади. Шу Ватанда ўқиди ва шу ерда бошланғич билимларини олди.

Беруний ёшлигиданоқ Ватанидаги фанга, илмга бўлган маҳаллий анъанага содик бўлиб, табиий ва ижтимоий фанларни ўрганишга киришди. Тилларни ўрганишга катта аҳамият берди. Бу ҳолни Беруний кейинчалик қўйидагича баён қилган эди: «Мен болалик чоғимданоқ (ўз) ёшим ва шароитимга қараб, имкон борича кўпроқ билим олишга чанқоқ эдим. Бунинг далили сифатида (қўйидагиларни) келтириш кифоя: биз турадиган жойга (ўшанда) бир юнон кўчиб келган эди. Мен ҳар хил доңлар, уруғлар, мевалар ва ҳоказоларни олиб бориб, унга кўрсатар ва бу нарсалар унинг тилида қандай аталишини сўраб олиб, номини ёзib қўяр эдим».

Беруний ота-онасидан эрта жудо бўлган. Хоразмшоҳлар оиласига мансуб, ўз даврининг буюк риёзиёт ва фалакиёт олими Абу Наср ибн Али ибн Ироқ Берунийни ўз тарбиясига олган эди. Ибн Ироқ билимга чанқоқ бу ёш ўспиринга кўпгина фанлардан таълим бериб, камолот сари етаклади.

Беруний шу оиласига моддий ҳамда маънавий тарбиясида ўсганидан миннатдор бўлиб, бундай ёзади:

«Минбарларга чиқиб, ошиб мартабам,  
Ўтди неъмат соясида кўп оним.

Боқди Ироқ оиласи сут билан,  
Нихол эдим, Мансур бўлди дармоним.  
Таклиф этди мени тошдил Вашмгир,  
Ёқтириладим, бўлгил, деса, аъёним.  
Маъмунларнинг авлодидан ул Али,  
Бўлди табиб, дард кўрмади ҳеч жоним.  
Сўнгги Маъмун назар солди ҳолимга,  
Бошим кўкка етказди ул султоним.  
Неъматини Маҳмуд дариф тутмади,  
Кўрмасликка олди доим нуқсоним.  
Жаҳолатим авф айлади ҳурматлаб,  
Обрў юксак, тўним янги, бут ноним»<sup>1</sup>.

Беруний ўз Ватанида камол топган мутафаккирлар Муҳаммад Хоразмий яраттан «Ҳинд ҳисоби ҳақида», «Ал-жабр вал-муқобала», Муҳаммад ибн Касир ал-Фарғонийга мансуб «Китоб ал-ҳаракат ас-самовий ва жавомиъ илм ан-нужум» («Самовий ҳаракатлар ва умумий илми нужум китоби»), Абу Наср Форобий, Абу Бакр ар-Розий, Али ибн Ироқ, араб файласуфи ал-Киндий, юнон олимлари Фалес, Суқрот, Платон, Арасту, Гален, Птолемей ва бошқаларнинг асарларини қунт билан ўрганди, уларга шарҳлар ёзди ва ўргангандарини ижодий ривожлантириди.

Беруний, энг аввало, қомусий олим сифатида бутун дунёга манзур ва машҳурдир. Унинг дастлабки йирик асари «Ал-асор ал-боқия ан ал-қурун ал-ҳолия» («Қадимги халқлардан қолган ёдгорликлар») бўлиб, буни у 27 ёшида ёзган эди. 486 саҳифадан иборат бу асар ўзбекчага 1968 йили таржима қилинган. Олимнинг 364 саҳифадан иборат «Таҳдид ниҳоёт ил-амокин ли тасҳиҳ масофот ил-масокин» («Туар жойлар (орасидаги) масофани аниқлаш учун манзилларнинг чегараларини белгилаш») «Геодезия» номи билан йирик китоби машҳур бўлиб кетган. Бу китоб 1966 йили рус тилига таржима қилинди. Унинг 3-катта асари «Ҳиндистон»дир. 4-йирик китоби «Қимматбаҳо тошларни билиш ҳақида тўплам» («Минералогия»), бешинчи китоби «Китоб ас-Сайдана» деб юритилади.

6- китоби „Юлдузшуносликда бошлангич маълумотларни англаш“ деб аталиб, у ўша давр мактаблари учун дарслик бўлиб, барча асосий фанлардан бошлангич маълумот олиш учун хизмат қилган. Берунийнинг фалакиёт тарихига оид яна бир йирик асари «Ал-қонун ал-Масъудий» («Масъуд қонуни»)дир. Бу фалакиёт дарслигидир.

Беруний тадқиқотлари рўйхатида 152 та китоб бўлиб, улардан бизга ҳозирча 31 таси етиб келган.

<sup>1</sup> Ирисов А. Беруний ҳикматлари. Тошкент, «Ёш гвардия», 1973. (Шеърлар, арабчадан А. Ирисов таржимаси.)

Йирик ҳинд давлат арбоби Жавоҳарлал Неру Беруний асарларини ўқиб шундай ёзган: «Беруний юонон фалсафасини ўрганиб ҳинд фалсафасини мутолаа қилимок учун санскрит (қадимги ҳинд тили — Т. Э.)ни ўргана бошлади. У ҳинд ва юонон фалсафасини бир-бираига солиштириб, буларда мавжуд бўлган умумийликни кўриб ҳайратда қолди. Берунийнинг китоби далилий материални қамраб олиш билан бирга, у уруши, талонтарож, оммавий қирғинлар бўлишига қарамай, фан аҳлари ўз ишларини давом эттирганликларини кўрсатиб борди. Икки орани нафрат ва худбинлик кайфиятлари бузуб турган пайтларда ҳам Беруний бегона одам бўлатуриб, бу ўлка кишилари аҳволини тушунтиришга ҳаракат қилди»<sup>1</sup>.

Абу Райхон Беруний ўз даврининг буюк педагоги эканини алоҳида таъкидлаш лозим. Энг муҳими шундаки, ҳали ўша замонда, педагогика илмий ва мустақил фанга айланмаган бир пайтда, Беруний бу фан соҳасида долзарб масалаларни ўртага ташлади.

Хусусан, Хоразмшоҳ Абулабbos Маъмун ибн Маъмун (1009—1017 йил) даврида Гурганж (ҳоз. Урганч) шаҳри Ўрта Осиёдаги илм-фан ва адабиёт марказларидан бирига айланган бўлиб, у ерда қатор олим ва адиблар яшаб ижод қиласан. Уларнинг шу анжумани илмий адабиётларда баъзан «Маъмун академияси» деб ҳам юритилади. Ёзма маълумотларга кўра, Беруний мазкур анжуманда етакчи раҳбар ва педагог бўлган.

Беруний раҳбарлик қиласан бу илмий даргоҳ қарийб 10 йил фаолият кўрсатган. Ўша давр ичига Беруний фалсафий педагогика мактабини яратган. Унинг педагогик қарашлари ва фаолиятини ўрганишда олимнинг ўзидан илгари ўтган педагогларга нисбатан қандай янги, некбин фикрлар билдирганига ҳамда ижодидаги илгарилаб борадиган педагогик қараш ва фикрлари ривожланишига эътиборни қаратиш жуда муҳимдир.

Беруний педагогик ижодига инсон ва унинг баҳт-саодати, таълим-тарбияси, камолоти бош масала бўлган.

Буюк педагог олим тарбиянинг мақсади, вазифалари ва роли, инсон, ёш авлоднинг ривожланиши ҳақидаги фикрлари чин маънода инсонпарварлик ва инсоншунослик асосига қурилган.

Билиш ва тарбиянинг табиатга уйғунлик тамойилларини Берунийнинг ҳамма асарларида кузатиш мумкин. Беруний инсонни табиатнинг бир қисми деб билган. Табиат ва жамият илмини ўрганишда «ўзим текшириб кўрмагунча ишонмайман» деган шиорга бутун умр амал қилди.

Беруний ўша вақтда кенг тарқалган ўқитишнинг сохта, пуч методларига қарши чиқиб, «ўқувчини ҳамма нарсага ўргатиш» санъатига, табиат кўрсатмаларига асосланишга, боланинг шахсий

<sup>1</sup> Джаваҳарлал Неру. Открытие Индии. М., 1955, 246—247- бетлар.

хусусиятларини ҳисобга олишга чақирган эди. «*Мақсад ғапни үзүүш эмас*, — дейди Беруний — балки ўкувчини зериктирмаслик. Чунки, доимо, бир хил нарсага қарай бериш малоллик ва сабрсизликка олиб келади. Ўкувчи фандан-фанга ўтиб турса, турли боғларда юрганга ўхшайды. Бирини кўриб улгурмай, бошқаси бошланади ва ўкувчи «*Ҳар бир янги нарсада ўзига яраша лаззат бор*» лейилганидек, уларни кўришига қизиқади ва кўздан кечиришни истайди. Бир хил нарса чарчатали, хотираға малол келтиради», деб ёзган.

Бу ерда энг муҳими, ўқитишни фан билан умумий таништиргандан, ўкувчиларнинг уни яхлит идрок қилишларидан бошлаш, кейин эса унинг айрим томонларини ўрганишга ўтиш зарурлигини уқтиради. Аммо фанни ўргангандан «*эшишишдан диллар нафратланадиган, қулоқлар тортинадиган ва ақлга сиғмайдиган афсоналар*»ни асоссиз эканлигини фақат тажриба, амалиёт туфайлигина узил-кесил ҳал қилиш мумкинлигини маслаҳат беради.

Беруний таълим жараёнининг табиатига чуқур кириб бориб, болаларнинг ёш хусусиятларини ҳисобга олиш асосига қурилган ўқитиш табиатга уйғуналигини уқтирали.

Беруний ўқитиш жараённанда болаларга тушунарли бўлмаган сўзларни қуруқ ёдлашга қурилган таълимни қаттиқ қоралайди. У ёзали: «*Тушуниши ёдлашдан яхшироқ ва афзалдир.*» Иккинчи бир асарида эса бу талабни чуқурлаштириб, «*Кузатишнинг кўплиги кўрилган нарсаларни эслаб қолиши қобилиятини яратади*».

Берунийнинг педагогик ғояларидан энг муҳими билимни пухта ва мустаҳкам эгаллаш зарурлигидир. Тарбияшунос олим ўкувчига мурожаат қилиб, дейди: «*Билиминг шундай бўлиши керакки, у яланюочлигингда ҳам ўзингда қолсин, билимингни ҳаммомдаги ҳўллик ҳам юволмасин*».

Билимларнинг ўкувчиларга тушунарли бўлиши, таълимда самарадорлик учун Беруний куйидагиларга амал қилишни тавсия этади:

- сезги органларининг маълумотларига кўра... билишни давом эттириш;
- фанни ўрганаётганда фикрлаш, хотиралаб эсга олиш зарур;
- ўрганилаётган илмларни тўла билиб олиш учун, ўша илмни ташкил этиб турган унсурларни пухта ўрганиб чиқиши;
- билишда оддийдан мураккабга, маълумдан номаълумга, яқиндан узоқча, осондан қийинга, далиллардан хулосаларга қараб бориш;
- узоқ ўтмишга оид билимларни ўргангандан шу илм, фан тарихини ўрганиш;
- ҳодисаларни, фан асосларини бир-бирларига таққослаб, солиштириб ҳар томонлама чоғиштириб ўрганиш.

Абу Райхон Беруний инсон ахлоқий категориялари: «тұғрилик ва ҳақиқат», «яхшилик ва ёмоғылк», «ростгүйлик ва ёлғончилк», «фаҳрланиш ва ғамғинлик», «ғазаб ва шимсизлик», «ҳалол ва ҳаромлык», «дүстлик-иноқлик ва душманик», «халқтар дүстлиги ва тинчлиги учун кураш» ҳақида ва бошқа хусусияттарни кишиларнинг табиати билан бөглайди.

Мана, орадан минг йилдан күпроқ вақт ўтишига қарамай, Берунийнинг илғор ҳәсстий педагогик ва фалсафий ғоялари ҳозир ҳам foятда қымматлидир.

Шундай қилиб, хулоса қылсак, Берунийнинг педагогик қараашлари асосан:

- оиласда бола тарбияси; ақлий таълим;
- ахлоқий ва жисмоний тарбия;
- меңнат ва инсонпарварлык тарбияси.

## АБУ РАЙХОН БЕРУНИЙ АСАРЛАРИДАН

(«ҚАДИМГИ ХАЛҚЛАРДАН ҚОЛГАН ЁДГОРЛИКЛАР»<sup>1</sup> ДАН)

«Асарни ёзишга (кириш) бошлаб айтаманки, мендан сүралған нарсага етказувчи воситаларнинг энг муҳими — қадимги миллатлар ҳақидағи ривоятлар, ўтмиш авлодлар тұғрицидаги хабарларни билишдир, чунки булярнинг күпчилигиги у миллатлар авлодидан ва уларнинг расуму русм ва қоидаларидан иборатдир. Ақлий (нарсалардан) далил келтириш, кузатилған (нарсаларга) қиёс қилиш йўли билан у хабарларни билиб бўлмайди. Буни фақат «китоб аҳлари» ва турли дин арбобларига, шу (эътиқод)ларга амал қилувчи ҳар хил маслак ва ишонч эгаларига эргашиш, уларнинг тушунчаларини ҳамиша асос тутиш билан билинади. Сўнгра буни кўпчилик кишиларнинг табиатини пасткашлаштирадиган ёмон ахлоқдан, ҳақиқатни кўришга имкон бермайдиган омиллардан ўзни тозалагандан кейин, уларнинг исбот учун келтирган сўз ва эътиқодларини бир-бирига солиштириш билан билинади. Ана шу айтиб ўтганим ҳақиқий мақсадга етказувчи энг яхши йўл ва бунга доғ туширувчи шак-шубҳани ювиб ташлаш учун энг кучли ёрдамчидир. Гарчи, қаттиқ уриниб, зўр мاشқат чексак ҳам, ўшандан бошқа йўл билан мақсадга эриша олмаймиз».

(40—41-бетлар)

«Иш шу йўлдан борадиган бўлгач, у ривоятларнинг давримизга энг яқин ва энг машҳурини, сўнгра яқинроқ ва машҳурроғини

<sup>1</sup> Беруний. Танланған асарлар. I жилд. Тошкент, 1968. (Матнда саҳифаси кўрсатилади.)

(бирин-кетин) олишимиз лозим. Уларнинг (баъзиларини) ўз арбобларидан қабул қилиб, тузатиш мумкин бўлганини тузатамиз, бошқаларини ўз ҳолида қолдирамиз. Шула биз келтирган ривоятлар ҳақиқатни қидирувчи ва ҳикматни сезувчининг бошқа ривоятлар устида иш юргизишига ёрдамчи ва бизга муюссар бўлмаган нарсаларга эришиш учун йўловчи бўлади».

(40-бет)

«... Ҳар бир илм ва санъатнинг бориб тақаладиган бошланиш жойи бор. Шу бошланиш жойига яқинлашган сари то ўзига бориб стунча соддалашиб боради».

(63-бет)

«Кутайба (араб босқинчилар лашкарбоиси — Э. Т.) Хоразм хатини яхши биладиган, уларнинг хабар ва ривоятларини ўргангандан билимини бошқаларга ўргатадиган кишиларни ҳалок этиб, бугкул йўқ қилиб юборган эди. Шунинг учун у (хабар ва ривоятлар) Ислом давридан кейин, ҳақиқатни билиб бўлмайдиган даражада яширин қолди».

(72-бет)

«... душманлар ҳамиша насабларга таъна қилиш, номусларни ерга уриш, турли уйлирма гаплар тарқатишга уринадилар. Шунингдек, дўстлар ва хайриҳоҳлик қилувчилар ёмонни яхши қилиб кўрсатишга халал стадиган (йўлни) тўсишга, гўзалликни изҳор этишига ва яхшиликларга нисбатан беришга тирищадилар».

(74-бет)

«Кейин Кутайба ибн Муслим ал-Баҳилий хоразмликларнинг котибларини ҳалок этиб, билимдонларини ўлдириб, китоб ва дафтарларини куйдиргани сабабли, улар саводсиз қолиб, ўз эҳтиёжларида ёдлаш қувватига суннадиган бўлдилар».

(84-бет)

«... шубҳани аниқ, номаълумни маълумга қўшиш биз юрган йўлга лойиқ эмас».

(103-бет)

«... жўрттага ўз сўзида туриб олган билимсиз киши билан баҳслашиш на мақсад эгасига ва на мақсалга бирон фойда етказмайди».

(103-бет)

«... Бу китобнинг баъзи жойларида турли фанларга ўтиб, баённимизга алоқаси узоқ (масалаларга) киришиб кетсан ҳам, бу гапни

чўзиш ва кўнайтириш мақсадила эмас, балки ўқувчини зериктирмаслик учундир. Чунки доимо бир хил нарсага қарай бериши малоллик ва сабрсизликка олиб келади. (Ўқувчи) фандан-фанга ўтиб турса, турли боғларда юрганга ўхшайди, бирини кўриб улгурмай, бошқаси бошланади ва у киши „ҳар бир янги нарсада лаззат бор“ дейилганидек, уларни (кўришга) қизиқади ва кўздан кечиришни истайди».

(106-бет)

«... Фахрланиш ҳақиқатда яхшии хулқлар ва олий феълларда олдин кетиш, илму ҳикматни эгаллаш ва имконият борича мавжуд (напокликлардан) тозаланишидир. Кимда шундай (сифатлар) топилса, ҳукм унинг фойдасига ва кимла булаар етишмаса, ҳукм унинг зарарига бўлади».

(151-бет)

«(Одамлар) тузилишларининг ранг, сурат, табиат ва ахлоқда турлича бўлиши фақатгина наслабларнинг турличалигидан эмас, балки тупроқ, сув, ҳаво ва ернинг (одам) яшайдиган жойларнинг турличалигидан ҳамdir. Тилларнинг турлича бўлишига сабаб одамларнинг гурухларга ажralиб кетиши, бир-биридан узоқ туриши, уларнинг ҳар бирида турли хоҳишиларини ифодалаш учун (зарур) бўлган сўзларга эҳтиёж туғилишидир...»

(236-бет)

«Румликлар география ва астрономия илмини дуруст ўрганиб, мантиқий далиллар билан иш қилгандаридан, ҳийлалар ишлатувчи кишилар сўзларига истисно этишдан жуда узоқлашдилар».

«Хоразмликлар буржларни араблардан яхшироқ билганлар».

(281-бет)

«Искандар ва унинг ворислари румликлар томонидан (эронликлар) рағбат қилган барча илмий китоблари кўйдирилиб, ҳаёт воситаси бўлган ва фахр қилиналигандан гўзал санъатларини барбод этган эди».

(447-бет)

«Қиёс қилинувчи нарса билан қиёс учун олинувчи нарса орасини, исботланувчи нарса билан исбот орасини бирлаштирувчи бир сабаб бўлмаса, у далил ва мисоллар қабул этилмайди».

(341-бет)

«Яхшилик хислатлари: тақводорлик, түғрилик, ўзини сақлаш, диндорлик, одиллик, инсоний камтарлик, латофат, событқадамлик, эҳтиёткорлик, саҳијлик, мулоиммлик, сиёсат ва бошқариш ишларида билимдонлик, тадбиркорлик, түғри тахмин қила билиш ва булардан бошқа, ақлга сигмайдиган, киши баён этиб тугата олмайдиган (яхши) сифатлардан иборатдир».

«Бутун кучимни йиғиб, (бор) имкониятни ишга солиб, гоҳ эшитиш, гоҳ кўриш ва қиёс қилиш орқали, билимим етганича, у нарсаларни баён этишга бел боғладим».

(40-бет)

«Ваъдани адо этиб, ... «Ҳар ким ўз ҳолига яраша иш қиласи» ва «Ҳар кимнинг қиймати севган нарсаси билан билинади» деганларидек,... (Бу китобни) ўқиган ўқувчи (куйидаги кайфиятдан) холи бўлмайди: ё у маълумотда менга тенглашади, унда мени мақтаб, бу китобга қилган меҳнатим учун мендан миннатдор бўлади, ёки мартабада мендан ортиқлик қиласи, унда янглишларни ислоҳ этиб, юз берган тойилишлардан (мени) маъзур тутади. Учинчи (ҳолатдаги ўқувчига) келганда, у менга бўйсунса, истифода этишга, агар даъват қилса, ожиз қолишга кифоя қиласи асар яратдим».

(425-бет)

### „ХИНДИСТОН“ („ХИНДЛАРНИНГ АҚЛГА СИҒАДИГАН ВА СИҒМАЙДИГАН ТАЪЛИМОТЛАРИНИ АНИҚЛАШ КИТОБИ“) АСАРИДАН<sup>1</sup>

«Хабар кўз билан кўргандек бўлмайди... (Беруний билишининг биринчи йўли — кўриш, иккинчиси — ёзма ва оғзаки хабарлар орқали демоқчи — Э.Т.) Хабар бор нарсалардан ҳам, йўқ нарсалардан ҳам дарак бераверади. Ёзиш хабар турларининг бири бўлиб, уни бошқа турлардан кўра шарафлироқ санаш мумкин. Қаламнинг абадий излари бўлмаганда халқларнинг хабарларини қайдан билар эдик?!»

«Шундай кишилар ҳам бўладики, уларнинг табиатига ёлғон хабар тарқатиш ўрнашиб қолиб, гўё унга шу вазифа юклатилгандек бўлади ва ёлғон хабар тарқатмасдан тинчиёлмайди...»

Баъзи киши (ёлғон хабар тарқатувчига) тақлид қилиб, билмасдан ёлғон хабар тарқатади... Бу хабарчилар биринчи марта атайлаб ёлғон хабар тарқатган киши билан энг кейин бу ёлғон хабарни эшитивчи ораларида воситачи бўладилар. Орадан тақлидчиларни тушириб юборилса, биз санаб ўтган ёлғончиларнинг ўша аввалги биттаси қолади, холос.

<sup>1</sup> Беруний. Таъланган асарлар. II жилд, 1965. (Матнда саҳифаси кўрсатилади.)

Ёлғончиликдан честланиб, ростгүйлиқка ёништаган кишини бошқа одам у ёқда турсин, ёлғончининг ўзи ҳам севиб мақтайди».

«... ёлғончилик кишини адолатдан юз ўгиртиради, зулм, ёлғон гувоҳлик, омонатга хиёнат қилиш, бошқалар мулкларини ҳийла билан босиб олиш, ўғрилик, дунё ва халқнинг бузилишига сабаб бўлади».

(25—26-бетлар)

«Аҳмоқлик — давоси йўқ бир касалликдир, шундайки, уларнинг (ҳиндларнинг) эътиқодича, дунёда ўз срларидан бошқа ер йўқ, ўз жинсларидан бошқа халқ йўқ... ўзларидагидан бошқа илм йўқ... Ўзларини юқори тутиб, бемаъни ҳаракат қиладилар ва кибрланиб билимсиз қоладилар».

(35-бет)

«Маълумки, ҳар бир мураккаб нарсанинг содда бўлаклари бор, мураккаблик шулар йигиндисидан кслиб чиқади».

«Сезгилар бешта бўлиб, улар: қулоқ билан эшлиши, кўз билан кўриш, бурун билан ҳиллаш, тил билан татиш ва тери билан тегиб билишдан иборатдир... илм ва маърифат фақатгина ўшалар орқали ҳосил бўлади».

(49—50-бетлар)

«Илм орқали халосига стинши фақатгина ёмонликдан тийилиш билангина вужудга келди. Ёмонликнинг шохобчалари кўп бўлса ҳам, уларнинг асоси тама, ғазаб ва илмсизликдир».

(70-бет)

«Табиати жиҳатдан бошқариш ва сиёсат ишига қизиқувчи, бошлиқ бўлишга фазилати ва кучи билан ҳақли, фикр ва мақсадида саботли, давлатни ўзидан кейингиларга қолдириб, уларнинг ўз отабоболарига қарши бўлмасликларини мақсад қилиб олган киши томонидан берилган ҳар бир буйруқ, буюрилган киши олдида, турғун тоғлар сингари маҳкам бўлиб, у буйруқга кўп вақтлар ва узун замонлар ўтса ҳам, кейингилар ҳам бўйсунадилар».

(88-бет)

«Илмлар кўпдир. Улар замони иқболли бўлиб, турли фикр ва хотиралар уларга қўшилиб борса, кўпаяди. Одамларнинг илмларга рағбат қилиши, илмларни ва илм аҳларини ҳурматлаши ўша иқболнинг белгисидир. (Айниқса) ҳукмрон кишиларнинг илм аҳлини ҳурмат қилиши турли илмларнинг кўпайишига сабаб бўлади».

Чунки ҳукмроннинг шундай қилиши кишиларнинг, дунёнинг (кундалик) зарур ишлари билан овора бўлиб қолган қалбларини турли илмлар билан шуғулланиш учун бўшатиб қўяди. Ҳукмроннинг

илм ахлини күпроқ мақтаб, улардан хурсанд бўлиши ҳам илм-ларнинг кўпайишига сабаб бўлади. Демак, одамларнинг қалби буни севиш учун ва бунинг тескарисига эса нафрат билдириш учун яратилгандир».

(125-бет)

«Тил — сўзловчи истагини эшигувчига стказувчи таржимондир».

(138-бет)

«Мактаб болалари тахталарини қора қилиб, энiga эмас, бўйига оқ нарса билан чапдан ўнгга қараб ёзадилар; гўё шоир мана шу шеърни ҳиндларга қаратा айтганидек:

Қофози кўмирдан бўлиб, қалами оқ ёзаётган котибни кўринг.  
У қоронғи кеча юзига ёруғ кундузни ёзиб, уни ёритмоқчи бўлади,  
лекин тугал ёритолмайди».

(148-бет)

«Ҳикматшуносларнинг биридан, олимларнинг бойлар эшиклирига ёпирилиб боришилари ва бойларнинг олимлар эшиклирига бормасликларининг сабаби нима, деб сўралганда, ҳикматшунос: «Бунинг сабаби олимларнинг мол фойдасини билишлари ва бойларнинг илм шарафини билмасликларидир», деб жавоб берган».

(152-бет)

«Подшоҳнинг Прахлода деган ўғли бўлиб, у катта бўлгач, муаллимга топширади.

Бир куни унинг билимини синаш учун олдига чақирганда у бир шеър ўқиб беради. Шеър маъноси: ёлғизгина Вишну бор, унлан бошқа ҳеч нарса йўқ, деган... бу сўз отасига ёқмади. Чунки, у Вишнуни ёмон кўёради. Боласига муаллимни ўзгартиришга, дўст билан душманни таниб олишга буоради. Бир неча вақт ўтиб, ундан кейин яна боласидан имтиҳон олганда, боласи шундай дейди: «Буюрган нарсаларингни ўргандим, лекин уларга эҳтиёжим йўқ. Чунки менимча, дўстликда ҳамма баробардир, ҳеч кимни душман тутмайман».

(275-бет)

«Нодонлик истило қилиган кишиларнинг бундай нарсаларга эҳтиёжи бўлганлиги учун уларга баъзи нарсалар ҳалол ва баъзи нарсалар ҳаром қилиниб, ўртага чек қўйилгандир».

(408-бет)

«... Билим — қайтариш ва такрорлаш мевасидир».

(439-бет)

«Киши табиати билолмаган нарсани билишга муҳаббатлидир; фақат ҳақиқий билимга эга бўлганда, билолмаган нарсани билишга эҳтиёжли бўлиб ахтарганини топади, билимини чукурлаштиради».

(67-бет)

**ГЕОДЕЗИЯ «ТУРАР ЖОЙЛАР (ОРАСИДАГИ)  
МАСОФАЛАРНИ АНИҚЛАШ УЧУН МАНЗИЛЛАРНИНГ  
ЧЕГАРАЛАРИНИ БЕЛГИЛАШ», КИТОБИДАН<sup>1</sup>**

«Мен масофаларни аниқлаш ёки унга йўл кўрсатиш усулидаги ишларим учун келгусида тақдирланмайман деб ўйлайман».

(49-бет)

«Шундай қилиб, ҳисоблаш ва юзаларни ўлчаш математика дейилгандан фаннинг асоси бўлади, буларнинг амалий ишларга татбиқи геометрия фанини яратади, амалий геометрия эса геодезия фанининг асосини ташкил қиласди».

(84-бет)

«Менинг умумий мақсадим — ер юзида ихтиёрий олингандан бир жойнинг (шаҳарнинг) координаталарини ифодалаш, яъни унинг Шарқ билан Фарб орасидаги узоқлигини, Шимолий ва Жанубий қутблар орасидаги кенглигини ҳамда жойлар орасидаги масофаларини ва бирининг иккинчисига нисбатан азимутини аниқлаш усулларини баён қилишдан иборатдир. Очиқроқ айтганда, Шарқнинг пойтахти бўлган Газна шаҳрининг координаталарини аниқлашдир».

(23- бет)

Кўпчилик кунларим ўтди марҳаматликда  
Погоналардан кўтарилидим борган сари мен.  
Ироқилар оиласи боқди мени оқ сут-ла,  
Уларнинг Мансури тарбиясига олди мени.

(10-бет)

«Фанларнинг ҳолати ана шундай. Уларни кишининг турмуши учун бўлган эҳтиёжлари дунёга келтирди. Шунга мувофиқ тарзда фан тармоқ отди. Фанларнинг фойдаси — улар ёрдамида олтин ва кумуш тўплаш эмас, балки керакли нарсалар ҳосил қилишдир».

(40-бет)

<sup>1</sup> Беруний . Танланган асарлар. III жилд. Тошкент, 1966. (Матнда саҳифаси кўрсатилади.)

«Барча фанлар каби математика ҳам кишиларнинг амалий эҳтиёжларидан, ер бўлаклари майдонини ва идишларнинг сифимини ўлчашдан, вақтни ҳисоблаш ва механикадан келиб чиқсан...»

(40-бет)

«Талқиқотчи зийрак, (ўз) хатоларини синчиклаб излаши, тобора тиришқоқ бўла бориши, меҳнатидан зерикмаслиги, ўз-ўзини қайта-қайта текшириб туриши керак».

(44-бет)

«Улар (Фазнавий ҳокимлари — Э. Т.) фозил кишиларга нисбатан душманлик ҳисси билан ёнар эдилар. Фанга алоқалор кишиларни таъкиб этар, уларга хўрлик ва зулм келтирап эдилар... Бу жоҳиллар кўпчиликка номаъқул бўлган паст ва заарали хуљларни бир овоздан ёқлаб чиқардилар, улар асносида асоссиз гаразни кўрамиз. Улар орасида шарму ҳаёсиз ва ҳар қандай пастлик оллида тап тортмайдиганлар кўпроқ. Бу йўлда улар барча имкониятдан фойдаланиб мусобақа қила бошладилар; бу иш бориб-бориб фанни рад этиш ва илм аҳлига ғараз кўз билан қарашга олиб келди. Улардан шаддодроғи фанни хато йўл, фан аҳлини ўзларига монанд жоҳилият йўлидан боришга унданб, уларга куфроният тамғасини босдилар. Бу билан улар олимларни йўқотмоққа ўзларига йўл очмоқ ниятида эдилар».

(81- бет)

«Одамзод (энг қадимги одам) ўзидан пинҳон тутилган нарсларни билишга интила бошлади. Келажакда нима бўлишини билиш ва бошга тушиши мумкин бўлган кулфатлардан ҳимояланиш учун интилди... Аста-секин унинг тажрибалари ўзга ёритгичларни кузатишга ўтди».

(84—85-бетлар)

«Грамматика насрний нутқини тартибга солиб туради, шесър қоидлари эса назмни бир мувозанатда тутади. Назмда ҳам, насрда ҳам нутқининг чин моҳияти унинг мазмунидир».

(85- бет)

«Одамлар Жайхуннинг ҳар иккала қирғоги бўйлаб 300 тадан зиёд шаҳар ва қишлоқ бунёд қилишган. Уларнинг харобалари сакланниб турибди».

(95- бет)

«Инсон у ёки бу фан билан шуғулланишдан олдин ўша фан тармоқларини яхши ўрганимори ва улар асносида аниқ тажрибалар ўтказа олиши лозим. Бунинг учун эса у (одам) албатта фалсафа фанини

ўзлаштирган бўлсин. Шундан сўнг барча фан асосларидан маълумотга эга бўлиши керак... фаннинг бошланғич асосларини билмай туриб, илмий фаолият билан машғул бўлиши маъносиз».

(262- бет)

«Инсоннинг тилак ва хоҳиилари меҳнат туфайлигина амалга оширилиши мумкин».

(88- бет)

### **«КИТОБ АТ-ТАФХИМ» (**«ЮЛДУЗЛАР ҲАҚИДА ФАН»**) КИТОБИДАН**

«Табиат ҳодисаларини тушунтирганда табиатнинг ўзидан кеслиб чиқиши керак ва унинг ўзида бўлган қонуниятга, далил ва тажрибага асосланиш лозим: фанни ўрганишни мазкур фанни ташкил этиб турган унсурларни ўрганишдан бошилаш зарур; фанни ўрганган пайтда фикрлаш зарур; бир маълумотни, фикрни, афсонани иккинчилари билан чоғиштириш, таққослаш ва улардан энг ишончлигини, яъни табиатда мавжуд қонунлар ва тартиблар йўл қўядиганини ҳақиқий нарса сифатида қабул қилиш зарур».

### **«КИТОБ АЛ-ЖАМОҲИР ФИ МАЪРИФАТ АЛ-ЖАВОҲИР» (**«ҚИММАТБАҲО ТОШЛАРНИ БИЛИБ ОЛИШ ҲАҚИДА МАЪЛУМОТЛАР ТЎПЛАМИ»**), «МИНЕРАЛОГИЯ») КИТОБИДАН**

«Сезгилар ўз қўзғатувчилари орқали қўзғалади. Агар улар меъёрида бўлса, ёқимли ва зарарсиз бўлади, меъёридан ортиқ бўлса, дардли ва ҳалокатли бўлади.

Кўриш сезгисини нур қўзғатади, эшитишни ҳаво орқали келувчи овозлар қўзғатади, ҳидлаш ҳаво билан бурунга уриладиган ҳидлар орқали пайдо бўлади, таъм озиқнинг мазаси билан вужудга келади. Аммо намлик бунда шартдир. Бу тўрт сезгини ҳис этувчи маҳсус органлар мавжуддир. Бешинчи сезги — сезиш эса бутун баданда воқедир, аммо даставвал уни тери сезади».

(8-бет)

«Сезгилар билинганиларидан бир бўлагини фикрга етказса, фикр уни янгишлардан тозалаб ақлга топширади. Ақл уни умумий (иш)га айлантиради.

(12-бет)

«Инсон Худонинг срдаги вакили ҳисобланади... Инсоннинг асосий вазифаси — меҳнат орқали кўзлаган мақсадига эришиш, яхшилик

орқали яхшилик кўришилар. Бунга унинг эшитиш ва кўриш сезгилари ёрдам беради. Кўриш орқали ибрат изларидан лозим якунлар қилиши керак бўлади...».

«Фақатгина сезги органлари ёрдамида ўзлаштирилган билимлар хатоларга олиб келиши мумкин. Агар инсон сезгилардан фикрлаш ва хулоса чиқариш ёрдамида фойдаланса, ана шу сезгилар орқали идрок қилинадиган нарсаларни ўрганишда жуда катта ютуқларга эришмоғи мумкин... истакларга меҳнат туфайли эришилади».

(9- бет)

«Инсон ўз табиатига кўра мураккаб танага эгадир. Инсоннинг гавласи бир-бирига қарама-қарши қисмлардан ташкил топган бўлиб, бу қисмлар тобслик кучи асосида бирлашгандар».

(11-бет)

«Инсон ҳамиша ўзгаларнинг баҳт-саодатлари ҳақида ўйлаши ксрак. Ҳар бир инсоннинг қадр-қиммати ўз ишини қандай бажараётгани билан ўлчанади.

Одамлар турмуш-ҳаётда ҳар хил ҳолатда бўладилар. Буларнинг бир тури билан мақталадилар, бошқаси билан эса қораланадилар... мақтовларнинг чўққиси мурувват, мурувватнинг ўқи (асоси) эса тозалик ва покизаликдир».

(20- бет)

«Ахлоқдаги ва одобдаги нафс гўзаллигига келсак, инсон уни ёмонликдан мақталишгача кўтаришга қодир, бу (албатта) нафсни тоза тутишга, уни руҳий тиббиёт йўли билан даволашга, ёмонлик қолдиги асоратини аста-секин ахлюқ китобларида айтилган усулилар билан кетказиш мумкин».

(21- бет)

«Инсонга энг яқин нарса унинг нафсилир. Шу нафс, энг аввало, ўзига яхшилик қилишга, кейин эса ўз розилиги билан теварагидаги энг яқинларига яхшилик қилишга интилиши керак. У ташқи кўриниш, ясама шуҳрат, сунъий обрў учун мурувват ва футувват кўрсатмасин».

(21- бет)

«Эй, қизим! Рашик қилишидан сақлангин, чунки у ажralиб кетишнинг қалитилир. Эрингга ҳадеб гина қилишларни ман қиласман, чунки у нафратни уйғотади. Яххиси сен ўзингга зийнат, парлоз бергин...»

Агар саҳрога чиқар бўлсанг доимо ёнингда сув бўлсин... Ўз эрингни кўрганда, хушчақчақ бўлган вақтида сен хафаликдан, у хафа бўлган вақтида сен хушчақчақликдан сақлан. Эрни сирини фош этмагин, акс ҳолда унинг олдида ўзингни камситган бўласан...»

(22- бет)

«Боланинг юз тузилиши она қорнида ато қилинади ва ҳеч қандай қуч ила ато қилинганини ўзгартириш йўли йўқ. Кўринишдаги гўзаллик ва тузилишдаги камол — булар иккови ҳам ҳар бир одам учун севимли...».

(18- бет)

«Инсон нарса ва ҳодисаларнинг фақат ташки сифати ҳамда хусусиятлари ҳақида билим олмай, балки тафаккури, ақли туфайли нарса ва ҳодисаларни таққослайди, бир-бiri билан солишириб кўрали, ўз билимларини чишлигини аниқлайди...»

(7- бет)

«Баданини дангасаликдан қутқариш фойдалидир, чунки у дангасалик, ялқовлик, ишёқмаслик одамни бузилишга, касалликларга чалинишга олиб келади».

(30- бет)

Меҳнатсиз шон-шавкатга, мартабага эришган киши хурматга лойикми? Юқори мартабага меҳнатсиз эришган киши фароғат ва роҳат соясида яшайди, яхши кийинади, аммо улуғлик либосидан маҳрум, ялангочдир».

(27-бет)

«Қимматбаҳо марварид доначасини охиригача пармалашдан ҳадиксираб, усталар уни баҳосини тушуниб етмаган шогирдларига беринади. Шогирдлар бутун борлиғи билан ишга киришиб кетади. Бунда уларни қўллари қалтирамай, кўрқмасдан пармалашни давом эттирадилар. Агар бу ишда хавфсираш бўлса, пармалаш давомида бирор-бир тасодиф билан дур майдаланиб кетса, уста шогирдларини шапалоқ билан туширган. Тарсаки зарби уларни яхшироқ, сифатлироқ ишлашга кўнижтирган. Дур пармаланиб бўлингандан сўнг хавфли вазият ўтиб кетган».

(119-бет)

**«САЙДА»  
«ДОРИВОР ЎСИМЛИКЛАР ҲАҚИДА КИТОБ»<sup>1</sup>  
«ФАРМАКОГНОЗИЯ» КИТОБИДАН (1974)**

«Хоразм амирларидан бири касал бўлиб қолган эди, унинг касалига қарши Нишопурдан бир дорининг нусхасини юбордилар. (Нусхани) атторларга кўрсатдилар, унда қайд этилган дорилардан биттаси ҳеч кимда топилмади, фақат бир киши ўзида борлигини айтди. Унинг ўн беш дирҳамини беш юз тоза (кумуш) тангага сотиб олишган экан, (аттор) гулсапсар илдизини чиқариб берибди. Уни койишганда, у (аттор) «Сиз жисмини эмас, фақат исмини билмаган нарсангизни сотиб олдингиз» дебди.

(119- бет)

«Хотира далили бор ҳамма нарсаларни яхшироқ, тезроқ ва ўнгайроқ эслаб қолади».

(198- бет)

Китобларни хотирада сақла, фақат йиға бермагин,  
Чунки китобларга ҳам қирон келади.  
Олов уларни ёндиради, сув гарқ этади,  
Сичқонлар кемиралилар, ўғри ўғирлайди.  
Китоблари билан гердайган билимсиз киши,  
Кутубхонасини у билан тўлдиради ва уни ёпиб қўйиб,  
Ундан билим олувчиларни фойдаланишдан маҳрум қиласди.

(119- бет)

**БЕРУНИЙНИНГ «РОЗИЙНИНГ ҲЛЁТИ ВА ТИББИЙ  
АСАРЛАРИ ҲАҚИДА РИСОЛА» СИДАН**

«Агар мен сени ҳурмат қилмаганимда, Розий асарларининг рўйхатини тузмаган бўлар эдим, чунки бу ишда Розий душманларидан баъзиларининг менга рақиб бўлиб қолиши ва улар мени Розий мазҳабидан деб шов-шув кўтариш хавфи бор эди».

(234- бет)

«Биргина нарса учун (узоқроқ яшашим) керак эдики, у ҳам бўлса, шу қўлимдаги нотамом асарларни тамомлаш ва оққа кўчирилмай қолганиларини кўчириш эди».

(240- бет)

---

<sup>1</sup> Беруний. Таинланган асарлар, IV жилд. Тошкент, 1974. (Матида бети кўрсатилилади.)

## *Ибн Сино*

(980 – 1037)



Абу Али ал-Хусайн ибн Абдуллоҳ ибн ал-Ҳасан ибн Али ибн Сино ўрта асрда стишган буюк донишманың эди. У фалсафа, табобат, фалакиёт, зоология, ботаника, геология, мусиқа, психология, ахлоқ, мантиқ, тишишнослик, адабиёт каби фан соҳаларига бағишилаб асарлар ёзди.

Ибн Сино шарқнинг буюк файласуфи эди. Бу соҳага кўп асарлар бағишилади, ҳатто ўзидан кейинги аср фалсафасига катта таъсир ҳам кўрсатди.

Ибн Сино буюк табиб эди. У бу тўғрида ўзидан олдинги тиббий меросни ўзлаштириб, жаҳон тиббиётида неча асрлар қўлланма бўлиб келган асар яратди. Унинг «Тиб қонунлари» китобини XI асрда яратилган *тиббиёт қомуси* деса ҳам бўлади. Чиндан ҳам «Қонун» Ибн Синонинг кўп йиллар орасида олиб борган илмий ва амалий ишларининг натижаси эди. Жаҳон табобати тарихида энг кўп қўлланилган. Алломанинг доривор ўсимликлар ҳақида ёзисб қолдирган фикрлари халқ табобатила катта аҳамият касб этади. Унинг бу борадаги қарашлари ҳозирги кунда ҳам олимларимиз тарафидан ўрганилмоқда.

Ибн Сино мероси ўрта асрларнинг ўзидаёқ кенг ўрганила бошланган эди. Айниқса, унинг тиббий ва фалсафий мероси ўрта асрдан бошлаб бошқа тилларга таржима қилина бошланди. «Тиб қонунлари»нинг лотин тилига ва бу тил орқали бошқа Farb мамлакатларидаги тилларга таржима қилиниши ва то XVIII асрдагача тиббий қўлланма бўлиб келиши бунинг яққол мисолидир.

Ибн Сино илмий меросини ўрганиш ўтган асрнинг охири ва асримизнинг бошларидан бошлаб кенгроқ тус ола бошлади, унинг асарлари матни нашр этилди, баъзи бирлари таржима қилинди, тадқиқотлар ёзила бошланди. 1937 йили Ибн Сино вафотининг 900 йиллиги ва эллигинчи йилларда эса ҳижрий йил ҳисоби билан туғилганига минг йил тўлиши муносабати билан таваллуд тўйи ўтказилиши унинг илмий меросини халқлар ўртасида кенг кўламда

ёйилишига сабаб бўлди. Бу пайтгача Ибн Сино, асосан, табиб сифатида машхур бўлиб келган эди, энди эса у файласуф сифатида ҳам қашф этилди. Унинг бу соҳадаги асарлари таржима этила бошланди. Эллигинчи йилларда турли мамлакатларда унинг меросига бағишиланган анжуманлар ўтказилди. Шу аснода ўргта асрда қилинган лотинча таржимасидан кейин «Тиб қонунлари» биринчи бўлиб ҳозирги замон тилларидан рус ва ўзбек тилларига 1954—1961 йиллар орасида Тошкентда таржима ва нашр этилди. Бу билан ўрта аср тиббиётини, хусусан, Ибн Синонинг тиббий меросини ўрганилиши кенг тус олди, сўнг бу соҳада кўп илмий ишлар қилинди, тадқиқотлар нашр этилди.

Абу Али ибн Сино ҳижрийнинг 370- йили сафар ойида, ҳозирги Ўзбекистон Республикасининг Бухоро вилояти Пешку туманидаги Афшона қишлоғида дунёга келди. Милодий ҳисоб билан бу 980- йилга тўғри келади. У беш ёшга тўлгач, отаси Бухоро шаҳрига кўчиб келади. Бу ерда у униб-ўсади, таълим олади, олим бўлиб етишади, бир қатор асарлар таълиф қилди.

Ибн Синонинг «Ҳадият ар-раис», («Шайх ар-Раиснинг ҳадяси»), «Ал-Мажмӯ’» («Тўплам»), «Китоб ал-бир вал-исм» («Саховат ва жиноят ҳақиқати китоб») икки жилд), «Ал-Ҳосил вал-маҳсул» («Яқун ва натижа»), «Инсоф-адолат китоби» (20 жилд) каби асарлари Бухорода таълиф қилинган эди.

Ибн Сино 22 ёшга етганида (1002 йили) отаси вафот этади. 1005 йили сомонийлар сулоласининг сўнгги меросхўри Мунтасир ўлдирилгач, Ибн Сино Бухорони тарк қилиб, Хоразмга кўчиб кетади. 1005—1012 йилларда Абу Али ибн Сино етти йил давомида Хоразмда яшади, у ердаги олимлар билан ҳамкорлик қилди. 1012 —1014 йиллар ораси у Журжонда, кейин Рай, Ҳамадонда яшади. У, бу орада „Тиб қонунлари“ асарини ёзиб тугатди. «Ал-Адвият ал-қалбия» («Юрак дорилари»), «Ал-Ҳидоя», «Ҳайй ибни Яқзон», «Китоб ал қуланж» («Қуланж ҳақиқати китоб») каби асарлари дунёга келди. Кейин у бу шаҳарда йигирма икки жилдли «Китоб-аш-шифо» китобини ёзди. 1024 йилдан то умрининг охири — 1037 йилгacha Исфаҳон амири даргоҳида истиқомат қилди. Бу ерда у форс тилида амир Алоуддавлага «Донишнома» («Билим китоби») асарини ёзиб берди, «Китоб аш-шифо»нинг қисқача баёни деб ҳисобланган «Китоб ан-нажот» китобини, бизгача етиб келмаган йигирма жилдли «Ал-Ансоф», ўн жилдли «Араб тили» асарини ёзди.

Аллома Ибн Сино адабиёт соҳасида ҳам анчагина ишлар қилди. Унинг адабий меросини уч қисмга бўлиш мумкин. Биринчидан, Ибн Сино ажойиб шоир эди. У лирик, фалсафий шеърлар ижод этди, шеъриятнинг кўп жанрларида — рубоий, достон — уржуза, газал, қасида, қитъа, фард каби турларида қалам тебратди. Унинг дунёда тан олинган шеърий ижоди асосан араб тилида ёзилган.

Ибн Синога нисбат бериладиган шеърий ижод беш ярим минг мисрагача (5450) борган. Унинг бизгача сақланиб қолган шеърий меросидан араб тилидагиси беш минг уч юз сатрдан ошади. Бундан чиқди Ибн Синонинг асосий шеърий ижоди араб тилида ёзилган эди. Буларга унинг ўндан ортиқ достони — уржузалари киради. Бу достонларнинг ўзи 4744 мисра шеърдан иборат. Ибн Синонинг деярли барча достонлари давримизгача етиб келган. Улар ҳали «Тиб қонунлари» ёзилишидан илгари ёзилган эди. У халқ ўртасида тиббий билим тарқатиш мақсадида бу достонларини битган эди. У бу достонларida одамларга тиббий ўйт беради.

Ибн Сино носир ҳам эди. Унинг бу борадаги «Хайй ибн Яқзон», «Куш», «Саломон ва Ибсол» ва «Юсуф ҳакида қисса» каби фалсафий-бадиий қиссалари бизгача етиб келган. Ибн Синонинг «Саломон ва Ибсол» ва «Юсуф ҳакида қисса» асарлари фақат Тошкентда, Академиянинг Абу Райхон Беруний номидаги Шарқшунослик институти хазинасидагина сақланмоқда.

Шу билан бирга, Ибн Сино адабиётшунос олим эди. Унинг бизгача етиб келган бу соҳага оид «Аш-шеър» («Шеър санъати») «Китоб аш-шифо»нинг бир қисми бўлмиш бу асари фикримизнинг далили бўлади. Асарда Ибн Синонинг адабиётга бўлган муносабати, юон адабиёти ва унинг жанрларига оид қарашлари баён этилган.

Ибн Сино ёзган асарлар сони 450 дан ортиқ. Лекин уларнинг кўпине бизгача етиб келмаган, давримизгача етиб келган 240 га яқин асарларининг ўзи ҳам унинг буюк сиймо, ноёб ақл-заковат эгаси эканлигидан дарак беради.

Ибн Сино ҳижрий йилининг 428 ида рамазон ойининг биринчи жумъаси (1037 йили 24 июнь) куни вафот этди. У салкам эллик етти йил умр кўрди.

Абу Али ибн Сино ўзидан илгари яратилган барча фан ва маданият ёдгорликларини эгаллади, уларнинг кўп тармоқларини ривожлантирди, натижада унинг илмий мероси жаҳон фани ва маданиятига улкан ҳисса бўлиб қўшилди.

## ИБН СИНО ҲИКМАТЛАРИДАН

Яхши ва ёмон хулқнинг ҳаммаси шароит, тарбия, одатланиш натижасида вужудга келади. Яхши хулқقا ҳам одат туфайли эришилади.

\* \* \*

Ҳақиқат мантиқ илмидан талаб қилинсин!

Ички қувватларнинг таъсирлари ва таъсирланишлари такрорла-

наверса, улар учун күчли бир малака ҳосил бўлади. Ахлоқ ҳам шундай вужудга келади.

\* \* \*

Хис ички руҳга қаттиқроқ таъсир этали ва уни ҳаракатга солишида ақёдан кучлироқдир.

\* \* \*

Яхшилик ҳаммага бевосита севимли. Агар шундай бўлмаганда эди, ҳар ким ўз истаган ёки орзу қилган ва ёки ўзича яхшилик деб тасаввур қилган бирор нарсани ўз олдига мақсад қилиб қўймаган бўларди.

\* \* \*

Тўғрилик, агар у тўғрилиги исботланаётган нарсанинг бевосита ўзида топилса, у ҳолда у ўша нарсани мустаҳкамлайди, яхшилайди.

\* \* \*

Тўғри деб ўйланилган қанчадан-қанча нарсалар бўладики, улар аслида тўғри бўлмай, балки фақат хатолардан иборат бўлали.

\* \* \*

Хулқнинг мувозанатда бўлиши бадан саломатлигини сақлайди.

\* \* \*

Кек аслида азият берган нарсанинг фикрла такрорланиши билан ҳамда ундан ўч олиш орзу-хаёлининг такрорланиши билан пайдо бўлади. Унинг пайдо бўлишига ғазабнинг бир қадар давом этиши ҳам сабаб бўлади.

\* \* \*

Билгинки, агар ғазаб тез ўтиб кетса, унинг сурати хаёлда такрорланмайди ва йўқ бўлиб кетади, натижада кеск ҳосил бўлмайди.

\* \* \*

Маърифатчи (ориф) ботир одам бўлади, шундай бўлмай ҳам бўлармиди! У ўлимдан ҳам қўрқмайдиган, саховат эгаси бўлади. Шундай бўлмай ҳам бўлармиди! У барча беҳад нарсаларга ҳирс кўйишдан узоқ ва барча адашганиларга меҳрибондир, шундай бўлмай ҳам бўлармиди! У ўз нафсонияти билан улуғвор бўлади, шундай бўлмай ҳам бўлармиди!

\* \* \*

Табиатда бекорчи нарсалар бўлишинининг ўзи бўлмаган нарсадир.

\* \* \*

Ҳар бир табиий нарса ўлчанган бўлади, лекин ҳар бир ўлчанган нарса табиий бўлавермайди.

\* \* \*

Маъруф ва машхур бўлмаган нарсаларни одат этишга кўпроқ интилиниади. Чунки одат бўлган нарсалар кўпинча сезилмайди.

\* \* \*

Хужум қилиб келаётган қўшинлардан қўрқиб қочиш, инсонлардаги қўрқоқликни бошқалар томонидан фош этилиши, бойликни ерга кўмиш, адолатсизликнинг кўринишлари, ифлосликка бефарқ қарашиб, шубҳали жойларда бўлиш, разилликни исташ, ахлоқий тубанликка бориш, камбағални талаш, ўликлар кафанини қазиб олиш, гадойчилик қилиш, ҳаддан ташқари зиқналик қилиш, судхўрлик қилиш, кечирим сўраганлар илтимосини рад этиш, суд олдида туришгача бориш, муруватсизлик кабилар шармандалийка киради.

\* \* \*

Инсонларни доимий тобе бўлиб яшашлари, бошқалар томонидан ўз нафсини масхара қилинишга чидаш, жабр-зулмга тоқат қилиш, этишмовчилик кабилар кишини қизиққон бўлишига сабаб бўлади.

\* \* \*

Улуғлик — инсонга энг ёмон ҳодисаларни яқинлашишига йўл қўймайдиган бир матонатни жамловчи кучdir.

\* \* \*

Фаросат деб — сезгидан келадиган ишоранинг асл маъносига тезда этишмоққа айтилади.

\* \* \*

Илм—нарсаларнинг инсон ақли ёрдами билан ўрганилишидир.

\* \* \*

Билим деб, нарсаларни идрок қилишга айтилади. Бу шундайки, инсон ақли уни хато ва йўлдан тоймасдан туриб унга эришиши керак бўладиган нарсадир. Борди-ю, бу далиллар очик-оидин, исботлар чинакамига бўлса, у ҳолда бунга ҳикмат — донишмандлик дейилади.

\* \* \*

Баён — инсон фикрига келган маънони яхши ифодаланишидир.

\* \* \*

Барвақт айтиб қўйиб, ошкор қилиш зарар келтирадиган бир нарсани айтишдан ўзни тийиб туриш ишини инсон вижлонига ҳавола қилинганига сир сақлаш деб айтилади.

\* \* \*

Инсондаги сир сақлай билиш хислати ошкор қилиши хавфи туғилганда уни ушлаб тура билувчи кучдир.

\* \* \*

Бошқаларда кўрганни жуда қаттиқ истамаслик ҳам қаноат ҳисобланади.

\* \* \*

Ўз кучини зарур бир меъёрда ушлаб туриш ҳам қаноат саналади.

\* \* \*

Қаноат деб, ўзига кифоя қиласидиган нарсага эришишга айтилади; буни бўшашибонлик ҳам дейишади. Қаноат камтарлик ва унча-мунча нарсани назарга илмайдиган хислат билан ҳирс ўртасида бўлади.

\* \* \*

Сабр деб, инсон бошига тушган алам ва чидаб бўлмайдиган оғриқни то енгунга қадар ушлаб туришга айтилади.

\* \* \*

Очкўзлик, яхши овқат, ичкилик, хотин-халажга берилишдан ўзни тутиш ифрат саналади.

\* \* \*

Кишини қабиҳ ва бемаза ишларга қадам қўйишдан тугиб турадиган ва уни яхши хулқ ва ишларга йўллашига ҳаё дейилади.

\* \* \*

Ёрдам беришнинг гўзаллиги ундан кишининг тасалли тоғишида кўринади.

\* \* \*

Хижолат ва тортинчоқлик — қайфу ва ёмонлик туфайли тинчликнинг бузилишидир. Бундан инсон ўзининг ўтмиши, ҳозирги пайти ва келажакдаги мавқеи қандай бўлишидан қатъи назар, ўзини ўзи койийди.

\* \* \*

Киши хулқидаги оргиқлик фазилати күпинча пасткашлик билан олижаноблик ўртасида бўлади. Чунончи, кишидаги яхши бир фазилат икки хил пасткашлик ўртасида бўлади, масалан, исрофгарчилик билан серҳаражатлик.

\* \* \*

Иффат эса ёмонлик билан шаҳват ҳамда бунга ўхшаган нарсалар ўртасида туради. Яна у серҳафсалалик билан беҳафсалалик ўртасида туради.

\* \* \*

Саховат эса баҳил ҳамда зиқналик билан сарф қилиш ўртасида туради.

\* \* \*

Шижоат — довюраклик эса қўрқоқлик билан қўполлик ўртасида бўлади.

\* \* \*

Одамларнинг четланиши лозим бўлган ёмон хулқ-атворлар турига юқорида эслаб ўтилган яхши фазилатларга қарама-қарши бўлган яна мана бундай ёмон хулқлар ҳам киради: ҳасадгўйлик, кўролмаслик, яъни бирорвла яхши ҳолат бўлишини ёқтирасмаслик, юмишоқликка қарама-қарши бўлган тез қасд олиш, фиску фасод билан шуғулланиш, бузғунлик, сўконгничлик, оғзи шалоқлик, фийбатчилик, извогарлик, чақимчилик, ёлғончилик, сабрга қарама-қарши бўлган чидамсиз — бесабрлик, юраги торлик, оғзи бўшлиқ, сирни ошкора қилишлик каби хулқларнинг кишида бўлиши жуда ҳам ёмон нуқсон саналади. Буларга яна инсоннинг олижаноб фазилатларидан энг улуғи бўлмиш билимдонликка қарама-қарши бўлган энг буюк разолат ва нуқсон бўлмиш нодонлик киради.

\* \* \*

Бўшашганлик — кескинликка қарама-қарши қўйилган сотқинлик, хиёнат, бераҳмлиликка эса раҳмдиллик қарама-қарши қўйилган.

Фирром, ҳиммати паст, лафзи йўқ, сурбетлик, риоятсизлик, мақтанчоқлик, кибр-ҳаво, золимлик кабиларга эса адолат қарама-қарши қўйилган.

\* \* \*

Хулқларнинг барчаси ўз табиати билан гўзал, ёмон хулқ-атворларга эса кейин эришилган бўлади.

## ХУЛҚ-АТВОР ҲАҚИДА

Бундай ҳам бўлади: агар инсон бирор хулқ-атвёрга эга бўлмаган бўлса, у ҳолда бундайлар ўзига кераклигига эришиб олиши ҳам мумкин.

Мабодо киши ўша йўл билан ўзи учун пайдо қилган ва унга эришган хулқ бўлмаса, ёки масалан, ўзи ўша эришганинг тескарисига тўғри келиб қолса, у ҳолда кишида бу бир одатланиш (характер) бўлиб қолади. Одатланиш дейиш билан мен бирорта феъл-атворни озгина муддат ичидаги кўп марталаб ва узоқ вақт давомида қайта-қайта такрорланишини айтмоқчиман.

Чиндан ҳам гўзал хулқ-атвортар шундай одатланишдан юзага келади. Худди шунингдек, хунук феъл-атвортар ҳам ўшандай одатланишдан юзага келади.

Яна шуни ҳам айтиш керакки, мабодо биз гўзал бир нарсага одатланадиган бўлсақ, бу одатимиздан гўзал хулқ-атвортар юзага келади.

\* \* \*

Яна айтамизки, ўзимиз одат қилиб, кўнишиб қолган нарсалардан гўзал хулқ-атвортар юзага келиб қолгундай бўлса, шунда билиш керакки, бу хил одатларимиз ўша гўзал хулқ эгалари воситаси билан юзага келган бўлади. Худди шунингдек, агар аввал бошдан биз хунук-бемаза хулқ-атвортар эгалари воситаси билан юзага келган феъл-харакатларга кўнишиб, ўшанга одатланадиган бўлиб қолсақ, у ҳолда, ундан одатлар ҳам bemaza хулқ-атвортар эгалари орқали юзага келган, улардан юқсан бўлади. Бу ердаги аҳвол худди санъатда юз берадиган аҳволга ўхшаб кетади.

\* \* \*

Камтарлик кишида шундай бир хислатки, шу билан инсон билим-маърифати, куч-кудратини яшириб, ўзини табиатан ожиз, эзилган ва ўз жинсида юқори даражага кўтарилишда бирор камчилиги бордай сездирадиган бўлади. Яна бу хил одамлар бошқа бирордан нафсоний ёки жисмоний томондан ўта ортиқлигини яшириб келадиган бўлади.

\* \* \*

Олижаноблик кишида шундай бир ажойиб фазилат ва шон-шарафни оширадиган хислатки, ҳатто бунга эришган одам ундан ҳам юқори даражалардаги шон-шуҳрат маромига эришишга интилиади. Бундай интилиш ундейларда чекланмаган бўлади.

\* \* \*

Киши бирор ёмон аҳволига тушиб қолганда ё бўлмаса, бирор қайгу-алам етганда унга меҳр-шафқат кўрсатишга раҳмдиллик дейилади.

Эҳтиёткорлик деб, келажакда бўлиши мумкин бўладиган ҳодисаларни олдини олишга айтилади. Бу билан киши ютуқ ва муваффақиятга яқин ва заардан эса узоқ бўлади.

\* \* \*

Зийраклик ва тийраклик деб, сезги органлари ёрдами билан нарсаларнинг ҳақиқий маъноларига тезда стишга айтилади.

\* \* \*

Яхшиликларнинг энг фойдалиги — садақадир.

\* \* \*

Инсон қиласиган ишларнинг энг ёмони риёкорлик, яъни иккюзламаликдир.

\* \* \*

Инсон ўзини токи майдагап, ўчакишиш, жанжал, шикоят, норозилик, оҳ-воҳлардан озод қиломагунигача у ифлос ва пастлик табиатидан озод бўломайди.

\* \* \*

Ҳар бир инсон севинишга ҳам, қайгуланишга ҳам қобил, лекин шуниси ҳам борки, баъзиларнинг кайфияти фақат шодликка, баъзиларнинг кайфияти эса фақат ғамгинликка мойил бўлади.

\* \* \*

Хурсандчиликнинг кстма-кет бўлиши руҳни шу хурсандчилик учун ҳозирлайди, ғамнинг кетма-кет бўлиши эса ғамга киши табиатини ҳозирлайди. Қувноқ бўлган кишига ғам келтирувчи сабабларнинг энг кучлигигина таъсир қилган ҳолда, шодлик келтирувчи сабабларнинг энг кучсизи ҳам таъсир қилади.

\* \* \*

Ҳар бир юраги зўр киши кўп шод-хуррам яшагани каби ҳар бир севинчга сазовор бўлган зотнинг юраги зўр бўлавермайди.

\* \* \*

Фазаб — иродаси кучли одамга рўпара келолмагандек, иродаси кучсиз одамга ҳам рўпара келолмайди.

\* \* \*

Ҳамма вақт боланинг истаган нарсасини муҳайё қилишга, истамаганини узоқлатишига тайёр туриш керак.

\* \* \*

Ёш боланинг сезгирилик қуввати катта одамга тенг келади.

## ДЎСТЛИК, ҲАМЖИҲАТЛИК ҲАҚИДА

Эй, биродарлар! Ҳақиқатни ёйинглар, баҳамжиҳат бўлинглар. Баъзиларингизнинг баъзи нарсаларни ўрганиш учун ва баъзиларингизнинг баъзи нарсалар билан камол топиши учун ичингиздаги ҳар бир киши ўз биродарларига холис дилидан пардан очиб ташласин.

\* \* \*

Шодлик ва қайғулик пайтларда дилини кудуратдан тозалаб, соғф дўстликни сақлаб қолган киши чин дўст ҳисобланади.

\* \* \*

Дўстлар ҳақиқатга кўрар кўз билан қарайдилар, кўнгилдан ифлослик ва шак-шубҳа зангини кеткизадилар, чунки уларни холисона дўстликдан бошқа ҳеч нарса бирлаштиргмаган.

\* \* \*

Дўстлик инсоннинг шундай бир ҳолатидирки, бунда бошқа бирорвга яхшилик исталади, шунда инсон яхшиликни ўзи учун истамайди, балки уни бошқа бирор учунгина истайди, холос. Шу ҳолатда кишида бошқага нисбатан яхшилик қилишга чақирувчи хусусият пайдо бўлади. Дўст бу яхши кўрувчидир. Дўст ўз дўстининг хурсандлигига ҳам, баҳтсизлик кезларида ҳам қайғу ва шодлигига шерик бўлади.

\* \* \*

Инсонлар ичida сени яхши кўрувчилар бўлса, бу сенга ва сенинг яқинларингга яхшиликни истовчилар бўлади. Мабодо шундайлар топилиб қолса, у ҳолда бу илтифот мунтазам равишда чин кўнгилдан ҳамда беминнат бўлиши керак. Ҳақиқий дўст сенинг дўстингга дўст, душманингга душман бўлади. У дўстининг душманидан узоқлашади, дўстининг дўстига яқинлашади. Бунинг акси бўлиши мумкин эмас. Чунки бунинг акси бўлса, душманлик саналади.

Модомики, менинг дўстим душманим билан кўп ўтирган экан, энди мен уни ҳеч дўст деб билмайман. Чиндан ҳам заҳар аралашган шакардан парҳез қилиш керак; илонга қўнган пашибадан эса қочиш керак бўлади.

## СЕВГИ-САДОҚАТ ҲАҚИДА

Шодлик, ашула ва мусиқа эшлиши баъзи кишиларга тасалли берса, баъзиларнинг иштиёқини кўпайтиради.

\* \* \*

Хурсандлик бир турли лаззатдир.

\* \* \*

Ошиқнинг маъшуқини аниқлаш уни даволаш йўлларидан биридир.

\* \* \*

Ҳақиқий мавжудот ё камолотнинг ниҳоясига эришади ёки эса қайси бир томондан келиб қолган нуқсон билан ўз табиатида бор бўлган камолот ўртасида бориб-келиб туриши билан тавсифланади.

Демак, бутун мавжудот бирор камолотга ёндашишдан холи бўлмайди. Мавжудотнинг камолга ёндашишига унинг табиатидаги ишқ ва рағбат сабаб бўлади. Унда учратиладиган камолга бирлашиш ва камолга интилишга ҳам ишқ ва рағбат сабаб бўлади.

Айтамизки, яхшилик — хайр, бевосита ҳаммага севимлидир. Агар бундай бўлмагандан эди, ҳар ким ўз истаган ёки орзу қилган ва ёки ўзича яхшилик деб тасаввур қилган бирор нарсасини ўз олдига мақсад қилиб қўймаган бўларди.

Агар яхшилик бевосита яхшилик сифатида севимли бўлмаганда эди, у ҳолда бу яхшилик учун бўлган барча интилишлар бекор бўлган бўларди. Шунингдек, яхшилик ҳам яхшиликка ошиқдир. Чунки ишқ ўз ҳақиқатида яхши ва мулоийм нарсани севишдан бошқа нарса эмас.

Мана шу ишқ яхши кўриладиган нарсалардан ажралиб турган бир пайтда унга томон интилишнинг бошланиши бўлади. Бу ҳолда ўша яхши кўриладиган нарсалардан бўлиши керак. Бу нарса мавжуд бўлган пайтда эса бирлашиш бошланиши бўлади.

\* \* \*

Мавжуд нарсаларнинг ҳар бири ўзига мос ҳар бир нарсани яхши кўради, уни йўқотса, у томон интилади. Маълум бир нарсага эришишдан иборат маҳсус яхши нарса ҳақиқатда ёки тахминда, менинг гумонимча, у (яъни яхши) ҳақиқий ёки тахминий мулоийм нарсадир. Кейин яхшини исташ ва унга интилиш, бир нарсани ёмон деб билиш ва нафрат — булар ҳаммаси мавжуд нарсанинг яхшилигига боғлиқ бўлган нарсалардир. Чунки яхшилик сифати мавжуд нарсага бевосита тўғри бўлиш юзасидан эмас, балки унинг яхшилиги

жиҳатидан шундай дейилади. Негаки, тўғрилик бир нарсада бевосита топилса, у ҳолда у ўша нарсани мустаҳкамлайди, яхшилайди.

Демак, маълум бўлишича, яхши яхши нарсага ошиқ бўлади; у хоҳ ўзига хос бўлсин, хоҳ муштарак бўлсин, барибир, унда бор бўлган яхшилик жиҳатидан унга ошиқ бўлаверади.

\* \* \*

Ишқнинг бўлиши сабаби ҳам маъшуқдан эришилган ёки эришилмоқчи бўлган нарсадир. Яхшилик ортган сари маъшуқликка сазоворлик ҳам ортади, шу билан бирга, яхшиликка ошиқлик ҳам ортади.

Демак, мавжудот ё ишқ сабабли бор бўлади ва ё унинг борлиги ва ишқи иккови бир нарса бўлиб қолади.

Бундан равшан бўладики, ҳар бир руҳий ҳолат ишқдан холи бўлмайди.

\* \* \*

Иккинчиси эса, ихтиёрий ишқдир. Бу ишқнинг кўтаргувчиси — ҳомили ўзидан-ўзи маъшуқидан юз ўгиради. Чунки маъшуқининг келтирган фойдасидан кўра зарарининг ортгани уни зарар томонга тушиб кетишига олиб келади.

Масалан, эшакни олинг. Агар унинг кўзига ўзи томон келаётган бирор бўри қораси кўриниб қолсами, бўлди, у емини ейишдан таққа тўхтайди ва қочишига тушади. Шунда у ўзига рўпара келгандан етадиган зарар юз ўгиран нарсасининг фойдасидан ортиқ эканини билади.

## ТЕРМАЛАР

Товуш инсон ва ҳайвонлар ҳаётидаги энг зарур нарсалардан биридир. Ҳайвоиilar бирор хавфни сезсалар, бир-бирларини ёрдамга чақиришда товуш чиқарадилар.

\* \* \*

Товушнииг табиат инъом этган ўзига хос хусусиятлари жуда кўп. Масалан, инсонлар ва, шунингдек, ҳайвонлар ўз хурсандчилиги ва хафалигини маълум товуш орқали бир-бирларига билдирадилар. Баъзи товушлар оғриқни қолдирса, баъзилари дилгирликни йўқотади.

\* \* \*

Ўз овозидаги товуш оҳангларининг ўзгаришини энг нозик ҳис эта олган шоир энг яхши шоирдир. Чунки табиат шоирга товушни севишдек баҳт инъом этган.

\* \* \*

Табиатнинг инсонларга инъом этган толеларидан яна бири — инсон нутқидир. Инсон ўзининг ана шу нутқидаги товуш оҳанглари орқали ўз ҳиссиятларини изхор этади. Масалан, кишилар ялинганда бошқача овоз чиқариб, дўйқ-пўписа қўилганда бошқача, шошилиб гапирганда нутқ бошқача оҳангда бўлади ва ҳоказо.

\* \* \*

Инсон қалби ҳар бир янги ва кўнгилдагидек нағмадан ором олади, кейинчалик худди шу ёқимли нағма бирдан гойиб бўлса, қалб ҳаяжонга тушади. Худди шу олдинги нағмага ўхшаш иккинчи нағманинг пайдо бўлиши билан қалбдаги ҳаяжон йўқола бошлайди.

Демак, ёқимли нарсалардан роҳатланишининг биринчи сабаби, йўқолган нарсадан қалб изтироб чекиб турган вақтда ўша исталган товушнинг қўққисдан пайдо бўлишидир.

\* \* \*

Нағмаларнинг ҳар қандай бириқмасидан инсон лаззатлана-вермайди, балки бу бириқишига тегишли бошқа ҳолатлар воситаси билан лаззатланиш содир бўлади.

\* \* \*

Шеър ижтимоий бурч мақсадлари учун ёзилади.

\* \* \*

Шеър кўпроқ табиатан шоир бўлганларда қўққисдан ва табиий равища яратилади.

\* \* \*

Одамлар рамзий фикр қилишига мойилроқ бўлади.

Рамзий қилиб айтилган сўз киши руҳини ўзига бўйсундиради. Маълум бир ишлар киши ҳали кўрмасидан, улар ҳақида фикр юритмасидан, уни танламасидан туриб, бу ишлар унга ё хуш келади, ёки бу ишдан у ўзини тияди. Бир сўз билан айтганда, бундай нарсадан одам безовталаради, лекин бу безовталик онгли равища эмас, балки нафсоний-руҳий таъсирангандлик натижасида содир бўлади.

\* \* \*

Тўғри сўз сал ўзгартирилиб, одатдагидан бошқачароқ тарзда айтилса ва бунинг устига унга унча-мунча нарсалар қўшилган бўлса, бу нарса инсон руҳига хуш келади. Балки бундай сўзларни рамзий қилиб ва рост қилиб айтиш ҳам мумкин. Балки шу билан рамзий гаплар орқали эътибор рост ва туйгулар томонга қаратилган ҳам

бўлади. Шунда рамзий гап ҳам маъқул тушади, рост ҳам маъқул бўлади, лекин бунда рамзий гаплар таажжубга сазовор бўлади ва бундай сўзлардан киши руҳи лаззатланиб, енгил тортади. Нарса агар айтилганга мувофиқ келгудай бўлса, уни рост деб қабул қилинади.

\* \* \*

Нарсанинг ўзи қандай бўлса, ўшандайлигича эмас, балки уни сал ўзгартирган тарзда олинганига истиора ё мажоз дейилади. Шеър мана шу истиора билан мажознинг таркибидан ҳосил бўлади. Чунки тақлид қилишнинг ўзи инсонга табиий бўлган бир нарсадир. Тақлид нарсанинг ўзи бўлмай, балки ўша нарсанинг ўхшашидир.

\* \* \*

Маст кишидан ақл, ҳаё ва сабр кетади. Модомики, инсон шулардан ажралар экан, одамгарчиликдан чиқади.

Шароб заҳарларнинг бири. Агар узоқ оч юрган киши овқат ва ичкиликлардан ҳаддан ташқари истеъмол қиласа, уларнинг ҳаммаси заҳар бўлади.



# **Юсуф Хос Ҳожиб**

*(Тахм. 1021—?)*



Юсуф Хос Ҳожиб Ўрта Осиёнинг йирик шаҳарларидан бири Болосоғунда туғилган. Унинг ҳаёти ҳақида батағсил маълумот бизгача етиб келмаган. Лекин у ўзининг 1069—1070 йилларда ёзган «Қутадғу билиг» («Саодатга йўлловчи билим», 1069—70) асари билан бутун дунёга маълум бўлган мутафаккирдир.

«Қутадғу билиг» (XI аср) сўз санъатининг нодир намунаси бўлиб, Юсуф Хос Ҳожиб. уни Болосоғунда ёза бошлаб, Қашқарда тугатган ва қораҳоний ҳукмдор Тавғоч Буғрохонга тақдим этган. Буғрохон муаллифни тақдирлаб, унга «Хос Ҳожиб» («Эшик оғаси») унвонини берган. Шундан кейин шоир «Юсуф Хос Ҳожиб» номи билан машҳур бўлган.

«Қутадғу билиг» таълим ва тарбия, маънавий камолотнинг йўл-йўриклиарини, усулларини, чора-тадбирларини ўзида мужассамлаштирган, ахлоқ ва одобга доир дарсликдир. Ушбу асарда мутафаккир ўзининг ахлоқий-сиёсий ва педагогик фикрларини баён қилган. Юсуф Хос Ҳожиб Ўрта Осиёнинг жуда кўп буюк олимлари қатори мусулмон Шарқи халқлари маданияти тараққиётига жуда катта ҳисса қўшди.

## **ЮСУФ ХОС ҲОЖИБ АСАРЛАРИДАН НАМУНАЛАР ИНСОННИНГ ҚАДРИ БИЛИМ БИЛАН БЕЛГИЛАНАДИ**

Билим берди, (шу туфайли) инсон бу кун улуғликка эришди.  
Уқув берди, сўнг (шу туфайли берк) тугунлар ёзилди.

Худо кимга укув, ақл-идрок, билим берса,  
Кўп эзгуликлар қилишга қўл узатади.  
Билимни — буюк, уқувни улуғ бил,  
Бу иккиси танланган бандасини улуғлади.

Бу сўзнинг исботи учун мана шундай сўз бор,  
Бу сўзни эшитгин, (тегишли) сўзингни мендан ол:

Заковат қаерда бўлса, улуғлик бўлади,  
Билим кимда бўлса, буюклик олади.

Заковатли — уқади, билимли билади,  
Билимли заковатли тилакка етади.

Билим маънисини билгин, билим нима дейди:  
Билим билса, сўнг кишидан бало-офтатлар йироқлашади.

Билимсиз кишилар барчаси дардлик бўлали,  
Дардни даволамаса, киши бот ўлади.

Кел, эй билимсиз, дардингга даво қил,  
Билимсиз бўлсанг — тубансан, доно (бўлсанг) — баҳтлисан.

Билим гўё бир бошбоғ кабидир, агар киши унга эриша олса,  
Тилакка етиб, туман орзуларга эришади.

Кишида заковат бўлса, (унинг) нафи каттадир,  
Билим ўрганса, сўнг киши азиз бўлади.

Ҳамма ҳам иш-амалларни заковат туфайли бажаради,  
Беклар давр-давронга билим туфайли эришганлар.

Тетик бўлса киши мол учун қайғурмайди,  
Билим бўлса, киши ишда янгилишмайди.

Буюк, билимли киши бу ҳақда жуда яхни сўзлаган,  
Билимлига фақат яхшиликина насиб бўлади, тушун.

Беклар ишини қилишга билимли (киши бўлиш) керак,  
Билимсиз киши ҳамма (иш)га нолойиқ бўлади.

Кимгаки, билимдан ҳисса тегмаган экан,  
(Уни) тирик десса бўлмайди, уни ўлик ҳисобла.

Билим туфайли одам буюклашиб, шуҳрат топади,  
Кишилар орасида юқорилашади (ўсади), барча иши унади.

Билимсиз киши қуруқ бўёқ (савлат) ва суратдир.  
Билимли кишининг ўрни кўйдан ҳам баланд.

Ишларда ўта зеҳнли ва зийрак (бўлиш) керак,  
Зийраклик туфайли ишларда гуноҳларга тойилишнинг олди  
олинади.

Зеҳн бўлса, нафи жуда ҳам талайлир,  
Ҳамма эзгуликлар мояси шу зеҳнидир.

Зеҳнисиз киши мевасиз дараҳтдир,  
Мевасиз дараҳтни оч нима қиласди.

Зеҳнли икки дунёдан ҳам баҳраманд бўлали,  
Яхши (деб) ном олса, зеҳнли олади.

Зеҳнли, билимли киши ҳақиқий кишиидир  
Кишиларнинг етути, халқнинг сарваридир...

### **ТИЛНИНГ ФАЗИЛАТИ, ФОЙДА-ЗАРАРЛАРИ ҲЛҚИДА СЎЗЛАЙДИ**

Уқувга, билимга тилмоч — бу, тил,  
Кишини рўшноликка чиқарган равон тил деб билгин.

Кишини тил эъзозлайди, киши у туфайли баҳтга эришади,  
Кишини тил қадрсиз қиласди, эр бошини ёради.

Тил ҳовлида (яъни қафасда) ётган арслон кабидир,  
Эй, қафасдаги (маккор) ваҳшний бошингни ейди.

Тили туфайли озор топган киши нима дейди, эшиит,  
Бу сўзга амал қилгин, ўз фойдангга ишлат.

Тил мени жуда кўп кулфатларга солади,  
(У) бошимни кесмасин, (мен) — тилимни кесайин.

Сўзингга эҳтиёт бўл, бошинг кетмасин,  
Тилингга эҳтиёт бўл, тишинг синмасин...

Сен ўзингга омонлик тиласанг,  
Тилингдан яроқсиз сўзингни чиқарма.

Билиб сўзласа, сўз донолик саналали,  
Нодоннинг сўзи ўз бошини ейди.

Кўп сўзда ортиқ фойда кўрмадим,  
Яна (кўп) сўзлашдан наф тоимадим.

Сўзни кўп сўзлама, бир оз озроқ сўзла,  
Тумон минг сўз тугунини — (яъни жумбоғини) шу бир сўзда сч.

Киши сўз туфайли кўтарилади, малик бўлади,  
Кўп сўз бошни ерга эгади,

Ортиқча сўзласа, тилни эзма (ланди) дейилади,  
Сўзламаса-чи, (уни) яна гунг-лол дейилади.

Гарчи шундай экан, муомалани ишга сол,  
Муомала ишга солинса, кишини юқорилаштиради.

Тилингни ниҳоятда эҳтиёт қилгин, бош сақланади,  
Сўзингни қисқа қилгин, ёшинг узайтирилади.

Тилнинг нафи талайдир, ортиқча ҳовлиқма,  
Гоҳо тил мақталади, гоҳо сўкилади.

Гарчи шундай экан, сўзни билиб сўзла,  
Сўзини кўр учун кўз бўлсин, (у) кўра билсин.

Билимсиз шубҳасиз аниқ кўрдир,  
Кел, эй нодон, билимдан ҳисса ол.

Туғилган ўлади, кўр, ном-нишонсиз қолади,  
Сўзингни эзгу сўзла, ўзинг абад ўлмайсан.

Киши ўзи икки нарса туфайли қаримайди:  
Бири — эзгу хулқи, бири — эзгу сўзи.

Инсон туғилади, ўлади, кўргин, унинг сўзи қолади,  
Инсон ўзи ўлади, оти мангум қолади, назар сол.

Ўзинг ўлмас (яъни мангум) тириклик истасанг,  
Феълиніни ва сўзинтни эзгу тут, эй доно...

Мен сўзимни сенга сўзладим, эй ўғил,  
Бу пандни ўзим сенга бердим, эй ўғил.

Мендан сенга кумуш, олтин қолса,  
Уларни сен бу сўзга тенг тутмагин.

Кумушни ишга солсанг тугайди, олқинади,  
Сўзимни ишга тутсанг, (сен учун) кумуш қозонади.

Кишидан-кишига (қоладиган) мерос сўздир,  
Мерос сўзни (яъни оталар сўзини) тугсанг, нафи юз-юздир.

Бу кун қовоғингни солма, эй билағон доно,  
Агар ийманиб ўз узримни айтсам.

## КИТОБ ЭГАСИ ЎЗИГА УЗР АЙТАДИ

Билимлилар жуда оз, билимсизлар кўп,  
Безаковатлар талай, билгин, заковатлилар арзандадир.

Билимсиз билимлига ёв бўлди,  
Билимсиз билимлига адоват қилди.

Кишидан кишининг кўп фарқи бор,  
Бу фарқ билимдан, деб айтади бу тилим.

Билимсиз билан менинг ҳеч сўзим йўқ,  
Эй доно, ўзим сенинг хизматингдадирман...

Ҳамма эзгуликлар билим нафи туфайлидир,  
Билим туфайли, гўё кўкка йўл топилади.

Барча сўзни сен билан сўзла,  
Барча кишини сен билан туфайли улуғ деб бил.

Сўз бўз ерга яшил кўқдан тушди,  
Сўз туфайли инсон ўзини улуғ қилди.

Киши кўнгли тубсиз денгиз қабидир,  
Билим инжу каби (унинг) тубида ётади.

Бўз ер қатидаги олтин тош,  
Агар қазиб чиқарилса, беглар бошида безак бўлади.

Денгиздан киши инжунчиқармаса,  
У хоҳ инжу бўлсин, хоҳ сой тоши бўлсин (бефойдадир).

Заковат ва билим — жуда эзгу нарса,  
Агар (уларга) эришсанг, ишлат, учеб кўкка кўтарили.

Жаҳон тутиш учун киши заковатли бўлиши керак.  
Халқни босиш учун ақл-фаросат ва юрак бўлиши керак.

Жаҳонгирлар заковат билан олам тутдилар,  
Халқни босувчилар билим билан босдилар.

Оlamга одам тушгандан (яъни одам яратилгандан) буён,  
Заковатлилар эзгу сиёсат юритиб келдилар.

Бугундан бурунги қайси бир даврда бўлмасин,  
Билимли(лар)га буюкроқ ўрин насиб бўлиб келди.

Доно, билимдон беглар халқа бош бўлади,  
Билимсизлар ишни қилич билан битиради.

Оlam тутиш учун киши ўта заковатли бўлса,  
Халқни босиш учун киши ўта билимли бўлса.

Агар бу иккаласи бирикса, киши тугал бўлади,  
Тугал киши оламни батамом (ва) тугал қўлга киритади.

Агар сен икки жаҳонни истайдиган бўлсанг,  
(Унга етиширадиган нарсанинг) чораси эзгуликдир, гар  
қилмоқчи бўлсанг.

Агар сен ўзинг эзгулик топмоқ истасанг,  
Кел, эзгулик қил, сўзинг тамом.

Киши мангу бўла олмайди, мангу унинг отидир,  
Ундан мангу қоладиган нарса унинг бу эзгу отидир.

Ўзинг мангу эмас, отинг мангудир,  
Отинг мангу бўлса, ўзинг мангудирсан.

### **ЭЗГУ (КИШИ)ЛАРГА АРАЛАШИШ ЭЗГУЛИКЛАРИНИ АЙТАДИ**

Агар халқ устидан қўлинг узуни бўлса (яъни амринг вожиб бўлса),  
Амалда ҳам, сўзда ҳам мутлақ эзгулик қил.

Тирикликни ғанимат тут, эзгулик фойдалидир,  
Эзгулик кейин егулик (ва) кийгулик бўлади.

Жаҳонда не янглиғ эрлар туғилди, кўргин,  
Бир оз муддат юрди, яна ўлди кўргин.

Хоҳ бег, хоҳ қул, ё эзгу, ёмон бўлсин,  
Ўзи ўлган бўлса, отидан из қолади.

Энди ўрин навбат билан сенга насиб бўлди,  
Фақат эзгулик қил, сен эзгу бўлиб кет.

Бу тилда икки тури от такрорланиб юради,  
Бир эзгу, бир ёмон (ном) дунёда қолади.

Ёмон сўқилади, эзгу мақтовга эришади,  
Ўзингга қара, қайсинисини истайсан.

Ўзинг эзгу бўлсанг, отинг мақтовга лойикдир,  
Агар ёмон бўлсанг, таҳқирга маҳкумсан, эй, латиф.

Тубан Захҳок не туфайли таҳқирга лойик бўлди,  
Бахтли Фаридун қандай қилиб мадҳга сазовор бўлди?

Бири эзгу эди, уни мадҳ қилдилар,  
Бири ёмон эди, уни сўқдилар.

Сен учун ёмон (ном) дурустми ёки яхши ном,  
Таҳқирни истайсанми ёки мадҳними?

Қайсинисини истасанг, (ўша) бирини танла,  
(Танлаганинг) ёмон(лик) ёки эзгу(лик) бўлса, сўнг  
ўқинма.

Синаган киши бунга ўхшатиб сўз айтади.  
Синаган киши эл-юрт ишини билади.

Киши эзгу ном билан олқиши олади, кўргин,  
Ном чиқарган ёмон ўлса, қарғиш тонади.

Кўп синадим ёмон(лик) қилувчилар,  
Кундан-кунга (орқага) кетаверди, кучи узилди.

Қанчаки кузатган бўлсам, ёмонлик иши,  
Ёки мутлақо битмади, эй, билимли киши.

Ёмонлик мисли бир ўтдирки, у куйдирадиган бўлади,  
Йўлида ҳеч ўтар сри йўқки, ундан ўтиб бўлсин.

Боқиб кўр, хоҳ биздан олдин ўтганлар,  
Хоҳ авом, хоҳ жаҳонгир-беглар (бўлсин).

Булардан қайси бири билим соҳиби бўлса,  
(Ўша) кишиларнинг афзаллари эзгу қонун(лар) кашф  
қилдилар.

Жаҳон beglarining kimiда билим бўлса,  
(Ўша) кишиларнинг афзаллари эзгу қонунлар кашф  
қилдилар.

Бу вақтда ҳам ким әзгу киши деб аталса,  
Аввал ўшалар әзгуларга бош бўладилар.

Кимда-ким билимга яқин доно бег бўлса,  
Билимли кишиларни ўзига яқин қиласди.

Қўл урган ишига қараб ишлайди,  
Билимни ишга солиб, халқни бошлайди...

Жаҳонда билимдан қадрлироқ нима бор,  
Билимсиз деса — бу, киши учун хунук ҳақорат.

Билимли киши нима дейди, эшитгин,  
Жаҳонда (барча нарсаларни) синаган, ёши етилган (киши):

Билимсизга тўрда ўрин бўлса, кўргин,  
Бу тўр пойга саналади, пойга эса тўр ҳисобланади.

Агар донога пойгадан ўрин тегса,  
Бу пойга тўрдан ҳам тўрроқ бўлади.

Бу ҳурмат фақат билим туфайлидир,  
Дунёнинг эшиги хоҳ тўрда, хоҳ пойгакда бўлсин.

Асл киши(лар) икки турлидир, кўргин,  
Бири — бег, бири — доно, кишилар боши...

Билими — буюк, хунар(лари) — талай.  
Билимли, заковатли, халқ орасида сараси...

Жаҳонгирга минг туман санъат — шижаот керак,  
Унга таянса ва элдан тумани (зулматни) кўтарса.

Қилич урса, ёв бўйнини янчса,  
Адолатли сиёsat билан эли ва халқини тузса.

## **БИЛИМ, ЎҚУВ-ИДРОК ФАРҚИНИ, НАФИНИ АЙТАДИ**

Тилагим сўз эди, эй, билағон доно,  
Ўқув-идрок, билим ҳақида сўзлашим шарт бўлган.

Ўқув-идрок зулмат тунидаги машъал кабидир,  
Билим сенга нур сочган рўшноликдир.

Ўқув-идрок билан киши юксалади, билим билан улғаяди,  
Бу икки(си) туфайли эр қадр-қиммат қозонади...

Кичик ўғлонга қарагин, уқув-идрокка доим,  
Ёши етмагунча қалам юрмайди...

Уқув-идроксиз қандай бўлали, десанг  
Уқув-идроксиз киши бебаҳра бўлади.

Қадр-қиммат, стуклик билим туфайлидир,  
Уқув-идроксиз киши бир ҳовуч (нарса) каби енгилдир.

Боқиб кўрилса, бу барчаси дуруст,  
Уқув-идрокли, билимлининг асли яхшидир, кўр.

Кимда уқув-идрок бўлса, у асил бўлали,  
Қайси бир кишида билим бўлса, у беглик қозонади.

Қора ер юзида инсон зоти қўл  
Кўтарди, барча нарсаларга билимни ишга солди.

Уқув-идрок туфайли киши асил аталади,  
Беглар эл ишини билим билан битиради.

Туман минг турли санъати, талай мақтов (га лойиқ ишлар)ни,  
Уқув-идрок билан иш кўрганлари учун (ҳам қилдилар) қўлга  
киритдилар.

Уқув-идрок озини оз дема, (унинг) нафи кўпдир,  
Билим озини оз дема, (у) киши учун қимматлидир...

Билим—кимё каби, у жам бўлиб туради,  
У заковат ўрдасидир, доим уюлиб туради.

Ипор<sup>1</sup> ва билим бир-бирига ўхшаш нарсалардир,  
(Уни) ўзидан бўлаклардан беркитиб, яшириб сақласа бўлмайди.

Чунки сен ипор яширсанг, унинг ҳиди ошкора қилади,  
Билим яширсанг-чи, тилинг уни (улашади) намойиш қилади.

Билим қашшоқ қилмовчи (битмас-туганмас) бир бойликдир.  
Ўгри, айёр қўл уриб, уни ҳеч ола олмайди.

Билим ҳам заковат киши учун гўё бир кишандир,  
Кишанли эса ортиқ яроқсиз (ишларга) бора олмайди....

---

<sup>1</sup> Ипор — хушбўй нарсаларнинг ҳиди.

Заковат сен учун эзгу онтли дўстдир,  
Билим сен учун ўта меҳрибон қариндошdir.

Билимсизга билгандари, қилмишлари ёвдир,  
Бошқа бўлмаса ҳам, шу икки ёвнинг ўзи кифоядир.

Туркчада бунга ўхшайдиган масал мавжуд,  
Сен бу масални уққин, кўнгилга ва миянгга жойла:

«Заковатли киши учун заковат старли эшdir.  
Билимсиз кишининг оти фақат таҳқирга лойикдир.

Билимлига унинг билими тугал кийим ва емишdir,  
Билимсизнинг қилмиши унга ёвуз (ниятли) қўлдошdir».

(Эй) заковатли яхши киши, ғазабни ўзингдан йироқ тут,  
Эй, билимли киши, қаҳр қилма, номингни эзгу қил.

Бу иккиси (ғазаб ва қаҳр) билан шошилиб иш кўрма,  
Агар (шундай) қилсанг, тирикчиликни бехуда қиласан.

Ғазабли киши доим ўқинчли бўлади,  
Киши ишда қаҳр қилса, у адашади.

Эр кишига вазминлик даркор, унинг қилмишлари тўғри  
бўлиши керак,  
Кун, ой чиққанидаги каби эр киши учун рўшнолик лозим.  
Киши мулоийим ва хушфөъли.  
Заковатли ва билимли бўлиши керак.

Киши заковатли бўлиши керак, токи билимни яхши  
танлай билса,  
У билимли бўлиши керак, токи ишларни яхши битира олса...

Қаҳр билан ғазаб киши учун ёвуз душманидир.  
Бу иккаласи билан жон доим азият чекади.

Билағон, доно бег нима дейди, эшитгин,  
Бу сўзга амал қил, эй қизил юзли:

«Қаҳрли бўлса, одам билимсиз бўлади.  
Агар ғазаб келса, кишини заковатдан маҳрум қилади.

Жаҳолат кишига душман, (у) ақлдан оздиради,  
Агар хулқи гўзал киши ғазабга кирса, пасткашлик қилади».

Билимли киши нима дейди, эшитгин,  
Билимли киши сўзи чиндан ҳам севик жон тенгидир.

Кўргин, бу бир қатор нарсалар кишига душмандир,  
Одам буларга ўрганса, ўзи бузилади.

Булардан бири — бу, тил ёлғони,  
Булардан бошқаси — сўзнинг устидан чиқмаслик.

Учинчи яна бири — севиб ичимлик ичса,  
Шубҳасиз, бўлар иш бўлади, (умр) бутунлай зое кетади.

Яна бири эр киши учун қилмишнинг (ҳаддидан) ортиқлигидир,  
Бу (ҳаддидан) ортиқ қилмишли кишининг севинчи бўлмайди.

Яна бир ярамас нарса — бу тубан хулқилик,  
Одамлар уйида бу (пасткашлик) тутин қўпоради.

Яна бир — тил ёмонлик, доимий дарғазаблик,  
Ундан киши сўкса, (дашномга) тил очса, одамни ўлдиради.

Бу бир қатор нарсалар бири иккинчиси билан бирикса,  
Ундан (яъни ундан кишидан) муқаддас баҳт йироқлашади..

Энди хулқи хуш киши нима дейди, эшитгин,  
Синаб, тушуниб элга қўл узатган (киши):

Неча яшамасин, бу эзгулик қаримайди,  
Ёмонлик, уни қанчалик эъзозлаган билан, азиз бўлмайди.

Ёмоннинг ёши қисқа, у ўқинч билан қарийди,  
Эзгунинг ёши узун, у доим ўқинчсиз юради.

Эзгу — кунда янги-янги тилакларини топади,  
Ёмоннинг мунги кунда юз ҳисса ортади...

### ОЙТЎЛДИНИНГ ЭЛИГТА САВОЛИ:

- Эзгу кишининг гўзал қиликлари қандай бўлади?
- Эзгу (киши) ким, унинг ўзи қандай бўлади?

### ЭЛИГНИНГ ОЙТЎЛДИГА ЖАВОБИ

Элиг айтди: «Эзгу шундай кишики, унинг қилиш-қилмишлари,  
рафтори,  
Халққа нафи баробарила фойда берадиган бўлади.

Барча халққа фақат яхшилик қиласди,  
Унинг эвазига яна кишилардан мукофот кутмайди.

Ўз фойдасини кўзламайди, кишиларга фойда келтиради,  
Бу фойдасидан ўзи учун эваз миннат қилмайди».

### ОЙТЎЛДИНИНГ ЭЛИГГА САВОЛИ:

Ойтўлди яна айтди: «Бу сўзларни тушундим,  
Яна бир тилагимни сендан сўрайман.

Менга тўғрилик ҳақида сўзла, тўғрилик қандай бўлади?  
Токи инсон у туфайли рўшноликка чиқса.

Тўғрилик йўли деб қандай (йўлни) айтадилар,  
Тўғриликнинг пояси (асоси) қанақа бўлади?»

### ЭЛИГНИНГ ОЙТЎЛДИГА ЖАВОБИ

Элиг айтди: «Эзгу (кишилар) икки турлидир,  
Булардан бири чин ва яхши йўл тутувчилардир.

Яна бир хил яхши бўладики, онадан туғилиб,  
Тўғри ва рост (йўлда) юради, доим яхши бўлади.

Яхшиларнинг яна бири, кўргин, ўткинчи бўлади,  
Ёмонга аралашса, у ҳам ёмон (ишлар) қиласди.

Ёмон (кишилар) ҳам икки турли бўлади, кўргин,  
Иккаласини бир ҳисоблаб ёмонга санама.

Булардан бири туғма ёмондир, кўргин,  
Бундай киши ўлмагунча унинг кири (нуқсони) аримайди.

Яна бири ёмон — бу ўткинчидир,  
Унинг жўралари соз бўлса, у ҳам тўғри йўлга киради.

Туғма яхши кишидан пайваста яхшилик келади,  
Жаҳон халқи ундан манфаат топади.

Туғма ёмон бўлса, унга даво йўқ,  
У жаҳонга бир бало ва халқ учун бир офат.

Бунга ўхшатиб туркча масал айтилган,  
Сен буни эшитгин, уқиб, уни ўзингга олгин.

Яхши қилиқ оқ сут билан кирса,  
Ўлим келиб тутмагунча ўз тарзини ўзгартирмайди.

Мижозга аралашиб яратилган қилиқ,  
Үлим бузмагунча асло бузилмайди.

Қоринда вужуд бўлган қилиқ, одат,  
Қора ер қатида кетади, эй, тстик.

Агар яхшининг ёмоидан жўраси бўлса,  
Яхшининг қилиқлари ҳам ёмон жўра тенгида ёмон бўлади.

Яхши била туриб ёмон билан қўшилса,  
Тамоми яхшиликлар учун бу бир йўл бўлади.

Яна бир сабаб шуки, кўргин, яхши билан ёмон  
Яқинлик туфайлидан изини (йўлини) тўғрилайди.

Агар беги яхши бўлса, барча халқи соз бўлади,  
Унинг қилиқлари яхши, феълу рафтори гўзал бўлади.

Кўргин, беглар эзгу кишиларни ўзига яқин тутса,  
Барча ёмонлар ҳам ишни яхши қиласди.

Бегларга ёмонлар яқин бўлса,  
Ёмонларнинг қўли эл устидан баланд бўлади...

Агар халқнинг бошчиси яхши бўлсалар,  
Унинг хизматчилиари барчаси яхши бўлади...»

### **СЎЗЛАМОҚ ЯХШИРОҚМИ ЁКИ СЎЗЛАМАЙ ЖИМ ТУРМОҚ (ЯХШИРОҚМИ) ЭКАНЛИГИНИ АЙТАДИ**

Бошим омон бўлсин десанг, тилингни эҳтиёт қил,  
Тилинг истаган бир кунда бошингни сайди...

Ахир киши икки турли бўлади, билгин,  
Бири — нодон, яна бири — лол.

Лолнинг тили ўзи табиатан берк, у сўйлай олмайди,  
Нодоннинг тили эса сўзни яшира олмайди.

Нодоннинг тили доим берк бўлиши керак,  
Билимлининг тили сўзга эркин бўлиши керак.

Билимлининг сўзлари ер учун сув кабидир,  
Сувни оқизилса, ерда анвойи неъматлар унади.

Билимли кишининг овозаси камаймайди,  
Оқувчи зилол булоқнинг суви камаймайди.

Донолар чим (күк) ўсадиган сероб ер каби бўладилар,  
Унинг қаерига аёқ урилса, сув чиқади.

Нодон киши кўнгли қум (чўл) каби бўлади,  
Емиш, ўт ўсиши у ёқда турсин, унга дарё оқиб кирса ҳам  
тўлмайди...

Агар киши сўзлаши керак бўлса, аввал ундан сўз сўралган  
бўлиши керак.  
Агар сўзламаса, у киши сўзни ниҳоятда сир тутиши керак...

## ОЙТЎЛДИ ЎҒЛИ ЎГДУЛМИШГА ПАНД БЕРИШИНИ АЙТАДИ

Болага отанинг меҳнати сингган бўлса,  
Сўнг у боланинг хулқ-атворида билинади.

(Ота) болани назоратда тутса, у яхши, эзгу бўлади,  
Отаси ва онасининг юзи ёруғ бўлади.

Агар бола назоратсиз бўлса,  
У ярамас, бехуда бўлади, ундай боладан умидингни уз.

Ота болани доно ва идрокли қилиб тарбияламоқчи бўлса,  
Уни доим назоратда тутиши керак, бунинг тадбири шу  
(ёзилган нарса)

Болали киши нима дейди, эшитгин,  
Ёши етилган ва бошидан ўтказган киши.

Кимнинг ўғил-қизи эрка бўлса,  
Унга шу кишининг ўзи мунгли бўлиб йифлайди.

Ота болани кичиклигидан бебош қилиб қўйса,  
Болада гуноҳ йўқ, барча жафо отанинг ўзида.

Ўғил-қизнинг хулқ-атвори ярамас бўлса,  
Бу ярамас ишни ота қилган бўлади, ундан бошқа эмас.

Ота болани назорат қилиб, (турли ҳунарларга) ўргатиб ўстирса,  
(Улар) улғайгач ўғил-қизим (бор), деб севинади.

Болани назоратда сақла, (эй) ота бўлғувчи,  
Токи кейин сенга кулувчилар кулмасин.

Ўғил-қизга ҳунар ва билим ўргатиш керак,  
Токи бу ҳунарлар билан феълу атвори гўзал бўлсин...

## ОЙТҮЛДИ ЎГДУЛМИШГА НАСИХАТ КИЛИШИНИ АЙТАДИ

Феъл-авторингни түгри тут, ўзингдан кетма,  
Кўнгил, тилингни кичик тут, сўзингда ҳаво қилма.

Бу дунё—давлат учун ўзингни ўтга отма,  
Киши нарсаларини (тортиб) олма, зўравонлик қилма.

Тўғри бўл, феъл-авторингни тугал тут,  
Севинч деган нарса тўғриликка боғлиқдир.

Феъл-автори тўғри киши нима дейди, эшитгин,  
Тўғри феъл-авторли кишига икки дунё насиб бўлади.

Киши ўз кунининг фарофатли бўлишини истаса,  
Фарофат ва эминликни тўғриликтан қидирсин.

Ўзинг албатта бег бўлайин десанг,  
Бу сенга тўғрилик туфайли насиб бўлади...

Фақат яхшилик қил, ёмон (иш)дан узоқ бўл,  
Сен ўлтирган ерингга фақат яхшилиқ келади.

Ёмон ишга яқинлашма, сенга зиён қилади,  
Ёмонлик — илондир, у сени чақади, кўргин.  
Ичимлик ичма, тубанларга аралашмай юр,  
Эмин юр, ўзинг эзгу бўласан.

Бу икки хулқдан муқаддас қут қочади.  
У киши учун қашшоқлик эшигини очади.

Икки турли кишига сўз сўзлама,  
Сўзинг (ҳамма ерга) ёйлади ҳамда сиринг очилади.

Сўз ташувчи кишини ўзингга яқинлаштирма,  
Кўрган-билганини бутун элга ёяди.

Синалган, танилган кишини маҳкам тут,  
Ундан сенга туман минг манфаат етади.

Ҳар қанақа сўзни ҳам тингла, лекин тезда ишонма,  
Кўнгилдаги сирингни очма, қаттиқ ва маҳкам тут.

Кишига ҳасад қилма, ўзингни яхши тут,  
Бу икки қилиқдан доим ғам-ташвиш келади...

Уятсиз кишидан зинҳор йироқ тур,  
Уятлиларга мендан минг-минг олқишилар бўлсин.

Барча ишда ҳам шошилма, сабрли бўл, ўйлаб кўр,  
Сабрли кишилар орзуга етади.

Қачон қаҳринг келса, ўзингни тут, сабрли бўл,  
Сабрли кишининг севинчи олдида...

Киши сабр қилса, ўз тилагини топади,  
Сабр қилиб тургувчи киши оққуш тутади.

Тилингдан ёлғон сўзингни чиқарма,  
Шу ёлғон сўзгина дарҳол қадрингни тўқади.

Қариндошларга, яқинларга яқинлик қил,  
Улуғга ва кичикка кулиб боқувчи очиқ чехрали бўл...

### ОЙТЎЛДИ ЭЛИГГА НАСИҲАТНОМА ЁЗИБ ҚОЛДИРИШИНИ АЙТАДИ

Мана, мен ўлиб кетаётирман, эй, бахтиёр Элиг,  
Менинг ўғлим — бағримнинг ўти қолиб кетаётир.

Уни ёлвориб Худога топширдим.  
Хоҳласа уни ёнар ўт орасида ҳам асрайди.  
Сендан ҳожатим шуки, уни кузатиб тур,  
Ташлаб қўйма, ярамаслар қаторига киради.

Тангри барча нарсаларга сабаб яратади,  
Барча яхши ёмои (ишлар) унга (яъни, у сабабга) боғлиқдир.

Ўғил ва қизнинг сабаби ота ва онадир,  
Уларнинг хулқи бузилса ёки яна қайтадан яхшиланса  
(улар унга сабаб).

Агар сенда хизматимнинг ҳақи бор бўлса,  
Сен сабаб бўл ва уни (ўғлимни) яхший йўлга унда.

Кузатиб қараб турма, унга ҳунар-илм ўргатгин,  
Билим, ҳунар туфайли элга қўл топсин (яъни бош бўлсин)

Хулқи ёқимли бўлсин, йўл-йўриқлари тузилсин,  
Хизматга ярасин, ўз оладиганларини олсин.

Бехуда ва бўш қўйма, йифиб, тергаб тут,  
Тергаб тутилса, сўнг бола бахт топади.

Үғил-қиз кичиклигидан нимани ўрганса,  
То қарип ўлмагунча уни унутмайды.

Улгайган қари (киши) нима дейди, эшитгин,  
Синаган, уққан ҳамда билиб сўзлаган киши:

Кичик экан ўғилга билим ўргат,  
Кичикликда билим ўрганса, қўли баланд бўлади.

Аяма, ўғил-қизга калтак едириб тур,  
Калтак ўғил-қизга билим (адаб) ўргатади...

## ЎГИТЛАР

Фийбатчи кишига аралашма, узоқлаш,  
Фийбатчи киши тилида ўт ёнади, кўр.

Дунё фисқу фасодлари фийбатчидан чиқади,  
Фийбатчининг бошини кес, эй мардонавор сахий.

Яна тамагир билан яқин бўлма,  
Шубҳасиз, у сенга душман бўлади.

Агар (бирор) тамаси бўлса, бу тамагир,  
Сени ини ёки ака деб атайди.

Агар (тамаси) бўлмаса, у юзини ўгиради,  
Тугилиб кўрмагандек, ўзини узоқлаштиради.

Тамасиз ёру биродар ва дўст тутин,  
Сен уларга инонгин (ва) қайғусиз яшагин.

Ёру биродарлар, жўралар севинч ва қайғуда,  
Яхшилик (ва) ёмонлик (кунлар)да кишининг кунига ярайди...

Одамлардан сарасини, яхшисини ошно тут.  
(Кимнинг) дўсту оғайнилари ярамас бўлса, кейин ўкинади.

Яқин тутиш учун сара киши истасанг,  
Тилакни топиш учун, улар икки турлидир.

Бири — асл, эзгу кишиларнинг сараси.  
(Агар бундай одам) топилса, дўст тут, эй, мардлар сарвари.

Яна бири — андишали, Худони биладиган.  
У — (асл) одамдир, одамгарчилик ўшандан келади.  
  
Яқинликни шу икки киши билан тут.  
Булардан сенга эзгу эваз етади.

Ёмонлик билан машхур бўлган кишидан йироқлаш,  
Бу янглиф кишиларнинг қилиғи қора бўлади...

Ёмонга аралашма, эй, эзгу киши,  
Хулқинг у баробарида ёмон бўлади.

Дўст тутмоқ осон, риоя қилмоғи қийин,  
Душман бўлмоқ осон, ярашмоғи қийин...

## ДОНО ОЛИМЛАР БИЛАП АРАЛАШИШИИ ЎРГАТАДИ

Тагин бир тоифаси доно олимлардир,  
Уларнинг илми халқقا йўл ёритувчи (нарса)дир.

Уларни қаттиқ сев, сўзларини қадрла,  
Кўпми ёки озми (уларнинг) билимларини ўрган.

Улардир ярайдиган ё ярамайдиган (нарсаларни),  
Тушуниб, айириб, тўғри, пок йўл тутадиган (кишилар).

Булар ҳақиқат бўйининг тирговичидирлар,  
Уларнинг билими чиндан шариат негизидир.

Оламда бу олим, донолар бўлмаганила,  
Ерда смиш экилиб унмаган бўлар эди.

Уларнинг илми халқча машъял бўлди,  
Машъял ёриса, тунда йўлдан адашилмайди.

Ҳузурингда ширин сўз ила баҳра кўрсат,  
Овқат, хўрак едиргин, кулиб таъзим қил.

Тилинг билан койима, аччиқ ганирма, андешали бўлгин,  
Уларнинг вужуди бир саноч<sup>1</sup> оғу (каби)дир.

Илм(ларини) эшит, ишлат, ишларини таъқиб қилма,  
Ё хулқини, феъл-авторини ёмон дема,

Булар билан аралашгин, яхши (муносабатда) бўл,  
Икки олам сенга доим баҳт (эшигини) очади.

Булардан ташқари бошқа қанча табақалар бордир,  
Назар солинса, билимлари бир-бирининг билимидан ўзгача.

<sup>1</sup> Саноч — суюқликлар сақлаш учун маҳсус равишда теридан қилинган идиш, меш.

## ТАБИБЛАР БИЛАН АРАЛАШИШНИ АЙТАДИ

Улардан бири табиб(лар)дир,  
Хамма касаллик, рух оғирлигига улар эмчи<sup>1</sup>дирлар.

Бу кишилар ҳам сен учун ксраклидиirlар,  
Тириклик иши у(лар)сиз ўнгланмайди.

Тирик бўлса одам албатта касалланади,  
Касалини эмчи кўрса, дори билан даволайди...

## ХОТИННИНГ ҚАНАҚАСИНИ ОЛМОҚЛИКНИ АЙТАДИ

Агар ўзинг хотин олмоқликни истасанг.  
Сарасини иста, кўзингни жуда ўткир қил.

Асли, уруғи ҳамда тариги (яъни зоти) яхши бўлсин,  
Уятли, андишали, покизасини истагин.

(Ўбдан) ўйла, қўл тегмаган уй қизини ол,  
Сендан бўлак эр юзини кўрмаган (бўлсин).  
(Фақат) сени севади, сендан бўлакни билмайди,  
Ярамас ёки ножўя қилиқ содир бўлмайди.

Хотин олсанг, ўзингдан қуи (ва) тўғрисини ол,  
Сен даврон кун(лар)ини севинчда ўтказсан.

Юзи чиройини истама, хулқи яххисини иста,  
Феъл-автори яхши бўлса, сенинг юзингни ёритади.

(Аввало) хотин олма, олсанг, ўзингга муносабини  
Олгин, сен, эй, режали мардларнинг марди...

Ким хотин олайин деса, тўрут (тоифа)дан ташқари,  
Бошқа (тоифа) хотин олмайди, эй, кишилар орасида сарвари.

(Баъзи) бир яхши(лар) зўр иштиёқ билан бой хотин истайди  
(лар),  
Яна (баъзи) бир(лар)и кўз тикиб чиройлигини истайди(лар).

Тагин баъзи бирлари уруғли, теги асл(лар)ини сўроқлайдилар,  
(Улар) уруғлик номига учадиган бўладилар.

---

<sup>1</sup> Эмчи – эми-дими, дуо, қоқиқ-суқуқлар билан даволовчи табиб.

Тагин (баъзи) бир(лар)и фаросатли, андишалисини истайдилар,  
Уни топса(лар), дарҳол унга ўз(лар)ини улади(лар).

Булардан энг афзалини сенга айтайнин,  
Хотин оладиган бўлсанг, менга қулоқ сол.

Агар яхши, андишали аёл топишга муюссар бўлсанг,  
Бой берма, (дарҳол) олгин, эй, эзгу киши...

Феъл-автори тўғри бўлса, (жуда) муносиб бўлади,  
Хотин чиройи — хулқдир, (буни) билган билади.

Андишали, покиза бўлса, (ундай киши) асл бўлади,  
У (юқоридаги уч нарса) бу ерда (яъни унда) жам бўлади.

Сен хотиннинг андишали-ақллисини иста, эй, доно,  
Андишали-ақдли (хотин) топилса (юқорида айтилган), тўрталаси  
жам бўлади.

### **ЎГИЛ-ҚИЗ ТУҒИЛСА, УЛАРНИ ҚАНДАЙ ТАРБИЯЛАШНИ АЙТАДИ**

Сенинг ўғил-қизинг бунёдга келса, эй, олий насаб,  
Уйингда тарбиялагин, бошқа ерда тарбиялама.

Мураббийни яхши кишилардан олгин,  
Ўғил-қизинг пок ўсади, (номатлуб ишлардан) фориғ туради.

Ўғил-қизга билим ҳам одоб ўргат,  
Икки олам уники, унинг манфаати етарли бўлади...

Ўғилга барча санъат-хунарларни тугал ўргат,  
Бу санъат-хунарлар билан у мол-дунё йиға беради.

Ўғилни тергаб тур, бебош (ва) беҳуда қўйма,  
(У) бефойда (ва )бебош бўлади, шошиб (бекорга) югуради.

Қизни уйда узоқ эрсизликда сақлама,  
Ўзинг касалланмасдан аттанг билан ўласан...

Сен хотинни қадрли тут, нима сўраса муҳайё қил,  
Унинг эшигини маҳкамла, эркакни йироқ тут...



## **Аҳмад Яссавий**

(1041—1166)



Хожа Аҳмад Яссавий (Ясси яқинилаги Сайрам ш., тах. XI асрининг I ярми — 1166—67 й.) Сайрам шаҳрида Шайх Иброҳим ота ва Мусо Шайх қизи Ойша хотун оиласида таваллуд топган. Сайрам туркий халқларнинг тараққий этган илм-фан ва маданият марказларидан бири эди. Бўлажак Султон ул-орифин Аҳмад Яссавийнинг туғилган жойларини аниқ тайин қилишда «Сайрам» рисоласидаги ушбу тўртлик фоят муҳим аҳамиятга эгадир. Жумладан, унда шундай мисраларни ўқиймиз:

Асли Сайрам Туркистон,  
Хожа Аҳмад бундан чиққан,  
Яссида ватан тутган,  
Шаҳри Сайрам эмасму!?

Бу сатрлар бундан минг йиллар муқалдам битилганини эътиборга олсақ, бу ерда ўз вақтида тўрт юз масжид, мадраса каби маърифат масканлари юзлаб олиму фозилларни вояга етказганлигига шубҳа қилмаймиз. Мўътабар китобларнинг берган маълумотларига қараганча, у ердан Куръони Каримни тафсир қилган Қози Байзовий, ўтгиздан ортиқ китоблар ёзган Лутфулла Сарёмий каби ўйлаб илм-маърифат аҳллари етишиб чиққан.

Ёш Аҳмад шу тупроқда камол топган, илк маълумотини волидаи меҳрибон онаси — Ойша хотундан олиб, хат-саводи чиққач, Шаҳобиддин Исфижобий кўлида таҳсилни давом эттириди.

Мираҳмад Мирхолдор ўғлининг «Хожа Аҳмад Яссавий» (Чимкент, 1992) рисоласида келтирган ривоят ва маълумотларига қараганда, Аҳмад мактабда ўзининг ўтқир зеҳни, Куръон оятлари, ҳадисларни қалбига жо қилишдаги истеъоди билан ўз тенгдошлидан ажralиб турган. Навбатдаги сабоқлардан бири тугагач, устозлари Шаҳобиддин Исфижобий талабаларга «Ҳар бирингиз кейинги дарсга бир хўрз ёки товуқни Оллоҳ таоло кўрмайдиган жойда «бисмил» қилиб, (яъни сўйиб) келинглар», деб топшириқ беради. Эртасига ҳамма болалар устоз айтганларини қилиб келса, Аҳмад бир хўрзни тириклайн олиб келади.

— Устоз, узр, мен хўрозди «бисмил» қила олмадим. Қаерга яшириб сўймоқчи бўлсам, Тангри кўриб турар эди.

— Баракалла, офарин, деб устоз ёш шогирдининг мустаҳкам имон-эътиқоди учун пешонасидан ўпид алқайдилар. Устоз ёш шогирди Аҳмаднинг хулқ-одобига ҳам оғаринлар айтарди.

1048 йилда отаси вафот этгач, ёш Аҳмад таълим-тарбиясига онаси Ойша хотун катта эътибор билан қарайди. Аҳмад Яссавий шажара жиҳатдан Муҳаммад Пайғамбарнинг күёви бўлмиш Ҳазрат Алининг Ҳанифа исмли аёлидан туғилган Муҳаммад Ҳанафийнинг авлодларига бориб туташғанлиги учун унинг номига Ҳожа нисбати қўшилиб, Ҳожа Аҳмад деб юритилган.

Ҳожа Аҳмад Арслонбоб ва Сайрамдаги етук олимлардан диний-илоҳий билимлар билан бир қаторда, турли дунёвий билимлардан ҳам сабоқ олган. Ёш Аҳмад доимо Муҳаммад пайғамбарнинг «*Илм эгалланг! Илм саҳросида — дўст, ҳаёт йўлларида — йўлдош, баҳтиёр дақиқаларда — раҳбар, қайғули онларда—мададкор, одамлар орасида — зебу зийнат, душманларга қарши курашда қуролдир*» деган сўзларини такрорлаб юрарди. Шу ўғитлар таъсири билан ўша даврнинг илм-маърифат марказларидан Бухоройи шарифда алломаи замон Юсуф Абу Якуб Ҳамадоний (1048, Ҳамадоннинг Бузанжирд қишлоғи — 1141, Афғонистоннинг Бомиён шаҳри) — тасаввуфнинг йирик намояндаси, олим ҳазратлари қўлида илм ола бошлайди. Бир неча йиллик тинимсиз ўқиб-ўрганиши натижасида устози олдида унинг эътибори кўтарилди, ҳамкаслари олдида обрўйи ощи. Орадан маълум фурсат ўтиб, устоз Юсуф Ҳамадоний вафот этгач, унинг устозлиқ ишини давом эттириб, тасаввуф илмидан толиби илмларга сабоқ беради. Муносиб шогирдлар етиштиргач, ўзи Туркистон заминининг Ўтрор шаҳри яқинидаги Ясси шаҳрига келиб, ҳалқ орасида исломий сътиқод, маърифат нурларини кенг ёя бошлайди. Оилали бўлиб, ўғил фарзанд кўради, унга Шайхзода Иброҳим деб исм қўядилар. Аммо бегуноҳ Шайхзода бераҳм рақиблари — жоҳил кимсалар қўлида курбон бўлади. Яссавийнинг қизи Гавҳар Ҳуштариини Хўжа Вали Сулаймоннинг ўғлига никоҳлаб берадилар. Ҳожа Аҳмаднинг тоғалари — Латиф ота ва Мустафоқули ота ҳам ҳалқ орасида шайхлик билан ҳақиқатни, исломий адолат ва инсоф-диёнатни кенг тарғиб қилади.

Ҳожа Аҳмад Яссавий ҳаёти, вафот этган йиллари ҳақида турлича маълумотлар мавжуд. Жумладан, мавлоно Ҳусомиддин Сифноқий «Ҳожа Аҳмад Яссавий 130 йил умр кўрган» деб ёзади. Айрим маълумотларга қараганда, у зоти шариф Пайғамбаримиз Муҳаммад алайҳиссаломга эътиқод юзасидан 63 ёшга кирганда ер тубида, форда яшаб ҳаёт кечирганлар. Лекин у ерда неча йил яшаганлари аниқ маълум эмас. Аммо ўзларининг ҳикматларида ёзилишича, 125 ёшга кирганлари ҳақида маълумот берилган. Шу ёшда ҳам тетик бўлиб, ҳикмат мисраларини битган.

Хулоса қилиб айтиш мумкинки, Аҳмад Яссавий тахминан 125—130 ёшлар орасида, яъни 1166 йилда Яссида оламдан ўтган. Улуғ бобомиз Жаҳонгир Амир Темур 1395—1397 йилларда унинг кичик қабри устига улуғвор бино қурдирган бўлиб, у ҳамон ўзининг салобати, кўркамлиги билан зиёратчиларни мафтун қилиб келмоқда.

Аҳмад Яссавийнинг ҳаёти ва фаолиятини ўрганиши борасида атоқли турк олими Мөхмәт Фуод Кўпрулузода, профессор Абдурауф Фитрат, В. Зоҳидов, Н. Маллаев, Эргаш Рустамов, С. Эркинов, Б. Қосимов, М. Мирхолдоров каби олимлар маълум ютуқларни қўлга киритдилар.

Шоирнинг Яссавий тахаллуси билан қолдирган адабий мероси асосан тўртликлардан иборат. Шунингдек, унинг адабий меросида айрим ғазал ва маснавийлар ҳам мавжуд. Аҳмад Яссавий адабий меросининг аниқ ҳажми маълум эмас. Шоирнинг ўзи бир ўринда шундай ёзган:

Кул Хожа Аҳмад ҳар бир сўзинг дардга дармон,  
Толибларга баён қилсан қолмас армон.

Тўрт минг тўрт юз ҳикмат айдим ҳақидин фармон,  
Фармон бўлса, ўлғунча сўзласам ман.

Мазкур шеърнинг ғоявий йўналиши тасаввуфона бўлиб, кишиларни бу дунёда пок, ҳалол, беозор, етим-ғарибларга меҳр-шафқатли бўлиб яшашга даъват қилишдан иборат. Бу йўлда инсонларни турли ножӯя йўлларга бошловчи нафсни жиловлашга чақиради.

Хожа Аҳмад бир шеърида «*Мени ҳикматларим кони ҳадисдур*» деб ёзади, яъни унинг ҳикматлари мазмунини оят, ҳадислардаги эзгу фикрлар ташкил этади. У қатор ҳикматларида кишиларни етим-есир, ғарибларга меҳр-шафқатли бўлишга чақиради:

Етимни кўрсангиз оғритмангизлар,  
Ғарипни кўрсангиз доғ этмангизлар.

Аҳмад Яссавийнинг ғариб, етимларга меҳрибонлик билан қараши, айримлар ёзганидек, у «йўқсил» лар шоири эмас, балки тасаввуф маслагининг йирик вакили сифатида қалбни, дилни покликка даъват қилувчи шоирдир.

Унинг дурдона ҳикматлари меҳнаткашларнинг қалбига фақат нур олиб келмай, шоир меросидан кўп асрлик туркийзабон ҳалқлар орасидан етишиб чиққан қаламкашлар ҳам баҳраманд бўлиб, унинг ҳалқчил ғоя, содда ва равон услубини ривожлантиришга ҳаракат қилганлар. Бу ҳол, айниқса, унинг шогирди Сулаймон Боқирғоний,

XIII аср Озарбайжон адабиётида илк бор ўз она тилида шеър ёзган Ҳабибий, Алишер Навоий, Машраб, Сўфи Оллоёр, Ҳазиний каби ўнлаб шоирлар ижодида кўзга яққол ташланади. Алишер Навоий ўзининг «Насойим ул-муҳаббат» номли асарида ёзади: «*Хожа Аҳмад Яссавий — Туркистон мулкининг шайхул машоийхидур. Мақомати олий ва машҳур, каромати ма-таволий (ҳайратланарли) ва номаҳсур (чегарасиз) эрмииш. Имом Юсуф Ҳамадонийнинг аслоби динидур. Ва унинг мозори Туркистонда, Ясси деган ердаки, аниг мавлид ва маншаидур воқе бўлубтур ва Туркистон аҳлиниң қибласи дуосидир*».

Аҳмад Яссавийнинг кўп қиррали, маълум маънода мураккаб ҳаёти ва ижодий фаолияти туркӣ ҳалқлар адабиётининг пешвоси сифатида Энасойдан тортиб Қирғизистонгача бўлган ҳалқларнинг маънавий камолотида ҳали кўп замонлар ардоқ билан ўқиб ўрганилади.

## АҲМАД ЯССАВИЙ ИЖОДИДАН НАМУНАЛАР

Муршиидларни хизматини қил ихтиёр,  
Ўзлигимдин йўлга кирдим дема зинҳор.  
Яхши билсанг, тариқатни хатари бор,  
Қалб вазсиз ушбу йўлга кирманг, дўстлар.

Муршиидларга хизмат қилсанг нафсга офат,  
Тегма нодон, бу йўлларда қилмас тоқат.  
Содиқ қуллар бу йўлларни билурроҳат,  
Тирик ўлмай дийдор орзу қилманг, дўстлар.

Маърифатнинг бўйтонида жонин бургон,  
Муҳаббатнинг майдонида бош ўйноғон,  
Ҳақиқатнинг дарёсидин гавҳар олғон,  
Фаввос янглиғ ул дарёдин чиқмас бўлур.

Эй, мўминлар, тоат қилиб таянмангиз,  
Амонатдур, азиз жонга инонмангиз.  
Ҳаром-ҳариш йиғмиш молга қувонмангиз,  
Молларини қирши отлиғ йилон қилур.

Суннатларни маҳкам тутуб уммат бўлғил,  
Кеча-кундуз дуруд айтиб улфат бўлғил.  
Нафсни тефіб меҳнат етса роҳат бўлғил,  
Андоқ ошиқ икки кўзи гирён эрур.

Шариатни, тариқатни билай десанг,  
Тариқатни ҳақиқатта улай десанг,  
Бу дүнёдин дурры гұхар олай десанг,  
Жондин кечкан, хос қуллари улур эрмиш.

Мағруп бўлсанг, эй, дўстларим, ишрат этиб.  
Кеча-кундуз ёлғон айтиб, бехоб ётиб,  
Жон олғучи келур эрмиш бир кун етиб.  
Мундоғ ерда ғофил юрса бўлмас эрмиш.

Халқ ичинда руово юрар, ўзин билмас,  
Нодонларни суҳбатидин қочиб келмас,  
Ул сабабдин эранларни бўйи келмас,  
Кўзда ёшин наво қилиб юрар бўлғай.

Яхши янглиғ чўллараро қилғай ватан,  
Саҳроларда ҳамроҳлари зофу зағам,  
Ҳожат эрмас ошиқларга боғу чаман,  
Хизр, Илёс Ҳамроҳ келиб юрар бўлғай.

Ибрат олғил йўлға кирган мардонлардин,  
Жонни жонға пайванд қилиб юргонлардин,  
Йўлни сўраб йўлдин ёмон борғонлардин,  
Андоғ қуллар ҳолин бехоб, хароб этти.

Ошиқлари маломатдин қочмас бўлур,  
Нодонларга ботин сирин очмас бўлур,  
Ҳар номардга дурри гұхар сочмас бўлур,  
Ўзи ўқуб, хуни зардоб ютти бўлғай.

Қул Ҳожа Аҳмад, Ҳақ сўзини сўзлар мудом.  
Ҳақдин ўзга сўзлар борий эрмиш ҳаром,  
Рўзи қиласа ўрнинг бўлғай Доруссалом,  
Маърифатни дарёсиға ботти бўлғай.

\* \* \*

Бу оламда Ҳақдин қўрқуб зор инграсам,  
Охиратда руҳим ором олурмукин?  
Эранларни босқон изин кўзга сурсам,  
Пири муғон<sup>1</sup> мани йўлға солурмукин?

Бошим бериб, белим боғлаб қиласам ихлос,  
Нафси шайтон чангалидин бўлсам халос,

---

<sup>1</sup> Муғон — оташпарастлар.

Жон берарда мадад қылса Хизр, Илёс,  
Фавсул фиёс хатми ёсун қылурмукин?

Күлни йифиб, дарё ичра тошлотти.  
Зимистонда дарё тошиб, наъра тортти,  
Шаҳар халқи югурууб-елиб боши қотти.  
Жондин күркүб, дод, фарёд қилор эрмиш.

\* \* \*

Бешак билинг, бу дунё борча элдин ўтаро,  
Инонмагил молингга, бир кун қўлдин кетаро.  
Ото-оно, қариндош қаён кетти, фикр қил.  
Тўрт аёғлиг чўбин от бир кун санга етаро.

Дунё учун ғам ема, Ҳақдин ўзгани дема,  
Киши молини ема, сирот узра тутаро.  
Аҳли аёл, қариндош, ҳеч ким бўлмайдур йўлдош,  
Мардана бўл ғариб бош, умринг елдак ўтаро.

Қул Хожа Аҳмад тоат қил, умринг билмом неча йил,  
Аслинг билсанг, оби гил, яна гилга кетаро.  
Ҳамиша яхшилик қилғил, кетарсан ушбу дунёдин,  
Қиёмат оби рўйига керак хуну жигар қилсанг.

Кудрат бўлса юрингиз, куч бўлмаса турингиз,  
Дуо қила кўрунгиз, ризо бўлунг, дўстларим.  
Тилим сўрсам қарор йўқ, ғариб ўлса, сўрапар йўқ,  
Емишларда ҳалол йўқ, ризо бўлинг дўстларим.

\* \* \*

Аслим туфроқ, наслим туфроқ, барчадин хор,  
Босиб ўтсанг мурда жисмим қилғуси ор,  
Ким ор этса шайтон қавми, ҳавоси бор,  
Эшитиб, уқуб ерга кирди қул Хожа Аҳмад.

Банда бўлсанг меҳнат тортғил, ғофил одам,  
Оқил эрсанг ғаниматдур сенга шул дам,  
Амонатдур азиз жонинг юрма бегам,  
Эшитиб, уқуб ерга кирди қул Хожа Аҳмад.

Эсиз олим, амал қилмай йўлда қолур,  
Ўқув уқмай дунё молин қўлга олур,

Манманлиқдин, эсиз, умрин зоеъ қилур,  
Жону дилда Ҳақ зикрини айтинг, дўстлар.

Олим улдир намоз ўқур тоат қилса,  
Ҳақдин қўрқуб, охиратни ғамин еса,  
Куръон ўқуб, Ҳақдин қўрқуб зор инграса,  
Жону дилда Ҳақ зикрини айтинг, дўстлар.

Андоғ олим икки кўзи гирён бўлур,  
Саҳарлари эрта туруб нолон бўлур,  
Ишқ йўлида қуюб, ёниб бирён бўлур,  
Жону дилда Ҳақ зикрини айтинг, дўстлар.

Тариқатда турлук адаб билмагунча,  
Нафси бирла муҳориба қилмагунча,  
Ишқ йўлиға ўзни лойик этмагунча,  
Ҳақиқатни сирларини билса бўлмас.





## Аз-Замахшарий

(1075 — 1144)



Тарихга назар ташласак, марказлашганий йирик давлат сифатида ҳам, фан ва маданияти, адабиёт ва санъатининг ривожланиши даражаси жиҳатидан ҳам Хоразм бир умр жаҳонда машхур бўлганини ва белгили ўрни борлигини кузатамиз. Бизгача етиб келган «Авесто» да ва кейинги тарих саҳифаларида Хоразм (бу ном турли шаклларда бўлса-да) алоҳида эътибор билан тилга олинади.

Бу муқаддас ва мўътабар воҳада жуда кўп қомусий олимлар, муборак шоири донишмандлар туғилган, ўсган, камол топган. Улар ўз навбатида, ер куррасининг барча нуқталарида фан ва маданиятнинг гуркираб яшнашига, тараққиётига салмоқли таъсир ўтказгандар. Шул боис IX—XI асрларда ва кейин ҳам Хоразмга дунёнинг жуда кўп мамлакатларидан илм аҳли оқиб келишган ва у ерда камолот чўққиларини забт этишган. Бу аллақачон исбот қилинган тарихий ҳақиқатдир.

Бироқ Хоразмда туғилиб, яшаб, ижод этган ўша фан ва маданият арбобларининг меросини излаб топишга, уларни мукаммал ўрганиш ва чуқур тадқиқ этишга етарли даражада эътибор берилмаган. Агар Европа ва Шарқ олимларининг хронологик руҳдаги асарлари ва бошқа ишларини кўздан кечирилса (ҳатто кўпчилик Хоразм олимлари ва шоирларининг номлари ўзбек ҳалқига номаълум экани), шу адолатли фикрга қаноат ҳосил қилиш мумкин.

Шундай йирик қомусий олимлардан бири Аз-Замахшарийдир. Замахшарий (нисбаси; тўлиқ исм-шарифи Абулқосим Маҳмуд ибн Умар ибн Аҳмад) (1075.18.3., Хоразм, Замахшар қишлоғи — 1144. ҳоз. Кўхна Урганч) — тилшунос, адиб, тафсир ва ҳадис олими. Унинг бизга қолдирган илмий ва бадиий асарлари меросини ўрганар эканмиз, алломанинг истеъодли шоир, насрнавис, улуф тилшунос ва адабиётшунос, беназир тарихчи, муқаддас дин илмининг йирик мутахассиси, беназир тарбияшунос, дунё кезган сайёҳ (география

илми) олим эканига шубҳа қолмайди. Олим Убайдулла Уватовнинг «Номи улуғ сўзи қутлуғ» рисоласида (Тошкент, «Камалак». 1992 йил (4-бетда) да таъкидлашича, Аз-Замахшарий Маккада яшаган пайтда искандариялик шогирди, «Ал-Аҳд ас-самийн фи тарих ал-балад ал-амийн» номли тарихий асарнинг муаллифи Шаҳбулдин Аҳмад ибн Али ал-Хусний ал-Моликийга йўллаган мактубида ўзи ҳақида: «Мен Маҳмуд ибн Умар ибн Муҳаммад ибн Аҳмад ал-Хоразмий кейин Аз-Замахшарийман — Хоразмнинг бир қишлоғига (Замахшарга) мансубман, Замахшар туғилган юртимдир, деб ёзган».

Маҳмуд ибн Умар ибн Муҳаммад ибн Аҳмад аз-Замахшарий Хоразмнинг ўша вақтда машҳур Замахшар деган кентида 1075 йилнинг 19-мартида туғилган. Унинг таржимаи ҳоли ва илмий фаолияти тўғрисида ўрта асрларда яшаб ижод этган араб олимлари, унинг асарларини таржима қилган турк олимлари (хусусан, Аҳмад Ҳайрилдин Оидиний Гўзал Ҳисорий) ёзиб қолдиришган.

«Куш уясида кўрганини қиласи» деган мақол бор ҳалқимизда. Бола, асосан, оиласда тарбияланади. Аз-Замахшарий ҳам, албатта, оиласда ота-онасининг бағрида тарбия олган, ахлоқ-одоб ўрганганди.

Олимнинг отаси ўзининг Замахшарий қишлоғида обрў-эътиборли кишилардан бўлган. Үнинг моддий аҳволи ўргача бўлса-да, анча илмли, айниқса, фикҳ илмига меҳр қўйган зиёлидир. Ҳамиша Қуръони Каримни ўқиш ва тиловат этиш, доимий равишда ибодат қилиш билан машғул эди. У тақвodor инсон бўлиб, қишлоғидаги масжидлардан бирида имомлик қилган. Қолаверса, хуш қилиқли, гўзal феълатворли, диёнати пок, ҳалол, ширин ва бир сўзли, маслаҳатини ҳеч кимдан аямайдиган олижаноб одам бўлган.

Онаси ҳам турмуш ўртоғи сингари динни қадрлаган, унга ишонган ва бир умр дин йўл-йўриғига амал қилган. Оқила аёл бўлиб, турмуш ўртоғи измидан чиқмаган. Аз-Замахшарийнинг отаси ҳам, онаси ҳам мурувватли, беозор кишилар бўлишган. Шунинг учун бу оила эл ичидаги жуда ҳурматли эди.

Қайсиdir рисоласида Аз-Замахшарий онаси ҳақида сўз юритиб, бир ҳодисани таҳминан қуйидагича эслайди, яъни: у болалик вақтида чумчук тутади. Ип билан унинг оёғини боғлайди, чумчук қўлидан қочиб, учеб кетади-да, девор ёриғидаги инига бесиниб олади. Ёш Маҳмуд чумчукни девор ёриғидан тортиб олади. Ип қушнинг оёғини қаттиқ қисади ва унинг оёғи синиб узилиб тушади. Буни кўриб қолган онаси ўғлидан қаттиқ ранжийди ва чумчукнинг оёғини синдирганинг учун Аллоҳ таоло сенинг ҳам оёғингни синдиради, дейди.

Бу воқеани бехуда келтирмадик. Аз-Замахшарий ёшлигида бир оёғидан ажралади, ёғоч оёқ билан яшайди. Унинг оёғидан ажрагани ҳақида ҳар хил ривоятлар мавжуд: изфирин қиши фаслида уни совуқ урганимиш; болалигида отдан қулаганмиш; онасининг қарғиши туфайли

чүлөк бўлиб қолган эмиш ва шу кабилар. Кўпчилик тарихчилар фикрига қараганда, Аз-Замахшарий ёшлигига оғир касалликка йўлиқкан ва шу касаллик натижасида бир оёғидан ажралган.

Аз-Замахшарийнинг болалиги динга эътиқоди мустаҳкам, ҳар куни беш вақт намозни, ҳар йили рўза тутиш ва шу каби диний анъаналарни канда қўлмайдиган оиласда ўтди. Бошланғич таълимни у отасидан олган. Диний маълумотни пухта эгаллади. Отаси уни оғир меҳнатга яроқ-сизлиги туфайли ўқитишга, илм эгаллашга даъват этди ва шу мақсадни амалга ошириш учун барча имкониятларни ишга солди.

Маҳмуднинг ўзи ҳам илм олишга қизиқди. Тез орада илм-фанга ташналиқ, бу борадаги истеъододи ва қобилияти кўзга ташланди. Ўғлидаги бу нодир истеъододни сезган ота ўғлини Хоразм марказида жойлашган мадрасага юборди. Бўлажак буюк олимни диний илмлар билан бир қаторда араб тили ва адабиёти қизиқтириди. Хаттотлик санъатини пухта эгаллади ва у шу хунари билан ўзига моддий шартшароит яратди, тирикчилигини бир оз яхшилашга муваффақ бўлди.

Маҳмуд таҳминан ўн икки ёшларга етганда отасининг руҳсати ва фамхўрлиги туфайли билим истаб Бухорога боради. Ўша йилларда отаси оламдан ўтди. У шу руҳий ҳолатини кейинчалик девонига кирган шеърларидан бирида чукур қайғу-изтироб чекиб тасвирлайди.

Аз-Замахшарий Бухородаги ўқишини тамомлагандан сўнг Хоразмга қайтади, хоразмшоҳлар саройида котиблиқ хизматида бўлади ва амалдор ҳурматини қозониш учун астойдил, ҳалол меҳнат қилади. Лекин улардан илмига, меҳнатига яраша рағбат кўрмади. Ўзига нисбатан бундай муносабатдан қаттиқ изтироб чекади, руҳан қийналади. Албатта, меҳнатига яраша тақдирланмаса, азоб чекади киши. Меҳнатимга эмас қадримга йиғлайман деб, бежиз айтилмаган.

Шу вақтда унинг хаёлига бахтини чет эллардан топиш, обрў-эътиборни, паноҳни бсгона юрглардан излани фикри келади.

Хоразм амалдорларидан рўшнолик кўрмаган Аз-Замахшарий салжуқийлар давлатига ва унинг вазири Низом ул-Мулк хизматига боради. Чунки ўша пайтларда у ерда илм, фан ва санъат аҳлига катта эътибор бериларди. Бу жиҳатдан, айниқса, Низомия мадрасаси бутун дунёга танилган эди. Шунинг учун бўлса керак, Аз-Замахшарий Низом ул-Мулкка битта қасида бағишлади.

Қасида Хоразмда туғилиб ўсган, неки риёзат ила илм эгаллагани, ўз юрти ва халқига меҳр қўйгани, буюк Хоразм амалдорлари томонидан унинг маърифати, шоирлигу олимлиги назар-писанд қилинмай топталгани, бафоят хору зор яшагани ҳақида эди. Ҳа, улуг олим ва шоир Аз-Замахшарий истеъододи, лаёқати ва салоҳиятига яраша иш билан таъминланмади. Шу билан бирга у қасидада Низом ул-Мулкдан умидворлигини ифодалайди.

Шу ўринда бир нарсани таъкидлаш керак. Низом ул-Мулк диннинг сунний мазҳабига, Аз-Замахшарий эса мұтазилий оқимиға

манисуб эди. Шу тафовуг туфайли Аз-Замахшарий Низом ул-Мулқдан кутган яхшиликка, қадр-қимматга эришолмади.

Сүнг Аз-Замахшарий Хурросонга боради. Бу ерда айрим амалдорлар билан алоқа боғлашга муваффақ бўлади. Машхур ва манзур котиб Мужийр ад-Давла Абу-л-фатҳ Али ибн ал-Ҳусайн ал-Ардистоний шаънига мадхия битади. Бу ўлқада олим грамматика фанига оид «Шарҳ абыйат китоб Сибавайҳ» («Сибавайҳ китоби-шарҳи») ҳамда Ал-Унмузаж» («Намуна») деган рисолаларини битганди.

Бироқ Аз-Замахшарий бу ерда ҳам тузукроқ илтифот кўрмайди. Кейин Салжуқийлар давлатига, хусусан, унинг маркази Исфаҳонга боради. Бу мамлакат сultonнига бағишилаб фаҳрия битади...

Бир оз кейинроқ Аз-Замахшарий Хоразмшоҳ Муҳаммад ибн Ануштагин билан танишиб қолади. Олим ва шоир ўз юртининг шоҳи билан яқинлашганидан беҳад хурсанд бўлади ва унга мадхиялар бағишлиайди. Барибир ундан ҳам шу вақтда ўзига нисбатан яхшилик чиқмайди. Аччиқ қисматидан ўксинади, руҳан эзилади.

Аз-Замахшарий 1118 йили ўша қийинчиликлар натижасида оғир бетоб бўлиб қолади. Қанча мадхиялар бағишиламасин, амалдору шоҳларни улуғламасин, ҳукмдорлардан ёруғлик чиқмаслигини шу пайтда билиб олади. Шундан кейин у уларга бош эгмаслик учун қасамёд қиласди. Энди у ўзини фақат илм ва фанга бағишилашни кўнглига тугади.

Касалликдан фориғ бўлганидан сўнг Аз-Замахшарий араб мамлакатларига юз тутади ва Бағдодга келади. Бағдод олимлари сұхбатларида иштирок этади, улардан илм ўрганади. Кейинроқ Маккага сафар қиласди. Макка амири Абу-л Ҳасан Али ибн Ҳамза ибн Ваҳҳос аш-Шариф ал-Ҳасаний, шунингдек, халқ Аз-Замахшарийни илиқ қарши олишади. Амир ниҳоятда фозил, шоир ва носир инсон эди. У Аз-Замахшарий хурматини жойига қўяди. Бундан илҳомланган хоразмлик улуғ олим ва шоир Макка амирига бағишилаб мадхиялар битди ва ўз навбатида, амир ҳам унга нисбатан яхшиликларини дариг туфтади. Хоразмда топмаган қадрини Маккадан топди.

Аз-Замахшарий амир Ибн Ваҳҳос илтифотидан унумли ва оқилона фойдаланиб, Арабистоннинг жуда кўп вилоятлари, шаҳарларида бўлди. Халқлари билан яқин алоқа ва муносабатда бўлади. Бу мўътабар ва муқаддас масканда икки йил яшади.

Бу ерда шарт-шароитнинг яхшилигига, унга бўлган ҳурмат-эътиборнинг улуғлигига қарамасдан, Аз-Замахшарий тугилиб ўсан, киндик қони томган юртини соғинади, болалиги ва ёшлиги ўтган жойлар кўз олдидан бир-бир ўтаверади. Эл-юрт соғинчи, вужудини қуршаб олди. Юрт ва халқ соғинчи уни Хоразмга етаклайди.

Санжар Сulton, бутун Хурросон мамлакатини ишғол қилгач, Муҳаммад ибн Ануштагинни Хоразмга шоҳ қилиб қўйганди. Бу шахс аслида адабиёт ва санъатни, илму фанни қадрларди. Худди шу сабабдан

бўлса керак, Аз-Замахшарий бу гал ундан бир оз ҳурмат кўрди. Мұхаммадшоҳ вафотидан сўнг унинг ўғли Отсиз шоҳ бўлиб кўтарилади. Отсиз асосан ота йўлидан борди ва аз-Замахшарийга катта эътибор берди. Мұхаммадшоҳ ва унинг ўғлига бўлган ҳурматини улуғ олим ва шоир «Муқадимат ул-адаб» деган китобида тилга олган.

Бироқ илм ва фан оламида, дини ислом гулшанида нодир инсон Аз-Замахшарий қалбини, вужудини Маккай азим қуршаб олган эди. Асосан, шу боис у Маккадан қайтиб келганидан хурсанд бўлмайди, афсус-надоматлар чекали. Тўғрироғи ва аниқроғи, Аз-Замахшарийнинг ўзига ва илмига ҳурмат-эътибор Хоразмга нисбатан у ерда зиёда эди. Маккада ҳар хил дашномлардан, миннатлардан, фитнаю иғволардан холи ва хотиржам юрганди.

Шу ва бошқа турли сабабларга кўра Аз-Замахшарий муқаддас жой — Маккага қайтиб кетар экан, ластаввал Дамашққа боради. 1128 йили Маккага келади. Бағри кенғамир Ибн Ваҳҳос эса улуғ ва мўътабар олимни очиқ чеҳраю меҳрибонлик билан яна яхши кутиб олади, ҳурматини жойига қўяди, моддий ва маънавий жиҳатдан ёрдам беради. Бундан бекиёс руҳланган олим бутун оламга машҳур ва манзур бўлган «Ал-Кашшоф» деган асарини ёзди. Бу асар муқаддас Куръони Карим тафсирига бағишлиган бўлиб, унда ислом фани олимининг маҳорати, салоҳияти ва истеъоди намоён бўлганди.

Аз-Замахшарий тагин ўз ватани — гўзал Хоразмни соғинади. У қалбida эл-юргта нисбатан меҳр-оқибатнинг, эътиқоднинг нақалар улуғ эканини такрор ҳис қилди. Юқоридаги тафсилотлардан хулоса қилиб, у подшоҳу амалдорларни эмас, балки муқаддас тупроқни, Ватанини, ҳалқини қўмсаган, деб айтиш мумкин. У майиб-мажруҳлигига, кексалигига қарамай Хоразмга йўл олар экан, аввал Бағдодда тўхтади. Анча вақт у ерда яшади ва кейин Хоразмга келади.

Буюк Хоразм фаҳри, қомусий олим, ширинзабон шоир Аз-Замахшарий умрининг охирида бир неча йил Хоразмда истиқомат қилди ва 1143 йилда арафа кечаси Журжонияда оламдан ўтди.

Аз-Замахшарий оила қурмади, умри ўз юртидан айрилиқда ўтди, азоб-уқубатлар жабрини тортди, мол-дунё орттирамади, бутун ҳаётини илму фанга, адабиёт ва санъатга, Куръони Карим илмига, Мұхаммад алайҳиссалом ҳадис ва ўғитларини шарҳлашга бағишлиди. Ҳуллас, у эллиқдан ошиқ асар ёзди. Уларни маъно ва мазмунига кўра қўйидагича гуруҳлаш мумкин:

1. Мантиқ.
2. Грамматика.
3. Илми дин ва уламолар ҳусусида.
4. Луғат ва луғатшунослик.
5. Адабиёт.
6. Аруз ва адабиёт назарияси.

7. Илми одоб.

8. Тарих ва география

ва шу кабилар. Унинг жўшқин, истеъоддиги ва ҳозиржавоб шоир эканини алоҳида таъкидлаш лозим.

Аз-Замахшарийнинг улуғ олим ва мугафаккир бўлиб етишувида, албатта, устозларнинг ўйтглари, сабоқлари катта аҳамият касб этади. У устозларини беҳад қалраган. Мўътабар олимнинг устозлари ҳақида гап борар экан, биринчи навбатда, унга бошланғич саводни берган илми адабни қон-қонига сингдирган мўътабар отасини эслаш жоиз.

Адабиёт, тил ва лугат бўйича машҳур олим Абдулфараж Али ибн ал-Хусайн ибн-Муҳаммад ал-Курайший ал-Котиб ал-Исфаҳоний (897, Исфаҳон — 967, Бағдод) — араб мусиқашуноси, шоири ва олими. Хоразмда яшаган даврида Аз-Замахшарийга жуда кўп сабоқ берган. Унинг берган сабоқлари олимнинг келажакла нахв (грамматика) ҳамда луғат илми бўйича стук олим бўлиб етишувида муҳим аҳамият касб этган. Ал-Исфаҳоний берган илм ва тадқиқот олиб бориш ҳақидаги ўйтглари Аз-Замахшарий вужудида араб халқига ва унинг тилига ҳурмат туйғуларини вужудга келтириди. Шунинг учун олимнинг устозига меҳри ортиқ эди. Бу фикрни унинг устози вафот этганда ёзган марсияси тўла тасдиқлайди.

Аз-Замахшарий Маккада яшаб турган даврида грамматика ва фикҳ илмiga оид қатор асарларни Абу Баҳр Абдуллоҳ ибн Талҳа ибн Муҳаммад ибн Абдуллоҳ ал-Йабарий ал-Андалусий таҳлил ва тадқиқ этди. У Бағдода ҳам ҳадис илмини Аш-Шаффоний, Ал-Хорисий, фикҳ илмини Ал-Хайятний, Ад-Дамғоний кабилар устозлиги орқали эгаллади. Ал-Жаволиқий эса унга илми луғат сир-асорини ўргатган олимдир.

Умуман олганда, илмпарвар Макка амири Ибн Ваҳҳос Аз-Замахшарийнинг буюк ва суюк олим бўлиб етишувида, катта-катта асарлар яратишида асосий ролни ўйнаган, лесак янгишмаймиз. Чунки у олимга илмий ва ижодий фаолияти давомида самимий ёрдамини аямади, уни ҳар томонлама қўллаб-куватлади.

Аз-Замахшарийнинг ўзига хос томони шундаки, у бор илмини, маслаҳатини ҳеч кимдан дариг тутмади. У турли соҳалардаги билимини ва илмини асосан икки йўл билан сарф этди. Биринчиси — китоблари орқали, иккинчиси — шогирдларига сабоқ бериш йўли билан. Унинг шогирдлари деярли барча шарқ мамлакатларида бўлган.

Аз-Замахшарий китобларида зикр қилинган илмлар құдрати шу даражада эдик, унинг ўзини кўрмаганлар ҳам устоз деб тан олишгани тарихий маълумотлардан маълум. Рашидуддин ал-Ват-вот ҳам Аз-Замахшарийга шогирд бўлиш нияти ва хоҳиши бўлгани тарихий манбаларда берилган.

Умуман олганда, Аз-Замахшарийнинг ҳаёти, илмий фаолияти, бадиий ижоди, педагогик қарашлари Ўзбекистонда деярли ўрганил-

маган. Айниқса, олимнинг тарбияшунослик фанига бағишиланган асарларини, илмий меросини тадқиқ этиш ҳозирги кун учун мұхим ақамиятта әгадир.

## «НОЗИК ИБОРАЛАР»ДАН

Ёки илмли бўл, ёки илмга таяниб иш тутадиган бўл, лоақал илмни тинглаб эшитадиган бўл, бироқ тўртингчиси бўлма, чунки касодга учраб ҳалок бўласан (жувионмарг бўласан).

\* \* \*

Агар бирор қайғу-алам юз бергани ёки таъзияли жойни эшитсанг, дарҳол у ерга бор, агар зиёфату меҳмондорчиликка чақирилсанг, унда ўзинг ўйлаб иш тут (ўзинг биласан).

\* \* \*

Одамларнинг энг хотири кучлиги уларнинг ичидаги энг уннутувчисидир, кўнгилларнинг энг юмшоғи салобатлигию шафқатлигидир.

\* \* \*

Мол-мulkни беҳуда исроф қилиш куфрона «неъматдир», ўйламасдан бойлигини сарфлаш тўлиқ таназзулга олиб келади.

\* \* \*

Подшоҳнинг энг яқин кишиси яқинларининг ичидаги энг улуғидир, хавф-хатар пайтларида уларга (хавф-хатарга) яқинроғидир.

\* \* \*

Худо кўрсатмасин, агар сени оғир қайғу-ҳасратларнинг кучли еллари ўраб олса, унда дод-фарёду фифонларнинг фойда бермас.

\* \* \*

Агар сенга нисбатан ўз биродаринг бирор хиёнат қиласа, унга яқинлашишдан ўзингни тий, унинг макру ҳийласидан ўзингни, муҳофаза этишга ҳаракат қил.

\* \* \*

Пасткаш кимсанинг ўз насл-насабини мақтаб, у билан фаҳрланиши, чанқоқ кишининг сув шуъласи (сароби)ни кўриб алдангани кабидир.

\* \* \*

Ҳар қандай ишни бошлишдан аввал Аллоҳнинг ризолигини ўйла, акс ҳолда қилган ишларингнинг ҳаммаси беҳуда бўлиб, зое кетади.

\* \* \*

Аҳмоқ киши ҳикмат лаззатини билмайди, бамисоли тумов киши гулнинг ҳидини сезмаганидек.

\* \* \*

Бирор мамлакат (ҳокимият) ишларининг орқага кетишига сабаб — вабо кўп бўлиб, тузукларию тартиботларининг сусайишидандир.

\* \* \*

Тўғри ва ҳақ йўлдан юрган кишининг юриши арслон юришидан кўра ҳам маҳобатлироқ (ҳайбатлироқ)дир.

\* \* \*

Ҳалол-покиза киши доимо хотиржаму тинчликдадир, бирровга хиёнату ёмонлик қиласидан киши эса ҳалокатга гирифтордир.

\* \* \*

Ўз биродаринг сўзини суқут сақлаб тинглаб, унинг ҳурматини ўрнига қўй, гарчи уни эшитишга рағбатинг ва майлинг йўқ бўлса ҳам.

\* \* \*

Агар тилингнинг ортиқча сўзлашига эга бўла олмасанг, унда тизгининг жиловини шайтонга топширган бўласан.

\* \* \*

Одамлар ичидаги энг ярамаси хасисидир, уларнинг ичидаги энг ялқови — пасткашидир.

\* \* \*

Кўпчилик одамлар ҳақиқатдан йироқдир, уларнинг талаб ва даъволари ёлғону бўхтон (ботил)дир, яъни айтган сўзларию ишлари ўзларига мувофиқдир.

\* \* \*

Одамларнинг энг азиз ва ҳурматлилари қайғу-ҳасрату ташвишли дамларда билинур, гўёки бу ташвишлар улар (ҳурматли кишилар) учун туғишган опа-сингилдек яқиндир.

\* \* \*

Савдогарнинг шуҳрати ва обрў-эътибори киссасида, олимнинг шуҳратию обрў-эътибори ёзган китобларида (асарларида).

\* \* \*

Ўзини сахий, мард ва ҳиммати баланд кўрсатиб, аслида хору зор, ҳақир ва қадри тубан бўлган одамлардан қўрқ, тики бир кун

ўзларининг хасисликлари бирла онгизлиқдан мард одамни тузоқ-ларига туширгайлар.

\* \* \*

Тилингдан чиққан садақа (яъни панду насиҳатинг ва мавъизаю ҳасананг) баъзан қўлингдан (мол-дунёнгдан) чиққан садақангдан кўра хайрлироқдир.

\* \* \*

Арслон нафақат чукур қазиш билан овланиб қолмай, қўпинча у ҳийла билан ҳам овланади (қўлга туширилади).

\* \* \*

Баъзи ҳолларда фатво истовчи киши фатво берувчи муфтийдан кўра ҳам олимроқ бўлади, чунончи «ал-латий» калимаси гарчанд бу сўзнинг кичиклашган шакли бўлса ҳам барибир маъно жиҳатидан асли «ал-латий» сўзидан кўра кучлироқдир. Бу ўринда сўз ўйини бўлиб, арабий истилоҳлар ишлатилган.

Сени кечаю кундуз зиёрат қилувчиларнинг кўпчилиги сени ҳаддан ортиқ қўкларга кўтариб мақтаб, охир-оқибат адоватта дучор қилувчилардир.

\* \* \*

Кўп сўзлар борки, улар сени жангу жадалга солиб, ҳалокатга гирифтор қиласи ёки улардан қайтарса ҳам елка чуқурингни гул каби қизарган ҳолга келтиргандан кейин қайтаради (яъни кўп машаққатлардан кейин).

\* \* \*

Еру заминнинг кўркамлиги олимлар билан бўлса, осмону фалакнинг зийнати эса юлдузлар биландир.

\* \* \*

Муҳаммад Пайғамбар алайҳиссаломнинг тутган йўллари менинг ҳам йўлимдир, бахту саодатим ҳам, нажотим ҳам шу йўлдир.

\* \* \*

Кўёш нурларини беркитиб бўлмаганидек, ҳақиқатнинг чироғини ҳам сўндириб бўлмас.

\* \* \*

Ёзилган китоб нусхасининг тўғрилиги кўз қорачигининг боққанига боғлиқдир, ривоятнинг инобатлиги (ишончлиги) эса сероб сувдан ҳам ортиқроқ қондирап.

\* \* \*

Зиммангда фарз бўлган нарсани қарз ва бурч ўрнига қўй. Бу ҳол қалбингу дилингга роҳат баҳш этиб, шону шарафинг ва обрўйингни сақлаш учун энг тўғри йўлдир.

\* \* \*

Ўзи сазовор бўлмаган ҳамду саною, мақтovларни талаб қилиш уятсиз, телба одамларнинг одатлариданdir.

\* \* \*

Сени касоду инқирозга учрашдан огоҳ қилувчи кишига лутф билан муомалада бўл, қўрқма, зарари йўқ, зиёни йўқ, деб юпатувчилардан узоқроқда бўл.

\* \* \*

Сенинг қилаётган ишларингдан душманинг огоҳ бўлиб, улардан кўз юмиши сенга илон чаққандан кўра ҳам заарли ва машаққатли бўлади.

\* \* \*

Ақл-идрок ва шариатта амал қилиб иш туттган банда асл ва иккинчи даражали мақсаду матлабларини жам қилиши муқаррардир.

\* \* \*

Ўтган замонларда илму фазилат соҳиблари подшоҳларидан ўз оғирликларига баробар олтин ҳадя олардилар, аста-секин замонлар ўтиши билан уларнинг қийматлари камайиб, итлару олмахонлар (қармоқлар) улардан афзал бўлиб, қолди, яъни нодонлар олимлардан ортиқ кўриладиган бўлиб қолди.

\* \* \*

Ҳар бир вазир қайчи мисолидир (агар қайчининг бир таянч томони бўлмаса иккинчи томони ҳеч нарсага қодир бўлмайди), чунончи Мусо пайғамбар вазири Хорун билан мукаммал бўлган.

\* \* \*

Соқол инсонга зийнатдир, фақат бўйин билан бирга бўлган ҳолдагина, узун соқол қўювчи аҳмоқ бўлади, чунки бунга ўтмишдан мисоллар кўпдир.

\* \* \*

Олижаноб ва ҳимматли одамнинг «гўштини» ҳасад аҳли «ейди», гўё қурт-кумурсқалар егани мисоли.

\* \* \*

Бир лаҳза назар билан ишқал түғри бўлур, бош бармоқ калта бўлишига қарамай бутун қўлни боғлаб туради.

\* \* \*

Туну кунни ўтказаману, лекин бугунги куним кечаги кунимдан яхшироқ бўлмаётир, чунки замон кундан-кунга ҳалокатга томон бормоқда, шундай экан, кечаги кун бугунгидан авлороқ<sup>1</sup>, бугунги кун эса эртагидан яхшироқдир.

\* \* \*

Кимки адовату хусуматни экса, албатта у ташвишу мashaққат ўради.

\* \* \*

Виждон азобио таънадан тўғри бўлмаган одамни (кимсани) таълим-тарбия ва қийнаш ҳам тўғрилаши амри маҳол.

\* \* \*

Мансаб илинжида бўлган (қарам) кимсаларнинг томирлари кесилгандир, улар оладиган фармонлари эса бир-бирига зарба берувчилардир.

\* \* \*

Хасталик ва муҳтожлик — булар иккаласи шундай бир балоки, ҳатто хутбон (энг тахир, аччиқ ичимликлардан ҳисобланади) ичимлигидан кўра ҳам аччиқроқдир.

\* \* \*

Кимники қўлидан хайр-баракали ва пурҳикмат ишлар келмаса, унинг насабининг шарифлигию, улуғлиги фойда келтирмас.

\* \* \*

Кимки бахт-иқболли, солих кишиларнинг этагига ёпишса, у албатта муроду мақсадига эришиб, хайру барака топар.

\* \* \*

Ўз ваъдасида турмаган, турли-туман важ-карсонлар кўрсатувчи кимса ҳеч қачон мард ва ҳимматли инсон бўлолмайди.

\* \* \*

Кўрқувга мубтало бўлган киши (қуён мисоли) фақат қочишдан најот излайди.

---

<sup>1</sup> Афло — афзал, ортиқ, яхши.

\* \* \*

Илму маърифатли одам такаббурлик қилувчи доимо нодон кимсаларнинг бурнини тўзон-тупроққа тўлдирур.

\* \* \*

Одамлар турли-туман бўладилар, афсуски уларнинг аксарияти нопоқдирлар.

\* \* \*

Тоғ тепасидаги қояларни кўчириш миннат эшитиш юкларига нисбатан енгилроқдир.

\* \* \*

Сен етмиш ёшга кирган бўлсанг-да, ҳамон арслон мисоли йиртқич ҳайвонсан, чунки, мол-дунё ҳирсида мудом қўлингни (ҳар томонга) чўзасан.

\* \* \*

Хотин зоти агар қалбинг улар ишқига гирифтор бўлганини сезса, бурнингни тупроққа ишқайди.

\* \* \*

Ўткир қиличнинг бошга тушадиган зарбаси баъзи нодонларнинг ҳукми остида муте (итоатда) бўлиб юришдан афзалдир.

\* \* \*

Ҳақиқат ва адолат билан тўғри сиёsat юргизмаган ҳар бир раҳбар ва бошлиқ қаттиқ азоб-уқубат ва балога гирифтор бўлур.

\* \* \*

Қиличга қин(ғилоф) ва йиртқич қушда ўткир тирноқ бўлиши шак-шубҳасиздир (бу ҳикмат эр кишида керакли анжомлару қатъий азму қарор бўлиши керак, деган маънони англатади).

\* \* \*

Ўрмонларда арслонлар, боғларда илонлар бўлишининг ҳеч бир ажабланарли жойи йўқдир.

\* \* \*

Ҳеч ажабланарли эмаски, баъзи жоҳил кишилар баланд даражага эришиб, олим ва доно одамлар қуида қолар, чунки баъзи вақтда Суҳайл (Канопус) юлдузи кутб жанубида бўла туриб пастга тушар, аммо Наоим юлдузи каби кичик юлдуз бутун оламнинг боши устида турар.



## **Сулеймон Боқирғоний**

(? – 1186)



Хоразм азалдан фан ва маданиятининг бекиёс тараққиёти, адабиёт ва санъатининг нафису латофати, халқи одоби ва ахлоқининг зариғлиги жиҳатдан оламга машҳур ва манзур бўлган. Кимки нажот истаса, илму урфон изласа, меҳру шафқатга зор бўлса Хоразмга борган, у ерда меҳр-оқибат кўрган, эътиқод ва диёнат завқини сурган. Бу ҳақда Шарқу Farb олимлари қониқиши билан меҳр тўла фикрларини ёзиб қоллиришган. Хоразм ва унинг пойтахти ҳақида Ибн Арабшоҳ шундай ёзган: «*Унинг (Хоразмнинг — С.О.) пойтахти фозил кишилар жам бўладиган, уламолар манзил тутадиган, зариғлар ва шоирлар макони, адаб ва улуғ кишилар чашмаси, иззат-икромли улуғлар топганинг кони, йўлини топгану адашганилар, ҳақиқат изловчи кишилар денгизининг манбаи эди*» (Ибн Арабшоҳ. Амир Темур тарихи, Т., «Меҳнат». 1992, 87- бет).

Таърифига тил ожизлик қиласиган гўзал Хоразмнинг Боқирғон деган кентида Сулеймон Боқирғоний дунёга келди. Болалик йиллари ўз юртида ўтгани ва бошлангич таълимни, яъни хат-саводни туғилган юртида олгани мантиқий жиҳатдан ўз-ўзидан маълум. Истиқболи улуғ, толеи баланд бола шу болалигидан аён бўлади. Чунки у илм-хунарга қизиқиши, иқтидори билан бошқа тенгқўрларидан ажralиб туради. Ёш Сулеймон ҳам шаксиз худди шундай бўлган.

Сулеймон Боқирғонийнинг кейинчалик улувлар улуғи, жаҳонга машҳур туркий тасаввуф илми ва шеъриятининг таниқли арбоби Ҳожа Аҳмад Яссавийга шогирд тушишининг ўзи унинг болаликда ва ёшлиқда қандай бўлганини яққол кўрсатади. Ҳар қандай кишига Аҳмад Яссавий каби даҳога шогирд тушиш баҳти насиб қиласермаган.

Сулеймон Боқирғоний Ислом дини тариқатини, шариат қонунларини, Қуръони Каримни пухта ўрганиш билан бир қаторда, тасаввуф шеърияти сир-асори, унинг нозик томонларини эгаллашга ҳаракат қилди. Бунда у устози Аҳмад Яссавийнинг меҳр булоғидан баҳраманд бўлди.

Кейинчалик, Сулеймон Боқирғоний шеърият ва ислом оламига Аҳмад Яссавий ижод дорилфунуни фаолиятининг давомчиси сифатида кенг танилди ва Шарқ ҳалқларининг ҳурмат-эътиборини қозонишга муваффақ бўлди. Шу далилнинг ўзи буюк шоир ва

тасаввуф илмининг фаол тарғиботчиси — Сулаймон Боқирғоний имон-эътиқодининг бутунлигидан, виждоининг поклигидан далолат беради. Унинг шу ҳиммати ва фазилати қўйидаги сатрларда ўз ифодасини топган:

*Шариати ораста, тариқати пайваста.  
Ҳақиқатда шойиста шайхим Аҳмад Яссавий.  
Шариатни сўзлағон, тариқатни излагон,  
Ҳақиқатни билдурғон шайхим Аҳмад Яссавий.*

Ёки:

*Хизр билан суҳбатлик, Илёс билан улфатлик,  
Ҳақ қошинда ҳурматлик шайхим Аҳмад Яссавий.  
Туркистонга боролинг, хизматинда бўлолинг,  
Улуш берса олонинг шайхим Аҳмад Яссавий.*

Сатрлар шеърий нафосат жиҳатдан ҳам, фикрлар уйғунлиги жиҳатдан ҳам, маъно ва мазмун тўқлиги жиҳатдан ҳам, тилининг ширинлиги жиҳатдан ҳам улуғвору таҳсинига лойиқ. Тўртликлар Сулаймон Боқирғонийнинг ўз устозига эътиқоди, меҳр-оқибати, дин-шариатта муҳаббати, ахлоқ-одобга диённати ҳақида тиниқ оҳанг билан мулоҳим куйлаб турибди. Шунингдек, устозининг манзил-макони, унга хизмат қилган киши илм олиши шаксизлигини уқтиряпти.

Сулаймон Боқирғоний номи ва унинг тасаввуф шеъриятидаги хизматлари шеърият гулшанининг боғбони Алишер Навоий, аллома Ҳусайн Вониз сингари ўнлаб даҳолар томонидан юксак баҳоланганд. Зотан, унинг булоқ каби тошқин, шудрингдай топ-тоза, баҳордай майин ижоди ва ҳаёт йўли шунга лойиқdir.

Улуғ шариат, ахлоқ-одоб, дину диённат куйчиси Сулаймон Боқирғоний поклик ва мусаффоликни тарғиб этиб, ҳийла-найранг, фитна-хиёнат йўлларини қоралади. Чунончи:

Сафо керак, ботин ичра зокир қулға,  
Яромас, хийла, тазвир, ушбу йўлға,  
Эътимод қилса бўлмас, қолу-қилға,  
Қолни солиб, ҳоли табо бормиш керак.

Шоир камтарлик ғоясини илгари суради. Зотан, бу ғоя Куръони Каримда ҳам муносиб ўрин олган. Бу улуғ шоирининг таълим-тарбияга берган эътибори, қолаверса, тарбия соҳасидаги миллий анъанаалар ва қадриятлар билан бевосита боғлиқdir.

На хуш бу дунёда Имону Куръон,  
Не бўлғай дунёда Имондин ортуқ.  
Менинг бу дардими ҳеч кимса билмас,  
Агар билса Ҳаким Луқмондин ортуқ.

Бу янглиг осий эркан Қул Сулаймон,  
Иноят умандур, борондин ортуқ.

Сулаймон Боқирғоний сатрларидан, унинг камолот чўққисини эгаллаган шоир, Ислом динининг толмас тарғиботчиси, шариат ва ахлоқ-одоб ҳимоячиси, меҳр-оқибат, меҳр-шафқат куйчиси, қолаверса, эзгулик ва яхшиликни қалбига жо қилган улуғ аллома экани аён бўлиб турибди. Лекин шундай даҳо шоир, улуғ мутафаккир ҳаёти ва ижодини ўрганиш бир неча ўн йилликлар давомида ман қилинди. Шул боис унинг тарбия соҳасидаги бекиёс таълимотидан баҳраманд бўлиш имкони бўлмади.

Ватанимизда мустақиллик шарофати билан Сулаймон Боқирғоний ижодий гулшанига кириш, ундан руҳий ва маънавий озиқ олиш имкони туғилди.

Шундай улуғ Инсон, нозиктаъб шоир, ардоқли ва атоқли маърифатчи Сулаймон Боқирғонийнинг туғилган йили номаълум. У, кўпчилик манбаларга кўра 1186 йилда вафот этган.

## СУЛАЙМОН БОҚИРҒОНИЙ ИЖОДИДАН НАМУНАЛАР

Сўралмагай агар бўлса эзгу амал,  
Қилмиш амал жумламизга ҳирсу амал.  
Кеча-кундуз ҳозир туринг, келур ажал,  
Ажал келур дебон Яроғ қилғон борму?

\* \* \*

Дўстларимиз, замонамиз ёвуқ келди,  
Тарсо, жухуд, бедин, кофир элга тўлди.  
Билдим эмли, ушбу жаҳон охир бўлди,  
Келинг дўстлар, Ҳақфа қуллуқ қило кўринг.

\* \* \*

Уйқуни ҳаром қилғил, узун тунда,  
Молингдан закот бергил, бу кун мунда,  
Қиёмат бергай санга ёрин анда,  
Ўғил-қизинг, илм ўргансун, бер устозга.

\* \* \*

Жонимға сафо келди, пиримдан назар бўлди,  
Асрор маънисин кўрди, дурру жавҳар олдиё.

\* \* \*

Онолар зори гирён, фарзанд ҳақинда бир ён,  
Манинг ономдек оно, қачон бўлғай тедиё.

Сиз ҳам меҳрибон ото, биздак ўғилни туто,  
Бошим кесар ҳолатда, кўзни юминг тедиё.

\* \* \*

Маърифат дарёсинда ғаввос бўлуб,  
Муҳаббат гавҳарларин олгум келур.  
Тариқат майдонинда парвоз қилиб,  
Ул Тубо дараҳтига қўнғум келур.

\* \* \*

Ул мозорда дўконлари бил иродат,  
Мояси маърифат бирла қўлғу сұхбат.  
Даллоли эътиқод бирла хизмат,  
Йўқ эрса, сотуғини қилса бўлмас.

\* \* \*

Шариат бозоринда таҳсил керак,  
Тариқат бозоринда тақсир керак,  
Ҳақиқат бозоринда асир керак.  
Оlam йиглаб Ҳақ асирин билса бўлмас.

\* \* \*

Мунда тавба қилубон нафсидин ёниб,  
Ҳавони ташлаб, они ўздин кечуб,  
Ушбу ишқ шаробиндин эмди ичиб,  
Мунда адам бўлуб, онда кеткум келур.

\* \* \*

Кирдим ман тариқатнинг бозориға,  
Баҳосиз раҳтларни олса бўлмас.  
Кийдим ман ишқ тўнини бўйға лойик,  
Ва лекин қийматини билса бўлмас.



## **Бурҳониддин Марғиноний**

**(1123 – 1197)**



Шарқ Уйғониш даври шундай қомусий олимларни юзага чи-қардики, уларни жаҳон маданияти ва илму фанига қўшган ҳиссаси ҳанузгача ҳайрат билан эътироф этилади. Ўзбекистон Республикаси Президенти И. А. Каримов таъкидлаганидек «*Ислом дунёсининг буюк алломаси, машҳур «Ҳидоя» асарининг муаллифи, XII аср бошида таваллуд топган улуф зот Бурҳониддин Марғиноний ҳам шу замин фарзандидир*».

Ислом ва насаблари — Абулҳасан Али ибн Абубакр ибн Абдулжалил ал-Фарғоний ал-Риштоний ал-Марғиноний. Ул зотни *Бурҳониддин ва-л-милла*, яъни олимни улуғлаб, уни мусулмон дунёсидаги ҳалқлар ҳамда Ислом динининг далили деган шарафли ном билан аташган.

Насаблари — Абубакр Сиддиқ Разийаллоҳу анхуга бориб етади, деб нақл этадилар.

Мовароуннаҳр фиқҳ мактаби тарихида Марғинонийлар сулоласининг ўрни беқиёсдир.

Улар Фарғона водийсининг Марғилонида туғилиб яшаганликлари учун, «Марғиноний» номи билан шуҳрат қозонганлар.

Бутун дунёга машҳур «Ҳидоя» китобининг муаллифи шайхул-ислом, улуф имом, «Бурҳониддин» насабли ва Абу-Ҳасан Куняли Абу ибн Абубакр ибн Абдулжалил ал-Фарғоний ал-Риштоний ал-Марғинонийга мансубдир.

Ҳазрат Бурҳониддин имом, фақиҳ, ҳофиз, муҳаддис, муфасир, кўп илмларни эгаллаган, турли фанлар зобити, етук муҳаққик, ўткир чамалиқ, истеъдод соҳиби, фазилатли, моҳир, усул илмининг эгаси, адиб ва шоир бўлганлар.

Илм ва одобда ул киши мисолини кўз кўрмагандир. Марғинонийлар сулоласининг давлат арбоблари ва ҳалқ оммасига таъсири кучли бўлган. Чунки диний ва ижтимоий ҳаётда учрайдиган барча муаммоли масалалар фақиҳлар орқали ечилган. Марғиноний фақиҳлар сулоласи фаолияти орқали Мовароуннаҳр ҳалқларининг тарихий-хуқуқий анъаналари Ислом маданиятида ўз аксини топган.

Бурхониддин Маргиной Фарфона водийсининг Риштон қишлоғида таваллуд топганлар.

Бурхониддин Маргиноний дастлаб Рошидон, Марғилон, Бухоро, Самарқанд ва Мовароуннаҳнинг ўша даврдаги диний ва маърифий марказларидан машҳур ва атоқли алломалардан ҳадис, тафсир ва фикҳ илмини ўрганганлар. Ул зот олий истеъод, ўткир тафқур эгаси ва илму фан шайдоси бўлган.

Бурхониддин Маргиноний ёшлик ҷоғларидаёқ Куръони Каримни ёд олиб, ҳадисларни чуқур ўрганганлар ва 544 (1149)- йилда муқаддас ҳаж сафарига борганлар. Фанга қизиқишиз Бурхониддин Маргинонийнинг узоқ сафарларга олиб бориб, ўша даврнинг асосий фанларини чуқур ўзлаштириш учун имкон яратиб берган. У бутун умри давомида илм ўрганган ва Ислом оламининг ҳанафий мазҳаби бўйича буюк фақиҳи ва ҳуқуқшунос алломаси даражасига кўтарилиган.

Бурхониддин Маргиноний яшаган давр Шарқ Уйғониш даврининг жамият, маданият ва фан тараққиёти ҳамда фикҳ илмига катта зарурат туғилган бир даврга тўғри келган. Фикҳ илми бўйича, у ёзган асрлар, айниқса «Ҳидоя» китоби, ўша даврда мавжуд ҳамда катта амалий аҳамиятга молик бўлган кўплаб ҳуқуқий муаммоларни ечиб беришга қаратилган.

Бурхониддин Маргинонийнинг устозлари силсиласи кенг. У таълимни дастлаб ўз боболари Умар ибн Ҳабибдан ундан кейин имом Баҳоуддин Али ибн Муҳаммад ибн Исмоил ал-Асбийжойибидан (вафоти 535- ҳижрий или) олган. Унинг машҳур устозларидан Абдулазиз Абдураззоқ ибн Наср ибн Жаъфар ибн Сулаймон Маргиноний, «Қозийхон фатвоси»нинг муаллифи Фахруддин Абул-мағоҳир Ҳасан ибн Мансур Ўзганди, «ал-Ақоидун-насафия» китоби ва фикҳ илми бўйича 100 га яқин рисолалар муаллифи Нажмуддин Абу Ҳафс Муҳаммад ибн Аҳмад ан-Насафий, Умар ибн Муҳаммад Али ал-Пайкандийлар бўлганлар.

Бурхониддин Маргиноний мукаммал илмга эга бўлганига қарамай устозларидан таълим олишни бир умр давом эттирган. «Китоб ул-машойих» («Шайхлар ҳақидаги китоб») асарида у ўзи таълим олган 40 дан ортиқ шайх ва алломани санаб ўтган.

Турли манбаларда қайд этилишича, Бурхониддин Маргиноний ўз устозларидан фикҳ илмида анча юқори даражаларга кўтарилиган. Алломанинг бирламчи мақсадлари ўз илмларини ошириш, устозларидан тоқатлари етгунча таҳсил олиш бўлган. Аммо ул зотнинг иқтидори шогирдлик билан устозлик қилишни ҳам зиммасига юклаган. Аллома фикҳ фанидаги суний-ҳанафий таълимотини ривожлантириш билан бирга кўплаб шогирдларни ҳам етиштириб чиқарган.

Бурхониддин Маргиноний шогирдларини уч гурухга бўлиш мумкин.

1- гуруҳ шогирдлари жумласига, унинг ўғиллари шайхулислом Жалолуддин Муҳаммад, Низомуддин Умар («Жавоҳир ул-Фикҳ асарлари ва ал-Фавоид») шайхулислом Имомуддин ибн Абу Бакир («Одобул қози» номли асарни ёзган) киради.

2- гуруҳ шогирдларига «Ином Фаззолийга раддия» китобининг муаллифи Шамс ул оимма ал-Карданий, «Таълимул мутааллим» муаллифи Бурхонул ислом аз-Зарнужий ва бошқалар.

3- гуруҳ шогирдлари қаторига Бурхониддин Маргиноний бевосита таълим олмаган бўлсалар-да, аммо алломанинг илмий фиқҳий меросидан баҳраманд бўлган барча издошлари киради.

Бурхониддин Маргинонийнинг асосий фиқҳий асарлари жумласига қуйидагилар киради:

1. «Нашр ал-мазҳаб» («Мазҳабнинг тарқалиши»);
2. «Китоб ал-маносакул-ҳаж» (Ҳаж маросимлари ҳақида китоб);
3. «Китоб ул-фароиз» (Мерос ҳуқуқи бўйича китоб);
4. «Китоб ат-тажнис вал-мазийд» («Илмни зиёда қилувчи китоб»);
5. «Мухторотуннавозил» («Мажмуъ-уннавозил»)(«Нозил бўлган нарсалар мажмуаси»);
6. «Китоб ул-машойих» («Шайхлар ҳақидаги китоб»);
7. «Мазидун фи фуру ул-ҳанафий» («Ҳанафий мазҳабига қўшимчалар»);
8. «Шарқ ал-Жамий-ал-Кабир Муҳаммад аш-Шайбоний» Аш-Шайбонийнинг «Жомиъу-кабири» асарларига шарҳ);
9. «Бидоятул-мубтодиъ» («Бошловчилар учун дастлабки таълим»);
10. «Кимоятул-мунтаҳий» («Якунловчилар учун тугал таълим»);
11. «Ҳидоя» («Кифоят ул-мунтаҳий» асари учун ёзилган 4-жилдлик шарҳ).

Лекин санаб ўтилган асарлар ҳақида тўлиқ бир тасаввур йўқдир. Чунки ўрта аср фақиҳларининг кўпгина асарлари каби, Бурхониддин Маргинонийнинг ҳам асарларининг ҳаммаси бизгача етиб келмаган.

### **«Ҳидоя» Бурхониддин Маргинонийнинг шоҳ асари**

Шарқда «Ҳидоя» номли анъанавий ёзиш усули бўлган. «Ал-Ҳидоя» арабча сўз бўлиб, «тўғри йўлдан олиб бориш» — «ишончли кўлланма» маъносидадур.

«Ҳидоя» китоби бутун мусулмон оламида машҳур бўлиб кетган, Ислом ҳуқуқи-фиқҳ илми бўйича, энг аниқ, изчил, мукам-

мал асар сифатида тан олинган. Муаллиф «Ҳидоя» китобининг муқаддимасида бу ҳақда шундай деб ёзган эди: «...сўнгра тангри тав-фиқи ёрдамида, танланган ривоятлар билан кучли, ақлий далилларни бирлаштириб, ҳар бир бобда қўшимча сўзларни тарк этиб, кўп ёзишдан ўзимни сақлаган ҳолда «Ҳидоя» деб аталган бошқа бир шарҳни ёзишни бошладим».

Бурҳониддин Марғиноний ёзган тўрт жилдлик «Ҳидоя» китоби турли муаммоларни ҳуқуқий ечимига бағишиланган.

«Ҳидоя» («Ал-Ҳидоя») — мусулмон кишининг шахсий ва ижтимоий ҳаётида учрайдиган деярли барча ҳуқуқий ҳолатларни ўз ичига олган кенг қамровли асадир. У икки жилд 4 жузъдан иборат бўлиб, ўз навбатида, жузълар китоб, боб ва фаслларга бўлинган.

Биринчи жузъ — беш китобдан иборат. Бу жузъда:

«Китоб ут-Таҳорат»,

«Китоб ус-Салот»,

«Китоб уз-Закот»,

«Китоб ус-Савм»,

«Китоб ул-Ҳаж» каби ибодат масалаларига оид бўлимлар кири-тилган.

Ибодат масалаларидан кейин эса ижтимоий масалалар ўрин олган. Ҳар қандай жамиятнинг ўзагини ташкил қилувчи оила ва никоҳ масалалари «Китоб ул-Никоҳ»да ҳамда «Китоб ул-Ризо», «Китоб ут-Талоқ» каби ижтимоий масалалар ўрин олган.

Иккинчи жузъга: «Китоб ул-итоқ», «Китоб ул-Айман», „Китоб ул-Худуд“, «Китоб ус-Сарқа», «Китоб ус-Сияр», «Китоб ул-Лақит», «Китоб ул-Лақта», «Китоб ул-Обоқ», «Китоб ул-Мафқул» каби ижтимоий ҳаётга оид тартиб-қоида, жиноят, жазо, тақсимот ва ҳакозо мавзуулар баён этилади.

Учинчи жузъда эса: «Китоб уш-Шарина», «Китоб ул-Вақф», «Китоб ул Буйуъ», «Китоб ус-Сарф», «Китоб ул Кафала», «Китоб ул-Ҳавала», «Китоб одоб ул-Қози», «Китоб ул-Шаҳада», «Китоб ур-ружуъ ан шаҳада», «Китоб ул-Вакала», «Китоб ул-Даъва», «Китоб ул-Иқрор», «Китоб ус-Сулҳ», «Китоб ул-Мудораба», «Китоб ул-Вадиъа», «Китоб ул-Ория», «Китоб ул-Ҳиба», «Китоб ул-Ижарат», «Китоб ул-Мукотаб», «Китоб ул-Вила», «Китоб ул-Икроҳ», «Китоб ул-Ҳажр» каби китобларида тирикчилик, олди-сотди, кафолат, қарз, судьялик, гувоҳлик, даъво, иқрорлик, сулҳ, омонатлар, мол-мулк, совфа бериш ва ҳоказо масалаларни ўз ичига олган.

Тўртинчи жузъ ижтимоий-иқтисодий соҳаларга алоқадор қонун-қоидаларга бағишиланган.

«Ал-Ҳидоя» асари инсон ҳаётининг шахсий, ижтимоий, ахло-кий, иқтисодий, маънавий, маданий ва бошқа жабҳаларига алоқа-

дор бўлган аксарият жиҳатларни қамраб олган. Асарда жами 57 хуқуқий мавзу қўтарилиган бўлиб, улар алоҳида китобларга сарлавҳа қилиб олингандан ва бу мавзуларнинг тафсилотлари 152 фасл ва 165 бобда баён этилган.

«Ал-Ҳидоя» асарининг хусусияти шундаки, унинг амалий аҳамиятидан ташқари, ҳам ўқув қўлланмаси, ҳам илмий-тарихий манба сифатларини ўзида мужассам қилганидир. Асарда зикр қилингандан манбалар ва баён услуби билан таниш бўлган ўқувчи биргина «Ал-Ҳидоя» нинг ўзида ўнлаб китоблардан оладиган маълумотта эга бўлиши мумкин.

Аллома ўз шогирдларига: «Ҳеч қачон илм ўрганиш ишида узилиш юз бермаслиги керак, негаки, бу катта ютқазишга олиб боради. Мен илм ўрганиш жараёнида, ҳеч қачон узилишга ўрин қўймаганим сабабли, барча сафдошларимдан ўзиб ўтдим», деб сабоқ берар эди.



# **Маҳмуд Кошғарий**

(XI аср)



Маҳмуд ибн Ҳусайн ибн Мұхаммад Кошғарий (XI асрда яшаган. Түгилған ва вафот этган йили номағылым) ўрта осиёлик машхур олим, түркшунослик илми ривожига катта ҳисса қўшган йирик мутафаккирdir. У Болософунда туғилди, шу ерда таҳсил кўрди. Мавжуд маълумотларга қараганда, Маҳмуд Кошғарий илмнинг турли соҳалари, хусусан, араб, ва түрк тиллари, форс адабиёти билан шуғулланиб, уларни пухта эгаллаган эди. Айниқса, Маҳмуд Кошғарийнинг туркий қабилаларнинг тилларини ўрганишдаги хизмати бекінедир. У тил соҳасида ўзининг машхур асарини ёзишдан олдин ўша даврда жуда катта ҳудудда яшаган туркий халқларнинг тили, урф-одати, турмуш тарзи, касб-кори, оғзаки ижоди ҳақида бир неча йиллар мобайнида чидам билан маълумотлар тўплади, бутун Мовароуннаҳр, Хоразм, Бухоро, Фарғона, Юқори Чинни кезиб чиқди.

Умуман олганда, Маҳмуд Кошғарий туркий тилларни ўрганишга бағишлиланган 2 та асар ёзиган қолдирган. Шуардан бири «Жавоҳирун-наҳви фи луготит-турк» («Туркий тиллар синтаксиси қоидалари») номи билан юритилган. Лекин бу асар шу вақтгача топилганича йўқ.

Унинг бизгача етиб келган машхур асари «Девону луготит турк» («Туркий сўзлар девони») деб аталади. Асар турли қабила ва халқларнинг тили, лексикаси, фонетикаси, морфология ва диалектологияси ҳақида жуда кўп бой маълумотлар беради. У, айниқса тил тарихи билан шуғулланувчи олимлар учун қимматбаҳо манба бўлиб хизмат қиласи. Мана шу асар орқали Ўрта Осиё халқлари ўз қадимги авлод-ажоддлари, қабилаларининг тиллари тўғрисида муайян тасаввурга эга бўлиши мумкин.

Лекин, иккинч томондан, шуни алоҳида таъкидлаш лозимки, «Девону луготит турк» китоби фақат луғатшунослик, тилшуносликка

бағишиланған асар бўлибгина қолмасдан, у ўша даврдаги ижтимоий-сиёсий ҳаёт тўғрисида ҳам маълумот беради. Унда XI асрда яшаган қабилаларнинг тарихи, синфий зиддиятлар, қабилалараро кураш, меҳнаткаш халқнинг зулм ва истибдод, мавжуд феодал тузуми тартибларига қарши норозилиги ўз ифодасини топган.

Девонга кирган ҳикматли ва ибратомуз гапларда таълим-тарбия, хулқ-одоб, илм-фан тўғрисида ҳур фикрли foялар мавжудки, бу ҳол Маҳмуд Кошғарийни ўз замонининг илғор мутафаккири бўлғанлигидан далолат беради. Ҳусусан, унда Маҳмуд Кошғарий кишиларни меҳнат қилишга, яхшиликка ундаиди, ёмонликни қоралайди, илм ва ҳунар соҳибларини эъзозлайди, улардан ибрат олишга кишиларни чақиради. У, жамиятдаги иллатларга: фитна, тамагирлик, иғвогарлик, мағрурлик, бойлик кетидан қувиш, баҳиллик ва бошқаларга қарши чиқади. Шунинг учун ҳам унинг инсонпарварлик руҳи ила суғорилган foялари кейинги даврларда ҳам Ўрга Осиёда ижтимоий-сиёсий ва фалсафий фикр тараққиётида муҳим роль ўйнади.

## «ДЕВОНУ ЛУФОТИТ ТУРК» АСАРИДАН

Ўч, кек деган нарсалар одамларга қарз қабидир, олмай қўймасалар, ундан чекин. Шуни билда мусофиirlарга, бегоналарга кучинг етганича, қўлингдан келганича яхшилик қил.

\* \* \*

Эй, ўғлим, мендан ўғит-насиҳат ол, одобли ва тарбияли бўлишга тириш, токи эл ичида зўр олим бўлиб танил ва улар орасида одоб ва илм тарқат.

\* \* \*

Тиришқоқнинг лаби ёғлиқ, эринчоқнинг боши қонлик, чунки тиришқоқ кўп ишлаб, яхши таомлар, гўшт, ёғлар топади. Шу билан у мой ошайди. Эринчоқ ўзининг ялқовлиги билан ишдан қочади. Хафаликдан бошига уради, уни қонатади.

\* \* \*

Илгарилари илм чўққисини эгаллаган, фазилат устодлари бор эди. Улар кўп-кўп насиҳатлар сўзлар эдилар, қўнгилга улар ором беради.

\* \* \*

Замон бутунлай озди. Илм, ҳикмат, поклик камайди. Тубан, ёмонлар кўпайди, фазилат эгалари йўқолаётir.

\* \* \*

Ёмонлар тутилсин, мамлакатда (адолат) қонун амалға ошсин,  
күзи билан бўри бирга юра олсину, қайгулар кетсин.

\* \* \*

Қариндошларга, қўни-қўшниларга яхшилик қил, улардан олган  
совғанг эвазига қимматлироқ нарса ҳозирла.

\* \* \*

Сенга қулар юзли бир киши келса, сен унинг юзига иссиқ-  
қайноқ қул сочма, яхшилик қил, ёқимли қилиқ билан ҳурматла.

\* \* \*

Илм, ҳикмат ўрган, ўрганишда ҳавойилик ва тақаббурлик  
қилма, ҳеч нарса ўрганмасдан, ўзини билимдон кўрсатиб мақтангандан  
киши, имтиҳон вақтида уялади, ачинади.

Бу дунёда кишининг машақатсиз туриши ҳеч мумкин эмас.  
Бирор яхшилик кўрмай туриб, одам дунёдан ўтади.

\* \* \*

Илмли, ақлли одамларга яхшилик қилиб, сўзларини тингла.  
Илмларни, ҳунарларни ўрганиб, амалға ошири.

\* \* \*

Ўғлим, ўгит-кенгашимни қулоғингга ол, билимсизликни ташла.  
Кимнинг толқони бўлса, шиннинг қоради. Шунингдек, ақлли киши  
насиҳатни қабул қиласди.

\* \* \*

Ёлғизликтан кўра қанча аҳмоқ бўлса ҳам, ҳамроҳ яхши. Чўлда  
боши оққан томонга кетгандан кўра, қанча эгри, қингир-қийшиқ  
бўлса ҳам, йўл яхши. Чунки (йўлсиз мақсадга етиб бўлмайди) йўл  
орқалигина мақсадга етилади.

\* \* \*

Халиқда фитна кўпайса, ақл озаяди ва тўғри йўлни тополмай  
қолади. Беҳуда сўзлар кўпайиб кетса, оғиз қуриб, жағ қайишади.

\* \* \*

Ўзи емай, молини баҳиллик қилиб қаттиқ тутади. Баҳиллик  
билан мол устида йиғлайди, олтин тўплаб, охири бошқаларга ташлаб  
кетади.

\* \* \*

Ота-онанг насиҳатларини эшит, гапингда уларнинг сўзини қайтарма, кўп мол топсанг, ўзингдан ўтиб қутурма. Мағурланиб, феълингни бузма.

\* \* \*

Бойликка тама қилиб, сүқланиб кишиларнинг ахлоқи бузилди, молни кўргач, насир қуши (бургут) ўлимтик устига отилган каби мол устига отилдилар.

\* \* \*

Зулм эшикдан кирса, туйнукдан чиқади.

\* \* \*

Дараҳт ўтқазилмагунча, ҳосил унмайди (бирор мақсад кетидан юриб), исталмагунча топилмайди, қўлга кирмайди.

\* \* \*

У одам улуғ ишларга чидам билан туриш берадиган эди. Дастурхони қаттиқ қишлиарда ҳам очиқ эди, одамларни ўзининг яхшиликларидан умидвор қилиб ташлаб кетди.

\* \* \*

Ота ўғли хулқда, албатта, отасига ўхшайди.

\* \* \*

Тоғ тоққа қовушмайди, одам одамга қовушади.

\* \* \*

Халқа яхшилик қил, уни сув тагига ташласанг-да, уни сув устида кўрасан.

\* \* \*

Агар билимдон одамга йўлиқсанг, ҳар кун унга бор, яхши мумомала билан унинг илму ҳикматларини ўрган. Такаббурликни ташла.

\* \* \*

Билагимга зўр келтирдим, илму фан ҳақида кўп ёзиб, уни чарчатдим. Тилак яқинлашди, илм, ҳикмат чашмаларининг кўзи, эшиги очилганда умр тугаб бормоқда.

\* \* \*

Йилқи, наслдор от, айғир ва нор таялар, шунингдек, олтин-кумуш ва ипакли кийимлар топганингга суюнма, ўзингга ҳунар ва санъат орттири.

\* \* \*

Яширин тутилган севги айрилиш қуни билиниб қолади, маълум бўлади. Яралик кўзни беркитма, ёшини тўхтатиб яшириб бўлмайди, ёш ошкора қиласди.

\* \* \*

Одамлар баҳил, юзсиз, шилқим одамларни севмайдилар. Эй, ўғлим, ёқимли, эзгу (яхши) хулқли бўлишга тириш, наслинг (шуҳратинг) эртага (ўзингдан кейин) қолсин.

\* \* \*

Қўлдош (суҳбатдошинг)ни ҳурмат қил, яхши муомалада бўл, қаршилик қилиб, уни ташлаб, бошқа билан бўлма.

\* \* \*

Уйдаги товуқни боқолмай қочирсанг, дурроҷ (саҳродаги ёввойи қуш)ни боқаман деб овора бўлма.

\* \* \*

Одамлар яқинларини, биродарларини ҳурмат қилмайдилар. Молу дунёга аҳамият бериб, сўнг гапни (ўзидан) бошқадан қизғанганд ит каби, ўз биродарларига ёмон кўз билан қарайдилар.

\* \* \*

Ишга шошиб киришма, унинг кириш жойига дикқат қил, эҳтиёт бўл, шошилиб чақмоқ чақиб чироқ ёндиromoқчи бўлган кишининг шошишидан чироқ учади.

\* \* \*

Ош туз билан тотли, лескин лаган билан ёлғиз тузнинг ўзи ейилмайди.

\* \* \*

Замон озди, заифлар, bemазалар кучланди. Замон аҳли (одамлар) Афросиёбнинг вафот қилиши билан фазилатдан маҳрум бўлдилар.

\* \* \*

Бирор киши сенга кулиб қараса, сен ҳам унга жуда очиқ ва кулган юз билан боқ, ширин сўз ва ёқимли муомала қил, тилингни тий.

\* \* \*

Каркас қуши йиртқич ҳайвонлардан қолган гўштни (овни) кўриб, ўзини осмондан ташлайди. Шунингдек, донишманд кишиларни қизиқтирадиган ов — ўғит-насиҳатлардир. Улар ўғитни эшитиш биланоқ қулоққа оладилар.

\* \* \*

Тўплаган молни сел келди деб ҳисобла, сел тошни юмалатгаңдай эгасини юмалатади...

\* \* \*

Конни қон билан ювилмайди, яъни тўполон билан бостирилмайди, келишув билан бостирилади.

\* \* \*

Ўзингнинг оғир юкингни бошқаларга юклама, кўзинг тинар даражада ўзингни оч қолдириб, бошқаларни тўйдирма.

\* \* \*

Сени катта ёшли одам чақирса, унга чопиб бор. Очлик йилларида халқнинг қаерга боришини кузат, у қаерга борса, сен ҳам ўша срга бор. Халқингга келган ҳар қандай мусибатларда уларга мос бўл.

\* \* \*

Кеч билан юриб кундуз севинади, чунки у йўлни кўрмасдан босади. Ёшликда уйланган киши қариганда севинади, чунки унинг болалари унга ёрдам берадилар, у роҳат кўради.

\* \* \*

Билимни истайман, молга суянаман, яъни мақсалим — улуғлик учун молни дастак қилиб, тилагимни топаман. Бунинг учун молу ҳолим сарф бўлади.

\* \* \*

Билағон одамларнинг сўз, насиҳатларидан фойдалан. Чунки яхши сўз таъсир қилгач, дилга жойлашади.

\* \* \*

Мамлакат ташланади-ю, одат ташланмайди.

\* \* \*

Илму донишни истадим. Илмли донишмандларни қидирдим. Ўзимни одамлар орасидан айирдим. Бунинг учун оқ ёлли отим ечилади.

\* \* \*

Сенга қаттиқ ташвиш ва алам етса, ўтиб кетар деб сабр қил. Дунё ишларини билиб туришга тириш. Ҳар қандай қулфатни ўзингга олиб, жонингни қийнама.

\* \* \*

Күнгли оч, йўқсил бўлган кишини куч билан тўқ, бой қилиш мумкин эмас.

\* \* \*

Билимдонлар аҳволи ёмонлашиди. Замон уларни ташлаб азоб берди, ҳаттоқи, одоб, фазилат „гўштлари“ бузилди, сасиди. Заифликдан ерга тегиб судралмоқда.

\* \* \*

Кенг тўн тўзимайди, кенгашили иш бузилмайди.

\* \* \*

Бор молингни севасан, унга камроқ севин, чунки у сендан (кўлингдан) чиқиб кетиши мумкин. Кўлингдан кетган нарса учун қайтурма, унга озроқ ачин. Чунки ачиниш сенга (кўлдан кетганини) қайтариб бермайди.

\* \* \*

Одамнинг моли унга душмандир. Ақлли одам қандай қилиб уни севади.

\* \* \*

Одам боласи ўлиб кетади, агар яхшилик қилған бўлса, яхши номи қолади.

\* \* \*

Ўғлим, сенга мерос қилиб эзгу хулқ, одобни қолдираман. Агар, илмли, ақлли одамларга йўлиқсанг, уларга яқинлаш, улардан фойдалан.



## **Шайх Нажмиддин Кубро**

(1145—1221)



Узоқ ўтмишда жаҳонгир подшолару амирларнинг сиғинган олимум пирлари бўлгани тарихдан маълум. Шайх Нажмиддин Кубро хоразмшоҳларнинг пири саналган. У Хоразмнинг энг қайта ва обод шаҳарларидан бири Хивада 1145 йили таваллуд топди. Табиийки, Аҳмад ибн Умар ибн Муҳаммад Хивақий ал-Хоразмий бошланғич таълимни Хивада олган. Кейин мадрасада билимини оширган.

Нажмиддиннинг кейинги фаолияти унинг тўртлик шеърларидан, Шайх Нажмиддин Кубро болалик ва ёшлик йилларида билимга ташна, адабиёт ва санъатга қизиқувчи, айниқса, тасаввуф илмига берилгани яққол сезилиб туради. Одатда, бундай болалар ва ёшлилар ортиқча шўхликдан йироқ юриб, босиқ ва сокин бўлишади. Шайх Нажмиддин Кубро ҳам шундайлар сирасидан бўлган, албатта.

Ҳикмат илмда эканини яхши англаган Шайх Нажмиддин Кубро илм истаб Мисрга йўл олади. Бу срлик машҳур олим Шайх-Саҳиҳ Рӯзихон ал-Ваззан ал-Мисрийдан шариат, тариқат ва ҳақиқат илмидан сабоқ олади. Шу билан у Ислом оламига чуқурроқ кириб боради. Кейин Табриз шаҳрига келиб, Имом Абу Мансур, Шайх Бобо Фарраж, Шайх Исмоил Касрий каби алломалар билан яқиндан танишади. Уларнинг Ислом илми ва бошқа тасаввуфга доир турфа билимларидан баҳраманд бўлади.

Мисрлик устози Шайх Иброҳим унга «Нажмиддин», табризлик устози Шайх Исмоил Касрий эса «Кубро» («Улуғ») каби буюк унвонларни беришади. Шу даврда Шайх Нажмиддин Кубро бошқа кўпгина араб мамлакатларида бўлиб, илм сирларини эталлади.

Турли соҳаларда илмини оширгандан сўнг Шайх Нажмиддин Кубро она-ватани Хоразмга қайтиб, Урганчда истиқомат қила бошлиди. У, бу ерда «Кубро» тариқат мактабини яратди. Бу мактабда Шайх Маждиддин Бағдолий, Фаридиддин Аттор, Баҳоуддин Валад (Жалолиддин Румийнинг отаси). Нажмиддин Розий сингари машҳур шоиру уломалар тасаввуф ва бошқа илмларни олишган. Шу орада Шайх Нажмиддин Кубро «Шайхи валитарош», яъни авлиёлар етиштирувчи шайх деган ном ила бутун Шарқ мамлакатларида кенг танилган.

Шайх Нажмиддин Кубро беқиёс ватанпарвар ва халқарпарвар бўлган. Бу ҳақда Абулғозий Баҳодирхон шундай ёзади: «...Ҳазрати Шайх Нажмиддин Кубронинг овозаси оламга машҳур бўлуб эрди. Ул сабабдин шаҳзодалар (Чингизхон ўғиллари. К. Ҳ., С. О.) Кубро ҳазрати шайхга киши юбордилар. Шайх оёқ остила қолмасунлар, ўғлон ва ушоқлари билан қалъадин чиқиб келсунлар теб. Ҳазрат шайх айтиб юбордилар ким, мен якка эрмасман. Менинг қариндошим ва хизматкорларим бор турур. Шаҳзодалар айтиб юбордиларким, ўн киши бирлан келсунлар. Шайх айтдилар ким, ўндан кўп турур. Шаҳзодалар айтдиларким юз киши бирлан келсунлар. Шайх айтдиларким, юздан кўп турур. Шаҳзодолар айтдилар, минг киши бирлан келсунлар. Ҳазрати шайх айтиб юбордилар ким, яхшиликда мен бу халқнинг тамоми бирлан ошно ва дўст ёр эрдим. Энди ёмон кунда нечук буларни ташлаб борайин, мен борабилмасман теди» («Шажараи Турк». Т., «Чўлпон», 1992, 69—70-бетлар).

Кейин у қўлига қилич олиб душман билан олишди ва 1221 йилда шаҳид кетди.

Шайх Нажмиддин Кубро тасаввух шоири эди. Унинг тарбия сирларидан огоҳ этувчи Куръон шарҳига оид тавсири «Айн-ал-ҳаёт», ўғитлардан иборат «Фи-ал-адаб» («Одоб қоидалари») каби рисолалари ва анча рубоийси сақланиб қолган.

## РУБОИЙЛАР

Ҳар сабзаки сув яқосида юз очмиш,  
Бир руҳи фариштадир магар, кўз очмиш.  
Бир хоки паривашки, ёмон кўйма қадам,  
Бу гўшаки чун лолаву наргис очмиш ...

\* \* \*

Чун шарбати ишқинг била дил маст бўлгай,  
Ҳам ҳажри-фироқинг ила ул паст бўлгай.  
Илкинг узатиб, сен бу йиқилғанни кўттар,  
Нест бўлган ўшал тан ва кўнгил хаст бўлгай...

\* \* \*

Ишқ етса кўнгилга, дилга дард айлар,  
Дарди дили мардни боз мард айлар.  
Сўз оташи ишқида ёнар ул, вали,  
Дўзахни чу ўзгалар учун сард айлар...

\* \* \*

Ҳар лаҳза бу мардона-ю фарзона кўнгил,  
Ёнгай сенинг ишқинг билан жонона кўнгил.

Бир лаңза муҳаббат майини тарк этсам,  
Түлгай шу жигар қонига паймона күнгил...

\* \* \*

Ул дев ичимдадир, чу пинҳон эрмас.  
Кул бош күтариб юрмоги осон эрмас.  
Аймонини минг-ҳазор бор талқин қилдим,  
Ул кофир ўзи асли мусулмон эрмас...

\* \* \*

Чун ҳар неки йўқ... йўқдир бу — боду ҳавас,  
Чун неки бор, бори — нуқсону шикаст.  
Билгилки, у йўқ деганлари — бор, ҳаёт,  
Кўргилки, у бор демишлари — йўқ, абас...<sup>1</sup>

## «ФИ-АЛ-АДАБ» («ОДОБ ҚОИДАЛАРИ») РИСОЛАСИДАН

... Дунёнинг бир қисмини кезиб чиқдим, кўп ишларни тажриба қилдим, қийинчиликларга йўлиқдим, кишилар билан суҳбат қурдим, улуғ ишларга қадам босдим, нарса-ҳодисаларнинг аччиқ-чучугини тотдим, китобларга мурожаат қилдим, олимлар хизматида бўлдим, умримни дунё кезиш билан ўтказдим, ажойиботларни кўрдим. Кўрдимки, умр ва дунёдан кўра тез, шошилиб, йўқ бўлиб кетадиганроқ, ўлим ва охиратдан кўра яқинроқ, орзудан кўра узокроқ, хотиржамликдан кўра гўзалроқ нарса йўқ экан. Дунёю охират яхшилигини — қаноатда, дунёю охират ёмонлигини эса таъмада кўрдим.

Шариат ва диннинг пойдевори — сабр ва ишонч экан.

Ҳамма фузалою фусаҳо, мунахжиму билимдонларни бир чивин қанотини яратишдан ҳам ожиз, боши айланган, начор... ўз ожизлиги ва нуқсонини тан олган кўрдим...

Бас, яратиш, буюриш, билим ва қудрат соҳиби ҳар қандай нуқсонлардан покдир.

... Оллоҳ билимдон, қудратли, мислсиз. У ҳар нарсани эшитиб, кўриб турувчиидир. Энг гўзал безак — тавозелик, энг хунук нарса — баҳиллик экан.

Хусни хулқ (чиройли хулқ)дан кўра яхшилик қўшадиганроқ, ҳасаддан кўра ёмонлик устига ёмонлик қўшадиганроқ нарсани кўрмадим.

Кўрдимки, энг ноёб неъмат — ростгўйлик ва қаҳрамонлик, энг оғир оғриқ эса ёмон ва мунофиқ дўйстлар экан.

<sup>1</sup> 333 рубоий. Тошкент, «Нур» нашриёти, 1991, 49—53-бетлар.

Подшоҳлар қалблариданда қаттиқроқ дийда, камбағал учун ямоқтарни бир-бирига улашдан кўра чиройлироқ зийнат кўрмадим.

Тўғри сўзликдан кўра гўзалроқ зийнатни кўрмадим.

Ибодатларнинг энг афзали фарзларни адо қилиш, одатларнинг энг маъқули ва чиройлиги эса гуноҳлардан, одамларга озор беришдан тийилиш экан...

... Вақтни «эссиз», «қанийди», «кошкийди»лар билан ўтказган кишининг умри энг қисқа умр экан.

Муваффакиятни — саъй-ҳаракатда, муваффакиятсизликни эса лоқайдлик ва дангасаликда, балони — тилда, ҳаловатни эса сукутда кўрдим.

Хору зорликни махлуқлар хизматида, азизу мукаррамаликни эса Холиқ хизматида бўлишда кўрдим.

Қизиқувчини (кўнгил берган) — машғул, зоҳидни эса бекору фориғ, хоҳловчини — излаётган, даъвогарни — ёлғончи кўрдим.

Очкўзни — маҳрум, дунёпастни фамгин кўрдим. Энг яхши савол-жавобни кишининг ўз нафси билан ҳисоблашишда, оқилни — охиратга, жоҳилни дунёга интилишда кўрдим. Нафсни шармандалил ва дўзах сари (одамларни) ҳайдашда кўрдим. Очкўзлик ва гуноҳкорлик ботқофига ботганларни, исрофгарларни кўрдим. Жаннатга киришни ҳалол ейиш ва маҳал (амри маҳол) бажариб бўлмайдиган ишларни тарк қилишда кўрдим. Дўзахга йўлни эса ҳавои нафсда кўрдим.

Кўрдимки, шайтонининг ҳалойиққа султон бўлиб олиши дунёни яхши кўришилкда экан. Ўликлардан, уларнинг ҳолатлари, (қолган) уйлари ва молу давлатларидан ибратланмаган кимсаларни нодонликда, Оллоҳ белгилаб кўйган ҳадлардан ошган кимсаларни эса баҳтсизликда кўрдим.

Кўрдимки, инсонга келадиган барча оғатлар тилдан экан.

Кўрдимки экмаган ўрмайди.

Шафқат қымаганга шафқат қилинмайди.

Алданишдан сақланинг. Сақланинг.

Кўрдимки, энг яхши дўст илм экан... ақлни эса яхшиликларга чорлашда кўрдим...

Кўрдимки, ўз-ўзини тарбиялай олган ва шаҳватлардан тийила олган киши энг кучли экан.<sup>1</sup>

---

<sup>1</sup> Фақирлик ҳақида рисола (арабчадан Муқим Маҳмуд таржимаси). «Сиҳат-саломатлик» ойномаси, 1994 йил, 6-сони.



## Жалолиддин Мангуберди

(1198 – 1231 ишл.)



Шахслар бўладики, илм-фаннынг турли соҳаларида қалам тебратиб, халқнинг маърифий-маданий ўсишига салмоқли таъсир кўрсатиб, унинг тарих соҳасида кимлигини кўрсатувчи асалар ёзиб қолдирадилар. Улар халқнинг маданият хазинасида нодир бойлик бўлиб сақланади ва бир умр ашъёвий далил сифатида хизмат қилади.

Яна бир хил шахслар бўладики, улар ҳеч қандай нарса ёзиб қолдирмайди. Ҳаёти ва турмуш лавҳалари, босиб ўтган йўли манзаралари, яшаш тарзи ва тажрибалари, жамиятда тутган ўрни ва мавқеи, эл-юртда қозонган обрў-эътибори ва бунга сабаб бўлган омиллар, воқеа ва ҳодисалар таълим-тарбия воситаси сифатида хизмат қилишга қодир. Тарих саҳифаларига номи зарҳал ҳарфлар билан ёзилган ана шундай буюк ва суюк шахслардан бири Хоразмшоҳ **Жалолиддин Мангубердидир**.

Демак, Жалолиддин Мангубердининг ҳаёти ва турмуш воқеаларини, давлат бошқариш ҳамда ҳарбий фаолиятини чуқур таҳлил асосида ўрганиш ва умумлаштириш ҳозирги ва келгуси авлоднинг ватанпарварлик, ҳарбий ватанпарварлик, халқпарварлик ва инсонпарварлик қарашларини таркиб топтириш, ривожлантириш ва такомиллаштиришда муҳим аҳамият касб этади.

Хоразмшоҳ Абулфатҳ Эл-Арслоннинг ўғли Муҳаммад Текеш XII аср охирларида эндиғина таҳтга ўтирган пайтда унга мулоzими Жаҳон Полвон набиралик бўлгани ҳақида хушхабар олиб келди. Яъни, Текешнинг ўғли Алоуддин Муҳаммад ўғил кўрди. Янги туғилган фарзандга Жалолиддин деб исм кўйишди. Хоразмшоҳлар одатига кўра, бу исм мўътабар тахаллус сифатида кўлланилган.

Жалолиддин ёшлигига кўпроқ тоғаси Жаҳон Полвон тарбиясида бўлиб, унинг диний ва дунёвий илмлар олишига, адабиёт ва санъатни, мусиқа сирларини ўрганишига алоҳида аҳамият берилди. Энг аввало, Жалолиддинга ахлоқ-одоб, меҳр-оқибат, инсонпарварлик

ва ватанпарварлик түйфулари сингдирилди. Қолаверса, у қурол билан ва қуролсиз жанг қилиш сир-асорорини мукаммал эгаллади.

Жалолиддиннинг бобоси Текеш неварасининг Хоразм анъана-ларига хос адабиёт ва мусиқа сирларини пухта эгаллашига эътиборни қаратди. Шунинг учун ёш Жалолиддин боболари, катта боболари сингари ғазал битишга, турли мусиқа асбобларини чалишга меҳр кўйди.

У Хоразм адабиёти ва санъатини, тарихи ва маданиятини қадрлагани каби ҳалқи ва ватанини, сўлим табиат ва атроф мұхитини севди, ардоқлади. Шу ўринда Рўзимат Ёқубовнинг бир ривоятини келтириш жоиз: бир куни ҳайқириб оқаётган Жайхунга кесак отган укасининг чаккасига тарсаки қўйиб юборди, у: (Жалолиддин — С. О., Р. Ж.)

— Сувга кесак отмоқ, тупроққа тупурмоқ гуноҳи азим,— деганди ўшанда,— Сен Хоразмни онанг ўрнида кўр!

Бу кичик ривоят маъно ва мазмуниди Жалолиддин Мангубердининг Ватанга, она заминга қўйган меҳрининг нақадар улуғвор экани жилоланиб турибди. Жалолиддин болалигига хос юқорида зикр қилинган ҳулқ-атвор, ахлоқ-одоб кўринишлари, гўзал фазилатлар ҳозирги ва келгуси авлод учун намуна сифатида хизмат қилиши табиий. Унинг шу каби гўзал одоби учун, маърифатпарварлиги, ватанини бекиёс севиши учун, дини исломни қадрлагани, мардлиги, ҳалоллиги, бир сўзлилиги учун тириклигига авлиё деб тан олинган. Хоразмшоҳлар пири Шайх Нажмиддин Кубро Жалолиддинни ўз ўғли каби ардоқларди ва унга Кубровия тариқатидан сабоқ берарди. Шу далилнинг ўзи Жалолиддин Мангубердини Ислом дини ва миллий ахлоқ-одобнинг фидойиси эканини тўла тасдиқлайди.

Ёшлигидан ва ҳатто болалигидан бошлаб Жалолиддин от ўйнатиб, қиличбозлиқ қилишни ёқтирган ва тинмай машқ қилган. Ҳарбий машқ, жанг майдонида юриш, ўзини тутиш ва кураш сир-асорорини пухта ўрганишни канда қилмаган.

1200 йил 3 август куни, яъни ўша кун Текеш вафот этиб, тахтга Жалолиддиннинг отаси Султон Муҳаммад ўтиради...

Шу ўринда бир нарсани алоҳида таъкидлаш лозимки, давлат ишларини юритишида Алоуддин Муҳаммад Хоразмшоҳ кўпинча онаси Туркон хотун фикрларига амал қиласарди. Туркон хотун бир сўзлилиги, қайсараги, ўз фикридан қайтмаслиги сабабли невараси Жалолиддин уни ёқтирумасди.

Жалолиддин жуда ёшлигига қарамасдан, Гургонга қарши уруща (1209) қатнашди ва мард жангчи эканини, ҳарбий маҳоратини намойиш қилишга муваффақ бўлди. 1212 йилга келиб, Қорахитойлар устидан ғалабага эришди. Бу билан ёш Жалолиддин отасининг хурматини қозонди, ишончига эришди.

Султон Мұхаммад Хоразмшоқ таҳтга ўтиргандан кейин Хоразм атроғидаги худудларни бирлаштириб, ягона құдратли Хоразм давлатини вужудға көлтириди. Мұхаммад Хоразмшоқ қон тұқишишінинг тарафдори эмасди. Күпчилик шаҳар ва мамлакатлар Хоразмга дипломатия йўли билан қўшилди. У, энг аввало, дини Ислом тарғиботи, унга барчани итоат эттириш йўлида курашди. Кўхна Урганчни бутун мусулмонлар дунёсининг маркази бўлишини орзу қилди. Бутун оламдаги мусулмонларнинг буюк Хоразм туғи остида Чингизхонга қарши жиҳод қилиши тўғрисида хаёл сурарди.

\* \* \*

Жалолиддин Мангуберди ёш бўлишига қарамай фаҳм-фаросатли, мантиқий таҳлил салоҳияти кучли эди. У Чингизхон билан Хоразм ўртасидаги уруш хавфини ва унинг муқаррарлигини ҳис қиласарди. Шу уруш хавфида ҳам бувиси Туркон хотуннинг таъсири кучли эди.

1218 йил, Хоразмшоқ саройидаги йиғилишда Жалолиддин барча кучларни тезлик билан бирлаштириш масаласини кўндаланг қўйди. Лекин унинг бу таклифи ва талаби инобатга олинмали. Шоҳнинг тоғалари ва тоғаваччалари (Туркон хотуи тарафдан қариндошлари) ҳар бир саркарда ўз шаҳри ва вилоятини ўзи ҳимоя қилишини талаб қилишди. Бу таклиф урушда ютқазишнинг асосий белгиси ва сабаби эди. Жалолиддин қанча жон куйдирмасин, ўз фикрининг тўғрилигини қанча далилламасин, таклифини ўтказолмади. Шоҳнинг тоғалари ва тоғаваччалари Жалолиддиннинг обрў-эътибори ошиб кестишидан чўчиганлари учун ҳам уни қўллаб-қувватламадилар. Натижада ҳар бир саркарда ва ҳокимлар ўз шаҳарларига қайтиб кетишли. Бу машъум воқса Самарқандда ўтказилган маслаҳат йиғилишида содир бўлганди.

Чингизхоннинг ҳийла-найрангларию, ўз туққан онаси ва бошқа қариндошларининг сотқинлиги туфайли Хоразм тантанга аҳволда қолди. Оқибатда Султон Мұхаммад Хоразмшоқ садоқатли ўғли Жалолиддин бошқараётган вилоятларга йўл олди. Бундан хабар топган Чингизхон қочоқ шоҳ изига лашкар юборди. Ниҳоят, Хоразмшоқ қочиб-қочиб, бир тўқайзорга беркинди. Кейин у ердан қочиб, Ашурадо леган оролга яширинди. Изидан ўғиллари етиб келишли. Ажалининг яқинлашгани ва умрининг тутаганини сезган Султон Мұхаммад Хоразмшоқ шоҳлик либосини Жалолиддинга берди ва уни ўз ўрнига шоҳ деб эълон қиласди. Сўнг ўша ерда бандаликни бажо келтирди.

Жалолиддин отаси вафотидаи азият чекди, йўл қўйилган хатолар, саройидаги фисқу фасоллар, сотқинликлар, кўрилган мислсиз талафотлар уни беҳад қийнади. Вақт ўтарди, ҳар бир дақиқа ғанимат эди. Шунинг учун у отасини бекафан, шошилинч равишида дағн қиласди. Ватан тақдиди, халқ қисмати уни Урганчга қистарди.

... Чингизхон ўлиимидан кейин янги хоқон Ўқтойнинг фармойиши билан Султон Жалолиддинга қарши жуда кўп сонли ва энг илғор қўшин йўлланди. Уларга энг тажрибали, баҳодир лашкарбоши қилиб Бойжу нўён, Асон Туган нўён, Тайнал нўён, Ноку нўён сингари саркардалар тайинланди.

Хар икки томон Исфаҳон шаҳри атрофида жангга шай бўлиб туришди. Жалолиддин кичик доирада мажлис ўтказиб, Парвон урушидан кейинги сотқинлик, нафс балосига дучор бўлишнинг оқибатлари тўғрисида гапирди. Бу жанг моҳияти — Ватан озодлиги, халқ эрки учун эканини тушунтириди. Садоқатли бўлишга қасамёд қилишди. Сўнг жанг бошланди. Қиёмат-қойим бўлган каби бўлди ҳар ён, мўгуллар танг аҳволда қолди, улар аста-секин ортига қараб қоча бошладилар. Лескин нима учундир қочиб кетаётган мўгул аскарлари чап томондан қўққисдан хужумга ўтишди. Ҳа, яна хиёнат, яна сотқинлик. Бу гал Жалолиддиннинг укаси Гиёсиддин Пиршоҳ чап қанотдаги лашкарлар гуруҳини жанг майдонидан олиб кетганди. Қаттиқ жангдан сўнг барибир Султон Жалолиддин узил-кесил ғалаба қилди.

Бу улуғ воқеа тарихга 1228 йил август санаси бўлиб кирди. Бироқ, ғалати ҳол рўй берди. Хоразм лашкарлари мўгул босқинчилари устидан эришилган ғалаба нашидасини сурардилару, ҳеч қаерда Хоразм туғи кўринмасди. Тўсатдан Жалолиддин Хоразмшоҳ мўгул қочқисини Хоразм байробини олиб кетаётганини кўриб қолди. У жаҳд ила найза отди, мўгул ср тишлади ва Султон Жалолиддин муқаддас байроқни олиб, баланд кўтарди...

Султон Жалолиддин Хоразмшоҳ ўзида йўқ хурсанд эди. Мўгул истилочиларини тор-мор қилиб, Хоразм истиқболи, халқ эрки ва озодлиги, келажакда қилинадиган улуғ ишлар, мамлакат ободончилиги, маърифати ҳақида ширин ўйлар сурардилари. Навбатдаги мақсад — мусулмон давлатлари билан алоқани янада яхшилаш, ўз кўзи билан кўрган хиёнат ва сотқинликлардан тозалаш, меҳр-оқибат, дин-диёнатга эътибор бериш эди. Шундай ширин ва эзгу хаёллар оғушида ўтирганда, мусулмон мамлакатларининг Султон Жалолиддин Хоразмшоҳга қарши уруш эълон қилганларидан хабар топиб, ҳангуган манг бўлиб қолди. Бу унинг пешонасига тушган энг оғир зарба ва қалбига санчилган заҳарли найза эди. У шундан кейин, дейиш мумкинки, ўзига келолмади.

Султон Жалолиддин умри бўйи Хоразмни ва мусулмон халқларини мўгул истилочиларидан ҳимоя қилиш учун жанг қилди, шу эзгу мақсадга эришиш йўлида озор чекди, чор-ночор қолган дамлар сон-саноқсиз бўлди, бегона юртларда девонасифат дайдиди, гоҳида, жиҳод қилди, қўлида қилич ўйнади. Минг надоматлар бўлсинки, мусулмонлар динини ҳимоя қилсаму, улар менинг ҳалокатимни ўйласалар, деб қаттиқ азият чекди.

Айрим тарихий маълумотларга қараганда, Жалолиддин Мангуберди худди шу машъум воқеага қадар оғзига шароб деган нарсан ишоммаган экан. У аламини, ҳасратини, ғам-ғуссасини шароб ичиш йўли билан йўқота бошлади. Беқиёс иродаси мустаҳкам, миллат, мусулмонлар учун жонини бағишилаган улуғ зот руҳан эзилди. Айниқса 1231 йилнинг 17 август куни дармонсизланди, ғам-ҳасратдан ўзини қўярга жой тополмади. Ҳалқ қаҳрамони бечораҳол бўлиб қолди. Шу кунга қадар ҳафтагаб ухлай олмади. У шароб ичар, гоҳ кулар, гоҳида йиғларди. Юрагида оғир дард сезарди. Бу бепоён Хоразм дарди, турк ҳалқлари дарди эди, ўз диндошлари — мусулмонлардан етган озор дарди эди. Бир оздан сўнг чодирида шароб таъсирида ухлаб қолди. Эрта тонгда Жалолиддин Хоразмшоҳ макон қурган жойга душман тўсатдан бостириб келди. Маст ҳолда ётган Султонни олиб қочишиди. Шоҳона лиbosлар чодирла қолиб кетди. Шу алғов-далғовда Жалолиддин ёлғиз бошқа томонга кетиб борарди. Қароқчилар қўлига тушади. Уни ўлимдан бир турк қароқчи кутқариб олади.

Султон Жалолиддин Мангуберди туркка ўзини таништиради. Кейин ҳалиги турк йигити уни бир хонадонга қўйиб, от топиб келиш учун чиқиб кетади. Бу воқеадан бир банги қурд хабар топиб қолганди. Унинг акаси Жалолиддинга қарши жангда ҳалок бўлган эди.

Жалолиддин Хоразмшоҳ хонага кириши билан яна доңг қотиб ухлаб қолади. Ҳалиги банги қурд кўққисдан хонага кириб, ухлаб ётган Султон юрагига (1231 йилнинг 19 август куни) найза уради. Ўзини бутун мусулмонлар озодлиги, бирлиги, эзгулик учун баҳиш этган, фидойи ватанпарвар, мард ва миллий қаҳрамон Жалолиддин Мангуберди бир банги қурд қўлида фожиали равишда шаҳид бўлди.

Султон Жалолиддин Мангуберди Хоразмшоҳ ҳаёти, турмуш тарзи, босиб ўтган йўли, жанг қилиш лавҳаларини ўрганиш, чуқур таҳдил этиш педагогик жиҳатдан муҳим аҳамиятга эгадир. Зотан, ёш авлодга ватанпарварлик, инсонпарварлик, эзгулик, миллатга эътиқод, меҳр-оқибат, дўстга садоқат, элга меҳр-шафқат, юргани идора қилиш, ватанни ҳимоя қилиш сир-асрорини ўргатишида тарбиявий роль ўйнаши табиий ҳолдир.



# **Бурҳониддин Зарнуджий**

(1150 — ?)



Бурҳониддин Зарнуджий шахси ва ижоди ҳақида түлиқ маълумот жуда кам. Аммо, маълумки, у Марғилон мадрасасида ўқиб, шу ерда мусулмон қонунишунослигидан талабаларга таълим берган. Ўзининг кўп йилилк амалий-педагогик тажрибаларини умумлаштириб, ўз даврига хос, бугун ҳам ўрганишга лойиқ педагогик ўкув қўлланма ёзишга муваффақ бўлган.

Унинг «Ўқувчига таълим йўлида қўлланма» номли ушбу китоби асрлар давомида ўқилиб, қўлда кўчирилиб келинган. XIX асрда бу китоб араб тилида бир неча мамлакатларда нашр қилинди. 1864—1865, 1900—1901 йиллардаги Қоҳира, 1870—1889 йиллар Тунис, 1975 йили Истанбул, 1888—1902 йиллар Қозон нашрлари китобхонларга маълум.

## **«ЎҚУВЧИГА ТАЪЛИМ ЙЎЛИДА ҚЎЛЛАНМА» АСЛАРИДАН**

... Мен кўрганимдан сўнггиси шуки, бизнинг замонимизда билимга ғайрат билан киришган кишиларнинг кўпчилиги унга (билимга) унчалик эришолмаган бўлсалар, аслида улар, нотўғри йўл танлаб ва мавжуд услубларни менсимасликдан сақланмаганликдандир. Мен ... ўз ўқитувчиларим, доно ва билимдон кишилардан эшитганларим, китоблардан ўқиганларим асосида уларга мавжуд услугуб, йўллар ҳақида фикрлар билдириш ва мақсадларни кўрсатмоқчиман. Мен ушбу китобни «Ўқувчига билим олиш йўлида қўлланма» деб атаб, уни қуйидаги бўлимлардан иборат тарзда туздим. Улар: «Билимларнинг моҳияти ва уларни такомиллаштириш ҳақида», «Таълим йўлида онгли истаклар ҳақида», «Ўқитувчи, ўртоқ, фанларни танлаш ҳақида», «Олимлар ва фаннинг шарафи ҳақида», «Дарс вақти ҳақида қўлланма», «Билимларни эгаллаш ҳақида», «Оллоҳдан қўрқиш ва таълим олиш», «Билимларни хотирада сақлаш, эсдан чиқариш турлари», «Умрни узайтирувчи ва қисқартувчи кучлар ҳақида» ва бошқалардан иборат.

## «ҮҚИТУВЧИ, ЎРТОҚ, ФАНЛАРНИ ТАНЛАШ ҲАҚИДА» ДАН

... Ўрганувчилар зиммасида барча фанлар орасидан энг муҳимларини танлаш вазифаси туради. Бунда улар нимага қизиқадилар, нимани ўрганмоқчилар ва ҳаётларининг кейинги даврларида қайсинасига эҳтиёж туғилишини ҳисобга олишлари маъқул. Майли, аввало, у якка Оллоҳни ва билиш йўллари ҳақидағи фанларни танласин, Оллоҳни фақат ҳақиқий йўлда билсин, ишонч бунга асосий йўлдир. Ҳақиқат излаганни менсимаслик хато ва гуноҳларга олиб боради.

Ўқитувчи танламоқчи бўлганингизда, энг аввало, билимлигига, энг олижанобига ва яна кексасига тўхтамоқ керак...

Билгинки, қаноат ва сабр — ҳамма ишларнинг буюк илдизи, аммо бу камдан-кам ҳол. Айтилганки: «Ҳар бирингиз муруватни эгаллашга хайриҳоҳлик билан интилинг, бироқ булардан энг долзарби, бу — кишиларда билимларни тақрорламоқдир».

Билимларга бўлган қизиқиш шуни талаб этадики, у (ўқувчи) ўқитувчисига ва ўрганаётган фани, китобига нисбатан тўла қаноатли бўлсин, токи муваффақиятсизликни ўзидан йироқлаштиурсин, билимнинг маҳсус бўлимига нисбатан ҳам шундай иш тутмоқ керак. Буларнинг акси эса, ўқитувчига нисбатан номуносибликка, вақтни йўқотишга, машғулотларнинг тартибсизлигига сабаб бўлади.

Сен билимларни фақат мана шу олти ҳолатда ўзлаштиришинг зарур бўлади. Мен уларни қуидагича таъриф қиласман. *Булар:* ақл-фаросатлилик, кучли истак, чидамлилик, озгина ейимлик ва ичимлик, ўқитувчи таълими ва билим олиш учун етарли вақт.

Ўртоқ танлашга келсак, шундай ўртоқ танлаш керакки, ғайратли, соғдил, пок феъл-автор эгаси бўлсин. Лекин, ялқов, ишёқмас, эзма, жиноятичи ва ўғрилардан ўзингни анча йироқда тут.

Муаллим — устозга нисбатан ҳурматда бўлини ифодаси шуки, шогирд муаллимдан олдин юрмаслиги, унинг ўрнига бориб ўтираслиги лозим.

Айтилганки, машғулотлар давомида ўқувчилар муаллимдан узоқ бўлмасинлар, «улар ораси ўқ-ёй оралигича бўлсин», мана шунда илмга интилувчиларни ўз устозларига ҳурмати маълум бўлади.

## МАШГУЛОТ (ДАРС) ВАҚТИ ҲАҚИДА

... Дейиладики: «Таълим вақти бешикдаги даврдан —мозоргача». Ҳасан ибн Зийёд 80 ёши арафасида ҳаёт қонунларини ўрганишга киришган. У 40 йиллар чамаси тўшак устида ухламай ўқиб ва сўнгги 40 йилида ўз фикр-мулоҳазаларини баён қўлган. Ўқиб ўрганиш учун энг яхши вақт — ёшлик даври, эрта тонг ва қош қорайган пайт. Билим олувчи ана шу вақтини самарали ташкил этишга одатланисин, борди-ю унга бир фан зерикарли бўлса, бошқаси билан машғул бўлсин.

## **Аҳмад Юғнакий**

(XII—XIII аср)



XII—XIII асрларда яшаган йирик шоир ва олим, туркийзабон ижодкор, атоқшы сиймалардан бири «Ҳибат ул-ҳақойик» («Ҳақиқатлар туҳфаси») асари муаллифи Аҳмад Юғнакийдир. Аҳмад Юғнакий асаридан бизгача сақланып қолған баъзи парчалар ва унинг асарига ёзилған шарҳлар муаллиф ижоди ҳақида тасаввур ҳосил қилишга имконият беради. Унинг бу асарыда келтирилишича, шоир Чимкент вилоятига қарашли Юғнак деган жойда таваллуд топған. Асар сатрларыда қайд этилишича, Аҳмад Юғнакий күзи ожиз киши бўлган. Унинг асари, бир манбада келтирилишича, ўндан ортиқ бобдан иборат бўлган. Алишер Навоий ўзининг «Насойим ул-муҳаббат» асарыда унинг номини эслаб ўтади. Навоий Ҳусайн Бойқаронинг ўғли Бадиuzzамонга ёзган бир хатида «Ҳибат ул-ҳақойик»дан парчалар келтиради.

Хозир Юғнакий асарининг уч нусха қўлёзмаси Туркияда сақланади. Достоннинг Истанбул нусхаси 508 мисрадан иборат асар бўлиб, у ўн бир бобдан тузилган. Унинг биринчи боби Тангри ва унинг улуғлигига бағишлиланган бўлиб, II боби Пайғамбар ва чаҳорёларга, III боби бекларга, IV боби асарнинг ёзилиш сабабларига бағишлиланган. V бобида илмнинг афзаллик томонлари ва унинг мадҳи, VI бобида тил одоби, VII бобида фоний дунё масалаларига, саккизинчи бобида муаллиф кишидаги саҳоват ҳамда баҳиллик сифатларига тўхталади. У одамлардаги саҳоватни мақтаб, баҳилликни қоралайди, одамларнинг одамлиги мана шу икки сифат — саҳоват ва баҳиллик билан намоён бўлишини айтади. Инсондаги саҳоват каби яхши хислат доим у билан ҳамроҳ бўлиши, уни ҳеч бири тарк этмаслиги кераклигини уқтиради. Бу борада одамлар доимо одми ва жўн, хушмуомала бўлиши зарурлиги, кишидаги фурур ва қўполлик хусусияти инсон хулқи ва одобини бузиши мумкинлиги ҳақида сўзлади.

Асарнинг IX—X боблари заковат ва бошқа ижтимоий масалаларга, XI боби эса китоб хотимасига бағишлианди.

Аҳмад Юғнакийнинг «Ҳибат ул-ҳақойиқ» асари Ўрта Осиё маҳаллий халқарининг туркий адабий тилида ёзилган ажойиб қимматбаҳо дурдонадир. Унинг тили ўрга аср адабий тилига ва ўзининг халқчиллиги билан ҳозирги ўзбек тилига жуда яқиндир.

Истанбулнинг Аё Сўфия кутубхонасида сақланётган бу асарнинг энг эски нусхаси ҳижрий 848 (милодий 1444—1445)- йили ва бошқаси 884 (1479—1480)- йили Самарқандда кўчирилган.

Бу асар илгари Нажиб Осим бей томонидаи 1334 (1915—1916) йилда изоҳлар билан нашр этилган эди.

Айрим манбаларда кўрсатилишича, Юғнакийнинг оти Аҳмад бўлиб, отаси Юғнакий деб танилган, шунингдек, унга ҳурматан «адиблар адиби», «фозиллар сардори» деган ном ҳам берилган.

Алишер Навоий «Насойим ул-муҳаббат» («Муҳаббат шабадалари») асарида Аҳмад Юғнакийни эслаб ёзади: «Худо раҳмат қилгур адиб Аҳмад ҳам турк элидан эмиш. Ундан гаройиб нарсалар нақд этилади. Дерларки, қўзлари битилган, ҳеч нарсани кўрмас эмиш. Басир бўлиб ўзга басирлардек андоқ эмас эрмиш-ки, қўз бўлғай ва кўрмас бўлғай, аммо бағоят зийрак ва закий, зоҳид ва муттақий (тақводор) киши эрмиш. Ҳақ субҳона ва таоло агарчи зоҳир кўзин ёпуқ яратгандур, аммо кўнгил кўзин бағоят ёруқ қилғондур... Маскани Бағдоддин неча йиғоч (чақирим), баъзилар дебдурларки, тўрт йиғоч йўл эркандур. Ҳар куни Имоми Аъзам (Оллоҳ унинг руҳини муқаддас қилсун) суҳбатига ҳозир бўлур эркандур. Ва бир масала ўрганиб, бу йўлни аёқ босур экандур... Наклдурки, Ҳазрати Имомдан сўрабдурларки, шогирдларингиз орасида қайсидин андоқки, кўнглингиз тиллар, розисиз?

Имом қуддиса сирруҳу демишларки, бари яхшидурлар.

Аммо ул кўр туркки, саффи ишиолда (пастак жойда) ўлтурур ва бир масъалани мазбут қилиб, тўрт ёғоч яёқ юруб борур, андоқки керак ул таҳсил қилур. Ва анинг тили турк алфози била мавозу насойиҳа гўё эрмиш, балки аксар турк улусида ҳикмату нуқталари шойиъдур (тарқалган). Ва назм тариқи била айтур эрмиш. Ва анинг фавоидиндандур:

Улуғлар не берса смасмен дема,  
Илиг сун, оғиз ур, емасанг ема.

Бу ерда ўнуни ҳам айтиш керакки, Имом Аъзам билан Аҳмад Юғнакий ўртасида давр нуқтаи назардан бир қанча фарқ бор. Имом Аъзам милодий 700—767- йиллар орасида яшаган. Аҳмад Юғнакий эса XII—XIII асрларда яшаган. Бу ерда ё китоб нашрида қандайдир бир чалкашлиқ бор, балки бу ерда Имом Аъзам эмас, бошқа бир Аъзам номли улуғ бир зот бўлиши ҳам мумкин. Ҳазрат Навоий бунчалик саҳвгалатта ўрин бермас. Балки ношир хатоси бўлса эҳтимол.

Мана шулардан кўринишича, Аҳмад Югнакий ўз даврида забардаст шоирлардан бири бўлган. Унинг тилга олинган китоби бутунлай таълимий бир асардир, ҳатто уни насиҳатнома десак ҳам бўлади. Бунда муаллиф Пайғамбар, тўрт халифа ва саҳобалар мадҳидан бошлаб, илму фан ўрганишнинг аҳамияти, нодонликнинг зарари, тилни тийиш ва одоб-ахлоқ турларидан сабоқ берган.

## АҲМАД ЮГНАКИЙ НАСИҲАТЛАРИДАН

Билик<sup>1</sup> била билинур саодат йўли,  
Билик била саодат йўлини изла.<sup>2</sup>  
Баҳолик<sup>3</sup> динор ул биликлик киши,  
Бу жоҳил биликсиз баҳосиз иши.  
Биликлик— биликсиз қачон teng бўлур?  
Биликлик тиши<sup>4</sup> — эр, жоҳил эр — тиши.  
Сўнгакка илик керак, эронга<sup>5</sup> билик,  
Эрон кўрки ақлдир, сўнгакда илик  
Биликсиз-иликсиз сўнгакдек холи,  
Иликсиз сўнгакка сунулмас илик.<sup>6</sup>  
Билик билган бўлди эрлар билгулик,<sup>7</sup>  
Биликсиз тириклай етук кўргулик.<sup>8</sup>  
Биликлик эр ўлди, оти ўлмади,  
Биликсиз эсан экан, оти ўлик.  
Биликсиз мингига биликлик бири —  
Тенгдур, биликлик билур билик қадрин.  
Боқиб кўр энди, бир ўзинг синаб кўр,  
Биликдан фойдали на бир нарса бор?

<sup>1</sup> *Билик* — билим.

<sup>2</sup> Бу ерда Югнакий матнини сақлаш мақсадида баъзан ибора ва сўзларгагина ўзгариш киритдик. Асл матн тушунарли бўлса, ўшандай қолдирдик, архаик бўлиб қолган сўзлар, ҳатто қофиялар ўрнини ҳам баъзан алмаштиридик, баъзан ўзича қолдирдик. «Ҳибат ул-ҳақойиқ» («Ҳақиқатлар тухфаси») матнининг бу тўпламдагисини тайёрлашда Қ. Маҳмудовнинг «Аҳмад Югнакийнинг «Ҳибат ул-ҳақойиқ» асари ҳақида» (Тошкент, «Фан» нашриёти, 1972) деган китоби иловасидан фойдаландик (177—246- бетлар), унда матн (арабча ҳарфда), транскрипция (218—231), шарҳ (232—246) ва луғат (247—299- бетлар) берилган.

<sup>3</sup> *Баҳолик* — нархи баланд, қимматли.

<sup>4</sup> *Тиши* — хотин, урғочи; бу ерда: билимли хотин мисоли эркакдек, жоҳил эр бўлса, мисоли хотиндек бўлади, дейилмоқчи.

<sup>5</sup> *Эрон* — эр киши.

<sup>6</sup> *Илик* — қўл.

<sup>7</sup> *Билгулик* — биладиган.

<sup>8</sup> *Кўргулик* — билимсизлик ёмон бўлди, кўргулик бўлди, дейилмоқчи.

Билик бирла олим кетди юқори,  
Биликни биликсиз билеб на қилур?!  
Билик бил, эринма, ўшал ҳақ расул,  
Биликли бўлса ким мақтанг, деди ул.  
Биликлик биликни қадрлаган бўлур,  
Билик қадрин, билсанг биликлик билур.  
Билик қадрин элга билик билдирур,  
Биликни биликсиз ўзин на қилур?!  
Биликсизга ҳақ сўз тортиқсиз<sup>9</sup> эрур,  
Анга панд насиҳат осиқсиз,<sup>10</sup> эрур.  
На турлик ювиқсиз покдир ювинса,  
Жоҳил қанча ювинсин ориқсиз,<sup>11</sup> эрур.  
Биликлик киши, кўр билур ўз ишин,  
Билиб этар ишин, ўкинмас кейин.  
На турлик иш эрса биликсиз уни  
Ўқинчда ўтказур, топмай чорасин.  
Биликлик кераклик сўзни сўзлаюр,  
Кераксиз сўзларни кўмиб кизлаюр.<sup>12</sup>  
Биликсиз на айтса айтур уқмайин,  
Анинг ўз тили ўз бошини еюр!  
Биликла билинур яратган изи,  
Биликсизлик ичра хайр йўқ ўзи.  
Билик билмагандин бир анча эл жим,  
Ўз илгин<sup>13</sup> бут этиб, бу деди изим.<sup>14</sup>  
Биликлик сўзи панд-насиҳат, адаб,  
Биликликни мақтар ажам ҳам араб.  
Таварсизга билги<sup>15</sup> туганмас тавар,  
Ҳисобсизга белги йарилмас<sup>16</sup> ҳисоб.  
Эшигтил билимлик неларни айтур,  
Адаблар боши тил, тиймоқ кўп зарап.  
Тилингни тийиб юр, синмасун тишинг,

<sup>9</sup> Тортиқсиз — мазмунсиз, маъносиз.

<sup>10</sup> Осиқсиз — фойдасиз.

<sup>11</sup> Ориқсиз — ювиқсиз, ифлос.

<sup>12</sup> Кизламоқ — яширмоқ.

<sup>13</sup> Илгин — қўлини.

<sup>14</sup> Изим — Худойим.

<sup>15</sup> Таварсизга билги — товар-мол, қадимги турк тилида ишлатилган сўз, билги — билим.

<sup>16</sup> Йарилмас — саналмас.

Агар чиқса яшир, ўнглансин ишинг.  
Билиб сўзлагил эр сўзи тўғридур,  
Кўп валдираган эр худди ёғийдир.<sup>17</sup>  
Эзма бўлма, хўбдири тилнинг хушлиги,  
Етар бошга бир кун бу тил бўшлиги.  
Хирад<sup>18</sup>лиқму бўлур аччиқ тил киши?!  
Заҳар тилдан кетди кўпларнинг боши.  
Ўчактирма эрнинг тилин, бил бу тил,  
Яраласа битмас, битар ўқ яра.  
Сафиҳ<sup>19</sup> эр тили ўз бошин душмани,  
Тилидан тўкилди кўп эрнинг қони.  
Кўплаб сўзлагандан ўқинганлар кўп,  
Тилин тийганлардан ўқинган қани?  
Неким келса эрга тилидан келур,  
Бу тилдан ким эзгу, ким ҳурмат кўрур.  
Эшит бу бут сўзни, барчага тенгдур,  
Дилга сўзни жойлаб олиб сифинур.  
Тийиб олгин тилинг, кел оз қил сўзинг,  
Сақланса бу тилинг сақланур ўзинг.  
Эрни ўтга отувчи тил, деб расул —  
Айтди ахир, ўтдан асран тийиб тил...



<sup>17</sup> Ёғий — душман.

<sup>18</sup> Хирад — ақл, заковат, донолик.

<sup>19</sup> Сафиҳ — тентак, ақлсиз.

# **Паҳлавон Маҳмуд**

(1247—1326)



Фан ва маданияти гуркираб яшнаб турган, адабиёт ва санъати довруғ таратган, ҳалқнинг турмуш даражаси, фаровонлиги юксалган, имон-эътиқод, дину диёнати камолга етган гўзал ва навқирон Хоразмни Чингизхон бошлиқ мӯғуллар истилоси хонавайрон қилди. Бу хунрезлик Хоразм маданиятининг янада юксак поғонага кўтарилишига салбий таъсир кўрсатди.

Худди ўша тарихий даврда Паҳлавон Маҳмуд Пурёйвалий, Қитоли (1247—1326, Хива) Кўҳна Урганчга ёндош қишлоқлардан бирида ҳунарманд-косиб оиласида таваллуд топди. Ўша вақтда Паҳлавон Маҳмуднинг отаси Кўҳна Урганчда истиқомат қиларди. Оиласини телпак, пўстин тикиб, ундан келган даромад ҳисобига тебратарди. У ўз ҳунарини ўғли Паҳлавон Маҳмудга ўргатди. Фарзанд ҳам ўз навбатида ота касбига меҳр қўйди, айниқса, пўстин тикиш сир-асорини пухта ўрганди.

Паҳлавон Маҳмуд Кўҳна Урганчда туғилиб, Хивада униб-ўсди, камолга етди, ўша ерда муқим яшади. Бир нарсани эслаш лозимки, айrim манбаларда унинг ота-онаси Хивага кўчиб ўтаётган пайтда туғилгани қайд қилинган.

Паҳлавон Маҳмуд болалигидан паҳлавонжусса, елкалари кенг, қадди юксак, жуда бақувват бўлиб ўсди. У доимо паҳлавонлар сайлларига бораарди, кураш усулларини кузатди ва ўрганди, ўзи ҳам бадантарбия билан машғул бўлди, жисмонан чиниқди. Жуда ёшлигидан тентқурлари билан қурашга тушарди. Натижада Паҳлавон Маҳмуд Хоразм мамлакатида «Полвон Маҳмуд» номи билан машҳур бўлиб кетди. Кейинчалик «Елкаси ерга тегмаган» паҳлавон сифатида бутун Шарқ мамлакатларига кент танилди ва ҳалқ унга «Пурёйвалий» тахаллусини берди. Бу номлар ва тахаллуслар Паҳлавон Маҳмудга ҳалқ томонидан тақдим этилган катта, олий мукофот эди.

Оlamга довруғи кетган паҳлавон инсонпарварлиги, ҳалқпарварлиги билан ажralиб турарди. Доимо қўни-қўшниларнинг, эл-элатнинг ҳожатини чиқаришга ҳаракат қиларди. Бу гўзал одобахлоқи, мулойим хулқ-автори, вазминлиги ва бошқа фазилатлари унга хурмат-эътибор келтирди, ҳалқ ўртасида катта обрў қозонди.

Паҳлавон Маҳмуд ёшлигидан шеър ёзишни тинмай машқ қилди. Халқ тақдирини, ватанини некбин ва кўтаринки рух билан қуйлади. Унинг асарлари фалсафий, тарбиявий, нафосат мушоҳадаларига бой, бадиийлиги юксак савиядга, маъно ва мазмуни кенг қамровли, уларда илгари сурилган фикрлар теран.

Дунё бинокори тузар қаср-айвон,  
Тузиб бўлади-ю, қиласи вайрон.  
Фалакка етказиб бугун тоқини,  
Эртага этади ер билан яксон.

Ёки:

Эй дил, шоҳи тўнни қилмагил ҳавас,  
Эски киймоқликни ҳам этмагил бас.  
Енгил ўтсин десанг ўз кунингни сен,  
Қарам қилма ўзни бирорга абас.

Шу икки бандда юқорида келтирилган ривоят-афсонанинг шоир Паҳлавон Маҳмуд ҳаёти ва фаолиятига нақадар тегишли ва мос экани акс этган. Бошқача айтганда, у шоир сифатида инсон ва ватанини улуғлаб, халқпарвар, инсонпарвар ва ватанпарвар бўлишга чақирибина қолмасдан, унинг ўзи шу фикрларига тўла амал қилган.

Такрор айтамизки, Паҳлавон Маҳмуднинг шу фазилатлари, келажакни кўра билиши, ҳаёт ва турмуш оқимидан тўғри хуросалар чиқара билиши уни пир даражасига кўтарган. Шунинг учун уни халқ «Полвон пир» деган ва ҳозир ҳам унинг Хива шаҳрида жойлашган мақбарасини авлиё сифатида доимий равишда зиёрат қилишади.

Хуроса қилиб айтганда, Паҳлавон Маҳмуднинг ҳаёти ва ижоди жуда катта тарбиявий аҳамиятга эгадир. Унинг асарларини педагогик нуқтаи назардан ўрганиш, талқиқ этиш шу фан равнақига тегишли ҳисса қўша олади.

## ПАҲЛАВОН МАҲМУД ИЖОДИДАН НАМУНАЛАР

Токи бор гайратинг, мардликдан асар,  
Аҳли аёлингни этма дарбадар.  
Мева шоҳи агар девордан ошса,  
Йўловчилар унга бешак қўл чўзар.

\* \* \*

Гуркираган олов — дилим қуёши,  
Тўлқин урган дарё — кўзларим ёши.

Кўзагарлар ясаётган ҳар кўза —  
Чин дўстларнинг ҳоки — қўли ё боши.

\* \* \*

Аlam кишанидан озодлар бизлар,  
Fam ризқимизу доим шодлар бизлар.  
Хушёрлик ис, рангу бўйин билмаймиз,  
Ёр кўзидек маstona зotлар бизлар.

\* \* \*

Ox тортган чоғингда йўлга кўз тутгил,  
Йўлда қудуқ бордир, эҳтиётинг қил.  
Дўст уйида маҳрам бўлган вақtingда,  
Кўлингни, кўзингни, дилни тия бил.

\* \* \*

Улусга шоҳ эмас, дарвеш эрур хеъш,  
Не ажаб, чунки у дарвешдир, дарвеш.  
Бузуқ деворлардан ташвиш бор, лекин —  
Синиқ кўнгуллардан кўпроқдир ташвиш.

\* \* \*

Йўқ осмонда, ернинг юзида ҳам туз,  
Денгизнинг сувида, музида ҳам туз.  
Ризқим дастурхони тузсиздир, э воҳ  
Ажаб замонки, йўқ тузида ҳам туз.

\* \* \*

Эй чархи фалак, замонайи дунёпарвар,  
Тескари юришинг тўғрига хатар:  
Нодон бош устида-ю доно поймол,  
Ё раб, бу фалакни эт зеру забар.

\* \* \*

Ҳар ёқдан фам отган тошни кўраман,  
Кўз очсан чимирилган қошни кўраман.  
Қачонгача поймол этиб фикримни,  
Тизза кўзгусида бошни кўраман?!

\* \* \*

Кўзгумга берардим кечқурун сайқал,  
Боқдим унга тиниқ бўлган бир маҳал.  
Шунча кўп кўринди ўз айбимки, мен  
Ўзгалар айбини унутдим тугал.

\* \* \*

Тун иккиқат хотин, не туғар экан?  
Замона ҳукмидан не ёғар экан?  
Умр аввалида не келди, күрдик,  
Күрармиз, охири не бўлар экан!

\* \* \*

Шикоят қилма, эй таъмагир нопок,  
Тупроқдан ор этмам, чунки ўзим хок!  
Чўпни ҳам элтолмас бу сувдан ҳеч ким,  
Гавҳар сенга бўлсин, менга бас хошок!

\* \* \*

Не ҳожики, аввал эди бир илон,  
Ҳаждан келиб аждар бўлди беимон.  
Ҳалол-ҳаром деса асло алданманг,  
Үйинг куйгур ўзи асли беимон.

\* \* \*

Умримиз дараҳтина паст қилма, Раббано,  
Борлиқ шаробидан маст қилма, Раббано,  
Ўзинг карам бир-ла мард йигитларни,  
Нокасларга зеридаст қилма, Раббано.

\* \* \*

Оlam фили қайтаролмас журъатимиз,  
Чархдан зўрроқ қудратимиз — шавкатимиз,  
Гар чумоли кириб қолса сафимизга,  
Шер этажак уни дарҳол давлатимиз.

\* \* \*

Ўз нафсингга бўлгин амир, шунда мардсан,  
Ўзгаларга бўлма ҳакир, шунда мардсан,  
Ииқилганни тепиб ўтиш мардлик эмас,  
Афтодага бўлсанг дастгир шунда мардсан.

\* \* \*

Филдай кучинг бўлса ҳам мур<sup>1</sup> бўлиб кўрин,  
Молинг ошиб-тошса ҳам ўр<sup>2</sup> бўлиб кўрин,  
Ҳамманинг айбини билганинг ҳолда,  
Ҳеч нарса билмагандай, кўр бўлиб кўрин.

---

<sup>1</sup> Мур — чумоли.

<sup>2</sup> Ўр — ялангоч, бу ерда: оддий кийимда юрмоқ, либосга ортиқча зеб бермаслик маъносида.

\* \* \*

Олам иши бошида бўлсайди бир мард,  
Номарднинг бошидан чиқаарди гард,  
Олам шуки доимо мисли нард ўйин,  
Найранг билан ютади мардларни номард.

\* \* \*

Бир оқил дейдики: бўлғил валломат,  
Ёки валломатга қила кўр хизмат.  
Номард хизматига ёндашма зинҳор,  
Ўйлагин, бу ўгит қандоқ пурхикмат.

\* \* \*

Кўнглим оппоқ, на кек ва на кинам бор,  
Душманим кўп ва лекин мен ҳаммага ёр.  
Мевали дараҳтман, ҳар бир ўткинчи —  
Тош отиб ўтса ҳам менга бўлмас ор.

\* \* \*

Қора тош сира ҳам бўлмас ложувард,  
Тоза қалбга юқмас чангү гард.  
Кулоқ солгин Пурёйвалий сўзига,  
Кўрқоқлардан бирон чиққанмиди мард.

\* \* \*

Борма айтмаганнинг дастурхонига,  
Кўл узатсанг, қадринг тушар, нонига.  
Кўшма ўзгаларнинг барра кабобин,  
Қотган нону совуқ сувинг сонига.

\* \* \*

Бутқул фалак иши — жавр ила жафо,  
Вафо аҳли бўлмас у билан ошно.  
Вафоли кишининг ити бўламан,  
Кишидан ит яхши, бўлмаса вафо.

\* \* \*

Ерга аралашиб ётар неча дил,  
Жаҳон зарралари — лаб, тиш ёки тил.  
Ердан униб чиққан сунбул, ё гулни,  
Гўзалларнинг сочи, ё юзи дегил.

\* \* \*

Дагал дили доим эзилган бўлур,  
Талаб йўли унга тўсилган бўлур.  
Ёмон-яхши билан ким келишолса,  
Дили шоду ғамдан қутулган бўлур.

\* \* \*

Подшолик истасанг, бўл эл гадоси,  
Ўзингни унтути, бўл эл ошноси.  
Эл тож каби бошга кўтарсин десанг,  
Эл қўлин тутгину бўл ҳокипоси.

\* \* \*

Дониш эрур отган ўқим нишони,  
Дадиллик манбай — билимим кони.  
Эзгулик осмонин маҳбусиман мен,  
Занжирим — фазою само уммони.

\* \* \*

Маърифатнинг тили — чолгу найимдир,  
Ақлим — қилич, сўзим ўқу ёйимдир.  
Имтиёзлар мулкин шоҳи билурким,  
Сўз майдони — ишғол қилган жойимдир.

\* \* \*

Нодон гийбатига бўлибман нишон,  
Қайтаргум ҳужумни, менман паҳлавон!  
Маломат қилурлар жоҳиллар, чунки,  
Билимда эрурман нодири замон.

\* \* \*

Сўз ошиғи, файзли нафас истайман,  
Бир лутфда юзлаб ҳавас истайман.  
Бу нокаслар лойиқ эмас тинглашга,  
Нозик сўзга бир серҳавас истайман.

\* \* \*

Неча йил илм-хунар пайида бўлдик,  
Неча йил зар-зевар пайида бўлдик.  
Олам сирларидан бўлганда огоҳ —  
Барисидан кечиб, қаландар бўлдик.

## **Баҳоуддин Нақшбанд**

**(1318—1389)**



Ҳазрат Ҳожа Баҳоуддин Мұхаммад Нақшбанд ҳижрий 718 йилнинг муҳаррам ойида (милодий 1318 йил март) Бухоро шаҳри яқинидаги Қасри Ҳиндувон қишлоғида таваллуд топган. Унинг отаси Мұхаммад Жалолиддин тикувчи ва ўймакор, нақшбанд косиб бўлган. Ҳожа Баҳоуддин Мұхаммад Нақшбанднинг тарбиячиси Ҳожа Бобой Самосий уни сўфийлар доирасига олиб кириб, унга тасаввуф илмларини ўргатади.

Бобой Самосий вафотидан (1340) бир оз олдинроқ тарбияла-нувчисини ўз шогирди Саййид Амир Кулолга топширади. Ҳожа Баҳоуддин Нақшбанд ҳазратлари амир Кулол раҳбарлигига Хўжагон тариқатининг қоидалари ва амалиёт усулларини ўзлаштирган. Хўжай Хўжагон (яъни, Ҳожа Абдуҳолик Фиждувоний) асос солган тариқат (йўли)ни Ҳожа Баҳоуддин Нақшбанд қайта жонлантириб, уни ҳам назарий, ҳам амалий қоидалар билан такомиллаштириди. Бу тариқатда Фиждувоний ва Баҳоуддин Нақшбанд таълимотлари мужассамлашгани учун Хўжагон-Нақшбандия ибораси ҳам ишлатилган. Агар Нақшбандия таълимотининг назарий ва амалий асослари Аҳмад Яссавий ва Абдуҳолик Фиждувоний тариқатлари негизига қурилган бўлса, Аҳмад Яссавий ва Абдуҳолик Фиждувоний тасаввуфнинг илк таълимотини Бухорода Эрон олими Абу Яқуб Юсуф Ҳамадоний (1049—1140 милодий йилларда яшаган) устозлигида ўзлаштирган. Ҳожа Баҳоуддин Нақшбанд ўз устозларининг таълимотларига бир қатор янги foялар кўшди.

Мустақил сўфий шайх бўлганидан кейин Ҳожа Баҳоуддин ҳазратлари ўз умрини Бухоро шаҳри яқинидаги Қасри Ҳиндувон қишлоғидаги томорқасила деҳқончилик билан ўтказади, ўзи ва оиласи ҳалол меҳнати орқали келадиган даромадлари ҳисобига яшашади.

Ҳожа Баҳоуддин Мұхаммад Нақшбанд ҳазратлари милодий 1389 йилда вафот этган ва ўз қишлоғи (яъни, қадимги Қасри Ҳиндувон) яқинидаги боғга дағғи қилинган. Унинг қабри яқинига 1540—1549 йилларда Бухоро хони Абдулазиз томонидан қурдирилган масжид

ва хонақоҳ ҳозирги кунда ўзбек ва хорижий халқларининг зиёратгоҳига айлантирилган.

Ҳазрати Баҳоуддин Нақшбанднинг ҳасти ва фаолияти, фалсафий таълимоти ҳақида кўпгина асарлар, рисолалар, мақолалар нашр қилинган.

Нақшбанднинг фалсафий таълимоти ва педагогик қарашлари (тарбиявий-амалий қарашлари) унинг гоялари асосига қурилган. *Уларнинг энг муҳимлари қўйидагилардан иборатдир:*

1. Ҳаёт учун зарур бўлган энг муҳим нарсалар: содда ва кифоя қиласидаги мисқордаги озиқ-овқат, энг зарур кийим-кечак ва бошқалар билан қаноатланиш.

2. Озиқ-овқат ва кийим-кечакларни шахсий ҳалол меҳнат орқали топиш.

3. Ихтиёрий равишда камбағалликни танлаш.

4. Хизматкор ёлламаслик, хусусан, қуллар меҳнатидан мутлақо фойдаланмаслик.

5. Бойлар ва ҳокимият вакиллари билан яқин ва доимий алоқада бўлмаслик.

6. Никоҳидаги аёлидан ташқари бошқа аёллар билан майшатдан воз кечиш.

7. Оллоҳ исмлари ва сифатларини тақрорлаш (яни зикр қилиш)ни товуш чиқармасдан пинҳона бажариш.

Нақшбанднинг юқорида баён қилинган барча гоялари ва тарғиботлари 11 тариқат (йўл, усул, қоида)лари орқали тушунтирилади ва аниқлаштирилади.

*Улар қўйидагилардан иборатдир:*

1. XVIII дар дам (ҳар доим ҳушёр бўлиш, ғафлат уйқусидан уйғониш);

2. Назар бар қадам (сафар қилганда эътиборли бўлиш, дикқат билан разм солиб юриш, огоҳ бўлиш, ўзини паришонхотирликтан асраш);

3. Сафар дар ватан (ватанида қалбан сафар қилиш, унинг ютуқларидан суюниш, нуқсонларидан хафа бўлиш, камолот сари интилиш, маънавий камолотга эришиш);

4. Хилват дар анжуман (Алишер Навоий бу қоидани қўйидагича тушунтиради:

«Мусоғир бўл, аммо Ватан ичра бўл,  
Тила хилвату анжуман ичра бўл».

Бу қоида Баҳоуддин Нақшбанднинг маънавий отаси Абдуҳолик Фиждувонийнинг қўйидаги пурмаъно байтида янада чуқур тушунтирилган:

«Хилват эшигини ёпгин-у, суҳбат эшигини оч,  
Шайхлик эшигини ёпгин-у, дўстлик эшигини оч».);

5. Ёдкард (бу қоиданинг маъноси лисоний ёки қалбий зикрдир, хуфия зикрдир. Дилида Оллоҳга зикр қилишдир);

6. Бозгашт (инсон ҳар вақт тайиба калимаси (ла илоҳо иллолоҳ, Мұхаммадан Расул Оллоҳ) ни айтгач, у аллоҳдан розилигини тиласин, бу тилакни дилидан ўтказсинг);

7. Нигоҳдошт (киши тайиба калимаси (ла илоҳо иллолоҳ, Мұхаммадан Расул Оллоҳ)ни айттаётганида дикқати бошқа томонға چалғиб кетишидан эхтиёт бўлиши, уни такрорлаб, хотирасида мустаҳкамлаб олиши лозим);

8. Ёддошт (бу қоида Худони айтган (буюрган)ларини ёдлашда доим огоҳ бўлиш, яъни уни доимо ёдда тутишдан иборатдир);

9. Вуқуфи ададий (вуқуф — «билим», «таълимот» маъноларини англатади. Бу қоида асосида зикр жараённида адад (сон, миқдор)га риоя қилиш англашилади. Ададга риоя қилиш қалбий зикр асосида зокирни фикр ўзгариб кетишидан ёки паришонхотирликдан сақлайди);

10. Вуқуфи замоний (бу қоида бандага ўз ахволидан воқиф бўлиб туришни талаб этади. Инсон ўз умридаги ҳар бир дақиқанинг яхшилик ёки ёмонлик билан ўтаётганини ҳисоб-китоб қилиб яшамоғи даркор);

11. Вуқуфи қалбий (бу қоиданинг маъноси — инсоннинг дили, доимо Оллоҳ томонга воқиф ва огоҳ бўлиб туришидан иборатдир).

Булар ичida «Хуш дар дам», «Назар бар қадам», «Сафар дар ватан» ва «Хилват дар анжуман» Нақшбандия таълимотининг асосий қоидаларидир.

Баҳоуддин Нақшбанд тарбиявий қарашларининг марказида комил инсонни шакллантириш гояси ётади. Комил инсон, аввало, ақлли, илмли ва маърифатли бўлиши лозим. Унинг таълимотига кўра, инсонни илми шариат, илми тариқат (илм эгаллаш йўллари), илми маърифат ва илми ҳақиқатни ўз ичига олган тасаввуф таълимоти билан қуроллантириш лозим. Бу йўл орқали инсонлар мавжуд дунёнинг тилсимларини ўрганишлари ва билишлари керак. Хўжа Баҳоуддин Нақшбанд бу таълимотни ўрганувчиларга пиру устоз бўлиб таълим берганлар. Пиру устоз Нақшбанд уларнинг дунёқарашини кенгайтириб, валий — авлиё даражасигача ақлини ривожлантирганлар. Уларга таълим бериш услубиётини ишлаб чиқсанлар. Бу тоифа уч қисмга бўлинади: *муқаллид, комил ва мукаммал*.

*Муқаллид* (таклидчи) эшитганига амал қиласи.

Комил ўз вужудидан чиқиб кетолмайди. Комил мукаммалнинг тарбиятисиз мукаммал бўлолмайди. «Бизнинг ихтиёр қилганимиз «ал-иродату тарқу-л-иродати фи-л-иродати» деган сўздир, мурид (яъни, шогирд) ўз хоҳишини ташлаб, ўз муқтадоси (пирининг) хоҳиши ичига бутунлай кўмилиб кетиши керак», дердилар. «Ихтиёр

бизда, агар хоҳласак толибга жазаба орқали таъсир қиласиз, агар хоҳласак сулук (турли хил йўллар) орқали таъсир қиласиз. Муршид (пир) бу — ҳозиқ табиб (каби) муриднинг ҳолига яъни, маънавий камолотининг айни вақтдаги ҳолатига — *И. Т.* мувофиқ бўлган даво (тарбиявий таъсир)ни қиласи». «...бизнинг тариқатимиз (йўлими) анжуманда хилват (хилват дар анжуман), ватанда сафар (сафар дар ватан) дир. Хилватда шуҳрат бор, шуҳрат эса оғатдир. Жамиятда хайрият бўлади, жамият эса суҳбатда бўлади. Агар бу йўл толибларидан бир гуруҳи бир-бировлари билан ҳамсуҳбат бўлсалар, бу суҳбатда хайру барака кўп бўлади... «Нақшбанд: суҳбат»... зоҳир (ташқари)да ҳалқ ила ва ботин (кўнгил)да ҳақ субҳонаху ва таоло ила...» бўлиши керак.

Муршид ҳар куни толибнинг ҳолидан хабардор бўлиши, фаросат ёки сўраб суриштириш билан унинг аҳволини билиб туриши зарур. «*Муршид толибнинг ўтган, ҳозирги ва келажак каби уч ҳолидан боҳабар бўлиши керак, шундагина уни тарбия қила олади*».

«Толиб амал қилиши зарур бўлган шароитлардан бири шуки, у Ҳақ таоло дўстларидан бўлган бир дўст билан ҳамсуҳбат бўлиб, ўз ҳолидан воқиф бўлиши зарур. Суҳбат замонини ўзининг ўтмиш замони билан солиштириб кўрсин, нуқсондан камол сари кетаётганини ўзида мушоҳада қиласа, бу азизнинг суҳбатида мулозаматда бўлишни ўзи учун фарзи айн ҳисобласин».

«Суҳбатда сен кўнгилга доимо йўл топиб бор,  
Яхшиликка ошно бўл, ёмонликка сен душвор.  
Ёмонлар суҳбатидан қочмасанг сен дўстгинам,  
Азизоннинг руҳи ҳеч рози бўлмас, биру бор».

Илм йўли, «Тариқат йўли одобдан иборатдир, ҳар бир ҳол ва ҳар бир мақомнинг одоблари бор, кимки одобни ушласа уни балоғат ахлининг балогатига етказади. «*Одоб бу — ҳулқни чиройли қилиш, сўзни ва феълни соз қилишадир*». «*Хизмат одоби улуғ баҳтдан яхшироқ, унинг белгиси — амалнинг қабули, түғён эса одобнинг бузуқлигидир. Адабни сақлаш — муҳаббат самараси, дарахти ва уруғи ҳамдир*».

Нақшбанд айтадиларки: «*Агар адабдан озгинагина нуқсонга йўл қўйсанг ҳам нимаики қилсанг беадаблик бўлаверади*». «*Толибларда юз берадиган ҳар қандай камчилик ва фикрларни улар биладилар ва йўқотадилар*».

Саҳобалар «...толибдаги ҳар бир зарра ва қатрани кўрадилар ва ҳақиқат юзасидан бу ҳолни уларга кўрсатадилар ва шундоқ қолдирмайдилар»:

«Кўр кетар экан билмай истиқболда чоҳ,  
Уни огоҳ этмасанг сенدادир улуғ гуноҳ».

Ҳазрати Баҳоуддиндан, қаҳр билан толибга таъсир этиш түғрими, деб сўрадилар. У киши шундай жавоб беради: Қаҳр, яъни ғазаб икки хил маънога эга бўлади: ҳақиқий қаҳр-ғазаб камолот сифатидир. Бунда тарбияланувчини лоқайдлиги учун унга ғазаб билан тўғри йўлга йўналтирилади. Сабабсиз қаҳр-ғазаб заарлидир.

*Нақшбанд ҳазратлари айтадиларки:* «Аҳли иршод (пиру устозлар) сайёд (овчи) кабидурларки, нозиклик билан ваҳший ҳайвонни кўлга оладилар ва толибни ваҳшийлик сифатидан одамлик мақомига етказадилар. Бу тоифа (аҳли иршод) ... чиройли тадбир қўллаб, соҳиб табиат толиб билан шундай муомала қиласиларки, охири уни... устоз йўлидан боришга эришадилар». Сўнгра Нақшбанд толибга тарбиявий таъсир этишда унинг қобилият даражасини, шахсий хусусиятларини ҳисобга олиш лозимлигини айтади: «Бу тоифанинг ҳар ким билан қилган муомаласи ўша одамнинг қобилияти даражасига мос бўлади. Агар толиб бошловчилардан бўлса, унинг юкини тенг кўтаришади ва унинг хизматини қиласилар... Толибда бу йўлнинг қобилияти пайдо бўлгунча жуда кўп ўргатиш ва тушунтириш лозим».

«Ҳар вақт диққатингни бўлмагил зинҳор,  
Нигоҳинг ҳамиша бўлсин интизор».

«Вукуфи замоний бу йўлда юрувчи учун шундай нарсаки, толиб доимо ўз аҳволидан хабардор бўлиши ҳар бир замонда ўзининг ҳоли ва сифати қандай, шукр пайтими, узр пайтими, буни билиши керак».

«Ориф кишилар топа оладиган ва бошқалар топа олмайдиган йўл уч қисмга — *муроқаба*, *мушоҳада* ва *мусоҳабага* бўлинади. *Муроқаба* — яратувчига доимий назар қилиш билан одамларни унугашади... *Мушоҳада* — файбий ҳолатларнинг кўнгилга киришидир. Замон ўтувчидир, тўхтаб туролмайди... Қабз (сиқилиш) ҳолатида жалол сифатини мушоҳада қиласиз, баст (шодлик) ҳолатида жалол сифатини мушоҳада қиласиз...

«Мусоҳаба — ўтган ҳар бир соатимизни ҳисоблаш ва текширишdir. Ўтган ҳар бир соатимиз... ҳузур билан ўтдими ёки нуқсонми? Агар ҳаммаси нуқсон билан ўтган бўлса, қайтамиз ва амални аввал бошдан бошлаймиз... амал қилмоқ керак, қилинмагани ҳақида фикрлаш: ўзни нуқсонли билиш ва амални бошидан бошлаш».

«Солиҳ (яъни, толиби илм) балофат (камол)га етгандан кейин дил ва тил ўртасида фарқи қолмайди, яъни ташқаридаги машғуллик ботин (ички) амалларига тўсиқ бўлолмайди. Ботин амалига зоҳир машғулотидан ҳижоб (парда) юзланмайди. «Шундай қилиб, у «... ҳалқ ҳузурида риоя қилинадиган адабга хилватда ҳам риоя қилиш лозим» лигига тушуниб етади.

«Кимнинг икки куни бир хил бўлса, бас, у алданган, кимники бугунидан эртаси ёмон бўлса, бас у малъундир, кимки зиёдаликда бўлмаса, бас, у нуқсонда, кимки нуқсонда бўлса, бас унга ўлим яхшидир».

«Улар (яъни устозлар) ўзларининг вужудларини поклаш билан ўзгаларнинг вужудларини поклашни истайдилар».

«Ким мени яхши кўрса, мен уни қийнаб кўраман», яъни унга нисбатан талабни ошираман. «Мурид (шогирд)нинг эътиқоди ва ишончини ошиши учун зуҳурга келтиради ва бу туфайли мурид янада қаттиқроқ ҳаракат қиласди».

«Агар дўст айбига боқсак, дўстсиз қоламиз, ҳеч ким дунёда беайб эмас. Бу йўлнинг юкини кўтаришга ҳақиқий дўстлар керак...» сув ариққа дўстлар мадади билан келади, аввал ўртоқ топиш, сўнг йўлга чиқиш керак». «Ҳар ким ўзгаларни хоҳласа, ўзини хоҳлади, кимки ўзини хоҳлабди, билсинки, ўзини хоҳлаяпти». «Агар ўзингдан кечсанг, доимо айшу шодликдасан». «Такаббурлик шамоли бошида бўлса-да, эсиши Унинг (яъни Оллоҳнинг) Кибриёлигидан», леди Ҳазрат.

«...ҳар ким ўзида йўқ нарса билан сўз айтса, Ҳақ субҳонаҳу уни ҳеч қачон ўша нарсага етказмайди».

«Дарвешлик нима? Дарвешлик — таш (яъни, ташқи қиёфаси) дан беранг ва ич (маънавий қиёфаси)дан бежанг бўлишдир».

«Сабр ва чидамда ногора каби бўлмоқ лозимки, у қанчалик шапалоқ емасин, бироқ ўз одатига хилоф овоз чиқармайди».

«Хою ҳавас ахвлари тутган ишлар асосининг барчаси залолат (адашув)дан иборатдир. Ишларда ниятни тўғри қилиш энг муҳим нарсадир».

«Биз шундай сувратдамизки,

Ҳеч кимдан ранжимаймиз ва ҳеч кимни ранжитмаймиз».

«Ақрли кишилар бугунги ишни эртага қўядиган кишилардан юз ўгирадилар».

«...барча зоҳирий (ташқи) ва ботиний (ички) амаллар, сўз феъл сен учун ҳижоб (парда)дир, то бу йўлда юрувчи булардан кечиб ўтмаса, ҳақиқатга етолмайди».

«Кимки қўл-оёғини тўғри ишлатса, Аллоҳ таоло унинг насибасини тўғри қилиб беради».

«Дил ба ёру, даст ба кор» — «Дилимда Худо, қўлим меҳнатда».

«Кимки Ҳақ субҳонаҳу таоло инояти билан ўз нафсининг ёмонлигини таниган, унинг ҳийла-найрангини англаган бўлса, бундай қилиш унга осон бўлади».

«Илоҳий иноятлар билан биз қилган амал ва чеккан риёзатларни тортишга сизларнинг тоқатингиз етмайди. Сизларга чора шуки, беихтиёр бўлинглар, ризо талаби йўлида қалбларни эҳтиёт қилинглар».

«Ҳар бир тавфиқ эгаси ўз нафсига қарши турмоги керак ва бу ҳар қанча оз бўлса ҳам кўп билсин ҳамда бу тавфиқнинг шукрини қилсин».

«Аллоҳ жалла жалолуҳуга сүянган ҳақиқий муршид инояти орқали ахлоқни ҳамда ёқимсиз феълларни ўзгартириш билан нафсга қарши курашишдир»:

«Менда на гилам бор, на фаррош,  
На турк гуломию, на сангтарош.  
Тунда мен ётурман ит қаби хор-зор,  
Инграйман, думимга қўйганимча бош».

«На бойлик бор, на бойлардан камимиз бор,  
Йўқчилик ҳасратидан на ғамимиз бор.  
Елкамизни жанда ёпган, хона гўристон,  
Ажал етиб келиб қазо келса, на мотамимиз бор».

Баҳоуддин Нақшбанд таълимотининг билимдони Е. Э. Бертельс ёзадики, «У ўз умрини ўз ҳоҳиши билан фақирлик ва йўқсилиқда ўтказган. У ўз қўли кучи билан кун кўришни ёқтирган, топган-тутганларини доимо етим-есирларга, бева-бечораларга инъом этган. «Сен шамга ўҳшагин, токи ҳаммага равшанлик бағишла, ўзинг эса қоронғуда бўл», дейди Баҳоуддин Нақшбанд»:

«Оlamda ҳалолни ошаб яшадим.  
Барчани ушбуға чорлаб яшадим.  
Шул сабаб офтобдай порлаб яшадим,  
Бағрини тузлаган Баҳоуддинман.»



# XIII—XIX АСРЛАРДА ЎЗБЕК ТАЪЛИМ-ТАРБИЯ МАКТАБИ ВА АНЬАНАЛАРИ ТАРАҚҚИЁТИ

## АМИР ТЕМУРНИНГ ОДОБ-АХЛОҚ, ТАЪЛИМ-ТАРБИЯ ТҮҒРИСИДАГИ ЎТИТЛАРИ



Амир Темур Кўрагон ибн Амир Тарагой 1336 йилнинг 9 апрелида ўша пайтлардаги Кеш (Шаҳрисабз)га қаравши Хожа Илғор (ҳозир Яккабоғ тумани) қишлоғида таваллуд топди. Отаси Амир Тарагой ўзига тўқ, бадавлат киши эди. Лекин бўлажак Соҳибқирон таваллуд топган пайтда Қазағон (1333—1346) ҳузурида кичик бир мансабга эга эди. Амирнинг онаси Такина Хотун бухоролик «Садр аш шаърияшариат» улуғи, таниқли олим Убайдуллоҳнинг қизи бўлган. Ўша пайтда Кеш ва унга тобе ерларнинг беклиги эса Амир Тарагойнинг оғаси Ҳожи Барлоснинг қўлида эди.

Амир Темурнинг отаси Амир Тарагайнинг тўрт ўғли ва икки қизи бор эди: ўғиллари — Амир Темур, Суюргатмиш, Оламшайх, Жўги нўён, қизлари — Қутлуғ Туркон оға, Шербик оға. Амир Темур фарзандлари орасида тўнғичи бўлган. Амир Темур ёшлидан илм аҳлига жуда катта эътибор берган. Тарихлар, ҳикоятлар, қиссалар ва ривоятлар тингламоққа майли кўп, адабиёт, санъатни, ҳарбий ишларни жон-дилдан севган, ўта зукко, оқибу доно, фаҳм-фаросатли, айни чоғда довюрак, жасур бўлган. Аммо, Темурнинг ёшлик ва ўсмирлик, йигитлик йиллари Чигатой улуси оғир ижтимоий-сиёсий буҳрон исканжасига тушиб қолган даврларга тўғри келди. Улус ичидаги нотинчлик Қазағон даврига келиб ўзаро феодал урушларнинг авж олиб кетишига олиб келди. Ҳокимият учун кураш, айниқса, хон билан унинг бош амири (амир ул-умароси) Қазағон ўртасида кучли бўлди. Ўзаро нифоқ ва келишмовчилик урушга айланди.

Кеш (Шаҳрисабз) вилоятининг ҳукмдори Амир Темурнинг амакиси Ҳожи Барлос эди. Тарихий манбаларда кўрсатилишича,

Хожи Барлос мүғулларга қарши курашиш учун қулай имкониятларни қўлдан бермаган. Унинг Баён Сулдуз билан бирлашиб қилган жангиди Абдулоҳ ибн Қазагон енгилади.

Баён Сулдуз ва Ҳожи Барлоснинг Шаҳрисабз ва Қарши ҳокимлигини қўлга киритиши 1358 йилларга тўғри келади. Аммо бу учналиқ узоққа бормайди. Мустақиллик даъво қилаётган барлосларни тийиб қўйиш учун Шарқий Туркистон хони Туғлуқ Темур катта қўшин билан бостириб кела бошлади. Ҳожи Барлос бундан қўрқиб, Хурросонга қочади. Уни Амударё бўйигача кузатиб қўйганлар орасида Амир Темур ҳам бор эди. Аммо у ўзига содиқ кишилар билан изига қайтади. Темур ибн Тарагай биринчи бор ана шу оғир вазиятда синовдан ўтади.

Ҳожи Барлос Хурросонга кетган, юрт эгасиз қолган пайтда Амир Темур Шаҳрисабз ҳокимиятини ўз қўлига олади. Бу жасурлик ва ватанпарварлик, юртсеварликнинг тимсоли эди, албатта. Дарҳақиқат, ориятни қўлдан бермаслик, оғир пайтда мардлик қўрсатиш, ҳар қандай қўшиндан тап тортмаслик унинг учун имон-эътиқодга айланади...

Тарихий манбаларда Амир Темурнинг Мовароуннахр таҳтини расман қўлга олиш йили сифатида 1370 йил қайд этилади ва бу муваффақият Балхда юз берганлиги айтилади. Ҳақиқатда ҳам амир Ҳусайн ибн Мусаллабни енгиб, қўли баланд келган Амир Темур жами акобирлар, қўшин бошлиқлари томонидан Мовароуннахр ҳукмдори деб тан олинган эди. Демак, Соҳибқирон ўттиз тўрт-ўттиз беш ёшида таҳтга чиқишига эришган.

Фосиҳ Ҳавофий ўзининг «Мужмал-и Фосиҳий» асарида Амир Темурнинг 1336—1387 йиллардан тортиб 1404—1405 йилларгача бўлган ҳаёт йўли асосий саналарини келтиради. Ҳа, улуғ бобомизнинг бутун умри от устида, ур-сурлару курашларда кечган. У умри давомида яхшилик, эзгуликдан чекинмади, мардларни улуғлали, хоинларни, золимларни кечирмади, улусга зулм қилувчи ҳукмдорларни аёвсиз жазолади, ватан хоинларидан нафратланди.

«Амир Темур ўғитлари» рисоласида ҳаққоний таъкидланганидек, Амир Темурнинг тарих олдидаги хизмати бениҳоя катта. *Биринчидан*, у мамлакатда кучайиб кетган феодал тарқоқликка барҳам бериб, эл-юргани ўз туғи остига бирлаشتира олди. Марказлашган йирик феодал давлатга асос солди. Бу билан зироатчилик, хунармандчилик, савдо-сотиқ ва маданият ривожига мустаҳкам замин яратди. *Иккинчидан*, Амир Темур бир қатор ҳалқлар ва юртларга мустамлақачилар зулмидан озод бўлишда ёрдам берди. *Учинчидан*, Туркистон заминини хунармандчилик, илм-фан ва маданияти ривожланган илфор мамлакатга айлантирди. Амир Темурнинг саъй-ҳаракати билан обод этилган шаҳарлар, касабалар, қишлоқлар, Шаҳрисабз, Бухоро, Яssi (Туркистон) шаҳарларида қад кўтарган иморатлар, «Темур ва темурийлар давлати», «Темурийлар маданияти», «Улуғбек ва

Самарқанд», «Обсерватория мактаби» каби улуғ тушунчаларнинг дунёга келиши ва дунё ҳалқлари тарихига олтин ҳарфлар билан ёзилиши ҳам Амир Темур номи билан боғлиқдир.

Даставвал, шуни айтиш керакки, Амир Темур одоб-ахлоқ, имон, эътиқод, таълим-тарбияда ўзи юксакликка, мукаммаликка эришган сиймолардан биридир. Бунга ишонч ҳосил қилиш учун бобомизнинг ўзи томонидан яратилган одоб-ахлоққа оид дастурлар, ўйтлар, панд-насиҳатларни, шунингдек, Соҳибқирон ҳақидаги тарихий асарларни кўздан кечириш кифоя. Булар «Тузуки Темурий» («Темур тузуклари»), «Малфузоти Темурий» («Темурнинг айтгандлари») ва «Воқиоти Темурий» («Темурнинг бошидан кечиргандлари») номи билан жаҳонга машҳур бўлган асарларни, XV аср муаррихи Фосих Аҳмад Ҳавоғийнинг «Мужмал-и Фосихий», Низомуддин Шомий (туғилган ва вафот этган йили маълум эмас) ва Шарафиддин Али Яздийларнинг машҳур «Зафарномаси», ибн Арабшоҳ (1389—1450)нинг «Ажойиб улмақдур фи ахбори Темур» (Амир Темур ҳақидаги хабарларда тақдир ажойиботлари), Салоҳиддин ибн Мулло Алоиддин хожа Эшоннинг (Салоҳиддин Тошкандий) қаламига мансуб «Темурнома» (Амир Темур Кўрагон жангномаси, 1908) кабилар шулар жумласидан. Тарих фанлари доктори, профессор Ашраф Аҳмад Темурнинг ўзи амал қилган ўн бир сифатни юксак баҳолайди.

*Биринчи сифат:* «Мен сифатларимнинг энг аввали деб бегаразликни тушундим. Ҳаммага ҳам бир хил: жисддий ва одил қарадим, ҳеч бир кимсани бошқасидан фарқ қиласдим бойни камбағалдан устун қўймадим».

*Иккинчи сифат:* «Мен ҳар доим Исломга қатъий риоя қилдим ва Аллоҳ таолонинг амри билан улуғланган шахсларга ҳурмат билан қарадим».

*Учинчи сифат:* «Мен камбағалларга кўп хайр-эҳсон қилдим. Ҳар можаро ва муаммони диққат билан текширдим ва уни мумкин қадар тўғри ҳал қилишга бутун жаҳдимни сарф қилдим».

*Тўртинчи сифат:* «Халойиққа раҳм қилдим, барчага наф еткурдим. Бунда бирорга ноҳақ озор етказмадим ва мендан ёрдам сўраб келганиларни кўкрагидан итармадим. Қуръони Каримнинг: Аллоҳнинг амрига бўйсуниши ва ҳалқига шафқат қилиши даркор, деган оятини ўзимга фарз билиб, уқиб олдим, ва умр бўйи барча юмушларимда унга амал қилдим».

*Бешинчи сифат:* «Исломга тааллукли ишларни мен ҳар доим кундалик ва дунёвий ишлардан устун қўйиб қелдим. Аввал тангри итоатини адо этиб бўлгандан кейингина куидалик ишларга қўл урдим».

*Олтинчи сифат:* «Барча сўзларимда доим ҳақиқаттўйликка амал қилдим. Бу дунё ва у дунё ҳақида эшитганларимдаги ҳақиқатни ёлғондан ажратса билдим».

*Еттинчи сифат:* «Мен ҳар кимгаки, ваъда берсам, унга вафо қилдим. Ҳаргиз ваъдага хилоф иш қилмадим. Мен доимо ваъдаларимни аниқ бажарсам, шундагина одил бўлишимни ва кимсага жабр етказмаслигимни англадим».

*Саккизинчи сифат:* «Доимо ўзимни Аллоҳнинг ердаги мулкининг посбони деб билдим ва Парвардигорнинг ёки унинг ноибларининг изнисиз уни сарф этмадим. Тангрининг иродасисиз унинг бандаларининг ҳеч бирига зарап етказмадим. Олий мартабадагиларга ҳам, фуқарога ҳам бирдек хайрия қилишга интилдим. Мен ҳеч қачон бирорвнинг мулкига эга бўлишга интилмадим ва, шунингдек, ҳеч қачон кўпроқ бойлик ортиришга ҳаракат қилмадим. Ҳеч қачон бирорвга ҳasad билан қарамадим. Бу борада Амир Ҳусайн билан бўлган воқеа менга ибратли бўлди. Ўз фуқароларининг мол-мулкига нисбатан очкўзлиги пировардида уни ҳалокатга олиб келди».

*Тўққизинчи сифат:* «Мен ҳар доим Тангридининг амри ва унинг Пайғамбарининг ҳадисларида айтилганларга тўла амал қилишга интилдим. Барча қилмишларимда шариат йўсинларига буткул амал қилдим ва нопок ишлардан бутун вужудим билан ўзимни тийдим. Пайғамбар ва унинг саҳобаларини ўзимнинг ягона ва энг яхши дўстларим деб билдим».

*Ўнинчи сифат:* «Мен ҳар доим инсоф байроғини баланд қўтардим ва имон тарқатишни ўз буюклигимнинг қудратли замини деб билдим. Мен инсон бир онадан туғилган деб ишонганман. Шунинг учун мустаҳкам қудратга таянган қудрат буюк бўлади».

*Ўн биринчи сифат:* «Мен доим сайдларга эҳтиром билан қарапдим, уламо ва шайхларни эъзозлардим. Бу кишиларни доимо мажлисларимга чакирапдим. Уларни дин масаласи юзасидан айтганларини дикқат билан тинглаб олардим ва унга амал қилардим. Шунинг учун менга нисбатан халқнинг меҳри баланд эди ва ҳамма мендан миннатдор эди».

Шундай қилиб, Соҳибқирон Амир Темурнинг ибратли ҳаётий панд-насиҳатлари ва пурмаъно ўтиларининг ҳар бири мазмун ва маъно кенглиги, мантиқнинг кучлилиги, теранлиги, таъсири, умуминсоний қадриятлар асосига қурилганлиги билан алоҳида аҳамият касб этади, уларни ҳадсиз хазина, одоб-ахлоққа оид дастурлар дея оламиз.

## АМИР ТЕМУР ИБРАТЛАРИДАН НАМУНАЛАР

... Бизким — мулки Турон, амири Туркистонмиз. Бизким миллатларнинг энг қадимиий ва энг улуғи Туркнинг Бош бўфини бўламиз.

... Салтанат ишларида тўрт нарсага амал қилгин, яъни:

1. Кенгаш.
2. Машварату маслаҳат.

3. Қатъий қарор; тадбиркорлик, ҳүшёрлик.
4. Эҳтиёткорлик.

Кснгаш ва машваратсиз салтанатни барча қилган ишлари ва айтган гаплари нотўғри бўлган жоҳил одамга қиёс қилиш мумкин; унинг айтган сўзлари ва қилган ишлари бошга пушаймонлик ва надомат келтиради. Шундай экан, салтанатни бошқаришида машварату маслаҳат ва тадбиркорлик билан иш юритгин, токи оқибатда надомат чекиб, пушаймон бўлмайсан. Шуни ҳам билишинг керакки, салтанат ишларининг бир қисми сабру тоқат билан бўлгай, яна бир қисми эса билиб билмасликка, кўриб кўрмасликка солиш билан битур. Хуллас, бажарилиши шарт бўлган тадбирларнинг таърифидан ва зикридан сўнг (шуни таъкидлаш лозимки) қатъийлик, сабр, чидамлилик соғлигу сергаклик, эҳтиёткорлик ва шиҷоат билан барча ишлар амалга оширилур.

\* \* \*

Давлат ишларининг тўққиз улуши кенгаш, тадбир ва машварат, қолган бир улуши эса қилич билан бажо келтирилур.

Ишбилармон, мардлик ва шиҷоат соҳиби, азим қатъий, тадбиркор ва ҳүшёр бир киши минг-минглаб тадбирсиз, лоқайд кишилардан яхшидир.

\* \* \*

Гарчи, ишнинг қандай якунланиши тақдир пардаси ортида яширин бўлса ҳам, ақли расо ва ҳүшёр кишилардан кенгашу тадбир истаб, фикрларини билмоқ лозимдир.

\* \* \*

Бир ишга киришмай туриб, ундан қутулиб чиқиш йўлларини мўлжаллаб қўй.

\* \* \*

Юз минг отлиқ аскар қила олмаган ишни бир тўғри тадбир билан амалга ошириш мумкин.

\* \* \*

Ёрга еткур сабо, ким макр қилмишдир манға,  
Килди эрса кимга макрин, қайтадур бир кун анға.

\* \* \*

Золимлардан мазлумлар ҳаққини олдим. Золимлар етказган ашёвий ва жисмоний заарларни исботлаганимдан кейин уларни шариатга мувофиқ одамлар ўртасида муҳокама қилдим ва бир гуноҳкорнинг ўрнига бошқасига жабр-зулм ўтказмадим.

\* \* \*

Шижаатли кишиларни дўст тут, чунки Тангри таоло жасур кишиларни ардоқлади.

\* \* \*

Уламо билан сухбатда бўл ва пок ниятли, тоза қалбли кишиларга талпин. Буларнинг ҳимматларидан улуш тиланиб, муборак нафаслари билан дуо-фотиҳа беришларини илтимос қил.

\* \* \*

Азму жазм билан иш тутдим. Бирон ишни қилишга қасд қилган бўлсам, бутун зеҳним, вужудим билан боғланиб, битирмагунимча ундан қўлимни тортмадим.

\* \* \*

Ҳеч кимга разаб билан қаттиқ муомала қилмадим, токи Тангри таолонинг разабига дучор бўлмайин ва ишимни бузиб, ҳолимни танг айламасин деб.

\* \* \*

Давлатларнинг таназзулга учраши сабабларини суриштирдим ва давлату салтанат заволига сабаб бўлувчи ишлардан сақландим. Наслни бузувчи, очарчилик ва вабо касалини келтирувчи зулм ва бузуқчиликдан сақланишни ўзимга лозим билдим.

\* \* \*

Раият аҳволидан огоҳ бўлдим, улуғларни оға қаторида, кичикларни фарзанд ўрнида кўрдим.

\* \* \*

Ҳар бир ўлка ва шаҳар аҳолисининг ашраф-улуглари ва бузурглари билан ошно тутиндим. Уларнинг мижозларига, табиатига тўғри келган, ўzlари тилаган одамларини уларга ҳоким қилиб тайинладим.

\* \* \*

Ҳокимлар сипоҳ ва раиятдан қайси бирининг халқقا жабр-зулм етказганини эшитсан, уларга нисбатан дарҳол адолату инсоф юзасидан чора кўрдим.

\* \* \*

Яхшиларга яхшилик қилдим, ёмонларни эса ўз ёмонларига топширдим. Ким менга дўстлик қилган бўлса, дўстлиги қадрини унутмадим ва унга мурувват, эҳсон, иззату икром кўрсатдим.

\* \* \*

Фарзандлар, қариндошлар, ошна-оғайни, құшнилар ва мен билан бир вақтлар дүстлик қылған барча одамларни давлату неъмат мартабасига эришганимда унутмадим, ҳақларини адо этдим.

\* \* \*

Хар бир шаҳарда масжидлар, мадрасалар, хонақохлар қуришни, мусоғир йўловчилар учун йўл устига работлар бино қилишни, дарёлар устига кўприклар қуришни буюрдим.

\* \* \*

Мусулмонлар диний масалалардан таълим бериб, шариат ақидалари ва Ислом дини илмлари: Тафсир, Ҳадис, Фиқҳдан дарс берсинглар деб, ҳар бир шаҳарга олимлар ва мударрислар тайин қилдим.

\* \* \*

Яхши одам юрт тузар, ёмон одам юрт бузар.

\* \* \*

Яхшини ёмон кунда сина.

\* \* \*

Қонни қон билан эмас, сув билан ювишни ўрган.

\* \* \*

Эл тупурса кўл бўлур.

\* \* \*

Қўрқмасанг — ёв қочар.

\* \* \*

Қўлига қилич олган баҳона қидирмайди.

\* \* \*

Той минган— от ҳам минади.

\* \* \*

Туя минган одам қўйлар орасига беркинмас.

\* \* \*

Ботирлик—қалъа олади.

\* \* \*

Ботир жантда билинар,  
Доно — машваратда.

\* \* \*

Бирликсиз құч бўлмас.  
Бир қинга икки қилич сиғмас.

\* \* \*

Бир чўпни синдиromoқ мумкин,  
Кўп чўпни букиб ҳам бўлмас.

\* \* \*

Бир калима ширин сўз қиличини қинга киритар.

\* \* \*

Аввал йўлдош — кейин йўл.

\* \* \*

Адоват эмас, адолат енгади.

\* \* \*

Ажал — қўрқоқларга баҳона.

\* \* \*

Улкан мерос доимо улкан мухолифлик туғдиради.

\* \* \*

Қудратимизга шак-шубҳангиз бўлса, биз қурдирган биноларга боқинг.

\* \* \*

Сўзлагувчи гар нодон эрур, тинглагувчи доно ўлсин.

\* \* \*

Қилич ўткир бўлса-да, ўз сопини кесмагай.

\* \* \*

Оғзингга қон тўлса ҳам,  
Душман олдида тупурма.

\* \* \*

Оқ бўлсанг — онт ичма.

\* \* \*

От минган—отасини унутади.

\* \* \*

Олтмишга кирган отадан ош сўрама.

\* \* \*

Ота бўлмаган ота қадрини билмас.

\* \* \*

Емсиз от довон ошолмайди.

\* \* \*

Дўстлик синовда чиниқади.

\* \* \*

Душмандан қўрқма, мунофиқдан қўрқ.

\* \* \*

Душманнинг кулгани — сирингни билгани.

\* \* \*

Ваҳима душманнинг йўлдоши.

\* \* \*

Вақт ўтгандан кейин қиличингни тошга чоп.

\* \* \*

Ёзилган нарса авлодлар хотирасида қилинган ишдан ҳам узокроқ яшайди.

\* \* \*

Давлат — лашкарлар ва фуқароларнинг садоқати ва фидойилигида қудратлидир.

\* \* \*

Лочиннинг учарға мадори келмаса, чумчукқа масхара.

\* \* \*

Адлу эҳсон билан жаҳон гулшани обод бўлади.

\* \* \*

Бошсиз мамлакат жонсиз танага ўхшайди.

\* \* \*

Ишон, аммо шубҳа қил.

\* \* \*

Филнинг думи бўлгунча, чумолининг боши бўл.

\* \* \*

Бир кунлик адолат юз кунлик тоат-ибодатдан афзал.

\* \* \*

Куч — адолатдадир.

\* \* \*

Чораси бўлмаган ишга киришма, чунки ундан қутулиб бўлмайди.

\* \* \*

Ҳар мамлакатда адолат эшигини очдим, зулму ситам йўлини тўсдим.

\* \* \*

Чин дўст улдирки, дўстидан ҳеч қачон ранжимайди, агар ранжиса ҳам узрини қабул қиласди.

\* \* \*

Агар душманинг бош уриб паноҳингга келса, раҳм қилиб, яхшилик ва муруват кўрсат.

\* \* \*

Мамлакатни ҳимоя қилиб, душманини йўлатмаган навкарни юқори мартабага кўтариб, хурматласинлар.

\* \* \*

Кимнинг ақли ва шижоатини синов тарозусида тортиб кўриб, бошқалариникидан ортиқроқ кўрсам, уни тарбия қилиб, амирлик даражасига кўтарар эдим. Сўнгра кўрсатган хизматига яраша мартбасини янада оширап эдим.

\* \* \*

Ҳар кимнинг қадр-қиммати, тутган мавқенини ва ҳар нарсанинг ўлчовини белгилаб олишинг ва шунга мувофиқ иш юритишинг керак.

\* \* \*

Ҳеч кимдан ўч олиш пайида бўлмадим, тузимни тотиб, менга ёмонлик қилганларни Парвардигори оламга топширдим. Софиди кишилар, саййидлар, олимлар ва фозилларга даргоҳим доим очик эди. Нафси ёмон, ҳимматсизларни, кўнгли бузуқ, кўрқоқларни мажлисимдан қувиб юбордим.

\* \* \*

Очиқ юзлилиқ, раҳм-шафқат билан халқни ўзимга ром қилдим.  
Адолат билан иш юритиб, жабр-зулмдан узокроқда бўлишга  
интилдим.

\* \* \*

Менда бирон кимсанинг ҳақи бўлса, ҳақини ҳеч вақт унутмадим.  
Бирон кимса билан танишган бўлсан, уни ҳеч вақт назаримдан  
қолдирмадим.

\* \* \*

Кенгаш икки турли бўлур: бири — тил учидা айтилгани,  
иккинчиси — юракдан чиққани. Тил учидা айтилганини (шунчаки)  
эшитардим. Юракдан айтилган маслаҳатни эса қалбим қулоғига  
куярдим ва дилимга жойлардим.

\* \* \*

Чақалоқларни йиглатмангиз, болаларга озор бермангиз — бу  
геноҳи азим эрур. Бундай геноҳни Оллоҳ хуш кўрмайди.

\* \* \*

Кимки бирон саҳрони обод қилса, ёки кориз қурса ё бирон боғ  
кўкартиrsa, ёхуд бирон хароб бўлиб ётган ерни обод қилса, биринчи  
йил ундан ҳеч нарса олманглар, иккинчи йили эса (олик-солик)  
қонун-қоидага мувофиқ хирож йифилсин.

\* \* \*

Малоҳидларга айтур элим: ёлғон сўзлар билан ғазаб ўтини  
аланголатмангиз.

Черик тузиб, навкар олмоқда уч қоидага амал қилдим:  
биринчидан, йигитнинг куч-қувватига; иккинчидан, қилични ўйната  
олишга; учинчидан, ақл-заковати-ю камолотига эътибор қилдим.  
Шу уч фазилат жамулжам бўлса, навкарлик хизматига олдим.  
Негаким, куч-қувватли йигит ҳар қандай қийинчиликларга, азобу  
укубатларга чидамли бўлади. Қилич ўйната оладиган киши рақибини  
мағлуб эта олади, оқил навкар ҳар жойда ақл-идрокини ишга солиб,  
мушкулотни бартараф этмоғи мумкин.

\* \* \*

Пири комил шайх Баҳоуддин Нақибанднинг: «Кам егин, кам  
ухла, кам гапир» деган шанду насиҳатларига амал қилдим. Аркону  
давлатта, барча мулозимларга ҳам айтар сўзим шу бўлди. «Кам енглар  
очарчилик кўрмасдан бой-бадавлат яшайсизлар, кам ухланглар —  
мукаммалликларга эришасизлар, кам гапиринглар — доно бўла-  
сизлар».

\* \* \*

Үйилларим, набираларим ва яқинларимни уйлантирмоқ ташвишида келин изламоқça эътибор бердим. Бу ишни давлат юмушлари билан тенг кўрдим. Келин бўлмишнинг насл-насабини, етти пуштини суриштиридим. Хос одамлар орқали соғлиқ-саломатлигини, жисмонан камолотини аниқладим. Келин бўлмиш насли-насаби, одоб-ахлоқи, соғлом ва бақувватлиги билан барча қусурлардан холи бўлсагина эл-юрга катта тўй-томуша бериб, келин туширидим.

\* \* \*

Ҳар кимдан кенгаш олдим. Ҳар кимдан фикр ўргандим, қайси бири фойдалироқ бўлса, уни кўнгил хазинасида сақлаб, ишлата билдим.

\* \* \*

Уламо билан сұхбатда бўлдим ва пок ниятли, тоза қалбли кишиларга талпиндим. Уларнинг хизматларидан улуш тиланиб, муборак нафаслари билан дуо-фотиҳа беришларини ўтиндим. Дарвеш, фақир ва мискинларни ўзимга яқин тутдим. Уларнинг кўнгилларини оғритмадим ва ҳеч бир талабларини рад этмадим. Бузуқи ва оғзи шалоқ, фийбатчи одамларни мажлисимга йўлатмадим, сўзларига амал қилмадим. Бирон кимсага туҳмату фийбат қилсалар қулоқ солмадим.





## Лутфий

(1366—1465)



Лутфий (1366—1465) атоқли ўзбек шоири ва мугафаккиридир. У Ҳиротнинг Деҳиканор деган жойида дунёга келиб, бутун умрини шу шаҳарда ўтказган. Лутфий Темурийлар сулоласи ҳукмронлик қилган даврда яшаб, ўз замонининг бутун ғавро-жанжаллари, таҳт учун курашлар, феодал урушлари, хуллас, ўша даврнинг қарама-қаршилик ва зиддиятларини ўз кўзи билан кўради.

Лутфий ёшлигиданоқ илм-фани эгаллашга интилди, мактаб, мадрасаларда таҳсил кўрди, салафларнинг бой адабий меросини кунт билан ўрганди, форс тилини ўзлаштириди. «*Мавлоно, — деб ёзади Навоий унинг ҳақида, — йигитлигида улуми зоҳирийни тақмил қилғонидин сўнгра Мавлоно Шаҳобиддин Хиёбоний (алайҳирраҳма) қошида суфи тарийқида ҳам сулук қилғондур.*» (Алишер Навоий. «Мажолис ун-нафоис». Асарлар. XII жилд, Тошкент, 1966, 62-бет.)

Лутфий жуда кўп лирик шеърлар ёзib қолдирган. У 1411 йилда «Гул ва Наврӯз» номли ишқий достонини ёзади, 1425 йилда эса Али Яздийнинг «Зафарнома» китобини туркий тилига таржима қилади.

Лутфий икки тилда: туркий ва форсий тилларда асарлар битди. Лекин шеърларининг аксарияти туркий тилда ёзилган бўлиб, бу тилни ривожлантиришга у жуда катта ҳисса қўшди. Шунинг учун ҳам Навоий унинг ҳақида «*ўз замонининг маликул қаломи эрди. Форсий ва туркийда назари ўйқ эрди, аммо туркийда шуҳрати кўпроқ эрди ...*» — деб, айтади. (Алишер Навоий. «Мажолис ун-нафоис». Асарлар. XII жилд, 61-бет.)

Лутфий ўз даври дунёвий адабиётининг йирик вакили ҳисобланади. У шеър ва достонларида илғор гояларни кўтариб чиқди, севги-муҳаббатни тарапнум этди, илм, маърифатни эгаллаш ва таълим-тарбия ҳақида сўз юритди, жасурлик, қаҳрамонлик, соғдиллик ва бошқа инсоний фазилатларни куйлади. Лутфий меҳнатни улуғлади, мамлакатни инқирозга келтирувчи босқинчилик урушларини қоралади.

## «ФАЗАЛЛАР» ДАН

Зулфунгиз элтур мени гоҳ Каъба, гоҳи дайрға,  
Бандани ҳар ергаким рўзи паришон торталур.

Неча вафоға ваъда қилғайсан, эй жафочи,  
Сен умрсен кишига, ҳаргиз вафо қилурсен,

Ишим ўтар даводин, тенгри учун табибим,  
Келгил, бу дарди дилга гар бир даво қилурсен.

Мехроб қоши сори зинҳор боқма, зоҳид,  
Вайрон бўлур намозинг, барча қазо қилурсен.

Эй кўз, юзуни кўрдинг, ёшинг нағу тўқарсен,  
Кечган фироқ эликдин не можаро қилурсен?

Қон бўлди кўнгул фироқингиздин,  
Жон куйди ҳам иштиёқингиздин.

Дину дилу ақл бўлди яғмо,  
Жон олгучи ул қароқингиздин.

Ақлу дин бор эрди бир чоғда мени девонаға,  
Зулфунинг савқоси еткурди қаро ерга мени.

Неча сирримни яшурсам сийнадин бехос ишқ,  
Ўз-ўзи фарёд этарким, айлаган расво мени.

## ГУЛ ВА НАВРЎЗ ДОСТОНИДАН

Чу наврўз бўлди наврўз ичра фируз,  
Атоди ўғлимнинг отини Наврўз.

Сут эмганда саодат доя бўлди,  
Тили чиққач, ҳунар ҳамсоя бўлди.

Топиб нашъу намо давлат ичинда,  
Ягона бўлди оз муддат ичинда.

Кичик ёшдин қамуқ фаяларни билди,  
Кўпин ўз ақли бирла фаҳм қилди.

Не турди бир нафас, не урди бир дам,  
Тамом ўрганди, билди барча илдам.

\* \* \*

Севук севган ўлумдин фикр қилмас,  
Этин қайчи била түфраса, билмас.

\* \* \*

Киши (ким) ишқ бирла ошнодур,  
Анга ҳар дам фалакдин минг жафодур.

\* \* \*

Агарчи ранжу меҳнатдин юдодинг  
Яратқон оқибат бергай муродинг.

\* \* \*

Не меҳнат бор аниңгим роҳати йўқ?  
Не рағбатким сўнгинда давлати йўқ.

\* \* \*

Гаҳе Наврӯз Гул ҳиди била маст,  
Даме Гул бўлди Наврӯз олдида маст.

Қучоқлашғач ул икки саври озод,  
Мубораклик била отландилар шод.

Уруш, санжиш қўтарили ародин,  
Хусумат кетти икки подшодин.

Бу хўшлуқтин бирикти икки иқлим  
Ародин қўпти хавфу қолмади бийм.

Нечаким кўрса дарду жавру меҳнат,  
Қачон зоеъ бўлур арбоби давлат.





## **Мирзо Улугбек**

(1394—1449)



Улугбек 1394 йилнинг март ойида Эроннинг гарбидаги Султония шаҳрида бобоси Темурнинг ҳарбий юриши пайтида туғилди. У Шоҳруҳ Мирзонинг тўнгич ўғли эди. Унга Муҳаммад Тарагай исми берилди. Лекин болалигидаёқ у Улугбек деб атала бошлади, бу кейинчалик унинг асосий исми бўлиб қолди.

Улугбекнинг болалик йиллари бобоси Амир Темурнинг ҳарбий юришларида ўтди. 1405 йилнинг бошида Хитойга қилинаётган юриш бошланиши пайтида Амир Темур вафот этади, бундан сўнг икки йил унинг авлодлари ўргасида таҳт учун кураш давом этди. Кураш Темурнинг кенжা ўғли Шоҳруҳнинг фалабаси билан тугайди.

Шоҳруҳ тўнгич ўғли Улугбекни 1411 йили Мовароунаҳр ва Туркистоннинг ҳокими этиб тайинлади. Улугбек 17 ёшида ҳоким бўлиб, бобосидан фарқли ўлароқ, ҳарбий юришлар билан қизиқмади. Аксинча, у ўрта асрлардаги бошқа ҳокимлардан ўзгача йўл тутди, кўпроқ илм-фанга мойил эди. Лекин, афсуски, Улугбекнинг бошлангич маълумоти ва мураббий ҳамда устозлари ҳақида аниқ маълумотлар сақланмаган.

Улугбекнинг устозларидан бири, мунахжим Мавлоно Аҳмад эканлигини тахмин қилиш мумкин, чунки бу киши Темур саройидаги энг йирик олимлардан бўлиб, сайёralарнинг келажак икки юз йиллик тақвимлари жадвалларини туза олган. Лекин Улугбекнинг ўзи кейинчалик асосий асари бўлмиш «Зижи»да фақат Қозизода Румийни «устозим» деб атайди. Улугбек умрининг илк давриданоқ Мавлоно Аҳмад ва Қозизода Румий каби фалакиётшунос ва риёзиётчилар таъсирида улгаяди. Шу сабабли унинг ҳаётида аниқ фанлар муҳим аҳамият касб этади.

Улугбек йигирма ўшларида ўз даврининг йирик олими сифатида шаклланди. У ҳоким бўлган пайтдаги оламшумул ўзгаришлар бутун ўрта аср маданияти тарихида бетакрор воқеа бўлиб қолди.

Улуғбек ихлосмандаридан Фиёсиддин Жамшид Коший 1417 иили Самарқанддан Кошонга, отасига ёзган мактубида Улуғбекнинг фаолияти ва билимдонлигини қуийдагича таърифлайди: «Аллоҳга ва унинг неъматларига шукроналар бўлсунким, етти иқлимнинг фармонбардори, Ислом подшоҳи донишманд кишиидирлар. Мен бу нарсани фақат одоб расми юзасидан айтатётганим йўқ. Ҳақиқат шуки, аввало, у кишим Куръони Каримнинг аксарият қисмини ёддан биладилар. Тафсирларни ва муфассирларнинг ҳар бир оят ҳақиқати сўзларини ақлда сақлайдилар ва ёддан биладилар ва арабчада яхши ёзадилар. Шунингдек, у кишим фиқҳдан анча хабардорлар; мантиқ маъноларининг баёни ва усуllibаридан ҳам хабардорлар.

У кишим риёзиёт (математика) фанининг барча тармоқларини мукаммал эгалаган ва шундай жиддий маҳорат кўрсатганларки, кунлардан бир кун отда кетаётib, 818- йил ражаб ойининг ўнинчи ва ўн бешинчи кунлари орасидаги (милодий 1415 йил 15—20 сентябр) душанба куни йил мавсумининг қайси кунига муносиб келишини аниқлашни айтадилар. Шунга кўра отда кетаётib, хаёлий ҳисоб билан Қуёшнинг тақвими ўша куни бир даража ва икки дақиқа эканлигини топдилар. Кейин отдан тушгач, ҳисоб тўғрилигини бу бандай бечорадан сўраб аниқлаб олдилар».

Ҳақиқатан ҳам хаёлий ҳисобла кўп миқдорларни ёдда тутмоқ ва бошқа миқдорларни буларга асосланиб топмоқ керак. Лекин инсоннинг ёллаш қуввати заифdir, у, даража ва дақиқаларни ёддан зарур қадар аниқ топа олмайди. Инсон бино бўлганидан бери шу кунгача ҳали ҳеч кимса бу қадар аниқ ҳисоблай олмаган эди.

Улуғбекнинг шахсан ўзи илмга қизиқсанлиги ва мамлакатининг равнақини кўзлаганлиги туфайли янги усуlldаги билим юрти— мактаб ва мадрасалар барпо қилиш қарорига келади. Бу жуда узоқни кўзлаб қилинган қарор бўлиб, бу билан Улуғбек Мовароуннахрни бутун мусулмон мамлакатларининг илмий марказига айлантироқчи эканлигидан далолат берарди. Ҳақиқатан ҳам, у деярли бир вақтнинг ўзида Самарқанд, Бухоро ва Фиждуонда учта мадраса барпо этади.

Самарқанддаги мадраса қурилиши 1417 йили бошланиб, уч йилда қурилиб битирилади. Тез орада Улуғбек мадрасага мударрис ва олимларни тўплай бошлайди ва шу тариқа унинг Самарқанддаги фалакиётшунослик мактаби шаклланади. Бу мактабнинг асосий мударрислари илмий ишларига қулай шароит ва паноҳ излаб Темур давридаёқ Самарқандга келган Мавлоно Аҳмад ва Қозизода Румий каби олимлар эди. Қозизоданинг маслаҳати билан Улуғбек отасининг мулки Хуросоннинг Кошон шаҳридан Фиёсиддин Жамшид Кошийни чақиритиради. Самарқандга Мовароуннахрнинг турли шаҳарларидан ва Хуросондан тўплланган олимларнинг сони 1417 йилга келиб 100 нафардан ортиб кетади. Улар орасида адиблар, муаррихлар, хаттотлар, мусавиirlар, меъморлар бор эди. Лескин юлдузшунослик ва риёзиёт

соҳасидаги олимлар шарафлироқ ва обруйлоқ эди. Улар орасида Қозизода Румий билан Коший энг салобатли ва нуфузли эдилар.

1420 йили Самарқанд мадрасасининг тантанали очилиши бўлаци. Восифийнинг ёзишича, биринчи мударрис этиб Мавлоно Муҳаммад Ҳавоғий тайинланади.

Улуғбек барпо этган Самарқанд мадрасаси ва илмий тўгараги Шарқ маданияти ва фани тарихида ниҳоят улкан аҳамият касб этли, мамлакат равнақига катта таъсир кўрсатди. Бу ерда кўплаб буюк сиймолар шаклланди. Жумладан, Хуросоннинг Жом шаҳрида 1414 йили туғилган бўлажак улкан шоир Жомий Улуғбекнинг Самарқанд мадрасасида таҳсил кўрди. У, бу ерда Қозизода Румий, Улуғбек ва Али Қушчи каби улуғ олимларнинг маърузаларини эшилди ва уларнинг тарбиясида бўлди.

Улуғбек атрофида тўпланган Самарқанд олимлари катта аҳамият берган энг муҳим илмий йўналишлардан бири фалакиётшунослик фани эди. Шуни ҳам айтиш керакки, мусулмон мамлакатларида ва умуман ислом маданиятида аниқ фанлар, айниқса, фалакиётшунослик ва риёзиёт муҳим ўрин тутади. Чунки мусулмон киши қаерда бўлишидан қатъи назар эрта тонгдан оқшомга қадар унинг учун беш вақт намоз фарзdir. Намоз қиблага — Маккадаги Каъба йўналишига қараб ўқилади. Намознинг вақтлари эса ҳар бир жуғрофий кенглиқда ҳам Қуёшнинг ердан баландлигига қараб белгиланади. Ундан ташқари, Исломда қабул қилинган ҳижрий йил ҳисоби 354 кунни ташкил қилувчи 12 қамарий ойдан иборат бўлиб, янги ой — ҳилолни масжид минорасидан ёки расадхона тепасидан кўз билан кўриб аниқланган. Шунинг учун мусулмон кишининг ҳаёти фалакиётшунослик, риёзиёт, география, ҳунармандлик ва меъморликка алоқадор қуйидаги масалаларни ҳал қилиш билан боғлиқ бўлган:

- 1) жойнинг географик йўналишларини аниқлаш;
- 2) маҳаллий меридиан билан қибла йўналишини кўрсатувчи катта доира орасидаги бурчакни аниқлаш;
- 3) географик йўналишларни ҳисоблаш учун аниқ риёзий (тригонометрик) ҳисоблаш қоидалари ва усулларини билиш;
- 4) географик йўналиш асосида Қуёш баландлигини аниқлаш қоидаларини билиш;
- 5) Қуёш, Ой, сайёralар ва бошқа ёриткичларнинг кечакундузнинг исталган вақтидаги ҳолатларини аниқлайдиган сферик астрономиянинг аниқ қоидаларини билиш;
- 6) турли шаҳарлар орасидаги масофаларни аниқлаш учун геодезик ўлчашларни бажариш;
- 7) турли вақт ўлчаш асбобларини ясаш;
- 8) ернинг маъмур қисми ҳақида аниқ тасаввурга эга бўлиш учун хариталар тузиш;

9) хариталар тузиш учун риёзиётга тааллуқли күриниш ҳолаттарини билиш;

10) фалакиётшунослик, география ва геодезияга тааллуқли ҳисобларни бажариш учун юксак аниқликдаги риёзий ҳисоблаш усууларини билиш;

11) ёриткичларни кузатиш об-ҳаво билан боғлиқ бўлганлиги учун метеорология ва геофизикадан маълумотга эга бўлиш;

12) масжид, мадраса ва расадхоналар барпо этиш учун меъморчилик санъати ва анъаналаридан хабардор бўлиш.

Юқорида кўрсатилган ва бу рўйхатга кирмаган бошқа кўплаб масалалар шунчалик чамбарчас боғланиб кетганки, уларни ҳал қилиш учун олим ва ҳунармандларнинг катта жамоа ва гурухлари керак эди. Ана шунинг учун Улуғбек ўз атрофига турли илм ва ҳунар намояндадарини тўплаган.

Келтирилган масалалар рўйхатидан кўриниб турибдики, уларнинг кўпи фалакиётшуносликка алоқадор. Исломда энг аввалги юлдузлар ҳақидаги асарлар «Зиж» деб аталиб, улар асосан жадваллардан иборат бўлган. У Улуғбекдан аввал ёзилган энг мукаммал зижлар Берунийнинг «Қонуни Маъсудий»си ва Носириддин Тусийнинг 1256 йили ёзиб, Хулашхонга тақдим этган «Зижи Элхоний» асари эди. XV аср бошларида ёзилиб, Шоҳрухга аталган Жамшид Кошийнинг «Зижи Ҳоқоний» асари асосан хитой ва мўғул анъаналарига асосланган бўлиб, Ислом мамлакатлари учун деярли аҳамиятга эга эмас ва илмий жиҳатдан ҳам айтгулик эмас эди. Мовароуннахрда эса мўғул истилосидан кейин бирорта зиж ёзилмаган эди. Ана шу сабабларга кўра, Улуғбек энг аввало юлдузлар ҳақидаги илмни йўлга кўйишга интилади. Бунинг учун расадхона барпо этиш керак эди. Бу ҳақда Абдудоҳирхўжа бундай хабар қилади: «Мадрасага асос солинганидан тўрт йил кейин Мирзо Улуғбек Қозизода Румий, Мавлоно Фиёсиддин Жамшид ва Мавлоно Фиёсиддин Коший, Али Кушчилар билан маслаҳатлашиб, Кўҷак тепалигига Оби Раҳмат арифининг бўйида расадхона биносини қурдиради. Унинг атрофида эса баланд ҳужралар барпо этади».

Расадхона қурилиши 1420 йилдан 1429 йилгача давом этади. Расадхона битиши билан фалакиёт кузатишлари бошланиб кетади. Расадхона билан мадрасанинг биргаликдаги фаолияти Улуғбек илмий мактабида юлдуз илми ва риёзиётни ўрта асрлар даврида энг юқори поғонага кўтарди.

Давлат ишлари билан боғлиқ бўлган юриш-кўчишлар, расадхонадаги кузатишлар ва мадрасадаги дарслар, илмий ишларга умумий раҳбарлик қилиш ҳам Улуғбекнинг кўп вақтини оларди. Шунинг учун бўлса керак, унинг қаламига мансуб бўлган илмий асарлар сон жиҳатидан кўп эмас — улар тўртта.

Улуғбек илмий меросининг энг асосийси, маълум ва машҳури унинг «Зижи» бўлиб, бу асар «Зижи Улуғбек»дир. «Зижи жадиди Кўрагоний» деб ҳам аталади. «Зижи»дан ташқари, унинг қаламига мансуб риёзиёт асари — «Бир даража синусини аниқлаш ҳақида рисола», юлдузларга бағишлиланган «Рисолаи Улуғбек» (ягона нусхаси Ҳиндистонда Алигарх университети кутубхонасида сақланади) ва тарихга доир «Тарихи арбаъ улус» асаридир.

Улуғбек «Зижи» ўз тузилишига кўра VIII—IX асрларда бошланган юлдузшунослик анъанасини давом эттиrsa-да, илмий погонаси уларга нисбатан баланд.

Бу асар муқаддима ва тўрт мақоладан иборат. Муқаддиманинг бошида Қуръондан юлдузлар ва сайёralарга тааллуқли оятлар келтирилади. Улуғбек бу билан юлдузларни кузатиш зарурлигини фоявий асосламоқчи бўлади.

Улуғбек «Зижи» ўрта асрлардаги энг мукаммал асар бўлиб, тезда замондошларининг диққатини ўзига жалб этди. Энг аввал бу асар Самарқандда Улуғбек атрофида тўпланган олимлар ижодига катта таъсир кўрсатди. «Зиж»да ҳеч қандай назарий дастурлар баён этилмайди ва теоремалар исботланмайди, балки назарий мавқедаги жумлалар қоида тарзида баён қилинади. Шунингдек, муҳим аҳамиятта эга бўлган миқдорлар ва параметрлар «биз шундай топдик» деган ибора билан ҳисобсиз ва исботсиз келтирилади. «Зиж»ни ўрганиш шуни кўрсатадики, у фақат амалий қўлланишга мўлжалланган бўлиб, назарий масалаларни баён этишини Улуғбек олдига мақсад қилиб қўймаган. Шунинг учун бўлса керак, «Зиж»ни биринчи бўлиб Самарқанд олимларининг ўзи, хусусан Али Қушчи шарҳлайди. Ундан кейинги шарҳларни Мирам Чалабий ва Ҳусайн Биржандийлар ёзали.

1449 йили Улуғбекнинг фожиали ҳалокатидан сўнг Самарқанд олимлари аста секин Яқин ва Ўрта Шарқ мамлакатлари бўйлаб тарқалиб кетадилар. Улар ўзлари борган ерларга Самарқанд олимларининг ютуқларини ва «Зиж»нинг нусхаларини ҳам етказадилар. Жумладан, Али Қушчи 1473 йили Истамбулга бориб, у ерда расадхона куради. Шу тариқа Улуғбек «Зиж»и Туркияда тарқалади ва Туркия орқали Европа мамлакатларига ҳам етиб боради.

Ҳозирги кундаги маълумотларга кўра, «Зиж»нинг 120 га яқин форсий ва 15 дан ортиқ арабий нусхаси мавжуд. Ўрта асрларда ёзилган ҳеч бир астрономик ёки риёзий асар бунчалик оммалашмаган. «Зиж» мусулмон мамлакатларининг деярли барчасида ўрганилган. Уни шарҳлаган олимлардан қўйидагиларнинг номларини эслатиш мумкин: Шамсиддин Муҳаммад ибн Абул Фатҳ ас-Сўфий ал-Мисрий (ваф.таҳ. 1495.), Абдулақодир ибн Рӯёний Лаҳитий (ваф. 1519), Мирам Чалабий (ваф. 1525), Гиёсиддин аш-Шерозий (ваф. 1542), Низомиддин ибн Ҳусайн Биржандий (1523 й.) ёзиб тугатган.

Улуғбек «Зижи», айниқса, Ҳиндистон олимларига кучли таъсир күрсатди. Самарқанд олимларининг илмий анъаналарини Ҳиндистонга Бобурнинг ўзи етказган деган маълумот бор. Бобурнинг ворислари ўтмишдаги шоҳларга ўхшаб атрофига олимларни тўплайдилар ва уларнинг илмий изланишиларига шароит яратадилар. Ҳинд олимлари кўп жиҳатдан Самарқанд олимларига тақлил қиласидилар. Масалан, Шоҳ Жаҳоний Аввал замонида Лаҳур ва Деҳлида ишлаган Фаридиддин Дехлавий (ваф. 1629) «Зижи Шоҳ Жаҳоний» номли асар ёзди: ундаги мақола ва бобларнинг сони худди Улуғбек «Зиж»идагидек ва жадвалларнинг ҳам кўп қисми Улуғбекдан олинган. Йирик ҳинд олими Савай Жай Сингҳ (1686—1743) ҳам ўзининг «Зижи Муҳаммадшоҳий» номли асарини Улуғбек «Зижи» нинг таъсирида ёзган.

«Зиж»нинг Фарбий Европа фанига ҳам таъсири катта бўлди. Умуман олганда, Фарбий Европа Амир Темур ва унинг фарзандларини, айниқса Улуғбекни XV асрданоқ биларди. Али Қушчининг Истамбулдаги фаолияти туфайли Улуғбекнинг олимлиги ҳақидаги хабар ҳам Европага тарқалади.

1638 йили Истамбулга инглиз олими ва шарқшуноси, Оксфорд дорилфунунининг профессори Жон Гривс (1602—1652) келади. Қайтишида у ўзи билан Улуғбек «Зижи»нинг бир нусхасини Англияга олиб кетади. 1648 йили аввал «Зиж»даги 98 юлдуз жадвалини чоп этади. Ўша йилнинг ўзида Гривс «Зижи»даги жустрофий жадвални ҳам нашр этади. 1950 йили эса у «Зиж»даги биринчи мақолосининг лотинча таржимасини нашр этади. Жон Гривс 1652 йили мазкур охирги икки ишни қайта нашр этади.

Яна бир инглиз олими ва шарқшуноси Томас Хайд (1636—1703) «Зиж» даги турғун юлдузлар жадвалини 1665 йили форсча ва лотинчада чоп этади. Шуниси диққатга сазоворки, Хайд Гривснинг ишларидан бутунлай бехабар эди. Демак, «Зиж»нинг нусхалари қандайдир йўллар билан унга ҳам етиб келган.

Хайднинг нашридан 15 йил кейин поляк олими Ян Гевелий (1611—1687) Данцигда «Зижи»нинг айрим жадвалларини нашр этади. Бундан кейин, XVIII ва XIX асрларда қатор Европа олимлари «Зиж»нинг айрим қисмларини нашр этган бўлсалар, француз шарқшуноси Л. А. Седийо (1808—1876) тўрт мақолалари олдидағи сўзбошилари ва муқаддимасининг французча таржимасини 1847—1853 йиллар чоп қиласиди. Ниҳоят, XX аср бошларида америкалик олим Э. Б. Нобл „Зиж“нинг Англия кутубхоналарида сақланадиган йигирма саккиз қўлёзмаси асосида юлдузлар жадвалининг инглизча таржимасини нашр этади (Вашингтон, 1917).

## УЛУГБЕК ЎТИТЛАРИДАН НАМУНАЛАР

«Муборакдир бир зот, қайсики осмонда буржларни пайдо қилди ва унда нур сочиб турувчи Куёш ва Ойни ўрнатди. У шундай зотки, кеча ва кундузни яратди, уни ёдлашни ёки унга шукур қилишини хоҳловчи кишиларга» (Таборак аллази жаъала фиссама буружан ва жаъала фиҳо сирожан ва қамаран муниран. Ва ҳува-л-лазий жаъала-л-лайла ван-наҳора хилқатан ли-ман арада ан йуззаккара ав арада шукуран“, молики маликийки) ўз ҳикматила тонгни ёриткичини ёқди, яъни «Ва доимо чараклаб турувчи чироқни (яъни Куёшни пайдо) қилдик» («Ва жаълна сирожан ваҳҳажон» оятининг ва «Ва мўл-кўл сув-ёмғир яратдик»; «Ва анзална мина-л-муъсироти моан сажжожан») оятининг байроби унинг иродаси ва хоҳиши қудратики, ҳикматни ва етти қават осмон қатламларини ўлчагувчи бирла кўтарилибдур. У (осмонлар) сони ва миқдори, тарафлари ва чўзилиши ўзаро Унинг қудрати ила туташтирилгандур. У— «Осмонни устунсиз» («рафаъа-с-самавати би-ғайри ғамдин») қилиб кўтарди ва фалаклар қатламларини юлдузлар бирла нақш берди: «Дунё осмонини юлдузлар билан зийнатлади» («Инна зайнанна-с-сасоа-д-дунья би-зийнати-л-кавокиби»). Шундай суратлар бирлаки, дурлар янглиғ неча минг юлдузларга, қўзғолмаслари ва сайёралари бирла ораста қилди.

«Ва шундан кейин ерни ёйиб, текис қилди» («Ва-л-арзо баъда залика даҳоҳа») муқтазоси ила у олам юзига ранго-ранг гиламини ёйиб, «Бўлди, бас, бўлади» («Кун, фа-йакун») амри бирла бажойиъ анволари ва санойиъ аснофлари ила мужалло ва музайян этилди.

Унсурлар моддалари ва инсоний вужуднинг яратилиши учун у маҳсус рақам: «Дарҳақиқат, биз инсонни энг гўзал шаклу шамойилда яратдик», («Лақад ҳалана-л-инсанна фи аҳсани тақвимин») ихтисос қилдики, бу: «Ва, дарҳақиқат, Одам авлодини азиз қилдик» («Ва лақад қарамни бани Адама») ҳолига олий даражада мосдир.

Фазилат устуни вожиб бўлгай деб, рисолат соҳибини: «Ўша пайғамбарларнинг баъзиларини баъзиларидан афзал қилдик» («Тилкар-русулу фаддална баъзахум ъала баъзин») деб заркаш енгли фазилат либосини «Агар сен бўлмасанг, фалакларни яратмас эдим» («Лавалака ламма ҳалиқат ал-афлак») тарзида кийдирди. Ва у саҳобаларига «Улар юлдузлар кабидирлар, уларнинг қай бирига эргашсангизлар йўл топасизлар, авлодлар, аждодлар ва болалар» фармонини қилдики, улар имомат осмонининг юлдузлари ва каромат жаҳонининг қуёшларидеклур. Уни хилофатга хилъат этиб, имоматга маҳсус мумтоз этди: «Эй мусулмонлар, унга салому-дую айтинглар» («Йа аййуҳа-л-лазина аману саллу алайҳи ва саллиму таслиман»).

Сўнгра, Оллоҳнинг бандалари ичидаги заифи ва улардан Оллоҳга энг муҳтожи Улуғбек ибн Шоҳруҳ ибн Темур Кўрагон бундай деяпти: — Оллоҳ таоло унинг аҳволини яхши қилсун, унинг ҳаракатларини хайр бирла омадли қилсун. У, Оллоҳ умматлари салоҳияти узра қанот ёзиб ва бани Одам зотига фойдалар келишига кафолат ва ғамхўрлик ришталарин қаттиқ боғлаб, фазилат қанотларида парвоз қилди ҳамда камолот манзиллари ва фазилат маконларига етди.

Сайд-ҳаракат ва тиришқоқлик жиловлари гўзалдур, агар улар илмий ҳақиқатларга ва донолик нафосатларига эришишга сарфланса, ва токи меҳрибон ва раҳмли Илоҳнинг тавфиқи бу заиф бандага ҳам етса. Ҳақиқатан ҳам «кимки бирор нарсани қидирса ва тиришса, у албатта уни топади», яъни ўткир қалами бирла ва чукур тафаккури бирла илмлар сирларига ва санъатлар нафосатига етади, айниқса фалсафий фанларда. Чунки миллатлар ва динларнинг ўзгариши, тиллардаги ва турли замонлардаги фарқ далил ва қашфиётларнинг пухталигига путур стказолмайди. Ҳазрат Парвардигор,— азза исмих, ўз қарамининг чукур хазиналаридан «Ҳар бир нарса борки, бизнинг ҳузуримизда унинг хазинаси бордир, биз уни маълум миқдорда туширамиз» («Ва им-мий шайъин илла ъиндана хазаинуҳу ва ма нуназ зилуҳу илла биқадариммаълумин») бу бандай фақиру ҳақирга шу қалар буюк муҳаббатини ва улкан кароматини шараф ихтисосила ва имтиёзи хос ила баҳшида қилдики, ушбу шеър мазмунида:

Ҳақиқатан бизнинг осорларимиз биздан гувоҳлик берур,  
Бизлардан кейин бизнинг осорларимизга боқинг.

Оlam рўзгорининг гаройиб расмини чизиб, ифтихор ва шуҳрат байрогини фалаки даввор қуббасининг тепасига ўрнатиб, бизга юлдузлар расадин амр этди.

Ишларнинг бошланиши ҳазрат устозим ва саййидим, оламдаги аллома, фазилат ва ҳикматлар байрогини ўрнатувчиси, таҳқиқат ва тадқиқот маслакларидан юрғувчи Қозизода Румий деб машхур бўлган Мавлоно Салоҳ ал-милла ва-д-дин Мусо ибн Муҳаммад, унга Оллоҳнинг раҳмати ва ғаффони бўлсун ва ҳазрат Мавлоно ал-аъзам, оламдаги ҳукамолар ифтихори, қадимги илмларнинг камолоти, масалалар мушкулликларини қашф этувчиси, Мавлоно Фиёсиддин Жамшид ал-Коший — Оллоҳ таоло унинг қабрини нурафшон қилсун — ёрдамларида бўлди. Улар ҳар бирининг нурли аҳли донишмандлар ақли шамларига баробар, балки оламдаги инсонлар фазилатини акслантирувчи ойнадек эди.

Аҳвол бошида ҳазрат Мавлоно мағфури мабрур Фиёсиддин Жамшид, жойи жаннатда бўлсун, «Оллоҳ ҷақириғига жавоб беринг» («Ажибу даъи-ллаҳ») нидосини эшишиб, итоаткорлик бирла ижобат этиб, бу дунё дорул фуурурдан у дунё доруссууруга риҳлат этди.

Иш ҳолати асносида, бу муҳим китоб бажарилиб тутатилишидан аввал ҳазрат устозим, унга Оллоҳ таолонинг раҳматлари бўлсун, Парвардигорнинг раҳматига яқинлашиб пайваста бўлди.

Аммо иттифоқо фарзанди аржуманд Али ибн Мұхаммад Қушчи умрининг ёш йилларидан ва гуллаган йигитлик йилларидан бери илму фан замирида илгорлаб боряпти ва унинг тармоқлари бирла машгулдир. Қаттиқ ишонч ва муҳаққақ умид бордурки, бунинг натижасида унинг шуҳрати яқин замонларда ва энг тез онларда жаҳоннинг атрофу акнофларига ва мамлакатларига ёйилиб, тараннум бўлгай, иншооллоҳ.

Илоҳий иноят ёрдами ва унинг бениҳоя файзу фазилати туфайли бу муҳим ва мўътабар асар охирига етказилди. Юлдузларнинг аҳволидан кузатилган ва имтиҳон билан маълум бўлган жамиъки нарсалар ушбу тўрт мақоладан иборат китобга киритилиб, субут тутилди.

Хуштабиат ва олийжаноблиги нодир кишилардан, кўз қараши билан кўкракни чешкувчи бузургонлардан ва доно ҳукамолардан илтимос қиласманки, инсон табиати ўз сифати бирла хато қилмакка мойил бўлгани учун, агар шундай хато топилса, уни қалами мушкбор ва хомин гавҳарнигор бирла тузатсалар. Агарда нимарса тузатиш ва яхшилаш ҳаддидин четлашган бўлса, уни афв либосининг этаги бирла ёпсалар ва узр этсалар, аммо койимасалар, камчиликларни ёпгувчи бўлсалар ва ёмон сўзларда ёдламасаларки, улар амалларининг либоси: «Сўзларни эшитган кишилар унинг яхисига итоат қилдилар, уларни Оллоҳ ҳидоят йўлига солди ва улар ақл эгаларидирлар» («Ал-лазина йастамиуна-л-қавла фа-йаттабиуна аҳсанаху улаика-л-лазина ҳадайҳумуллоҳу ва улайка ҳум увлув-л-албаб») тарзида бичилса. «Кимки авф этса ва тузатса, уни Оллоҳ таоло мукофотласун».



## *Али Күшчи*

(1403 – 1474)



Унинг тўлиқ исми шарифи Мавлоно Алоуддин Али ибн Муҳаммад Қушчи Самарқандий. Али Қушчи Марказий Осиёнинг машҳур табиатшуноси, астрономи ва мутафаккиридир. У Самарқандда туғилиб, шу ерда таҳсил кўрган. Унинг отаси кўп йиллар мобайнида Шоҳруҳ саройида хизмат қилган. Али Қушчи отаси изидан бориб, қушлар тарбияси билан шуғулланади ва улғайгандга машҳур овчи бўлиб танилади. «Қушчи» тахаллуси ҳам унга овчиликдаги маҳорати учун берилган. Булардан ташқари, Али Қушчи ёшлигиданоқ илм-фанга, хусусан, риёзиёт ва фалакиёт фанларига қизиқади. У ўша даврнинг машҳур олимлари Қозизода Румий, Фиёсiddин Жамшид ал-Коший, Улуғбек, Муҳаммад Ҳавофий ва бошқаларнинг дарсларини тинглаб, илм сирларини ўрганади.

Али Қушчи Улуғбек бошчилигига расадхона қурилишида фаол иштирок этди, у ерда бошқа олимлар қатори кузатишлар олиб борди. Улуғбекнинг «Зижи жадиди Кўрагоний» асарининг ёзилишида ҳам Али Қушчининг хизмати каттадир.

Улуғбек вафотидан сўнг Самарқандда вазият анча мушқуллашади. Али Қушчи ва бошқа ҳур фикрли олимларга файри кучлар томонидан тазийк кучаяди. Натижада, у 1471 йилда Самарқандни тарқ этиб, Табризга келади. Бу ерда уни Фарбий Эрон ҳукмдори Узун Ҳасан (1453–1479) хурмат билан кутиб олади. Табризда бир оз яшагач, у Туркия сultonи Муҳаммад II Фотиҳ (1457–1482) таклифига биноан Истанбулга келади. Бу ерда Али Қушчи Аё-Сўфия мадрасасида бош мударрис бўлиб бир неча йил ишлагач, 1474 йилда вафот этади.

Манбаларда келтирилишича, Али Қушчи 30 дан ортиқ асарлар муаллифидир. У фалакиёт, риёзиёт, география, фалсафа, тарих ва бошқа фан соҳаларида ижод қилган. Унинг муҳим рисолалари «Тарихи хоқони Чин» («Чин хоқонининг тарихи»), «Китоб ул-Муҳаммадия» («Муҳаммад рисоласи»), «Рисола дар илми ҳайъат»<sup>1</sup> («Астрономия рисоласи»), «Рисола фи ҳалл ашкол ал-қамар» («Ой шаклларининг таҳлили ҳақида рисола») ва бошқалардир.

Шуни алоҳида таъкидлаш лозимки, Али Қушчи XV асрнинг илғор табиатшуноси бўлган. Бу борада, айниқса, унинг «Астрономия

рисоласи» номли китоби муҳим аҳамиятга эгадир. Унда ҳандаса, фалакиёт, Ернинг физик географияси соҳасида муҳим муммоловар кўтаришган. Хусусан, унда Ой, Куёш ва бошқа сайёralар тўғрисида замонаси учун қимматли маълумотлар келтирилган. «Ҳамма табиатшунослар сингари, — деб таъкидлаган эди академик И. М. Мўминов,— Улугбек ва унинг мактаби, шу жумладан, Али Қушчи моддий дунёниг инсон онгидан ташқари ва мустақил мавжудлигига шубҳасиз ишонганилар, ҳодисаларнинг қонуний ҳаракатларини ўрганиб, кишилик жамиятини ривожлантириш йўлида хизмат қилишга интилганлар, айниқса, риёзиёт, ҳандаса, география, астрономия соҳасида жилдий муваффақиятларни қўлга киритпандар<sup>2</sup> (И. М. Мўминов. Али Қушчининг бир рисоласи ҳақида. Астрономияга оид рисола. Тошкент, Фан, 1968, 18-бет). Али Қушчи кўп йиллар давомида Самарқандда мадрасада талабаларга дарс берди, уларга риёзиёт, фалакиёт фанлари сирларини ўргатди. Шунинг учун унинг илм соҳасида айтган фикрлари ёшларга таълим беришда фойдаси тегиши шубҳасиздир.

### «АСТРОНОМИЯ РИСОЛАСИ» ДАН

Агар жисм турли табиат ва кайфиятдаги буюмлардан таркиб топган бўлса, уни мураккаб жисм, бўлмаса (басит) содда жисм дейдилар.

Содда жисм фалакий ва унсурийга бўлинади. Фалакий жисм ўзидағи жисмлар билан биргаликда барча (фалақлар) осмонлардан иборатдир. Буларни асирга тегишли жисмлар ва юқори олам дейдилар.

Унсурий жисм тўрт (унсур) аслига тегишли жисмлар бўлиб, у тўрт асл: олов, сув, ҳаво, тупроқдир. Буларни ўзидағи нарсалар билан бирга, қўйи олам — тузилиш ва бузилиш олами деб атайдилар.

Мураккаб жисм тўлиқ ва тўлиқсизга бўлинади. Тўлиқ мураккаб жисм шуки, у, саноққа олинарли бир муддатгача ўз суратини сақлайди. Бунга конлардан олинадиган нарсалар, ўсимликлар, жонли нарсалар мисол бўлади. Тўлиқсиз мураккаб жисм бундай бўлмайди. Булут, туман ва шуларга ўхшашлар бунга мисолдир.

(Фалак) осмон ҳаракати (басита) содда ва (мухталифа) хилмахилликка бўлинади: содда ҳаракатни (муташобиха) бўлаклари бир-бирига ўхшаш ва бир текис ҳам дейдилар. Содда ҳаракат шуки: бу билан ҳаракат қилувчи ҳар бир нуқта у осмон марказида, айланасида бир-бирига баробар муддатларда бир-бирига тенг бурчаклар пайдо қиласди. Бошқа ибора билан айтганда (у нуқта), бир-бирига тенг вақтларда ўша осмон айланасини бир-бирига тенг ёйларга ажратади.

Хилма-хил ҳаракат бундай бўлмайди.

Осмон ҳаракати яна муфрад ва мураккабга бўлинади. Биргина осмондан содир бўладиган ҳаракат муфрад ҳамда биттадан ортиқ осмондан содир бўладиган мураккаб ҳаракат бўлади. Ҳар бир муфрад ҳаракат — содда ва ҳар бир хилма-хил ҳаракат мураккаб бўлади.

Аммо ҳар бир содда ҳаракат муфрад бўлмайди ва ҳар бир мураккаб ҳаракат хилма-хил бўлмайди.

\* \* \*

Ой Ер билан Куёш орасига кирса, Куёш юзини тўсади, ёруғлик ўтмайди, қоронғи бўлади, шу ҳолни кусуф — Куёш тутилиши, дейдилар. Куёш юзидағи қоронғилик Ойнинг занги — соясидир. Куёш тўлиқ тутилиши (кусуфи кули) ёки қисман (жузъий) тутилиши мумкин. Бу ҳол Ойнинг Ер билан Куёш орасидаги ҳолатга боғлиқ.

\* \* \*

Куёш курра шаклли, коваксиз бир жисмдир.

\* \* \*

Ой қалин ва сайқалли жисмдир. Куёшга рўпаралиги жиҳатдан ундан нур олади. Ой курра шаклли бўлиб, Куёшдан кичик бўлгач, унинг Куёшга қараган қарийб ярми ёруғ ва қарийб ярми қоронғи бўлади. «Ижтимоъ<sup>3</sup> — жамъ келиш» вақтида Ойнинг қоронғи ярми бизнинг томонда бўлиб, нур ҳеч кўринмайди. Бу ҳолни муҳақ<sup>4</sup> дейдилар. Ой ижтимоъдан ўтиб, қарийб ўн икки даража Куёшдан узоқ бўлиб, нур олувчи ярмининг бир миқдори кўриниб турса, уни ҳилол дейдилар. Бора-бора кўринувчи қисми ёруғ ярмидан ортиқ бўлиб, ниҳоят офтоб рўпарасига етганда Ойнинг нурли ярми бизга қараб турса, «бадр — ўн тўрт кечалик Ой» дейдилар. Ой Куёш рўпарасидан ўтгач, ёруғ ярмидан бир миқдори кўринмай, бора-бора кўринаётган қисми ярмидан камайиб, ниҳоят яна ижтимоъга етиб, нурли ярмидан ҳеч нарса кўринмайди ва қоронғи ярми тамом бизга қараб «муҳақ» бўлади, шундан кейин олдинги ҳолатга қайтади. Мана бу шаклдан у вазиятлар тасаввuri осон бўлади.

Агар ижтимоъ, раъс<sup>5</sup> ёки занаб<sup>6</sup> икки уқдасидан бирининг атрофида воқе бўлса ва Ой кулчаси кўз билан Куёш орасида тўсиқ бўлиб Куёш юзини бекитса, бу ҳолни «кусуф» ва «Куёш тутилиши» дейдилар; гоҳо шундай батамом бекитадики, офтоб ҳеч кўринмайди, буни: «кусуф кулли» (бутунлай тутилиш) дейдилар. Гоҳо унинг бир қисмини бекитади, буни эса «кусуфи жузъий» (бир бўллагининг тутилиши) дейдилар. Куёш юзида кўринадиган хирилик у Ойнинг ранги бўлади.

Тутилиш офтобнинг гарбий томонидан бошланиб, очилиш ҳам шу томондан бошланади.

Агар «Истиқбол — муқобала»—рўпаралик икки ўқдан бири теварагида воқеъ бўлиб, Ер Ой билан Куёш орасида тўлиқ бўлса ва Куёш нурининг Ойга етишишига тўқинлик қилса, натижада Ой асли рангидаги кўринса, бу ҳолни «хусуф ва Ой тутилиши» дейдилар.

Хусуф ҳам гоҳо қуллий ва гоҳо жузъий бўлади. Тутилиш ва очилиш ҳар иккиси Куёш тутилишининг, аксинча, яъни Ойнинг шарқий томонидан пайдо бўла бошлайди.

Ҳамма осмон жисмларининг зоҳир ва равшанроғи Офтоб ва Ой бўлгач, йил айланишини офтоб даврига қўйганлар. Офтобнииг бир даври муддатини, яъни унинг бирор нуқтадан ажраган вақти, масалан, ҳамал аввалидан то унинг ўша нуқтага қайтган вақти орасини бир йил эътибор қилганлар. Ой айланишини Ой кулчаси даврига қўйганлар. Яъни, унинг Қуёш билан бўлган (ижтимоъ) жамъ келиши ёки (ҳилол) янги Ой бўлиши каби вазиятдан ажраб, яна ўша вазиятга қайтиши орасидаги муддатни бир ой эътибор қилганлар.

Ўн икки ой офтобниинг бир даврига яқин бўлгач, баъзилар ўн икки ойни бир йил ҳисоб қилганлар, буни (қамарий) ой йили ва бошқа бирини (шамсий) қуёш йили дейдилар.

Ой кулчасининг бир даври офтобниинг бир буржидаги сайрига яқин бўлгани учун офтобниинг бир буржидаги сайрини бир ой эътибор қилганлар. Буни (моҳи шамсий) Қуёш ойи, у бошқасини қамарий ой дейдилар. Демак, йил ва ой ҳар бири шамсий ва қамарий бўлади.

## ИЗОҲЛАР

1. Али Кушчининг «Рисола дар илми ҳайъат» [«Астрономия рисоласи» асари форс тилида ёзилган, унинг нусхаси ЎзФА Шарқшунослик институтида (инв. 3356) сақланмоқда]. Ушбу китоб турк олими Абдулла Афанди томонидан турк тилига таржима қилинган. 1968 йилда у ўзбек тилида нашр эттирилган. Китоб ЎзР. Фанлар академиясининг академиги И. М. Мўминов томонидан таҳрир қилиниб сўз боши ҳамда кириш сўзи ёзилган. Унда «Рисола дар илми ҳайъат» асарининг форсча матни ҳам берилган.

2. Али Кушчи. Астрономия рисоласи. Тошкент, Фан, 1968.
3. Ижтимоъ — Қуёш ва Ойнинг бир бурж, бир даража ва бир дақиқада жам келиши вақти. (Шу китобга қаранг, 62- бет.)
4. Муҳақ — Ойнинг охирги уч кечаси.
5. Раъс — бош.
6. Занаб — дум.





## Алишер Навоий

(1441—1501)



Ўзбек адабиётининг асосчиси, шоир, олим, маърифатпарвар, файласуф, мусиқашунос, давлат арбоби Низомиддин Алишер Навоий Ҳиротда туғилиб, шу ерда яшаб улғайди. У турк ва форс тилларида ижод қилган. Навоий ўтгизга яқин шеърлар тўплами, йирик-йирик достонлар ва рисолаларнинг муаллифидир. Унинг беш достондан иборат «Хамса»си бутун дунёга машҳурдир: «Ҳайрат ул-аброр» (1483), «Фарҳод ва Ширин» (1484), «Лайли ва Мажнун» (1484), «Сабъайи сайёр» (1484), «Садди Искандарий» (1485). Унинг қаламига доир «Ҳазойин ул-маоний» (1491 — 1498), «Бадоеъ ул-бидоя» (1500), «Муҳокамат ул-луғатайн» (1499) каби асарлари мавжуд.

Алишер Навоий барча асарларида феодаллар юритаётган куч ва ҳукмронликни танқид қиласиди. Унинг фикрича, мамлакатда маърифатчилик, инсонпарварлик ва адолатлилик ҳукм суриши зарур. Унинг шеърий тўпламлари ва бошқа асарларида таълим-тарбия масалаларига ҳам алоҳида ўрин берилган. Навоий таъкидлашича, ер куррасида яшаётган барча инсонлар (миллатидан қатъи назар) тенгdir. У инсонлар ҳаёт мазмунини фақат меҳнат ташкил этади, дейди.

Алишер Навоий инсон тафаккури, ақли, билимини ва илмий билимларини юксак қалдраган. У «Билим ва донишманлилик инсоннинг безагидир» — деб ёзаци. Навоий бола тарбиясига ва уни шахс сифатида шакллантиришга катта аҳамият бериб, болани ҳаёт «чироги» деб таърифлайди. Бола оиласага баҳт ва саодат келтирувчи зиёдир.

Алишер Навоий болаларга кичик ёшлигиданоқ билим, маълумот ва тарбия бериш зарурлигини уқтириб, ўғил-қизларни б ёшдан тарбиячига — муаллимга бериш лозимлигини айтади. Ана шу ёшлар илк ёшидаёқ фанларни ва ҳунарларни эгаллаб олмоқлиги лозимлигини таъкидлади.

Шоир, энг аввало, ҳар бир киши ўз халқининг тарихини билиши шартлигига аҳамият бериб, уни чуқурроқ ўрганишга даъват этади.

Буюк шоир ҳар бир халқнинг тарихи мамлакатни ҳароб аҳволга солган нима-ю, унинг равнақ топишига имкон берган нима, шуни кўрсатиб бермоғи лозим, дейди.

**Алишер Навоий педагог — мударрис.** У, таълим-тарбия масала-ларига алоҳида эътибор берар экан, тарбия жарабёнларини, воситаларини, талабларини кўрсатади. У, таълимдада *илмийлик, асос-ланганилик, тарихийлик* каби талабларни асос қилиб олади. Ўз давридаги мусулмон мактабларининг ютуқ ва камчиликларини таҳдил этади. У, ўқитувчи ҳақида гапирав экан, муаллим ўз шогирдларини ҳам, ўзи таълим берадиган фанни ҳам севган бўлиши зарур, дейди. Ўзига ҳам, ўқувчига ҳам талабчан бўлишни уқтиради. Навоий ўқитувчини жамиятда обрўли ва ҳурматга лойиқ инсон деб билиб, шогирдлар муаллимни Ватандек ҳурмат қилишларини, эъзозлашларини уқтиради. Унинг асарларида ахлоқий ва меҳнат тарбиясига доир қарашлар асосий ўринни ташкил этади.

## «ҲАЙРАТ УЛ-АБРОР» ДОСТОНИДАН

Кимники бедодинг этибдур асир,  
Бул анга адл илги била дастгир.

Субҳоноллоҳ, бу не нафси лаим,  
Нафсни қўйгил, не азоби алим.

Рузи учун мунча фусунсозлик,  
Мансаб учун мунча дагобозлик.

Бу эл эрур барча ёмондин-ёмон,  
Кимки йўқ андин ёмон, андин ёмон.

Одам аро кўр не тафовут турур,  
Қибла анга, тенгри минга бут турур.

Буки санга тенгри ато айлади,  
Қисм карам бирла сахо айлади.

Гарчи саховат санга ойин эрур,  
Бошингга бу дур била тазиин эрур.

Бу дури серобни хор айлама,  
Бухл ҳисобида шумор айлама.

Они дема сахийким, киши,  
То тиламас бермак эмасдур иши.

Бергали олмоқ ишидан бул йироқ,  
Бермоқ учун олмағонинг яхшироқ...

Сен доги чеккил бу тикан меңнатин,  
Тортмағил Ҳотами Той миннатин.

Бўлмас адабсиз кишилар аржуманд,  
Паст этар ул хайлни чархи баланд.

Тарки адабдин бири кулгу дуур,  
Кулгу адаб таркига белгу дуур.

Қулгуки ўз ҳаддидин ўлди йироқ,  
Йиғламоқ андин кўп эрур яхшироқ...

Тифл учун кўпмоқ эмасдур адаб,  
Пирлар ул ишни демасдур адаб.

Бириси қўймоқлик эрур яхши от,  
Ким десалар етмаган андин уят.

Қилмоқ эрур бири муаллим талаб,  
Қилгали таълим анга илму адаб.

Итга таалумда чу бўлди камол,  
Сайд анинг оғзидин ўлди ҳалол.

Олим ул итким нажасул айн эрур,  
Ўғлингга жаҳл ўлса ажаб шайн эрур.

Бошин фидо айла, ато қошиға,  
Жисмни қил садқа ано бошига.

Бўлсун адаб бирла бори хизматинг,  
Ҳам қил адаб «дол»и киби қоматинг.

Сўнгра раҳминг оиласин қарз бил,  
Раҳм ўшул тоифага фарз бил.

Кимки улуғроқ анга хизмат керак,  
Улки кичикроқ анга шафқат керак.

Кимгаки иш бўлди қаноат фани,  
Билки, ани қилди қаноат фани.

Чунки тама бўлди гадолар иши,  
Билки гадодур тама этган киши.

Шоҳ ул эмаским, бошига қўйди тож,  
Шоҳ ани билким, йўқ анга эҳтиёж...

Улки шиор айлади ёлғон демак,  
Бўлмас ани эру мусулмон демак.

Кимсага ҳар шевада қаллоблик,  
Андин эрур яхшики, кazzоблик.

Фурбат аро ҳоли ёмондин ёмон,  
Ҳарне йўқ андин ёмон, андин ёмон.

Кўнгли бўлуб маскани мавои илм,  
Қатра киби пайкари дарёи илм.

Илмни ким воситай жоҳ этар,  
Ўзини-ю, халқни гумроҳ этар.

Олим агар жоҳ учун ўлса залил,  
Илми анинг жаҳлига бўлгай далил.

Нафинг агар халққа бешак дурур,  
Билки бу наф ўзингга кўпроқ дурур...

Кимки фалак сори отар тошни,  
Тош ила озурда қилур бошни.

Одамий эрсанг демагил одами,  
Оники йўқ халқ ғамидин ғами...

Асрар ўзунгни бирор озоридин,  
Кимсага озурдалик изҳоридин!

Бўлса керак фикр шоҳи замон,  
Яхшига яхши-ю, ёмонга ёмон.

Faflat аро хуш кўрибон хуш дема,  
Воқиф ўлуб сўнгра пушаймон ема...

Ҳар кишининг ким, сўзи ёлғон эса,  
Айлама бовар, нечаким чин деса.

Айлама ўзрайингга кўп эътиқод,  
Мұттамад эл райидин иста күшод.

Унинг эски салласи чулғанганд бўлиб, ичида эгрилиқдан бошқа  
ҳеч нарса йўқ.

Осилиб турган турфа соқоли кулгили, ўлтириши минбарга  
чиққан эчкининг ўзи.

Сахийлик қандай мақтовга лойик, шарафли хусусият бўлмасин,  
уни орттириб юборсанг — бу, исрофга айланади.

Эҳсон ва карамнинг ўз қоидалари бор, ҳар хил (шароитга мос)  
шакллари ҳам бор.

Худо («Куръон»да деди, «Енглар, ичинглар!» Ёнида яна деди. —  
«Лекин исроф қилманглар!»

Оч, муҳтож одамлар нон сўраб туради, лекин уларга бир бурда ҳам бермайди, тўқни қидиради.

Ит етук таълим олгани сабабли у тишлиб келган ов ҳалол ҳисобланади.

Тарбиянинг яна бири ота-онани ҳурмат қилиш, буни бажариш унинг учун мажбуриятдир.

Хизматини қилиб, уни ортиқча улуғлаб ҳам юборма, ёмон муносабатда бўлиб, таҳқир ҳам қилма.

Уни ҳурмат қилиб, «ҳамма ишнинг ўртачаси яхши» деган маъноли қоидага амал қилишинг зарур.

Қаноат мулкидаги саройдан жой олишни мўлжаллаган одам яхшиларнинг яхсисидир.

Эй, инсонлар орасида тонг каби кумуш сочишга ўрганган одам, сенинг меҳринг қуёш меҳридай умумийдир.

Болаларнинг ҳаммасининг кўнгли ўйинда, лекин ҳамма ёқда «Гулхоча гул» (яъни, болалар ўйнайдиган «Читти гуло, читти гул»га ўхшаш ўйиннинг номи) ўйини.

## «ФАРҲОД ВА ШИРИН» ДОСТОНИДАН

Дебонким, кўнгли поку ҳам кўзи пок,  
Тили поку, сўзи поку, ўзи пок.

Деди: Ҳар ишки қилмиш одамизод,  
Тафаккур бирла билмиш одамизод.

Ҳунарни асрабон неткумдур охир  
Олиб туфроққаму кеткумдур охир?...

Ҳунар мундоғ чу зоҳир қилдики кўп,  
Тушуб ул тоғ аро эл ичра ошуб.

Келиб ҳар қайси бир фазл ичра моҳир,  
Маҳорат шеваси ҳар бирда зоҳир.

Бирининг шеваси илми ҳақойик,  
Балоғатда бири айтиб дақойик.

Бири тарихда сўз айлаб фасона,  
Бири ҳикмат фани ичра ягона.

Ҳисоб ичра бирининг зиҳни бориб,  
Муоммада бириси от чиқариб.

Бу фанларда бўлар бир-бирдан ахсан,  
Юз ул фанлик аро ҳар қайси якфанди.

Гар ўлса тарбият кам ё зиёда,  
Табиат айламас тагийр зода.

Чу дин илмига комил бўлди рўйинг,  
Ҳал этти хотири мушкил күшойинг...

Ва гар ҳикматка бўлса илтифотинг,  
Ки бўлсин нуҳ умрича ҳаётинг.

## «САДДИ ИСКАНДАРИЙ» ДОСТОНИДАН

Ўзи тифлни олди аъзод ила,  
Қилур эрди парварда юз ноз ила.

Бори илм аро, ўйла, соҳиб камол,  
Ки комил анингдек топилмоқ маҳол.

Билик касбини қилди то жони бор,  
Хунар билди ончаки имкони бор.

Бирорким, анинг кимиёдур фани,  
Ани деса бўлгай эл ичра ғаний.

Гинодур чу эл ҳурматига сабаб,  
Анга эҳтиром этсалар йўқ ажаб.

Кишиким бийикракдуур ҳиммати,  
Жаҳон аҳлидин камдуур мөхнати.

Бироргаки ҳиммат қилур ёрлиқ,  
Гадолик тиласар, йўқ жаҳондорлик.

Ўзин фақр бирла жаҳондор этар,  
Жаҳондорликдан vale ор этар.

Қилур подшо ул гадолик ҳавас,  
Нечукким, гадо подшолик ҳавас.

На шаҳким, анга мундоқ эрмас тузук,  
Тузуклук нечук келгай андин, нечук.

Яна бир даги турфа суратдуур,  
Ки шаҳ билмак они заруратдуур.

Буким, тутса ҳар кимса таврини пос,  
Фаросат била бўлса жавҳаршунос...

Эрур лек бу ишта душворлик,  
Ки бор даҳр эли бир намудорлик.

Кўрунур бори одами одами,  
Мутобих нечукким сипехр анжуми.

Бу бирга нухусат иродатдуур,  
Яна бирга нури саодатдуур.

Киши бўлса ҳам, филмасал; тавъамон;  
Бўла олур ул яхши-ю, бу ёмон.

Китобада бирдекдур Алфу Алиф,  
Хисоб ичрадурлар базе мухталиф...

Сафар қилмагон одаме хомдур,  
Совуқда тўнгар кимга оромдур...

Талаб йўлида қил шитоб андалиқ,  
Ки туяндаги келди ё бандалик.

Худо комин онинг рано айлагай,  
Ки ҳар ваъда қилса вафо айлагай,

Неча бўлса ёлғончи эл аржуманд,  
Сўзи анжуман ичрадур нописанд...

Агар тузлук ўлса кишининг иши,  
Не васф айлай олган ишини киши...

Алифким эрур ростликда алам,  
Агарчи алифдур, эрур алор ҳам...

Кишики жаҳонда сўзи росттур,  
Эрур дол ангаким ўзи росттур.

Бирорки эрур ростликдин йироқ,  
Анингдек киши бўлмагон яхшироқ

Эрур хак сифоти ададдин бари,  
Булар ҳар бири бир сифат мазҳари.

## **«МАҲБУБ УЛ-ҚУЛУБ»ДАН**

### ***Мударрислар тұғрисида***

Мударрис (дарс берувчи) керакки, ғарази мансаб бўлмаса ва билмас илмни айтишга уринмаса, манманлик учун дарс беришга ҳавас кўргизмаса ва олғирилик учун гап-сўз ва гавғо юргизмаса, нодонлиқдан салласи катта ва печи узун бўлмаса, гердайиш учун мадраса айвони боши унга ўрин бўлмаса... Ярамасликлардан кўрқса ва нопоклиқдан қочса, наинки: ўзини олим билиб, неча нодонга турли хил фисқ ишларни мумкин, балки ҳалол қилса: ишларни қилмоқ ундан содир бўлса ва қиласарни қилмаслик унга қоида ва одат бўлиб қолса. Бу мударрис эмасдир, ёмон одатни тарқа-түвчиdir.

### ***Мактаб аҳллари тұғрисида***

Мактаб тутувчи гуноҳсиз ёш болаларга жафо қилувчиidir. У ёш болаларни азоблашга рағбатланган, уларни қалтаклашга ўрганган. Ўзи раҳмсиз, мияси пўлат ва кўнгли тошди. Фазабдан қоши чимирилган, гуноҳсизларга аччиқланишга одатлангандир. Уларнинг кўпчилигига кўнгил қаттиқлиги ва тама касаллиги ошкор ва ўзлари ақл камлигига гирифтор. Аммо, ёш болалар табиатидаги қайсарликни қийналиб ром қилувчи ва кичкиналарнинг олазарак ҳаракатин дўқ билан тартибга солувчиidir. Агарчи қилиқларининг қўполлиги намоёндир, аммо ўзлари ёш болалар келишмаганликларини силлиқлашга йирик эговдир.

Унинг иши одам қўлидан келмас, одам эмас, балки дев ҳам қила билмас. Бир кучли киши бир ёш болани санлашдан ожизлик қиласарди. У эса бир тўда болага илм ва адаб ўргатади, кўрким, бунига нима етсин. Шуниси ҳам борки, у тўдада фаҳм-фаросати озлар бўлади, ундан кишига юзларча машаққат келса қандай бўлади. Ҳар қандай бўлса ҳам, ёш болаларга унинг ҳаққи кўпдир, агар шогирд подшоҳликка эришса ҳам унга (муаллимга) қуллик қилса арзиди...

Ҳақ йўлида ким санга бир ҳарф ўқитмиш ранж ила,  
Айламак бўлмас адо онинг ҳақин юз ганж ила..

### ***Қаноат тұғрисида***

Қаноат — булоқdur — суви олган билан қуримайди; экинзордир — уруғи иззат ва шавкат меваси беради: дараҳтдир — шохи тортинчоқлик ва хурмат меваси еткизади.

Кўнгилга ундан равшанлик фойдаси етар ва кўз ундан ёруғлик натижаси, ҳосил этар...

Кимки, қаноатга одатланса, шоҳ ва гадой борди-келдисидан озод бўлади... қаноат — қўргондир, у ерга кирсанг нафс ёмонлигидан қутуларсан, тогликдир — у ерга чиқсанг душман ва дўстга қарамликдан халос бўларсан; тубанлашишдир — натижаси юксаклик; зориқишишдир — фойдаси эҳтиётсизлик уругининг меваси — фаровонлик...

Ҳар кимнинг агар қаноатга нисбати бўлса,  
Барча кишилар ўртасида иззатли ва ҳурматли бўлур.  
Кимники тамау хир билан улфати бўлса,  
Яхши-ёмон олдида хор бўлур ва наҳс кўрунур.

### *Тавозуъ ва адаб тўғрисида*

Тавозуъ халқ муҳаббатини ўзига тортар ва одамларни шу ишни бажарувчи билан дўстлаштирап. Тавозуъ дўстлик чаманида тоза гуллар очар ва у чаманда ошнолик ва улфатчилик базмига хилма-хил гуллар сочар. Такаббур киши ўз душманига юмшоқлик сари йўл қўргузар ва гердайган одам халқ кўнглига инсонлик завқини ўтиргизар. Қайта-қайта такаббурлик қилиш, ҳаёсиз лоф уят чегарасига йўллар ва ҳаддидан ошган инсофсиз душмани ёмонликдан қайтарарап. Адабли агарчи барча кишилардан яхшидир ва ҳамма халойикдан ёқимлироқдир. Адабли ўз тенгқурлари орасида бир-бирига мақтанаарли бўлади, каттадан-кичик ўртасида яхши кўринади. Сахийлик қилмай, элни шод қиласи ва бир нарса ҳаля қилмай, кишини ғамдан озод қиласи. Адаб кичик ёшдагиларни улуғлар дуосига сазовор этади ва у дуо баракати билан умрбод баҳраманд бўлади. Адаб кичкиналар меҳрини улуғлар кўнглига солади ва у муҳаббат кўнгилда абадий қолади.

Ёшларни кўзга улуғ кўрсатади, уларнинг юриш-туришини халқ улуғвор билади. Ўзига қарши халқ томонидан бўладиган ҳурматсизлик эшигини боғлайди ва кишини ҳазил-мазаҳдан ва камситилишдан сақлайди. Киши табиатини инсонлик йўлига солади ва одам мижозига одамгарчилик манзилида ором беради. Кичикларга ундан мунча натижа ҳосил бўлгач, катталарга аллақанча бўлишини кўрарсан.

Адабдан муҳаббатга безак ва пардоз этади, адаб таркидан дўстликнинг равнақ ва баҳоси кетади. Адаб ва тавозуъ дўстлик кўзгусини ярқиратади, икки томонидан ёруғлик етказади. Тавозуъли ва одоблиларга таъзим ва ҳурмат этади ва у уруғни эккан бу қиймат баҳо ҳосилни тўплаб олади. Халқ муомаласида яхши ахлоқнинг бошлиғиши шу хислатдир ва бу хислат қаттиқ ўрнашса, муҳаббатга халал этиши амри маҳолдир. Агар ҳар икки томонда яхши хулқ бўлса, адаб ва тавозуъ эвазига иззат ва таъзим пайдо бўлади. Бу хил дўстлар

орасида муҳаббат ва бу йўсин ҳамсуҳбатлар орасида баҳамжиҳатлик бўлса, қандай яхши! Бундай муҳаббатли ва баҳамжиҳат кишилар дўст ва иттифоқ одамлардир, нақадар гўзал!

### *Сабр тўғрисида*

Сабр — аччиқдир, аммо фойда берувчи, қаттиқдир — аммо зарарни даф этувчи. Сабр — шодликлар қалитидир ва бандлар очқичидир.

У ўртоқдир — сухбати зериктиарли, аммо мақсадга олиб борувчи; улфатдир — умиди узун, аммо охири истакка элтувчи.

Уловдир — юриши тахир, аммо манзилга етказувчи; тұядир — қадами оғир, лекин бекатта туширгувчи.

### *Саховат ва ҳиммат тўғрисида*

Сахийлик (кўли очиқлик) — кишилик боғининг ҳосилдор дараҳтидир, балки у дараҳтнинг ширин мевасидир, одамгарчилик ўлкасининг тўлқинли дарёси, балки у тўлқин дарёсининг асл гавҳаридир. Сахий эмас эр — ёғинсиз баҳор булути ва иси йўқ тоза ифордир. Мевасиз дараҳт ҳам биру ўтин ҳам бир ва ёғинсиз булат ҳам биру тутун ҳам бир. Саховатсиз киши билан гавҳарсиз садафни бирдай ҳисобласа бўлади. Дурсиз садаф билан ўлиб қуриган тошбақанинг қандай эътибори бор? Ҳимматлиарнинг ихтисоси — сахийликдир, бу икки шарафли сифат покиза кишиларга хосдир. Сахийлик одамнинг баданидир, ҳиммат унинг жони; ҳимматлиардан дунёга юз минг күшойиш бўлур. Ҳимматсиз киши эр сонида эмас, жонсиз баданили киши тирик демас... ҳиммат эгаси қашшоқлик билан тубан тушмас; ҳимматсиз хазина топса, буюклар билан тенг бўлмас... Истроғарчилик (ортиқча сарфлаш) сахийлик эмас, совуришни бамаъни одамлар сахийлик демас... Фаҳрланиш учун бермоқ ўзни кўрсатишилик ва бу билан ўзини сахий демак беҳаёликдир...

Бигта нонни икки бўлиб, ярмини бир очга берганни сахий дегил, ўзи емай борини муҳтожга берганни аҳил дўст дегил...

Яхшилик (карам) ва ҳожат чиқариш тўғрисида яхшилик (карам) бир жабрланганнинг қаттиқчилик юкини кўтармоқ ва уни ўша қийинчиликдан кутқаришдир. Карам — бироннинг мashaққат тикани оғирлигини кўтармоқ ва уни тикан учидан гулдек очилмоқ ва қилинган ишни қайтиб тилга келтирмаслик, оғизга олмаслик, кишига миннат қилмаслик ва унинг юзига солмасликдир.

### *Вафо орқали ҳаё тўғрисида*

Карам ва мурувват ота-оналардир, вафо ва ҳаё икки эгизак фарзанд. У икковида ҳар қанча равшанлик билан соғлик бўлса, бу икковида шунчалик жипслashiш ва бирикиш юз берур. Ҳар бир

күнгилга вафо ўрнашар экан, ҳаё ҳам жойлашади, ҳар бир ўринда у топилар экан, бу ҳам топилади. Вафосизда ҳаё йўқ, ҳаёсизда вафо йўқ... .

## «НАЗМ УЛ-ЖАВОҲИР» («ШЕЪР ДУРДОНАЛАРИ»)ДАН

... Топтинг чу аёл яхшилик еткургил,  
Ўргат адабу, яхши қилиқ еткургил,  
Ҳар неча адаб бўлса катиг еткургил,  
Хайлингга адаб қилиб асиф еткургил.

Олтин-кумуш этма касб давлат қунидин,  
Ким тортар адаб улусни меҳнат тунидин,  
Гар йўқдир адаб, не суд олтин унидин,  
Элнинг адаби хушроқ эрур олтинудин...

Иста ато йўлида фидо жон қилмоқ,  
Қуллуқ анога ҳам улча имкон қилмоқ,  
Зуҳри абад истасанғ фаровон қилмоқ,  
Бил они ато-анога эҳсон қилмоқ.

Нафс уйига сабр ила иморат англа,  
Бесабрлигин анинг шарорат англа,  
Иш сабр сори анга ишорат англа,  
Сабрни зафар сари башорат англа.

Ҳар кимгаки кўп таом емак фандур,  
Билгилки, нафосатга тани маскантур,  
Қорнинг била дўст бўлмасина эҳсантур,  
Невчунки эр ўғлига қорни душмандур.

Сўздин кишиким famу бало ҳосилидир,  
Ҳар нуқтада тили деса бало дохилидур,  
Бесирфа деган кишига тили қотилидур,  
Алқиссанки кимсанинг балоси тилидур.

Таъзимда улки эҳтимол бўлғай,  
Ул муниби иззу эҳтироми бўлғай.  
Ҳар кимки тавозуз амри коми бўлғай,  
Ул феъл ила халқ аро кироми бўлғай.

Уч қисм ила имонга бино фаҳм айла,  
Аввалгисини анинг ҳаё фаҳм айла,

Иккинчини дағи вафо фаҳм айла,  
Учинчини билмасанг, сахо фаҳм айла...

Адл айлаки, ул халқ ҳаёти бўлмиш,  
Хуш ул кишиким — адл сифоти бўлмиш,  
Ҳам мулк била адл жиҳоти бўлмиш,  
Ҳам адл била мулк саботи бўлмиш...

Ҳар кимдаки даҳр ичинда донолик эрур,  
Хилм ила иш анга мажлисоролик эрур,  
Ойни тахаммулда тавонолик эрур,  
Юқ чекмак ила кишига зеболик эрур.

Яхшиликни топса нишон ҳамсуҳбат,  
Берур сенга осойиши жон ҳамсуҳбат,  
Чун бўлди малак нафърасон ҳамсуҳбат,  
Шайтон сангаким дурур ёмон ҳамсуҳбат..

Ҳар кимсаки демак шиорида дурур,  
Маъни гули нутқининг баҳорида дурур,  
Сўзким десун улки ихтиёрида дурур,  
Сўз яхшилиги чу ихтиросида дурур...

Жаҳъл аҳли била кимгаки улфат бўлгай,  
Ул улфати ичра юз минг офат бўлгай,  
Фаҳр аҳли ила ангаки суҳбат бўлгай,  
Шак йўқки, зиёда шукри неъмат бўлгай.

Ҳар кимки фалак зулму инодига етар,  
Сабр айлаган охир эътиқодига етар,  
Чун бўлди сабур тенгри додига етар,  
Собир киши оқибат муродига етар.



## **Абдураззоқ Самарқандий**

**(1413—1482)**



Камолиддин Абдураззоқ ибн Жалолиддин Исҳоқ Самарқандий 1413 йилининг 7 ноябрь куни Ҳирот шаҳрида туғилган. Унинг «Самарқандий» тахаллуси отасининг Самарқанд шаҳридан бўлгани ва тарихчининг ўзи ҳам шу шаҳарда ўқиб, анча вақт шу ерда фаолият кўрсатгани туфайлидир.

Абдураззоқ Самарқандий асарларида ёшлиқ, йигитлик йиллари, хулиас таржимаи ҳоли ҳақида, таълим-тарбия олиши билан боғлиқ маълумотлар ҳақида аниқ ахборот бермаган. Бироқ, унинг Ҳиротда бошланғич ва мадраса мактабларида маълумот олиб улғайганига ишонамиз. Чунки Ҳиротдаги шароит, яъни Амир Темурнинг фарзанди Шоҳруҳ саройида тарихчининг ўзи ҳам, отаси ҳам, маълум бир мавқега эга бўлган. Шу срда Абдураззоқ тафсир, ҳадис, фиқҳ, тарих ва тил-адабиёт фанлари бўйича етарли маълумот олган.

Бу ҳақда Алишер Навоий ўзининг «Мажолис ун-нафоис» (Нафислар мажлислари) асарида маълумот бераб, шундай ёзади: «Хушмуҳовара (хушсуҳбат) киши эрди... Зоҳир улуман такмил қилиб эрди ва фазлиёти ҳам яхши эрди...».

Темурийлар саройда ҳар бир фозил кишини имтиҳон қилиб туришган.

Абдураззоқининг «Матлаи саъдайн ва мажмаи баҳрайн»... асаридаги муаллифнинг ўз ҳаётига доир маълумотларга қараганда, дастлаб ўзи яхши билган илмларни арзга стказиб турувчи мулозим бўлган Абдураззоқ Шоҳруҳ имтиҳонидан муваффақиятли ўтиб, давлат ишларида фаол қатнашган, дипломатик ёзишма ва элчилик алоқаларига оид ишлар билан машғул бўлган.

Калькутта ва Вижаянагар (Ҳиндистон) давлатларига элчи бўлиб боради... мамлакатнинг сиёсий ишларида фаол қатнашди. У 1482 йилда вафот этган.

Тарихчи ҳақида бир қисм маълумотларни унинг бизгача етиб келган якка-ю ягона асари «Матлаи саъдайн ва мажмаи баҳрайн» дан билиб олиш мумкин. Бу асарни у 1467—1470 йиллар орасида ёзиб тутатган. Бироқ, бу катта асар маълумотларини у бутун умри

давомида тўплаган. Асар қомусий характерга эга бўлиб, унда ўша замон фанлари ҳамда таълим-тарбияга доир маълумотлар ҳозирги замон кишисининг ҳам диққатини тортади.

## «МАТЛАИ САЪДЛАН ВА МАЖМАИ БАҲРАЙН» ДАН

Илмлар ҳақиқати ақлий ва мағхум (нарса)лар нозикликларидан, сирлар кашфиёти ва (илоҳий) нурлар балқишидан сўзлаш ҳамда имтиҳон майдонини камолот ва аминлик суворийлари билан бирга босиб ўтиш иши гарчи баланд ҳимматга муносиб ва ўткир табиат учун ёқимли бўлса ҳам, (аммо менинг оптимда бир малик бордирки, у мени ана шу (ёзаётганимдан) нарига ўтишга қўймайди.

«... Сўз тузувчи табъ булбули иншо ҳавасида парвоз қилар экан, гарчи аҳён-аҳёнда, достон куйлаш чаманзори-ю, сўз безаш мажлисида достонлар тузиб, наволар куйласа ҳам, аммо асл жумлалар софлиги ва етук фикрлар, хаёлиёт истиоралар воситаси-ю, тушунарсиз мақтов-ўхшатмалар сабаби билан қоронғу ва тутуруқсиз бўлиб қолмасин...»

\* \* \*

Ақл кўзи маъний гавҳарининг порлашини кўрсинг учун,  
Қалам назм дуррини шу тартибда сўз ипига терди.

\* \* \*

Илмларни ихтиро қилувчи ва юлдузлар ҳукмларини чиқариб берувчи Уторид (сайёраси) қавсуннаҳор баландлигини даража ва дақиқалари билан ҳисоблаб чиққач, вақт толеи давлат юксалиши-ю, саодат насибасини ўз ичига олган, леб ихтиёр қилди...

## Мактаб ҳақида

Хоқони Саид ҳазратлари бунёд қилишга буюрган мадраса ва хонақоҳ қуриб тамомланди ва бу ернинг таровату латофатидан у шаҳар (Ҳирот) тўла-тўқис гўзаллик касб этди.

... ва (шундан бери) ер юзида, (яъни) Рум сарҳадидан токи Чиннинг энг йироқ ерларигача ҳеч бир срда дарс (ўқиш) ва фатво (ўрганиш) учун бу икки иморат (мадраса ва хонақоҳ) латофатига эга бўлган бирор мавзе ва унинг тароватига ўхашаш бирор мавқени кўрсата олмайдилар... Фанларга оид ҳамда ақл билан етиладиган ва қонуний (масалаларни) ўз ичига олган китобларнинг асилларини сандиқларига солиб, таҳту муҳайё қилинган, атоқли уламоларнинг ҳар бирини бир гуруҳ кишиларга дарс беришга ва хосу, ому (авом кишиларга — Э. Т.) тушунтиришлар ўтказишга тайинлаб қўйилган.

Барчасининг дили субҳи содиқдек пок, (чунки) улар кечанинг оз қисмидагина ухлаганлар, токи сен ўзингни илм йўлига бутунлай бағишламагунингча илм сенга ҳеч нарса бермайди.

... подшоҳнинг инъоми фазилатларидан барча керакли нарсалар ва дарс ҳам такрор учун (тўланадиган) нафақалар... муҳайё қилинган.

\* \* \*

Ундаги фозил кишиларнинг барчаси турли-туман илмлардан тўла хабардор бўлиб, ҳар бири ўз даври нодирларининг нодири эди.

\* \* \*

(Мирзо Улугбек) ҳақиқат аҳларига эътибор кўрсатишда жаҳон подшоҳларидан устун ва афзал эди, адл мактабларини янгилаш ва фазл қоидаларини мустаҳкамлашда шундай бир катта жудду жаҳд ва гўзал саъй-ҳаракат кўрсатдики, бунга шоҳидлик нурлари ва далиллик ёдгорликлари ҳаёт саҳифасида аниқ ва ойдин қолгусидир...

\* \* \*

...Уламоларнинг энг билимдонлари ва фозил кишиларнинг тажрибакорлари мадрасада дарс бериш ва тушунтириш учун тайинланди.

\* \* \*

Илму фанлар бўйича старли насиба ва тўлиқ сармоя эгаси бўлган Мирзо Улугбек дейди: «Барчага маълумдирки, ҳар қанча ўйлаб кўрилганда ҳам, биттагина бош билан олам ишини қандай бажариш мумкин эди».

Ҳар бир иқлимдаги тоҷу тахт эгалари, агарчи осмон тарафидан таълим олган бўлсалар-да, лекин (дунёвий) илм касб қилиш ҳам гўзал ишдир.

\* \* \*

Улуғларга номаълум қолмасинки, агар умматлардан биронтаси фазилат ва камолотлардан қайси бирини бўлмасин, энг юқори камолот ва бутқул ниҳоятга етказса, ва бу хил (иш)ни бажариш ундан илгари бирон кишининг ҳам қудрат қўлидан келмаган ва ундан кейин ҳам ҳеч ким унинг даражасига етказа олмайдиган бўлса, ана шу камоли хатм бўла олади.

### Тарбия ҳақида

... Умид ниҳоли иқбол чаманида юксалгач, машақват офтобидан куйганлар бошига мақсад соясини ташлаб, худди мурод фунчасидек ҳосил бериши, адолат ва инсофнинг майин шабадаси билан замона

димоғини мұаттар қилиш, барча ҳиммат, саховатини әзгуликтарни ошириш ва хайрли ишларни намоён қилишга қаратиб, бор ғайратини сайдилар ҳам олимларни улуғлаш ва машойих ҳам солиҳларни хурматлашга сарфлаши лозим.

\* \* \*

... Энди фарзандлардан лозимки, дүстларга садоқат ва душманларга адват күргазиша оға-инилик шартларига қатық риоя қылсЫнлар, ... бир-бирларига мадад беришда худди занжирдек мұвоғиқлик йүлини тұтсынлар ... токи азиз хотир ойнаси юзида бирор губор күрінмасин.

\* \* \*

Сен дилингда ёмоналик сақлаган ҳолда подшохлик құлмагин.  
Бу дунёда фарзанддан күра ким азизроқ бўлиши мумкин?

Чунки фарзанд давлат ишларини улуғ хотиrimiz фироғатта эришишга сабаб бўла оладиган тарзда олиб боришига ишонамиз. У қимматли фарзанд ваъз-насиҳатларга ўрин қолдирмайдиган даражада адл, инсоғ ва яхши сифатлар билан безанган...

\* \* \*

Сен ўз шишингга ўзинг тош отма,  
Ўз лашкарингга қарши ўзинг жанг қилма.

\* \* \*

Бирорванинг қилган ишига яраша жавоб қайтаришинг вожибdir.

\* \* \*

Бечораларга нисбатан зулмраво кўрилганлиги мулк қўлдан кетганинг нишонидир.

\* \* \*

Бир дараҳтни умр бўйи парвариш қилган киши уни заруратсиз илдизидан қўпормайди.

\* \* \*

Агар ўрмонга ўт кетгудек бўлса, у ўрмонда на қуруқ қолади, на хўл.

\* \* \*

Оқил кишилар дўст билан душману, душман билан дўстни алмаштириб юборишга майл қилмайдилар.

\* \* \*

Ҳар қачонки подиоқ ғайри кишининг эркинлик жиловини ўзига ташлаб қўяр экан, кейин уни койишга құдрати етмай қолади ва бу унинг ожизлиги, кучдан қолганлиги, заифлиги ва нуқсонларига далил бўлади...

\* \* \*

Биз бир-биримиз билан дўст бўлсак, йўллар нотинчлик ва оғатлардан эмин бўлгусидир.

\* \* \*

Бахтиёрик ичра сен баҳтсизликка учрашдан қўрққин, токи баланд фалак (баҳт-саодатингни) яксон қилмасин!

\* \* \*

Бирон хатога йўл қўйган киши узр сўрагани дуруст, ахир одам ҳам узр сўраганилигидан бир натижага етишган.

\* \* \*

Агар душман билан сулҳ тузишга мұяссар бўлинса, сулҳ юзасидан иттифоқликда бўлиш, жанг қилишдан афзалдир.

\* \* \*

Биз ўз одатимиз бўйича беозорлик кийимини кийган кишилар-мизу, аммо, баъзан, газабга келгудек бўлсак (душман қонидан) тепаликларни сугорамиз.

Кишиларга яхшилик қилгин, (шунда) уларнинг қалбларини ўзингга кул қилиб оласан.

Чунки эҳсон, кўпинча, инсонни кул қилгандир.

\* \* \*

Сенинг ҳақингда яхши номлилик шуҳрати таралмоғи ва хуш-феъллик зикри сендан ёдгор қолмоғи учун ... ҳамда мақтовли сифатларинг билан бутун дунёдаги маликлардан устун туришни истасанг, ана шу ... қоидага биноан иш тутгин.



## **Ҳоғиз Ҳоразмий**

*(XIV—XV аср)*



Ҳоғиз Ҳоразмий (таяллуси; исми Абдураҳим, XIV асрнинг иккинчи ярми — Ҳоразм, XV асрнинг биринчи ярми — Шероз). Ўзбек шоири, ўз даврининг йирик сағъаткори, дунёвий адабиётнинг кўзга кўринган вакили, туғилган ва вафот этган йили аниқ маълум эмас.

Ҳоғиз Ҳоразмийнинг ёшлиқ даври Ҳоразмда ўтади. Лекин кейинчалик Амир Темурнинг Ҳоразмга юриши натижасида бу ерда нотинчлик бошланади. У шундан кейин Ҳоразмни тарқ этишга мажбур бўлади, Ироқ, Ажам, Ҳурросон, Форс, Исфаҳон, Самарқанд, Табриз, Бухоро, Ҳўжанд, Шероз, Кирмон ва бошқа жойларда бўлади. Охирида Шерозга келиб, қолган умрини ўша ерда ўтказади.

Бизгача Ҳоғиз Ҳоразмийнинг тўлиқ девони етиб келган.

Шоир дунёқарашининг такмил топишида Ҳоғиз Шерозийнинг таъсири кучли бўлган. «Ҳар иккала Ҳоғиз, — деб таъкидлайди профессор Ҳ. Сулаймонов — умрининг кўп қисмини Шерозда ўтказгандар. Ҳоғиз Шерозий билан Ҳоғиз Ҳоразмийнинг прогрессив дунёқараши, фалсафий концепциялари, гуманизм, ижодий метод ва маҳорат бобидаги қатор муштарак ҳоллари уларнинг бир давр, бир ижтимоий-сиёсий тузум ва маданий муҳитда яшаганликларидан дарак беради». (Ҳ. Сулаймонов. Ҳоғиз Ҳоразмий. Таъланган асарлар. 1-китоб, Тошкент, 1981, 7—8-бетлар.)

Ҳоғиз Ҳоразмий шеърларида некбин тоғояларни илгари сурди, инсонни мадҳ қилди. Айниқса, у севги-муҳаббат, ёр ишқи ва вафдорликни куйлади, уларни диний ақида ва маросимларга риоя қилишдан афзал кўрди. Шоир сўфийликнинг некбин томонларини ривожлантирди, инсоннинг энг яхши фазилатлари: яхшилик, тавозе, камтарлик, ақллилик, одамийликдан сабоқ берди, такаббурлик, зўравонлик ва ёмонликнинг бошқа кўринишларини қоралади.

## «Фазаллар» дан

Тилар бўлсанг ҳақиқат мулкида сардор бўлмоқлиқ,  
Алиф янглиф бўла кўргил муҳаббат лавҳида якто.

Гулистон хурраму хуш бўлди, эмди бир нигор изда,  
Тузуб завқу сафо созин, шароби хушгувор изда.

Сарову саҳни гулшанда бўлуб нағма аро ҳар дам,  
Ўзунга булбулу хуштўйларни дастёр изда.

Боғ ичра хиром айласа ул қад ила қомат,  
Пайдо бўлур ул дамда туман турлу қиёмат.

Ул фитна қароқчи қаро кўз даврида эмди,  
Бир гўшанишин қолмадиким, бўлса саломат.

Ёр эшиги бўлғали бандага боғи беҳишишт,  
Кечмади кўнглумга ҳеч жаннати анбарсиришт.

Юз гули садбаргдин хуш кўринур кўзума,  
Дўст элидин қачон тегса бу бошимға хишт.

Айб манга қилмангиз, ишқда бош ўйнасам,  
Чунким азалдан манга ушбу эрур сарнавишт.

Жон била издагил қайдаки бўлсанг мудом,  
Ишқда чун бир эрур масжиду кунжи киништ.

Агар шоҳи замон бўлмоқ тиласанг одам ўғли бўл,  
Чу мажмуъи жаҳоннинг ичра барҳоқ шоҳ Одамдур.

Ҳамиша дўстлар бирла мусоҳиб бўлсун ул шоҳим,  
Бихиши — Адан чунким суҳбати ёрони ҳамдамдур.

## «Таржеъбандлар»дан

Бўлди бағрим кабоби ишқ, эй, дўст,  
Келтур эмди шароби ишқ, эй, дўст.  
Қила билмади ҳеч боб билан,  
Муҳтасиб ихтисоб ишқ, эй, дўст.

## «Китъалар» дан

Полшоҳи аср бўлсанг ҳам такаббур қилмагил,  
Оқибат чун: тупроқ ичра тенг бўлур шоҳу гадо.

\* \* \*

Издар эсанг кору бор факрмаскан бўла кўр,  
Бор мискинларга чун ҳақ ҳасратинда корубор,

Айлагил доим тавозуъ яхши от издар эсанг,  
Ким тавозуъ пеша қилғанлар бўлубдур номдор.

Марди маъно ул эрур қилса тавозуъ борчаға,  
Чун сарафканда бўлур шоҳеки, бўлур мевадор.

Коми жонки тилама, эй оқил,  
Чун бу оламнинг ичра йўқдур ком.

Ком агар бўлса эрди оламда,  
Топгай эрди тан ичра жон ором.

Бесаранжом кўринур ишлар,  
Чун кўринмас жаҳон ишинда низом.

Оқибат чун: жаҳонда қолмасмиз,  
Яхши улдурки, яхши қолса ном.



# **Ҳайдар Хоразмий**

*(XIV—XV asр)*



Ҳайдар Хоразмий XIV асрнинг охири XV асрнинг бошларида Умаршайхнинг ўғли Искандар Мирзо ҳукмронлиги даврида яшаб ижод этган буюк хоразмлик шоирдир. Унинг «Маҳзан ул-асрор» («Сирлар ҳазинаси») асари ахлоқий-фалсафий достончиликнинг иирик намунаси ҳисобланади.

Достонда шоир Ҳайдар Хоразмий Озарбайжон адабиётининг иирик вакили Низомий Ганжавийни ўзига устоз деб билади ва унга нисбатан бекиёс ҳурмати сабабли унинг шу номдаги достонига жавоб тариқасида «Маҳзан ул-асрор»ни яратди. Бу билан Ҳайдар Хоразмий устози Низомийга нисбатан ўзининг меҳр-муҳаббати за чексиз ихлосини билдириди:

Шайх Низомий дамидин жон топиб,  
Маъносидин ёрлиғу фармон топиб,  
Тиласа мэндин сочайин анча дур.  
Ўйлаки бўлсун етти иқлим пур.  
Дунёда туз Ҳайдари соҳиб хунар,  
Ким жувади мунча туганмас гуҳар.

Ҳайдар Хоразмий «Маҳзан ул-асрор» асари билан ўзбек эпик шеърияти тараққиётига муҳим ҳисса қўшиди. Айниқса, ундаги шеърий ҳикоялар орқали шоир ўқувчиларга одоб-ахлоқдан, диёнатдан панд-насиҳат беради, уларни ахлоқий-таълимий, ижтимоий-мағкуравий масалалар устида бош қотиришга ва улар тўғрисида тўғри хуласалар чиқариб олишга ўргатади.

## **Ҳайдар Хоразмий шеърларидаи**

... улки билур сўз гуҳари қийматин,  
Сўзда топар сўзлагучининг отин.

Аҳли назар шевасини сўз билур,  
Нури басар мевасини кўз қилур...

Умр гаронмоя чу бўлгай талаф,  
Сўзда керак маъни-ю, маънида — завқ,

Сўз дуру, сўз дунёда қолгай халаф...  
Сўзлагучида сўзи учун дарду шавқ.  
Ёрим, аёқ — ошки, топарсан насиб,  
Ярмини берки есун бир гарип.

Меъда тамуғиким эрур душманинг,  
Тўймағусидур агар ичса қонинг.

Одам атонғонга мурувват керак,  
Орифу омийга футувват керак.

Сарвдек озода бўлу росткор,  
Ё ўрику олма бикин мевадор.

Нафъ текур барчага ёмғур бикин,  
Ё тенгиз ўртасида жўмдур бикин.

Хор қилур мардни бўгузинг ғами,  
Шум бўгузин бўғса узар одами.

Кимки нечук йиғди анинг тек қўяр,  
Ортиқ усурган кусар, итлар тўяр,

Мард эсанг мардлик юрагинг ушлагин,  
Ўтган мардларнинг ишин ишлагин.

Кимгаким иш бўлмаса пеш уфтод,  
Ҳеч иши ҳеч иш била топмас кушод.

Тажрибасиз эрмудур, эй, ҳамнафас,  
Тажрибадир эрга мураббию бас.

Ростлик устинда тарозини туз,  
Ростлик асбобини сақла тўкуз...

Арратек эт базл кейин-илгари,  
Пеша биқин йўпма ўз-ўзунг сари.

Эр керак эмчак била топса ҳузур,  
Эр киши эмчакта тетикроқ бўлур.

Маъниси йўқ лофни ҳўй, э, фузул,  
Рақсга шоиста дагул беусул.

Эр назаридин очилур эр күзи,  
Эр нафаси бирла юрур эр сүзи.

Топти күнгүл кулбаси нуру сафо,  
Берди хунар тахтина нашъу намо.

Пири дамин топса қуруғон ўлук,  
Рұх топибон тирилур билгулук.

Күлма снгилиллик билан күнгүлни реш,  
Ким биладур хору гулу нұшы ниш.

Әйки, қүярсан оёғинг йүлда чап,  
Бу йүл эрур боштин-оёқ булъажаб.

Арпа экиб буғдой ўраман деган,  
Күрмадук ошлиқчиини буғдой еган.

Хүкүм била донада бордур шажар,  
Фсылға келтирса стайлар самар.

Кимдаки бор иштаха эттим ҳалол,  
Күрсөғина ниши бу жоми зулол.



## **Хожа**

(1480 иил — XVI аср боши)



Машхур ўзбек шоири, мутафаккири ва амалий ахлоқ назариётчиси. Тўлиқ исми Ибодулла Сайд Поншоҳўжа Абдулваҳҳобхўжа ўғли, «Хожа» адабий тахаллуси билан ижод қилган. Даставвал мактабда, сўнгра мадрасада ўқиб, ўз замони учун мукаммал маълумот олган.

Балх ҳокими Кистон Қаро Султон ҳокимлиги даврида Хожа бир қанча вақт садрлик лавозимида ишлаган, кейин шайхулисломлик қилган. У ижодий фаолияти борасида Низомий, Саъдий, Жомий, Навоий каби буюк шоирларнинг анъаналарини давом эттириб, «Гулзор», «Мифтоҳ ул-адл», «Мақсад ул-атвор» каби асарлар яратган. Мазкур асарларнинг асосий гояси: адолатпарварлик, халқпарварлик, инсон ақли ва иродасини, илм-фанни улуғлаш, комил инсонни тарбиялаш мумкинлигига бўлган ишончни тарғиб қилишdir.

Албатта, Хожа ўз даврининг фарзанди сифатида нафақат диний дунёқараш мавқеида турган, шунингдек, Пайғамбар, шайх-авлиёларга хурмат билан қараган, уларнинг хатти-ҳаракатлари, ўгит ва насиҳатларини ўрнак сифатида тақдим этган. Айни пайтда, шоир учун Аристотель, Низомий, Жомий, Навоий, Бобурлар қарашлари ва ибратларини илгари суриш орқали ижтимоий воқеълик ҳақиқатини, илм-фан, балийятлаги инсоний ҳақиқатни ифодалаш, тарғиб қилиш, инсонга янгича муносабатда бўлиш ақидалари етакчи мавзу эди.

Тадқиқотларда Хожанинг XVI асрнинг иккинчи яримларида ҳам ҳаёт бўлганлиги, вафоти маълум эмаслиги қайд этилади. Унинг рубойй, ғазал, қитъаларини ўз ичига олган форс ва ўзбек тилларида девони тартиб берилгани маълум бўлса-да, у бизгача етиб келмаган, ёки қўлёзмалари ҳали топилган эмас. «Гулзор» ва «Мифтоҳ ул-адл» асарлари Ўз ФА Беруний номидаги Шарқшунослик институти қўлёзмалар фондida (инв. № 7796: 7791: 7788), «Мақсад ул-атвор» эса Россия ФА Шарқшунослик институти Санкт-Петербург бўлимининг қўлёзмалар фондida (инв. В—3981) сақланмоқда.

### **«МИФТОҲ ҮЛ-АДЛ» ДАН**

... ҳар кимарса султон бўлиб ё беск бўлиб, адл қилмайин зулм қилса, ул дунёда балога гирифтор бўлур ... золимларга гўр азоби қатиғ бўлғай.

\* \* \*

Бир кун җакимлар Аристолис җакимдан савол қилдилар: «На ҳикмат эрди, Искандарга етти иқлим мутье бўлди?» Аристолис җаким айтди: «Мискинларга раҳм қилур эрди, таки ўзи оқил эрди».

\* \* \*

Ҳар бандай саодатмандким, Оллои таоло ани салтанат саририна мушарраф қилди, ул саодатлиғ подшоҳга вожиб ва лозимдурким, ўз тафаккур тааллуки бирлан мулоҳаза қилиб билгайким, бу давлату нусратни менга ким иноят қилибтур. Ул давлатнинг шукрини билиб, онинг хизматини ва тоатини сидқу ихлос бирлан машгул бўлиб, фуқаро ва мискин, ва бенаво, ва муҳтоҷлардин хабардор бўлиб, аларга лутфу шафқат мақомида бўлгай.

\* \* \*

Санинг қўнглинг бир ҳавзга ўхшар ва анга беш аригдан лой сувлар кириб, таки ул ҳавзни тийра қилурлар. Агар ул аригларнинг йўлларини боғласанг ва бу ҳавзга тийра сувлар кирмаса, ондин сўнг санга тавба ва инобат берурман.

Бир ариг — кўзингнинг йўлидурким, мусулмонларнинг аҳли аёлига хиёнат бирла боқмагайсан. Яна бир ариг — оғзингнинг йўлидурким, андин ёмон, ҳаром нималарни демагайсан. Яна бир ариг — иликларингдурким, кишини ноҳақ уриб, молларини олмагайсан. Яна бир ариг — бекларнинг йўлидурким, унинг бирлан номашруй йўлларга бормагайсан, мисли бўзахона ва шаробхона, ва мафска. Яна бир ариг — кулоҳларнинг йўлидурким фийбат сўзларни эшиитмагайсан.

### **«Гулзор»дан**

... Яхши кишилар билан ҳамроуз бўл,  
Ичкучилар суҳбатида оз бўл.

Илму адаб бирла бўлу тоат эт,  
Тоати ҳақни ўзингга одат эт...

... Олиму зоҳид била бўл ҳамнишин,  
Фосиқу нодонга ўтурма яқин...

... Давлат эрур адл ила есанг ош,  
Вой, агар зулм ила қилсанг маош...

... Ер юзини тутди залолат бу дам,  
Элга керак бўлди адолат бу дам...

... Адл юзидан манга бергил жавоб,  
Ким санга бу ишда эрур кўп савоб...

... Шоҳки, адл этти топар бот мурод,  
Бири баҳодирлик эрур, бил они ...

... Илмга ҳар кишики ҳурмат тутар,  
Тенгри таоло онга ҳурмат тутар...

... Даҳрни равшан қилакўр адл ила,  
Мулкни гулшан қилакўр адл ила...

... Адлу саховат била бўлсанг мудом,  
Мулк бўлур фатҳ санга вассалом...

... Эмди ямон яхшини фарқ айлагил,  
Тарки риё, ҳийлаю зарқ айлагил...

... Рост айтмоқликини қил энди шиор,  
Ростга ср ўлгусидур бирубор...

... Рост дею, рост иш эт ҳар замон,  
Ёлғон айтмакликини топарсан зиён...

... Рост йўл илан юргилу ҳам рост бўл,  
Итмас агар тонса киши рост йўл...

... Ёлғон айтмакни шиор айлама,  
Ким деса ёлғон они ср айлама...

... Бўлма риё мажлисининг ҳамдами,  
Оқизу доно била бўл ҳамнишин...

... Одилу комилга ўтиргил яқин,  
Жоҳилу нодон ила ср ўлмағил...

... Онлар учун эл аро хор ўлмағил,  
Ҳақ иши учун мансабу шоҳ истама...

... Қайдаки бир очу ғарибни кўрар,  
Шафқат ила ҳолини ҳар дам сўрар...



# **Захириддин Мұхаммад Бобур**

(1483—1530)



Захириддин Мұхаммад Бобур ўзбек халқининг иирик мутафаккири, давлат арбоби, ўзбек мұмтоз адабиётининт күзга күринган вакили, тарихчи, олим, шоир ва таржимонцир. У темурийлар авлодидан бўлиб, Ҳиндистонда «Буюк мўғуллар империяси» деб ном олган давлатнинг асосчиси ҳисобланади.

Бобур 1483 йили Ағриданда туғилди. Унинг болалик йиллари мана шу ерда ўтди. Унинг отаси Умаршайх темурийлар суоласига мансуб бўлиб, ўша даврда Фарғона вилоятида ҳокимлик қиласига эди. Бобур сарой мұхитида тарбияланди, ёшлигиданоқ илм-фанга меҳр кўйди, айниқса, адабиёт ва тарих билан қизиқа бошлади.

Умаршайх вафотидан кейин Бобур 12 ёшда таҳтга ўтириб, давлатни бошқарни иши билан шуғулана бошлади.

У 1530 йилда Аграла вағот этди. Кейинчалик унинг ҳоки Кобулга келтириб дағн этилди.

Бобур ўзбек адабиёти, тарихи, географияси, фалсафасига катта ҳисса қўшган мутафаккирдир. У ёшлигидан бошлаб ижод билан шуғуланди, лирик шеърлар ёзди. Уни бутун жаҳонга танитган асари «Бобурнома»дир. «Бобурнома» жуда қимматли адабий-тарихий асар бўлиб, у XV аср охири ва XVI асрнинг 30-йилларигача бўлган мураккаб тарихий воқеаларни ўз ичига олади. Бобур ушбу асарда Моварооннаҳр, Афғонистон, Хурросон ва Ҳиндистондаги сиёсий воқеаларга батағсил тўхгалади. Унда ўзаро урушлар, таҳт учун курашлар, халқ аҳволининг ёмонлашуви ва бошқа воқеалар баён қилинади. Шунингдек, Бобур Анлижон, Самарқанд, Кобул ва Дехқондаги ўз фаолиятига ҳам тўхгалади. «Бобурнома» асари география ҳақида ҳам қимматли маълумот беради. Алиб ушбу асарда «шунча кўп географик номлар, кишилар номи, ҳайвонот ва ўсимликлар номини келтиради, буларнинг ҳаммаси унинг ноёб хотира кувватига эга бўлганини исбот қиласи. Бобур чёт эл тилларидаги киши ва географик номларни мумкин қадар аслида қандай бўлса,

шундай беришга ҳаракат қиласи». (Ўзбек совет энциклопедияси, 2-жилд, Тошкент, 1972, 296-бет).

Юқоридаги асардан ташқари, Бобур аруз вазни ва қофияга бағишиланган «Муфассал» номли асар ёзган, ҳуқуқшуносликка оид унинг «Мубайин» рисоласи ҳам маълум, мусиқага бағишиланган «Мусиқий илми» номли китоб ҳам битган. Шунингдек, Бобур Хожа Ахрорнинг «Волидия» рисоласини форс-тожик тилидан ўзбек тилига таржима қиласи.

Бобур ғазал, рубойй, маснавий ва бошқа жанрдаги шеърларида ўз ўтмишдошлари Умар Хайём, Ҳофиз, Навоийларнинг энг яхши анъаналарини давом эттириди.

У инсонпарвар шоир бўлиб, инсон ва унинг эркини, баҳтини куйлади, ишқ-муҳаббат, вафодорлик, меҳру шафқат ҳақида сўз юритади.

Бобур маърифатни халқ орасига ёйишга, илм ва жамият равнақи йўлида хизмат қилдиришига интилди.

### «ФАЗАЛЛАР» ДАН

Чархнинг мен кўрмаган жабру жафоси қолдиму?  
Хаста кўнглум чекмаган дарду балоси қолдиму?

Мени хор эттию қилди муддаийға парвариш,  
Даҳри дуннпарварни ўзга муллаоси қолдиму?

Мени ўлтурди жафоу жавр бирла ул күёш,  
Эмди тиргузмоқ учун меҳру вафоси қолдиму?

Ошиқ ўлгач кўрдим ўлумни ўзимга, эй рафиқ,  
Ўзга кўнглумнинг бу оламда ҳароси қолдиму?

Эй кўнгул, гар Бобур ул оламни истар, қилма айб,  
Тенгри учун де, бу оламнинг сафоси қолдиму?

\* \* \*

Ҳар ёнгаки азм этсам ёнимда борур меҳнат,  
Ҳар сорига юзлансан ўтрумга келур қайғу.  
Юз жавру ситам кўрган, минг меҳнату фам кўрган,  
Осойиши кам кўрган мендек яна бир борму?

\* \* \*

Ким кўрибдур, эй кўнгул, аҳли жаҳондин яхшилиғ,  
Кимки ондин яхши йўқ, кўз тутма ондин яхшилиғ.

Бу замонни нафи қилсан, айб қилма, эй рафиқ,  
Кўрмадим ҳаргиз, нетайин, бу замондин яхшилиғ.

Дилраболардин ямонлиқ келди маҳзун күнглума,  
Келмади жонимга ҳеч оромижондин яхшилиғ.

Эй күнгул, чун яхшидин күрдунг ямонлиқ асру қўп,  
Эмди кўз тутмоқ не яъни ҳар ямондин яхшилиғ?!

Бори элга яхшилик қилғилки, мундин яхши йўқ,  
Ким дегайлар, даҳр аро қолди фалондин яхшилиғ.

Яхшилик аҳли жаҳонда истама Бобур киби,  
Ким кўрибдур, эй күнгул аҳли жаҳондин яхшилиғ

## РУБОИЙЛАР

Ёд этмас эмиш кишини фурбатда киши,  
Шод этмас эмиш кўнгулни меҳнатда киши.  
Кўнглум бу фариблиқда шод ўлмади, оҳ,  
Фурбатда севинмас эмиш, албатта, киши.

\* \* \*

Кўнгли тилаган муродига етса киши,  
Ё барча муродларни тарк этса киши.  
Бу икки иш мұяссар ўлмаса оламда,  
Бошини олиб бир сориға кетса киши.

\* \* \*

Аҳбоб, йиғламоқни фарофат тутунгиз,  
Жамиятингиз борини давлат тутунгиз.  
Чун гардиши чарх бу дурур, тенгри учун,  
Бир-бирни неча куни ғанимат тутунгиз.

\* \* \*

Бу олам аро ажаб аламлар кўрдум,  
Оlam элидин турфа ситамлар кўрдум,  
Ҳар ким бу «Вақое» ни ўқуғ, билгайким,  
Не ранжу не меҳнату не ғамлар кўрдум.

\* \* \*

Не хеш мени хушлару не бегона,  
Не гайр ризо мендину не жанона,  
Ҳар нечаки яхшилиқта қилсан афсун,  
Халқ ичра ёмонлиғ билан мен афсона...

\* \* \*

Давлат била шоду шодмон бўлгайсен.  
Шавкат била машхури жаҳон бўлгайсен,  
Кўнглунгдагидек даҳр аро ком суруб,  
Бу даҳр борича комрон бўлгайсси.

\* \* \*

Кўпдин бериким, ёру дисерим йўқтур,  
Бир лаҳза бир нафас қарорим йўқтур,  
Келдим бу сори ўз ихтиёrim бирла,  
Лекин боруrimда ихтиёrim йўқтур.

---



## **Мирзо Бедил**

(1644—1721)



Мирзо Абдулқодир Бедил Шарқииңг машхур алиби, файласуф ва шоирдир. У аслида шаҳрисабзлик ўзбеклар қабиласидан келиб чиқкан бўлиб, Бенгалияниңг Азимобод шаҳрида дунёга келади. Мирзо Бедил ёшлигиданоқ шеър битишга ҳавас қўяди, форс-тожик ва араб тилиларини ўрганали. У малрасада таҳсил кўради. Лескин малрасада фақат илоҳий фанларни ўқитилиши унга ёқмайли. Бедил у ердан кетиб, мустақил равишда ўз билимини оширади, ўша даврнинг машхур олимларидан таълим олади.

Мирзо Бедил ёшлигига тасаввуф оқими таъсирида бўлади, лекин кейинчалик бу йўлдан қайтади. Бедил халқ ҳаётини чуқур ўрганали, бугун Ҳиндистонни айланиб чиқади, ерли аҳолининг турмуш тарзи, урф-одати билан яқиндан танишади. Айниқса, у кишилар ўртасидаги келишмовчилик, жанжал ва низоларнинг гувоҳи бўлади; «*дeҳқон, ҳунарманd, косиb табақаларининг машаққатли мeҳнати, оғир зулм остида инграши уни ҳаяжонлантиради*» (Иброҳим Мўминов, Мирзо Бедил, Ташкент, 1974. 17-бет).

Мирзо Бедил ҳаёти ва ижоли мураккаб ижтимоий-иқтисодий, сиёсий шароитга тўғри келиб, зиддииятларга бой ва синфий курашнинг кескинлашган даври эди. У бобурийлар сулоласига мансуб Шоҳ Жаҳон (1628—1658) ва Аврангзеб (1658—1707) ҳокимлик қилган даврда яшаб ижод этди.

Бу даврда Европа мамлакатларининг Ҳиндистонни мустамлакага айлантириш учун ҳаракатлари кучаяётган эди. Иккинчи томондан, Ўрта Осиё билан Ҳиндистон ўртасидаги иқтисодий ва маданий алоқалар кучайиб бормоқда эди. Бедил Ўрта Осиё олим ва шоирлари, санъат намояндлари билан мустаҳкам алоқада бўлди.

Мирзо Бедил дунёқарашининг камол топишида ўтмиш мутафаккирларининг илмий ва адабий мероси муҳим роль ўйнади. Хусусан, у қадимги Юнонистон файласуфлари, айниқса, Аристотель дунёқарашидан баҳраманд бўлди, Ўрта Осиё, Озарбайжон, Эрон, Арабистон шоирлари, Низомий, Саъдий, Жомий, Дехлавий, Ҳофиз, Навоийларнинг асарларини мутолаа қилди.

Бедил сермаҳсул мутафаккир бўлиб, адабиёт ва фалсафа соҳасида баракали ижод қилган. Унинг муҳим асарлари «Куллиёти» дан жой олган бўлиб, унда 16 та рисола берилган. Бедил «Чор унсур» («Тўрт унсур»), «Ирфон» («Билим»), «Комде ва Мудан», «Нукот» («Ҳикматли сўзлар») ҳамда «Рубоиёт», «Фазалиёт» тўпламларининг муаллифидир.

Бедилнинг фикр доираси кенг бўлиб, асарлари материя, руҳ, шакл, гносеология, жамият ва унинг ривожланиш йўллари, инсонпарварлик, таълим-тарбия ва ахлоқ масалаларига бағишланган.

Бедил ўз асарларида инсон ва унинг энг юксак фазилатларини тасвирлади, у баҳт-саодатга эришиш йўллари ҳақида, ўша даврда мавжуд салбий иллатларни йўқотиш, хусусан мусулмон ва ҳиндлар ўртасидаги адоватни бартараф этиш тўғрисида сўз юритди.

Бедил «Чор унсур», «Нукот», «Ирфон» ва бошқа асарларида тўрт унсур: ҳаво, сув, ер ва олов ҳамда органик ва ноорганик дунёнинг эволюцияси ҳақида илғор фикрларни ўргата ташлайди.

Бедил таносух — руҳнинг бир кишидан иккинчи кишига ўтиб юриши ҳақидаги назарияга ўзининг салбий муносабатини билдиради. Ўша даврда ҳиндлар орасида бу ақида кенг тарқалган эди. Оилада эркак вафот қилса, одат бўйича унинг хотини ҳам ўзини гулханга ташлар эди. Руҳнинг кўчиб юриши тўғрисидаги фикрга ҳиндлар эътиқод қўйган эди. Гарчи Бедил бу урф-одатни заарали эканлиги ҳақида кўп гапирган бўлса-да, бундай ақида таъсиридан тўла қутула олмади.

Шуни алоҳида айтиш лозимки, Бедилнинг бой адабий мероси, асарлари фақат Ҳиндистанда эмас, балки Ўрта Осиёда ҳам кенг тарқалди. Бу ерда Бедил шеърларини ёддан айтиб берувчилар — «Бедилхонлар» пайдо бўлди. Илғор руҳдаги мутафаккирлар, хусусан, Аҳмад Доңиш, Фурқат, Муқимий, Аваз ва бошқалар унинг инсонпарварлик фояларидан фойдаландилар. Бедилнинг бой ижодий мероси ҳозир ҳам ўз қимматини йўқотмаган, у халққа хизмат қилмоқда.

## РУБОИЙЛАР

Ҳар нарсада англа асосу нисбат,  
Сўнгра фаҳм эт надур маънию сурат  
Одам хўқиз эмиш, балиққа минган,  
Балиқ ҳаводамиш... қани ҳақиқат?

\* \* \*

Беин кунлик умринг бу нотинч оламдан,  
Тинч ўтар сен ўзинг қилган малҳамдан.  
Мазҳабу миллатдан излагил одоб,  
Яхши хулқ излагил ҳар илму фандан.

\* \* \*

Эй, инсон дил кабоби тафтига ёпгувчи нон,  
Сув қилмасму бу зулминг хижолати шул замон.  
Бир ялам асал сенинг оғзингга теккунча,  
Юзлаб хоналар вайрон, ҳалокатда минглаб жон.

\* \* \*

Маст-аластигимиз асоси карам,  
Баланд-пастстигимиз асоси карам  
Борлиқ ўзгариши дерлар ўлимни,  
Йўқолмаслигимиз асоси карам.

\* \* \*

Киши табиати фош этса идрок,  
Фақат яхшиликка этар иштирок.  
Илмдан бебаҳра қолади таъби  
Бад феълидан кечиб бўлолмаса пок.

\* \* \*

Бу дунёда кўплир жаҳолат,  
Ким ақлу илм деса, чекар надомат.  
Ҳар томонда фақат айиқлар рақси,  
Устара бер, олам жун босган гоят.

\* \* \*

Бу дунёда қандай нақшки жилвагар,  
Тасавур гулзори беҳишти назар.  
Ўзимиздан барча яхши-ёмонлик,  
Кўзгуда кўрганинг ўзингдан ахтар.

\* \* \*

Бедил, баландликда ўйна басма-бас,  
Кишиларга қайтиш то сўнгги нафас.  
Табиатингда бу ожизлик билан  
Худо бўлолмайсан, Одам бўлсанг бас.

\* \* \*

Мард қасбу корига бўлса ахлоқ ёр,  
Қиндин тиф чиқармоқ унинг учун ор.  
Табассум билан иш топса саранжом,  
Тириштира кўрма пешонанг зинҳор.

\* \* \*

Шайх бўлсанг ҳеч кимга сен ҳукм қилма,  
Одоб сариштасин асло гум қилма,  
Халқ ҳузурига бор тўғри ва ҳалол,  
Терс борма соқолни мисли дум қилма.

\* \* \*

Ёмонга эргашиб бормагил, мабод,  
Ишингга етмасин айшидан фасод.  
Топ-тоза сутдан ҳам пишлоқ қилганда  
Бол уяси ундан бўлади бунёд.

\* \* \*

«Ер, олов ва сувни бирга қўшди, суратлантириди, ср, сув, олов  
қўшилишидан жамод — ғайри органик табиат бўлиб, ундан набобот  
келиб чиқади. Ўсимликнинг ривожи билан ҳайвон вужудга келди  
ҳам сўзлашликка ўрганиб инсон пайдо бўлди».

\* \* \*

«Маълум бўлсинки, жисм — нарсалар таркибида заррачалар  
(қисмлар) ўзгариб туради, натижада янги нарсалар келиб чиқади,  
бу ҳайратга соловчи сирли ҳодиса зарурият ҳукми билан бўлади,  
бу — зарурият нарсаларнинг ўзида ва уларнинг ўзаро муносабат-  
ларида мавжудdir. Масалан, ёғ, пилик ва олов бирлашиб, зарурият  
ҳукми билан ёруғлик беради. Узоқ вақт яшаш ва овқатланиш  
натижасида ҳайвонлар қорнида тошчалар тўпланиар эмиш, бу ҳам  
ихтиёrsиз, зарурият орқасиданdir. Бугланиш туфайли ёмғир ёғади  
ва ҳоказолар».

\* \* \*

«Шаклларсиз материя мундарижаси кўринмайди. Материя  
пардани очмаса, шакллар ифодаланмайди. Материя шакллар жаҳонида  
яшириндир. Шакллар материяда имконият ҳолатидадир. Агар материя  
шаклларсиз бўлса, шакллар қаёқдан келиб чиқади ва агар материя  
кудрат кийимидан яланғоч (ори) бўлса, шаклни ким кияди».

\* \* \*

«Жисмлардан ташқарила руҳлар олами бор дейиш нотўғридир.  
Жисмлар оламини руҳларсиз тушуниш ҳам тўғри эмасдир.

Кўза кайфияти лойда бўлганидан, жисмларнинг келиб  
чиқишиларидан аввал руҳ, ҳақиқатда яширин деб тушуниш керак. Ва  
хаёл суратлари мияда бўлганидек, руҳни келиб чиққанидан кейин  
жисмлар ичида кўриш лозим».

«Нормал овқат сийилмаса, бу күчлар қувватсизланади, меңнат қобилиятынин йўқотади. Масалаң, тарки дунё қиласылар (мистиклар), гадой руҳонийлар ўзларини азоб-уқубат ческишга мажбур қиласылар, ўз танаңарини мурдага айлантириб, бу дунёдаги ҳамма ноз-нематлардан воз кечадылар, ана шулар натижасида уларнинг руҳлари сўнади, бундай кишиларният кўз олдиларида ҳар хил афсонавий нарсалар: парилар, ажиналар гавдаланади, бунинг натижасида улар ақлдан озадилар, жинни бўлиб қоладилар, худди ёғи озайиб бориб, бирдан ялт этиб, сўнгра ўчиб қолувчи шам сингари ўладилар».

\* \* \*

«Илм ҳикматни келтириб чиқарди. Ҳикмат — фалсафа эса илм сирларини бутун дунёга ёйди. Илм ва фалсафа мақсад эмас, балки уларнинг қудратини сўзлаш муддаомдир. Олим ёки файласуфманми, барибир мен унга таслим бўлишни касб қиласунман».

\* \* \*

«Илм инсоният гавҳаридир».



## **Турди Фарогий**

(XVII аср бошлари. Бухоро — 1700 — Ҳўжсанд)



Турди Фарогий машҳур ўзбек шоири, маърифатчиси. Унинг ҳаёти Бухорода Аштархонийлар хонадонидан бўлган хонлар Нодир Муҳаммад, Абдулазиз ва Субхонқулихон даврига (1640—1704-йиллар), Ўрта Осиёда феодал тарқоқлик, ўзаро урушлар авж олиб, уч мустақил хонликка бўлинниб кетган даврга тўғри келди.

Шоир умрининг сўнгида саройдан кетиб, қашшоқлиқда яшаган ва сарсон-саргардонликда 1699 ёки 1700 йилда вафот этган.

Турдининг ижодида сатира, танқид, Субхонқулихон ўрнатган адолатсиз тартибларни қўпорищ учун кураш майллари, умрининг охирида эса руҳий тушкун ва сўфиёна кайфиятлари етакчи бўлган. У, бир томондан, Саъдий, Ҳофиз каби форс-тоҷик бадиияти салафларига эргашган бўлса-да, бошқа томондан, қисман Фузулий ижодий таъсирида бўлган. Унинг қарашларида ижтимоий адолат, инсонпарварлик ва илм-фанни улуғлаш foялари, таълим-тарбияга оид ўйтлар асосий роль ўйнаган.

Ундан 434 мисрадан иборат 18 та ўзбекча ва тоҷикча (фақат 37 мисрасигина тоҷикча) шеърлар кўллэзмасининг иккى хил муқобили бизгача етиб келган (Абу Райҳон Беруний номидаги Шарқшунослик институти Қўллэзмалар фонди. Инв: № 1962, 1407) ва улар асосида Турди асарлари матни профессор А. Ҳ. Ҳайитметов томонидан қайта тикланган ҳамда нашр этилган (Турди. Шеърлар Т., F. Гулом номидаги адабиёт ва санъат нашриёти, 1971).

### **ТУРДИ АСАРЛАРИДАН НАМУНАЛАР**

#### ***Илму фан, аҳли дошиш ҳақида***

... Хор ўлди уламову фузало, аҳли виқор  
Кўрдингизким юрт иши топти на ерларда қарор?  
... Хон эшигига киши соҳиби фан,  
Бор бир неча суқум қайди маҳзи гардан...

## *Ижтимоий-сиёсий танқид, адолат ва даврдан нолиш ҳақида*

... Рўзи аввал дарду ғамдин хилқати обу гилим,  
Пора-пора бағрим-у, қондин яротилғон дилим,  
Ҳеч йўқ ғайри пушаймонликдин ўзга ҳосилим,  
Роҳи селоби ҳаводисга мақомим, манзилим,  
Риштадек минг печу тоб чашми сузандин ўтар,  
Бовужуди эътибори чашми мардум Турдиман...

... Жойи осойиш эмас, ҳеч нима бу кўхнаравоқ,  
Ёфдурур бошимга санг жафо, гарди фироқ.  
Йўқолиб расми вафо, бўлди ҳама бош-у оёқ,  
Мулкдин адл-у қарам кетти, келиб кайн-у нифоқ,  
... Бидъати зулм анинг хилъати асли зоти,  
Юртни бузди ҳавола билан таклифоти,  
Олди бу расми барот ила тасдиқоти,  
Бор мундин шарафи мурдашуй исқоти,  
Тўра ўғли ичиди йўқ муниндеқ истиқоқ...

... Едингиз барчангиз итдек фуқаронинг этини.  
Фасб ила молин олиб, қўймадинглар битини,  
Қамчилар доғ солиб бўюнга тилиб бетини,  
Ердингиз заҳрасини (ичидан) олиб ўтини,  
Бўлмади кам бу раият бошидин ҳеч таёқ.  
Беклар ўлди ҳаромзодалар нософи,  
Бемаҳосил, гала номард, қалин наддофи,  
Егани ҳаққи етим, мадрасалар авқофи,  
Буларнинг олдиди бордур бўрининг инсофи,  
Бу аламдин кетайин бош олиб мулки Ироқ...

... Етмадим ҳеч ера бу қоғия паймалигдин,  
Дод, юз дод, ғариблик танҳолигдин,  
Кўрмадим манфаати бехуда савдолигдин,  
Йўқ (сўққа бошимдин) ўзга манга дунёлигдин,  
Қош ул гарзанлар солса қуруқ сўзга қулоқ...  
.... Фуқаро бўлди бу шоҳ асрида кўп зору наҳиф,  
Зулмдин бўлди раият эликим, хору заиф,  
Соли тарихини этдим чу хираддин таклиф.  
Деди: «Дин» бошдин оёқдин тушуб «ислом заиф»  
Даври Субхонкули жобир, умароси япалоқ.

## *Ўзбеклик, миллий бирлик, уюшишга чақирувчи ғоялар*

... Эй юзи қаро, кўзи кўр, қулоғи кар беклар  
Билингиз бу сўзумни панд саросар, беклар,  
Айлангиз пайрави шаръи паямбар, бесклар,  
Сизга даркор бу юрг, эй гала зангири беклар,  
Бу қадим эрур: «Эй работ — тура қўноқ»....  
Тор кўнгуллук бесклар ман-ман деманг, кенглиқ қилинг,  
Тўқсон икки бори ўзбек юргидур, тенглиқ қилинг,  
Бирни қипчоқу, хитою, бирни юз, найман деманг,  
Қирқу, юз, минг сон бўлиб бир жон ойинлик қилинг,  
Бир яқодин бош чиқориб, барча бир тўнга кириб,  
Бир унгунлик, бир тиризлик, бир яқо енглик қилинг.  
Ким қуюбдур, ухлайи ўз мулкунгиздан чиқмайнин,  
Икки, уч, тўрут даъвосин этмакни кўтоҳлик қилинг.  
Мардлар майдон чекиб, рағгин кўтариб захмлар,  
Сизга йўқ ул жавҳару юзга упо-элик қилинг.  
.... Бир сари азм айла, жойи номусулмондур бу мулк.  
Фитнаи, авбош, зулму куфру, тугенлур бу мулк.  
Бир калима ҳурматидин лек ислом оти бор,  
Мутлақо кирдори хайли кофиристондур бу мулк..  
Дур аҳду таңг чашму бессару яъжуҷ ваз,  
Мухталиф мазҳаб гуруҳи Ўзбекистондур бу мулк..  
... Мусулмон бўлма асло ҳеч мазҳаб йўлида ўзбак,  
Буларнинг куфрига билиттифоқи жумла йўқтур ишак  
На мазҳуб қайси дин ўз мулкин ўзи хароб этгай?  
Кўриб масжидга чиқмак бирла қўймас гўиг смакни сак.



# **Роқим**

(1742—1825)



Роқим ўз даврининг етук маърифатпарвар шоири бўлиш билан бирга, у мактабда талабаларга дарс ҳам берган. Шоир мактабнинг илму маърифат тарқатишдаги аҳамиятини алоҳида таъкидлаб, бу йўлда устоз шогирдларининг келажагини ўйлаб, улар илмни пухта эгаллашида кўмаклашиш ва меҳр-оқибатли бўлиш лозимлигини уқтиради.

Роқим устоз (муаллиф) ва шогирд (ўқувчи)ларнинг ўзаро муносабатига тўхталаракан, кимки устозига ихлос қўйиб, уни ҳурмат-иззат қиласа, албатта, ўз мақсадига эришади, агар устозини таҳқир этса, у хору зор бўлади, деб ҳисоблайди. Шунингдек, у ёшларни ҳар бир мушкул ишни ҳал эта оладиган қобилиятга эга бўлиш учун илм-ҳикмат ўйлидан боришга ва устозу донишманлар сұхбатидан баҳраманд бўлишга даъват этади.

Роқим таълим масаласига тўхталиб, ўтилганларни қайта-қайта такрорлашга, китоб мутолаасига, дарс мазмунига, боланинг ақл-идроқи ва зеҳнини ўткирлаштиришга алоҳида эътибор беради.

Роқим ўз асарларида ёшларни камтар, сахий, соғдил, аҳил-иноқ, эл-юрга садоқатли бўлишга чақиради. У сўз одоби ва унинг тарбиявий аҳамиятига тўхталиб, сўзга доимо зебу зийнат бериш кераклигини, шундагина сўз латофати, мазмуни, нозиклиги ва таъсирчанлиги билан кишиларга абадий ҳаёт бағишлиовчи восита бўлиши мумкинлигини таъкидлайди.

Роқим ўз асарларида олижаноб инсонпарварлик ғояларини илгари суриш билан бирга мағрурлик, такаббурлик, худбинлик, мунофиқлик, риёкорлик каби хатти-ҳаракатли кишиларнинг феъл-авторларини кескин қоралайди.

## **РОҚИМ АСАРЛАРИДАН НАМУНАЛАР**

Пок этиб қалбларини берибон,  
Ҳомийи ҳолларин Аҳмади мухтор айла,  
Қалъаи илмин фатҳ этмак учун зиҳинларин,  
Зулфиқори дудами ҳайдари қарор айла.

Ҳар замон еткарубон файзи футухи оламидин,  
Илм ошколидин онларни хабардор айла.  
Шафқату, марҳамату, лутфинг этиб арзона,  
Донишу, фаҳму, фаросатга сазовор айла.  
Кундуз оқшомгача таҳсил улум ичра қилиб,  
Кеча тонг отғунча ёдинг била бедор айла.  
Барҳо лавҳу лаъбидин тутиб онларни йироқ,  
Ҳам ҳаво бирла ҳавасдин доди безор айла.  
Топмасун қадрлари аҳли жаҳон ичра касод,  
Кунда хизматлариға элни харидор айла.  
Қўтариб жаҳл губорини алар кўнглидин,  
Илм нуридин они ойина кирдор айла.  
Раҳм этиб Роқими бечорага ҳар кун рўзи,  
Хоки васлидин неъмати диндор айла.

Муроди бўлмаса, ўғли муроди,  
Атонинг бермагил, ёраб, муродин.  
Нечун ким ҳақ ризосин истар ул ибн,  
Кечиб билгил жами мосиводин.  
Ато қиласа мунинг аксини бехос,  
Тила Ҳақдин атонинг хайрбодин.

\* \* \*

Кимки устозига ихлос ила иззат қиласа,  
Ҳақ онинг манзилини жаннати ризвон айлар.  
Жаҳлдин қаҳр ила устодини таҳқир этган,  
Дўзах ўтида тану жонини бирён айлар.

\* \* \*

Қилиб сайр, кезмак ҳавас айламанг,  
Замон ўқимоқни бас айламанг.  
Ўзингизга роҳатни айлаб ҳаром,  
Бўлунглар риёзат била субҳу шом.

\* \* \*

Қилиб ғайрату, рангу, номус ор,  
Этинг илм таҳсилини ихтиёр...

\* \* \*

Билиб дарсингиз, такрор ўқунг,  
Ўқунглар, ўқунглар, ўқунглар, ўқунг,  
Ҳавойи ҳавасларни айлаб раҳо.  
Сабоқларни такрор этинг борҳо.

\* \* \*

Масалдур, сабоқ, бир агар бўлса ҳарф,  
Ўқимоқ керак они ҳар кунда алф.  
Қилинг борҳо қунт бирла жадал,  
Фанимат маҳалдур, фанимат маҳал,  
Ҳаял айламанглар ўқурни муттасил,  
Ўтар кўз юмуб очгунча ойу йил.

\* \* \*

Китобат дил очар ҳамсуҳбат эмиш,  
Улуғлар бу сўзни на яхши демиш.

\* \* \*

Агар бор эрса ақлинг сарф қил умрингни жойиға,  
Қулоқ солма риё аҳли фифони бирлавойиға.

\* \* \*

Роқим, гар одам эрсанг, кўп бўлмоғил ҳавоийи,  
Қилма ўзунгни зинҳор зуд аҳлидек риёйи.  
Агар бор эрса хушиңг мустамеъ бўл,  
Кўнгулни жам этиб ҳар можородин.

\* \* \*

Етти йилдур фурбат ичра қон ютуб лайлу наҳор,  
Айрилиб хешу таборимдин юурман хору зор.  
Не манга бор ёр ҳамдам, не манга бир фам-ғусор,  
Оҳким, бағримни қон андуҳу айлади.  
Ақлу, хушу, сабру оромумни форат айлади,  
Хонумондин айриб бесайшу ишрат айлади.

\* \* \*

Одам эрсанг, бил ўзингдин илгари ҳар кимсани,  
Бўл мулоим, кўб фурур этма қилиб бизга ситам.

\* \* \*

Оқил эрсанг, даҳр золи бирла бўлма ошно,  
Ошно бўлсанг қилур юз минг балога мубтало.



## *Мұхаммадниёз Нишотий*

*(XVIII аср)*



XVIII аср некбин ва мұмтоз адабиётининг Хоразмдаги энг йирик вакиларидан бири Мұхаммадниёз Нишотийдир. У ўзининг лирик ва эпик асарлари билан бу давр адабиётида катта ўрин әгаллады.

Нишотий даҳо шоирлардан Алишер Навоий ва Фузулийларни ўзининг устози деб билади. Шунинг учун унинг шеърларида Навоий ҳамда Фузулийларнинг бадиий услуби сезилиб туради. Шоир устозларининг бир қанча шеърларига тахмислар боғлади, уларнинг (айниқса, Навоий) «Хамса» чиликдаги анъаналарини давом эттириб, ўзининг машхур «Хусну Дил» достонини яратди.

Шоир Нишотий «Хусну Дил» достонида Кайқубод, Навдар, Тахмурас, Тур, Бижон, Нўширвон, Фаридун, Кайковус, Хусрав, Ҳусайн Бойқаро каби образларни келтириб, Фирдавсий, Низомий Ганжавий, Хусрав Деҳлавий, Абдураҳмон Жомий, Алишер Навоийларнинг бу соҳадаги анъаналарини давом эттирганини таъкидлайди.

«Қушлар мунозараси» асарида 14 хил қушнинг ўзаро баҳслашуви орқали шоир замонидаги айрим ҳукмдорларнинг худбинлиги, мақтанчоқлиги, мансабпаратлиги очиб берилади. Камтарлик,adolat ва диёнат, яхшилик ва эзгулик улуғланади. Бу ахлоқий-дидактик характердаги асардир.

### **НИШОТИЙ АСАРЛАРИДАН НАМУНАЛАР**

Ақлинг бўлса агар санга раҳнамун,  
Жисминг аро жон эрур ул кофу нун.

Ҳар кишиким қуфриғадур мұттариф,  
Ўз тилидан қуфрғадур муттасиф.

Сўздин эрур борчасига тору пуд,  
Хоҳ адам бўлсину, хоҳи вужуд.

Сўздин экан руҳи равон ҳам санға,  
Жону, тану, тобу тавон ҳам санға.

Гавҳари сўз балки эрур жонға жон,  
Билки эрур лаҳжам жонға жон.

Сўзки малоҳат била марғуб эрур,  
Зийнат анга бўлса агар хўб эрур.

Қоматини нутқи равондин қилур,  
Хулла анга пардан жондин қилур.

Кимки ямон сўзни дер, инсон эмас,  
Сўзки ямондир, они ҳайвон демас.

Ҳар киши сўз бикрини шайдо қилур,  
Бошдин-оёқ зеб ҳувайдо қилур.

Чехраси анинг била раигин этар,  
Қошиға бу дудани тазийин этар.

Ўйла сўзинг бўлгусидир дилнишин,  
Аҳли ҳақиқат топиб ундин наво,  
Хайли мажоз ани кўруб хушнаво,  
Иккисининг кўнглиға марғуб ўлуб,  
Икки жаҳон аҳлиға матлуб ўлуб.  
Токи сенинг сўзингга бўлғай ривож,  
Икки жаҳон қилғай ани бошға тож.

Ҳар киши ўз таъбича иншо қилур,  
Маънилик сўз эл аро пайдо қилур,  
Аҳли сухан чунки эрур кимё,  
Туфроқи зар янглиғ этар хушнамо.

Мантиқ эли қилғонида жонда фарқ,  
Қилдилар ҳайвон била инсонда фарқ.

Илм элининг васфи жаҳондин фузун,  
Ҳарна гумон айласанг ондин фузун.

Илм зулоли била эҳё қилур,  
Кўнглини ул дур била дарё қилур.

Ул доги касб этгуси андоқ ҳаёт,  
Ким анга йўқ зарраи бийми мамот.

Икки жаҳон ичра бўлуб зиндадил,  
Мунда-у, анда бўлур ул юз қизил.

Кимдаки йўқ жавҳари идроки илм,  
Кўнгли эмас ойинайи поки илм.

Водийи ғурбат аро қўйди қалам,  
Ҳамқадам анга ғаму камдан-кам.

Киши бўлмаса гар аҳли жаҳонга керак,  
Ул бўлмағусидир жавҳари жонга керак.

## **Махмур**

**(1775 — 1844)**



Махмурнинг асли исми Маҳмуд ибн Мулла Шермуҳаммад Ақмал шоир ўғли, зуллисонайн (ўзбек ва форсигўй) шоир ва мутафаккир. Бутун умрини Кўқонда муқим ўтказиб, аҳён-аҳёндагина Фарғона водийси қишлоқларида, Ҳапалак каби, шунингдек Хўжанд атрофи вилоятлари, Қароқчиқум, Қурама, Ашт ва бошқа жойларда саёҳатларда бўлган.

Ўзбек адабиётининг етук шоири, ўз асарлари билан ўзбек адабий тилининг шаклланишига катта таъсир кўрсатган. Ўзбек адабиёти халқ демократик йўналишининг шаклланиши, кучайишида, танқидий реализм оқимининг вужудга келишида фавқулодда ҳал қилувчи роль ўйнаган. Хусусан, Муқимий ва Завқий танқидий реализмнииг шаклланишига таъсир кўрсатди.

Махмур форс-тоҷик адабиётида Рудакий, Убайд Раконий, ўрта аср Мовароуннаҳр арабийзабон адабиётида ибн Лаххомлар асос солған ҳажвиёт санъатини «Кўқон адабий муҳити» билан боғлиқ даврда ўзбек бадиий-ижтимоий муҳитида кенг ривожланишига, унда мустақил фан (яъни санъат мажмуниъ) сифатида гуллаб-яшнашига сабаб бўлган салафлардан биридир.

Махмур ҳаёт қийинчилликларига, оиласининг оғир иқтисодий аҳволига, камбагаллигига қарамай ўз даври учун анча мукаммал маълумот олди, хусусан Кўқондаги Мадрасаи Мирни тугаллади, грамматика, ҳисоб, ҳандаса, илми нужум, тиб, мантиқ каби илмларни эгаллади. Рудакий, Фирдавсий, Саъдий, Ҳофиз, Жомий, Навоий, Фузулий, Соиб Табризий ва бошқалар меросини чуқур ўрганди.

Махмурнинг бадиий меросидан жуда озгина қисми стиб келган.

***Махмур ўзи, она-Ватан, юрт аҳволи, инсон қадри ва  
инсоний муҳаббат тўғрисида***

*(Умархон номига битилган шеърнинг насрый баёни)*

... Агар кўзингни қири билан менинг томонимга қарасанг,  
Ўз тенгқурларимнинг кўзга кўрингани, фозилларнинг  
саравиман,

Эй шоҳ, бу паст қулнинг қўлидан ҳар иш келади:  
Ҳам илму фанда, ҳам сипоҳликда, ҳам бошқаларда...  
Агар жаҳонгир амир менинг фазилатларимга,  
Шерик бўла олувчи кишини топса, розиман.  
У ҳар бир фанда ман каби Вомиу бўлса,  
Ҳам шеър, ҳам тарих илмида, ҳам имо (киноя, рамз) дафтарида

... Бу дуогўйнинг ҳар уч боласики, ҳазрат биладилар,  
Ҳар учаласини банда хон ҳазратларига тасаддуқ қиласди.  
Бугун ҳайит куни ҳар учовида ҳам бирор кийим йўқ.  
Қандай ҳолда туғилган бўлса, ҳозир ҳам ўша турда, ўша тарзда.

***Жоҳил табиблар, илмсиз оми амалдорлар,  
илми қадрламовчилар хусусида***

(«Дар сифати амир Олимхон, тарихи у» шеъридан)

... У подшоҳнингки сифат дарёсини ковлаб чиқдим,  
Ақлдан ҳеч нарса топмагач, ундан юз ўғирдим...

...Ажаб Козий, қоҳили, жоҳиле.  
Бўлуб омилик «илмига» комиле.  
Агар кўксини чок қилсанг ҳама,  
Гилу гишини пок қилсанг ҳама.

***Расмий «сарой шоирлари» уларнинг гараз ва риёлари,  
шоирлик давъосини қилувчилар ҳақида, юксак бадиият  
тўғрисидаги ўйлар***

***Фазлийга жавоб:***

... Эй қора дев йўлидан юрувчи исқотий,  
Нақд гуноҳнинг ўғриси, исқотий.  
Жаҳаннамда жоҳиллар орасида,  
Бош ўринни олар исқотий...

***«Амаким» радибли шеъридан яна Фазлий тўғрисида***

... Тўракўрғон билан Намангандга  
Хуш эди мансаби равон амаким  
Кеча-кунлар сўраб юрар эрди,  
Мурдалар жамъидан нишон амаким.  
Бўлди зарбулмасал бу боисдан,  
Пири исқоти замон амаким...

Шоҳи Султон Умарни йўлдан уриб,  
Айлади шоири щаҳон амаким.  
Ҳама ашъорини бериб анга,  
Олди дунёни бегарон амаким...

### **«Ўлгай» радифли щеъридан яна Фазлий тўғрисида**

„ Тавқи лаънатни гарданига осиб,  
Боби заллатга номдор ўлгай  
Икки оламда бу мазаллат қин,  
Қобили қаҳри кирдикор ўлгай...

Ботини халиқ ичида эрди ола.  
Зоҳири даҳро чифор ўлгай...

То абад нақли лаънату нафрин,  
Жаъми авқотига нисор ўлгай...



## *Мунис Хоразмий*

(1778—1829)



Хоразм адабий муҳити тарихини кўздан кечирсак, бадиий ижод соҳасида Абулғозий Баҳодирхон бошлаб берган ишлар XVII асрдан кейин янада ривожланди, кенг қулоч ёйди, анъанага айланди. Шу анъанани юксак поғонага кўтарган Мунис Хоразмий катта истеъдод эгаси: буюк шоир, адолатгўй тарихчи-олим, моҳир таржимон ва нозиктаъб хаттот сифатида эл орасида ўзурларни ўзига ўзганни козонди.

Хива шаҳрига тулаш Қиёт қишлоғидаги Авазбий оиласида 1778 йили бўлажак Хоразм фаҳри, улуғ шоир Мунис Шермуҳаммад Авазбий ўғли таваллуд топди. Унинг падари бузруквори Авазбий мироб фан ва маданият қадрига етадиган, ижод аҳлини ҳурмат қиладиган, маърифатпарвар инсон бўлган. Шул боис у ўғли Шермуҳаммаднинг илм ва ижод билан боғлиқ барча орзу-умидларини рўёбга чиқишида шахсан ўзи бош-қош бўлди. Зарурий шарт-шароитлар яратди.

Шермуҳаммад бошланғич таълимни қишлоғидаги мактаблардан бирида олди. Кейин ўқишини Хива мадрасаларида давом эттириди. У илм сирларини ўша даврдаги машҳур устоз Саидэшонхўжадан ўрганганини эслаш лозим. Шермуҳаммад ўқиш жараённида, олим ва шоир Ҳасанмурод Қори Лаффасийнинг хабар беришича, араб ва форс тилларини пухта ўргангандан ҳамда хаттотлик санъатини эгаллаган.

Шоир 1804 йили шеърларини бир кичик тўпламга жамлади, 1815 йилда эса 16892 мисрани ўз ичига олган катта девонга тартиб берди. Уни «Мунис ул-ушшоқ» деб атади. 1804 йили ёзув санъатига бағишлиланган «Саводи таълим» шеърий асарини битди.

Тарихчи-олим сифатида Мунис «Фирдавс ул-иқбол» («Бахт боғи»), асарини Хива хонлари тарихига бағишилади. Унда 1812 йилгача бўлган давр ёритилган, кейинги воқеалар эса Муниснинг жияни Оғаҳий қаламига мансубdir.

Шоир ва тарихчи-олим Мунис Хоразмийнинг шеърий асарларида ҳам, тарихий китобларида ҳам маърифатпарварлик, халқпарварлик, ватанпарварлик ғоялари илгари сурилади. У барчани мард-

лик ва жасоратга, илм-фан ривожига ҳисса қўшишга даъват этади. Мунис эндиғина ижоди гуллаб-яшнаган бир пайтда, яъни 1829 йилда вабо касалига чалинди ва оламдан ўтди.

## МУНИС ШЕЪРИЯТИДАН НАМУНАЛАР

### Сўз

Гарчи аввал бор эди маҳбуби гулруҳсора сўз,  
Лек эрур ҳоло басе манкубу баҳти қора сўз.

Шоири шўридаға дилжамълик қайдин етар.  
Даҳли бежодин авом оллидадур юз пора сўз.

Дема, сўз атрофиға чекмиш ливойи иштиҳор,  
Қадрдоне топмай ўлмиш даҳрда овора сўз.

Шоир ўз аҳволига дармондау фазл аҳли хор,  
Оҳким, топмас бу даврон ичра бир ғамхора сўз.

Қилма изҳори суханварлик фароғе истасанг,  
Сийму зар ўрнига ер бошиға санги хора сўз.

Хоҳ назму, хоҳ наср ўлсун фазилат аҳлидек  
Хорлиғ домонига чекмиш оёқ якбора сўз.

Сўз чу мундоқ хор эса, сўз аҳли мундоқ хоксор,  
Ваҳ, не тил бирла дейёлгай Муниси бечора сўз.

### Саводи таълим

#### *Ҳусніҳат, таълим берган устози ҳақида*

Мунис, адаб иқтизоси бирла,  
Сур хома бирор дуоси бирла,  
Ким ахтари бурждин эрур ул,  
Сайёри раҳи яқин эрур ул.  
Мавлойи жамии аҳли идрок,  
Фарҳонда жамоли арсан хок,  
Фармонбари ҳукми ҳазрати ҳақ,  
Огоҳи рамузи ҳикмати ҳақ  
Ҳар илмда жомиул-фазойил,  
Ҳар ҳукумда воқифул-масойил.  
Мажмуи улум ичиди маълум,

Қозийи баланд рутба махзум.  
Мұхри шараф ичра меҳри рахшон.  
Оңсиз хат ўлуб саводи бутлон.  
Ҳам маҳкамаси сипеҳр тимсол,  
Ҳукми аро расми адл возих,  
Адли аро ҳукмия шаръ лойик.  
Илм ичра адили Ибн Ҳожиб,  
Илм аҳлига эҳтироми вожиб.  
Фикқ ичра камоли андин афзун,  
Ким демак әрур гумондин афзун.  
Хаттидин ўлуб хужаста таълим,  
Таълим фани хатига таслим.

### *Рисолани ёзишдан мақсад*

Қўп мудлат эрди гурухи муштоқ,  
Таълим суманбарига ушшоқ,  
Машқ этмак ишида хат битарга,  
Таълим вуқуфиға етарга.  
Айлар эди хизматим аро пўй,  
Дилреш ўлуб ўйлаким қалам мўй,  
Мен ҳам нечаким хатим тат эрмас,  
Бал қоида мистариға кирмас,  
Маъюс эта олмайин аларни,  
Хирмон аро солмайин аларни,  
Билганича суриб қаламни ҳар ён,  
Таълим ишин айлар эрдим осон,  
Лекин кўнгул ичра эрди бу ком,  
Қилсан рақами улуми арқом,  
Андин талаб аҳли бўлса маҳзун,  
Таълим фанин қилурда маҳфуз,  
То илгима тушти бир рисола  
Хат қоидаси ойига ҳола.  
Ҳиммат камарин белимга боғлаб,  
Назм айлагали ўзумни чоғлаб,  
Бердим қаламим отига маҳмиз,  
Майдони варақ уза суруб тез,  
Ёраб, бу отимни ланг қилма,  
Гумроҳи раҳи даранг қилма,  
Шаҳроҳи мақосидим сори сур.  
Сарманзили интиҳога еткур.

## ***Қалам ҳақида***

Эй ахли қаламлиқ этган исбот,  
Лозимдуур айласанг мубоҳот,  
Ким келди қалам хужаста авсоф,  
Ҳар нечаки васф ўлур эмас лоф...  
Ким дедилар ахли маъни они,  
Жон ўртасида «алиф» нишони.  
Зебо қамишини найшакар бил,  
Нўгида анинг шакар самар бил.  
Ҳарфидин оқиб шароби маъни,  
Эл андин эрур хароби маъни.  
Оҳанги саририким равондур,  
Гулбонги анодили жинондор.  
Шаҳлар ёшурун ишига маҳрам,  
Шаҳларға ривож бергучи ҳам  
Илм ахли насиби андин афзун,  
Жаҳл ахли анинг ғамида маҳзун.  
Оlam иши интизоми андин,  
Оlam элининг низоми андин.  
Ул бўлмаса бўлмагай китобат,  
Бу бўлмаса қолмагай ҳикоят...

## ***Хат ёзиш асбоблари ва ёзишга тайёргарлик ҳақида***

Эй хат ҳавасин падид қилгон,  
Яхши битмақ умид қилғон,  
Саъинг чу битарга бўлди жозим,  
Асбобини билмак ўлди лозим,  
Ким бўлмаса жамъ борча асбоб,  
Ошуфта чу нол кўргасси тоб.  
Ҳар нечаки жустужўй қилсанг,  
Мақсад уза гуфтугўй қилсанг,  
Мақсад иши файри воқеъ ўлғай.  
Жаҳдинг талаб ичра зосъ ўлғай  
Бас билмағи бўйла бўлди вожиб,  
Тақрири эрур манга муносиб.  
Бир-бир қилайин борини таъйин,  
Ҳар қайси ишини доғи талқин.  
Ҳозир бўлу истимоъ қилғил,  
Азми раҳи интимоъ қилғил ...

## *Хүсніхат таълими*

Мунис, қаламингни хат сори сур,  
Қил тарки дарапт, илгари сур.  
Таълим ниҳонин ошқор эт,  
Нуқта била ўлчамак шиор эт.  
Бир-бир бори ҳарфга рақам сур,  
Таълимини бошқа-бошқа билгур.  
Ул қавмки хатта эрди возеъ,  
Бу нуқта алардан ўлди воқеъ.  
Тули «алиф» уч нуқтадур, аммо,  
Ул хома биланки қилдинг ишиш.  
Арзи дөги сұлси нуқта бўлгай.  
Бешу каму бегумон бузулгай.  
Онда ҳаракоту хамза пайдо,  
Лекин батариқу рамзу имо.  
Ул навъки гар бўлур нигунсор  
Бўлгай яна ул «алиф» намудор.  
Бир нуқтагча басдур аввали «бо»,  
Лекин танида хилоф пайдо.  
Баъзи сузи олти нуқтача хўб,  
Баъзи деди етти нуқтадур хўб.  
Устоддин ўлди дөги масмувъ,  
Қим тўққузи бордур асрү матбуъ.  
Лекин бу фақир муддаоси...  
Олти нуқтау тўққуз ароси.  
Бир навъ қадига ҳам етушсин,  
Андақ таниға шикаст туцсун,  
«Жим» аввалидур «ре» нигуни.  
Пайваста «пун»и вожгуни.  
Баъзи дедилар бидояти «жим»  
Таълим аро икки нуқтау ним.  
Қил доманасини ўйла маркум,  
Бўлсун ичи байзавор маълум.  
Бир нуқтани «ро» фа мутгасил қил,  
Куттоб қошида «дол» ани бил.  
«Ро» қомати икки нуқта, аммо  
Боши бийик эрмас ўйлаким «зо».  
«Зо» уч нуқтау лек саркаш,  
Қилса бўлур они күшға ўхшаш.  
Дандонаи аввали сари «син»  
Бир нуқта баробар ўлли таъйин.

Иккинчисин айлагил күшода,  
Ул навъки нуқтадин зиёда.  
Аммо тани «сим» дур ўйлаким «нун»  
«Нун» зикри эрур бу ерда матъун.  
«Шин» маддини етти нуқта бил биғ,  
Аммо каж эрур биайниҳи тиғ.  
Кажлик анга ул қадар муқалдар,  
Ҳар ён алифи тушар баробар.  
Зеҳдек анга чексанг ар хати соғ,  
Бўлғай гўё камони наддоғ.  
Гар табъинга етмаса малоли,  
Мунисдин эшит яна мисоли.  
Устида агар чекилса чап «шин»  
Бўлғай ичи шакли кишти ойин.  
Ул шаклда ёзгил аввали «сад»,  
Бўлсун яна «сад» акси бунёд...



# *Мұҳаммадризо Оғаҳий*

(1809—1874)



Мұҳаммадризо Оғаҳий 1809 йили Хоразмнинг Хива шаҳри яқинидаги Қиёт қишлоғида дунёга келган. Мұҳаммадризонинг машхур шоир ва олим, таржимон бўлиб етишишида тоғаси Мунис Хоразмийнинг хизматлари катта бўлди.

Оғаҳий асарларида инсон бекаму кўст камолга етишиши учун ёшлиқдан илм ва қасб-хунар эгаллаши шарт эканлигини таъкидлайдики, унингча, илм-маърифат инсоннинг маънавий камолотида ва жамиятнинг тараққиётидаги кучли воситадир. Мутафаккирнинг назарида дунёвий илм инсон ақлини бойитади, бу жиҳатдан унинг дунёвий мантиқ (логика) илмини ўрганиш ҳақидаги фикрлари мұхим аҳамиятга эга.

Оғаҳийнинг «Боғ», «Баҳор», «Гул», «Саҳро» радифли ғазалларида инсон ва табиатнинг уйғунылиги, табиат гўзллигининг инсон тафаккурига, руҳий ва маънавий дунёсига таъсири тўғрисидаги фалсафий-дидактик фикрлари азизу құмматлидир.

Оғаҳий ўзининг маърифий-ахлоқий қарашларида шахснинг нафосат (эстетик) тарбиясига ва нутқ маданиятига алоҳида эътибор беради. Унингча, киши ўзини беҳуда гаплардан тийиши, ўз гаплари билан сұхбатдошига ва теварак-атрофдагиларга лаззат бағишлиши энг гўзал инсоний фазилатлардан ҳисобланади. Шоир ўзининг нафосат руҳидаги қарашларида шеър санъати учун уч асосий мұхим фикрни илгари суради: шаклга эмас, балки мазмунига аҳамият бериш; соғ юрак билан ҳақиқатни гапириш; сўз қадрига етадиган кишиларни доимо назарда тутиш.

Оғаҳий ўз даврининг етук тарихчи олими, моҳир таржимони ва хаттоти сифатида ҳам шуҳрат қозонди. Оғаҳий Шермуҳаммад Мунис томонидан ёзилиб, лекин тугалланмай қолган «Фирдавс ул-иқбол» асарини давом эттириб, 1825 йилгача бўлган воқеа ва ҳодисаларни каламга олди. Сўнгти йилларда эса, у Хоразм тарихига бағишланган «Риёз уд-давла» (1825—1842); «Зубдат ут-таворих» (1846—1855); «Жомеъ ул-воқеоти сultonий» (1856—1865); «Гулшани давлат» (1865—1872) каби тарихий асарларини яратди.

Оғаҳий моҳир таржимон ва хаттот сифатида йигирмага яқин асарни форс-тожик тилидан ўзбек тилига таржима қилди. Жумладан,

«Калила ва Димна», Низомийнинг «Ҳафт пайкар» («Етти гўзал») достони, Жомийнинг «Юсуф ва Зулайҳо» достони, Ҳилолийнинг «Шоҳ ва гадо» достони ва Кайковуснинг «Қобуснома» сингари асарлари фикримизнинг далилидир.

Бағри кенг, олижаноб инсон, назм осмонининг қуёши — Огаҳий ёшлар тарбияси ва шогидларига алоҳида эътибор берди. Ҳусусан, истеъодли шоир, нозиктаъ мусиқачи ва мусиқацунос, буюк ва суюқ, инсонпарвар ва ватанпарвар давлат арбоби Муҳаммад Раҳимхон соний — Ферузнинг устодидир.

## ОГАҲИЙ ШЕЪРИЯТИДАН НАМУНАЛАР

Сўзdir бу жаҳон аҳли аро қулзуми жарф,  
Покиза маони ангодур дурри шигарф,  
Бу баҳр топар кўнгул аро гунжойиш,  
Лекин анга ҳар кўнгул бўла олмас зарф.

\* \* \*

Кўнгул бир баҳри заҳхору, онладур покиза гавҳар — сўз.  
Вале шарит улки маъни шоҳидига бўйса зевар — сўз.  
На мушкул дард эрурким, бир сўзимни айламас бовар,  
Ва лекин бовар айлар муддайлар гар десалар ҳар сўз.

\* \* \*

Faфлатда бўлма кўнгул, ҳаётингда рўзи касб этар чоғда,

\* \* \*

Айбдин айлаб ҳазар қил, Огаҳий, касби хунар,  
Ким эса жинси башар бўлмоқ эмас маъюб хўб.

\* \* \*

Чу топдинг, эй, кўнгул, гардуни дун холидин огаҳлиғ,  
Бериб орқа хунарға, бўлмагил мағрур хизматға.

\* \* \*

Агар одам эсанг, сайр эт гулшанда адаб бирла,  
Қадам ҳар сори қўйма ул сифат ким.govу ҳар устоҳ.

\* \* \*

Ҳаётим боиси ширии тилидин бир такаллумдир,  
Нишотим можиби рангин лабидин бир табассум.

\* \* \*

Бари илму хунар ичра эса ҳар исчаким доно,  
Замон аҳли аро бўлмас замона мұҳтарам ёлғуз.

\* \* \*

Илм андоқ ганжи ноғиздир бани одамғаким,  
Кимда ул бўлса, икки олам бўлур обод анго.  
Касби илм этмай киши, гар қолса маҳзи жаҳл ила,  
Икки олам обрўси бўлғуси барбод анго.

\* \* \*

Одамидир илму дониш бирла одам, йўқ эса,  
Жумлаи ҳайвонғадур яксон қадру рухсору лаб.

\* \* \*

Эй, келди фунуни илм таслим сенга,  
Қилмоқ манго лозим бўлди таъзим сенга,  
Гарчи йўқ эрди қувват аёқимда, vale,  
Келди бош ила олғоли таълим сенга.

\* \* \*

Камол аҳли аро, албатта, топғай рутбаи олий,  
Маоний касбида кимсаким қилди ҳунар ихлос.

\* \* \*

Жаҳолат бир давосиз дард эрур жоҳилга, билгилким,  
Қулоқ солмас иложи дардига гар очса Луқмон лаб.

\* \* \*

Оlam ичра барча ишдин қаттигу душвордору,  
Оғаҳий маъқул қилмоқ беҳаё нодонга сўз.

\* \* \*

Эй, кўнгул, одам хаёл айлаб дема нодонга сўз,  
Чунки ул инсон эмас, топсанг дегил инсонга сўз.

\* \* \*

Кўкка чиқсанг ҳам қуёшдек тушкайсен ер остиға,  
Иззу жоҳи даҳрдин кибру ҳаво қилмоқ ғалат.

\* \* \*

Гар истамассан бўйнингга иблис янглиғ тавқи лаън,  
Қил хотирингни саъй этиб, доми такаббурдин халос.

\* \* \*

Неча умрлар қилдинг аҳли жоҳга хизмат,  
Тарқ этиб они, эмди фақр элиға хизмат қил.



## *Нодира*

(1792—1842)



Моҳларойим Нодира ўзбек адабиёти тарихида бадиий сўз устаси ва маърифатпарвар шоира сифатида машҳурдир. У Андижонда туғилиб вояга етган. XIX асрнинг биринчи ярмида ҳукмронлик қилган Кўқон хони Умархоннинг умр йўлдоши. Нодира хон вафотидан кейин унинг ўрнига тахтга ўтирган ёш ўғли Муҳаммад Алихонга ҳомийлик қилиб, давлат арбоби сифатида ҳам шуҳрат қозонган. Шоиранинг ўзбек ва форс-тожик тилларида Комила, Нодира, Макнуна тахаллуслари билан жамланган шеърларидан иборат учта девони бизгача етиб кслган.

Шоира давлат арбоби сифатида мамлакатда тинчлик, осойишталик барқарор бўлиши, адолатнинг гуллаб-яшнаши йўлидаги саъй-ҳаракатлари билан бир қаторда, маърифат равнақини кўзлаб, кўп ишларни амалга оширган. Ўша даврга оид манбаларда айтилишича, Нодира атрофида кўпгина олималар, шоиралар, фозилалар, хаттотлар йиғилган эдилар. Уларга маънавий маданиятни ривожлантириш учун мумкин қадар имкониятлар яратиб бериларди. Бу ишлар тепасида Нодира турган, албатта.

Нодира бу вақтда Навоий, Машраб, Бобур, Бедил, Фузулий, Амирий каби шоирларнинг девонларини кўчиритириди ва шоирларни янги-янги асарлар, достонлар ёзишга ташвиқ қилди. Бу ҳақда ҳам Хотиф шундай дейди: «*Бу кунларда яна китоблар ёздириш ва уларга зеб-зийнат беришга фармон қилиб, бир китобхона бино эттириди. Китобхонада ишловчи котиблар, наққошлар, рассомларга шундай қарам ва эҳсонлар кўргуздиким, бунинг овозаси атроф-оламга машҳур бўлди*».

Нодира ҳаётни, турмушни гўзал кўришни орзу қилди. Шоира ўз девонига ёзган дебочасида: «*Одам авлодидан солиҳ бирла яхши от ва нақу сифот ва саодат нишони ва комронлиғ иқтиронидур*», деб ёэди.

## НОДИРА ИЖОДИДАН НАМУНАЛАР ФАЗАЛЛАР

Кел, даҳрни имтиҳон этиб кет,  
Сайри чаманини жаҳон этиб кет.

Бедарларинг жафоларидин  
Фарёд чекиб, фифон этиб кет.

Дунё чаманини булбулисен,  
Гул шохидаги ошён этиб кет.

Эй, ашқ, кўзимни мактабидин  
Ҳайрат сабақин равон этиб кет.

Олам чаманини бевафодур,  
Бир «оҳ» била хазон этиб кет.

Ушшоқ мақоми бўстонидур,  
Азми раҳи бўстон этиб кет.

Мақсад на эди: жаҳона келдинг:  
Кайфиятини баён этиб кет.

Фош этма улусга ишқ сирин,  
Кўнгулда ани ниҳон этиб кет.

Кел, ишқ йўлида кўзларингни,  
Эй, Нодира, дурфишон этиб кет.

\* \* \*

Замона аҳлидин ғам кетди, айши жовидон келди,  
Адамдин олами ижод аро хон ибни хон келди.

Башорат сизга, эй, аҳли жаҳонким мулки дунёга  
Чароги маҳфили олтин бешик, Бобирнишон келди.

Зиҳи тифли ҳумоюнфар, муборак рўй, фаррух руҳ,  
Жаҳон аҳлиға андин муждаи руҳи равон келди.

Асолат баҳрида зоҳир бўлиб, мавжи карам андин,  
Дури якто тирози домани охирзамон келди.

Сафои мақдамидин бўлди ҳуррам арсаи олам,  
Ҳаёти тоза топди мамлакат, гўёки жон келди.

Зафар топти сипаҳ шоҳзода осори қудумидин,  
Қилинглар яхшилар шукринки, давлат ройгон келди...

Дуои хайр этинг, эй, аҳли давлат, Нодира янглиғ,  
Дамо-дам шукр этинг, шаҳзодай мулки жаҳон келди.

## *Дилшод*

(1800—1905)



Дилшод 1800 йилда Ўратепа (шоира бу ерни Истравшан деб ҳам атайди) шаҳридаги собиқ «Мир Мушон» маҳалласида туғилди. Отаси Раҳимқул шоиртабиат киши эди. У Ўратепада олиб борилган жангларнинг бирида ҳалок бўлган, онаси эса 1813 йилда вабо касалидан вафот этган. 14 ёшида ота-онасидан етим қолган Дилшод 90 ёшдаги катта бибиси билан ип йигириб кун кечиришар эди.

Ўратепа XVIII аср ўрталарида хонликларнинг кураш майдонига айланиб қолган эди. Бу ерга шарқдан Кўқон хонлиги, шимолдан Бухоро амирлиги тез-тез бостириб кириб, талончилик урушлари олиб боришар эди.

Кўқон хони Умархон 1816—17 йилларда Ўратепани босиб олиб, кўпгина асиirlарни Кўқонга келтиради. Булар орасида 17 яшар Дилшод ҳам бор эди.

Ўзининг гўзаллиги ва нозик таъби билан ажralиб турган Дилшодни уч кундан кейин ювинтириб, кийинтириб Умархон ҳузурига олиб борадилар. Хон Дилшоднинг шоирилигини билиб қолиб, уни синааб кўрмоқчи бўлади ва курси устида турган бир анорни кўрсатиб:

- Бу анорға не деюрсан? — дейди.
- Ичин қонга тўлдирибсан, — деб жавоб беради Дилшод.

Бундан фазабланган хон дарҳол маҳрамини чақиради ва у «ўжар» қизни саройдан қувишни буюради.

Ярим кечада Дилшодни бир шайх — «Хожа Калон» маҳалласининг имоми, Тош Маҳдумлар ҳовлисига киритиб юборади. Маҳдумнинг саксондан ошган мактабдор онаси қизни қучоқ очиб қарши олади ва бир неча кундан кейин Дилшоднинг розилигини олиб, уни 50 ёшдан ошган ўғли Тош Маҳдумга никоҳлаб беради. Тош Маҳдум масжидга имом, онаси эса қизларга мактабдор экан.

Ватанидан, қавм-қариндошларидан жудо бўлган қизнинг бу оиласда ҳурмат топиши катта баҳт эди. Шоира:

*Бўлдум озод илкидин, қолдим тирик,  
Ушибу кулба аҳлига бўлдум шерик,*

деб илм-маърифат тарқатувчи шу оиласа қўшилганидан қаноат ҳосил қиласди. Бу ерда Дилшод туркий лаҳжани мукаммал ўрганиб олиб, қайнонаси билан дарс бера бошлиайди. Қайнонаси 99 ёшда вафот этгандан кейин мактабдорликни ўзига касб қилиб олади. У бир маснавийсида:

*Йигирма йил мактаб очдим қизлора.  
Хирсум баланд бўлди доим ашъора,*

деб ёзади. Шоира 57 ёшида Тош Маҳдум ҳам дунёдан ўтали. Мулла Тош Маҳдумдан 8 фарзанд бўлиб, улардан икки ўғил бир қиз ҳаёт қолади, холос.

Шоира ўз умрининг ярмидан кўпини илм толибларини ўқитишига сарфлади. Уларни саводли қилиш — ҳаётни ва жамиятни гўзаллаштиради. У мактабни, билим олишни, китобни тарғиб қиласди.

Энг яқин дўсту азиз, ҳамларду дармондур китоб,  
Ҳамдамим, ҳамсуҳбатиму ҳамқадрондур китоб.  
Манга илм ўргатувчи устод, билимдондур китоб,  
Дил ғуборин аритгучи ғамхўру жонондур китоб,  
Танда жоним хизматиға, рагдаги қондур китоб<sup>1</sup>.

Ўша давр шароитида хотин-қизларни илмли, маърифатли қилиш, шубҳасиз, ғоят некбин ҳодиса эди. Дилшод ўз мактабида ёш қизларни тарбиялар, уларга хат-савод ўргатар ва уларни чукур билим эгаси қилиб чиқаришга интилар эди. Шу билан бирга, ёш истеъодли қизларга ўзбек, тожик мумтоз адабиёти намояндаларининг асарларини ҳам ўргатар ва уларни нафосат руҳида тарбиялаб, ўз замонининг илфор кишилари қилиб етиштиришга ҳаракат қиласар эди.

Шоиранинг устозлари адабиётимизнинг классиклари Низомийдан Бедилгача ва Навоийдан бошлаб Нодирагача бўлган энг яхши қалам соҳиблари эдилар. Дилшод, улуғ шоир Алишер Навоийни ўзига *nir* деб билади.

Дилшоднинг энг яқин муаллими унинг замондоши, шоирлар ҳомийси Нодира ва Увайсий бўлди. Бу ҳақда шоиранинг ўзи: «*Улуғ отинлар Жаҳонбиби ва Нодирахоним назмлари салиқамға қувват баҳиш этадур*» деб ёзган эди. У, шоир ўз замондошларининг қалб таржимони бўлиши зарур, легаи масалани кўтаради.

<sup>1</sup> Дилшоди Барно ва мероси адаби ў., «Ирфон» нашриёти, Душанбе, 1970, 140- бет.

Ўз даврининг илғор фикрли зиёлиси сифатида танилган шоира юз йилдан ортиқ умр кўриб, тахминан 1905—1906 йилларда вафот этган.

Дилшоднинг яқингача бизга маълум бўлмаган адабий мероси ҳозир ўзбек ва тожик китобхонлари орасида ўзининг иккинчи ҳаётини бошлади. Ҳозир бизга Дилшод асарларининг 3 та қўлёзмаси маълум. Улар адабий меросимизга салмоқли ҳисса бўлиб қўшилди.

Дилшоднинг ижодий меросини ўзлаш, аниқлаш, кенг тарғиб қилишда тожикистонлик олим, тарихчи А. Мухторовнинг хизматлари диққатга сазовордир. У Янгийўлдан шоиранинг «Тарихи муҳожирон» асари билан тожик тилида ёзилган шеърларини топган. Ўзбек тилида ёзилган «Тазкираи Барно» асарининг қўлёзмаси асосида 1969 йили «Дилшод ва унинг XIX ва XX аср бошларида тожик халқининг ижтимоий тараққиётида тутган ўрни» номли монографиясини нашр эттирид<sup>1</sup>. Шунингдек, 1970 йилда Тожикистон «Ирфон» нашриёти «Дилшоди Барно ва мероси адабий ў» номли китобини босмадан чиқарди. Бу китобда А. Мухторовнинг сўз бошиси ва Дилшоднинг «Тарихи муҳожирон» асари, шоиранинг тожик ва ўзбек тилларидаги шеърлари берилган.

1969 йилда Ўзбекистонда шоиранинг ўзбек тилидаги янги бир қўлёзмаси топилди. Бу қўлёзма «Сабот ул-башар мaa тарихи муҳожирон» («Инсон матонати ва муҳожирлар тарихи») деб номланади.

Қўлёзмада шоиранинг 42 тағазали мавжуд. Булардан 36 таси ўзбек тилида, 6 таси эса тожик тилида ёзилган ғазаллардир. Ҳар бир ғазал 7 байтдан иборатдир. 17 ғазалга Џилипод, 22 ғазалга Барно таҳаллуси қўйилган. Қўлёзманинг айрим варақлари йўқолгани туфайли, қўчирилган йилини аниқлаш мумкин бўлмади.

*Ўзум битдим мингдан ортуқ ғазални,  
Зикр этиб ўтдим охир-азални.  
Минг уч юзда кузга етди баҳорим,  
Билмадимким, қачон келгай наҳорим.*

Лекин, ҳозирга қадар, бизга шоиранинг ҳаммаси бўлиб 142 шеъри маълум. Бундан 80 таси ўзбек тилида, 62 таси тожик тилидадир.

---

<sup>1</sup> Дилшод «Саботул башар», 8- саҳифа.

## ДИЛШОДНИНГ ЎЗБЕКЧА ФАЗАЛЛАРИДАН НАМУНАЛАР

Қўлунға ўқ қаламни, ёз ғазални, дедилар устоз,  
Бериб илҳом дилға муштағилни, дедилар устоз.  
Сан ўқ бошлаб адабни, эл ҳаётиға муваддат қил,  
Сухан бўстонида булбул бўлурсан, дедилар устоз.

Гуноҳинг-у савобингдин гапурма, меҳрдин сўзла,  
Мұҳаббат жомидин ҳиммат майини ич, дедилар устоз.  
Ўлумдин баҳраманд бўлмай, қазо-у қадрин айтма,  
Ки, ул маслак йўлида бошқалар бор, дедилар устоз.

Агар одам эрурсан муфтихўрикдин кечиб, назм эт —  
Ки, илминг бурди кеткай ҳирс қўшулуб, дедилар  
устоз.

Мулозим бирла ошно бўлмагилким, кибр зўр ўлғой,  
Такаббур элидин дард-у мараздур, дедилар устоз.

Эл ичра ишла, эл бирла тирик бўл(гил) амалда,  
Ки, танҳо ном чиқормас яхшилиқда, дедилар устоз.

Қалам олдим қўлумға, шеър ёздим эл ҳаётини,  
Амал қилдим ёзишда ҳар нимарса дедилар устоз.

Агар ишқ-у мұҳаббатдин ёзар бўлсанг ғазал ҳар гоҳ,  
Элинг ишқини, Барно, доимо ёз, дедилар устоз.

## МУҲАММАСЛАРДАН

Энг яқин дўсту азиз, ҳамдарду дармондур китоб,  
Ҳамдамим, ҳамсуҳбатиму ҳам қадрондур китоб,  
Манга илм ўргатгучи устод, билимдондур китоб,  
Дил губорин аритгучи ғамхўру жонондур китоб,  
Танда жоним хизматиға рагдаги қондур китоб.

Ҳар китоб ҳар турли маъни бермоғи таълимидин,  
Бир китоб баҳс этса илму маърифат таърифидин,  
Ўзгаси сўзин адаб аҳлиға қилур тақдиридин,  
Ҳар бир олимни(нг) китоби илмни тавсифидин,  
Адлу инсоғ жорий этгай, ҳукми султондур китоб.

Бу замонда ҳамдами роз ўлмағоч, ўқиши керак,  
Ҳар китобни ўқифонда маънисин уқиши керак,  
Андин ўргониб адаб илмин, ғазал түкүш керак,  
Норасолиқни жаҳонда бехини қирқиши керак,  
Илмсиз афсунчиларға тийри паррондур китоб.

Ўқуғонлар орасидин кўп билимдонлар чиқар,  
Маърифат илмини торқотғучи гапдонлар чиқар.  
Ердин кимё олувчи кўп деҳқонлар чиқар,  
Мазлум эл баҳтига кўп-кўп пир донолар чиқар,  
Муштипар Барно Хўқандийдин бу достондур китоб.

### ДИЛШОДНИНГ ЎЗБЕК ТИЛИДАГИ «МУҲОЖИРЛАР ТАРИХИ» АСАРИДАН НАМУНАЛАР

... Кирдим. Бир кекса аёл докаға кашта тикар эрди. Саломға алейк олиб, турк сўйлади, ман билмадим. Бас форсий чала сўзлади, фаҳм ила билиб жавоб қилдим. Бир неча кун аёл хизматини қилиб юрдум. Аёл саксондин ошган, ўғли элликда бор, шу санағача қадхудо эмас аз важхи бебизоат бўлғонидин. Бас мандин рози ризолиқни олуб, ўғли Тош Маҳдумға ақд қилдурди. Тош Маҳдум масжидға имом, онамиз қизларға мактабдор эрдилар.

Ман боз ўн уч йил хизмат қилиб, туркий лаҳҗани мукаммал ўргануб, мактабдорлиқни мерос олдум. Қайн онам назаркарда эканлар, то тўқсон икки ёшғача ойнаксиз чок тикиб, рўзона қизларга сабақ берур эрдилар. Ман боз етти йил шу тарийқа қизларға мактабдорлиқ қилғонимдин сўнг (қайн онам) тўқсон тўққиз ёшда вафот қилдилар. Ул аснода ман ўттиз етти ёшда эрдим. Мулла Тош Маҳдумдин саккиз фарзанд бўлуб, икки ўғул бир қиз қолди. Сайид Азим ва Сайид Маҳмуд ва Мехринисо. Маҳдум эрса онасидин йигирма йил сўнг — тўқсон ёшида вафот бўлди. Ул аснода мен эллик етти ёшда эрдим, боқий ихтиёр қилмадим.

Ман саксон саккиз ёшимғача ойнаксиз хат кўруб, мактабдорлик қилдим. Эллик бир йил мактаб тутиб, ўрта, авсот ҳисобида йигирма уч толиба тутуб, саккиз юз тўқсон бир қизни босавод қилдим. Алардин қариб тўртдан бири таъби назм эрдилар.

Охир дамларда хон ўрусга байат қилғон тарих асносида ложаром ҳушёр ва қобул қизлар жам бўлғон эрдилар. Алар хусусан адаб омузашиба мойил эрдилар. Навоий, Фузулий, Ҳофиз, Бедил назмиятиға фрифта ва ошуфта бўлғонлардин Анбарой саккиз ёшидин то ўн тўрт ёшиғача адаб машғули эрди... Ул қиз улуғ шоира бўлуб

етишур деб умидим бор. Ул қызға монанд боз аввали охир икки юздин ортуқ назмхон шоиралар таълим олуб чиқғон эрди...<sup>1</sup>

... Мұхити рұзғор оммаи халқ учун улуг мактабдур. Аҳли тасаввуф айтғон бемаңни фикрлар аҳли вужуд учун бегонадур. Аҳли вужуд шулки, халойиқ рўзгорини санжиш қилмоқ илан ҳёт рўзравишидин сайдар ва илм омузиш қилиб, халқ орасига фикру мулоҳазалар фаҳм қилғой. Аҳли вужуд бир мақомни, бир ишни одам куч ва бозусида мушоҳада қилиб ва тобора андин беҳроқ ва енгилроқ кашфиёт топмоқ йўлларини жустужў қилғой...

Камина ва замон аҳли ул орзуимда бўлғон замонларни кўролмас. Аммо албатта авлод ва ўрта замона аҳли ул замонга мушарраф ўлурлар. «Кемадағилар жони бир» деган мақол рост. Ушбу замонда нез ул келгуси замонга бормоқ сафариға чиқиб, бепоён баҳри Уммон кемаси ичра сафарда кетаётғон норасида ёш ҳамфир замондош улфатларим беҳад кўбдур. Анбар отун ҳоло ниҳоят ёш, аммо кема буржидა қиёмдадур.

Лек ушбу йўл илан манзилга етиб борилмоғи мушкулдур. Чароки кемага ҳоло бодбон ва доруға ва моҳир эшқакчи мавжуд эмасдур. Анно биз аҳли вужудлар фикри дарж бўлғон ҳошияни(нг) барча ўттиз саккиздин қирқ тўртингчи саҳифасигача айтилғон мажмумъ қиёс мулоҳазалар вуқуъга ва вужудға келмоғи бешак ва бешубҳа эрур. Чароки аҳволи рўзғори замона ва афзойиши ранжу алам ва зулм вужуд эрур.



<sup>1</sup> Дилшод. Танланган асарлар, 13-саҳифа.

## *Мұҳаммад Юсуф Маҳзум ибн Хўжамберди Рожий*



XIX асрнинг биринчи ярмида Хива хонлигидаги тарқоқликка барҳам бериш ва уни бирлаштириш масаласига алоҳида эътибор берилди. Бу тарихий ўзгариш ва юксалиш Мұҳаммадамин Иноқ, Элтузархон ва Оллоқулихонларнинг хонлик қилган даврларига тўғри келади. Ўша вақтда, айниқса, Хоразм маданиятини юксалтириш, унга аҳамият бериш ҳақида қайгурилади. Шу ватанпарварлик ҳамда маърифатпарварлик натижаси ўлароқ, ўша даврда Хоразмда адабиёт ва санъат янада ривожланди. Бу соҳада Абулғозий Баҳодирхон бошлиб берган анъаналарнинг давом эттирилганини алоҳида таъкидлаш лозим.

Шундай тарихий даврда, яъни XIX асрнинг таҳминан 30-йилларида Хоразм маданияти ривожига, адабий ҳаракатчилигига катта ҳисса қўшган истеъодли шоир Рожий дунёга келди. Илм сирларини ўз юртида эгаллади, ёшлигидан адабиёт фанига қизиқди, шунингдек, шеър ёзишни машқ қила бошлиди. Машхур шоир, истеъодли таржимон ва улкан давлат арбоби Огаҳий билан ёнма-ён ижод қилди. Шеърлари нафис ва латифлиги, фалсафий фикрларга бойлиги туфайли кенг тарқалди, шоирнинг ўзи халқ ҳурматини қозонди. Фикримизнинг тўғрилигига тўла қаноат ҳосил қилиш учун Комил Хоразмийнинг қуйидаги сатрларини ўқиш кифоя:

Комил, нетонг, гар огоҳ эса сўз камолидин,  
Доим аниси Рожий ила Огаҳий эрур.

Рожий фақат анъанавий ишқ-муҳаббат эмас, балки ахлоқ-одоб, илм-маърифат, муқаддас ватан, муборак замин ва бошқа мўътабар мавзуларда ҳам қалам тсбратли. Унинг «Адаб» радифли газали бунга ёрқин мисол бўла олади. Шоир сабру қаноат, нафс балосидан ўзини узоқ тутиш каби фазилатлар инсон безаги эканини бадиий баркамол мисраларда тараннум этди.

## Рожий ижодидан намуналар

Эй, ҳаё маъзанин қани адаб,  
Сари куйинг эрур дўкони адаб.  
Адаб эрмаски отинг зикр этмак.  
Деса бўлгай сани жаҳонни адаб.  
Оразингдан ҳаё бўлур зоҳир,  
Талъатинг фош этар нишони адаб.  
Адаб эрмас дами фаромушинг,  
Сан-сан оламда қадрдон адаб.

\* \* \*

Ҳар пири комил олдида хизматга комил ул,  
Рожий кўнгулда коминг эрса гар камол файз.

\* \* \*

Рожий гар шогирдинг эрса шеър эл моҳирлари,  
Айлабон нокслиғ этма даъвийи устодлиғ.

\* \* \*

Кими кўрсанг тавозе айлагил расми адаб бирла,  
Кишиликлин мудур доим такаббур бирла ҳайқоймоқ.

\* \* \*

Кичикроқ тут ичу тошингда барча ҳалқдин ўзни,  
Мурод эрса сенга гар олам ичра улғоймоқ...

\* \* \*

Ёшлиқда пеша тузлук этмаса, асло туз бўлмагай,  
Улгайганида, ёшдин эса ҳар ниҳол каж.

\* \* \*

Оламда ҳар ким бўлса жафопеша, завол топар,  
Ҳар ерда бўлса йўқ турур аҳли вафога завол.

\* \* \*

Фани айламас тарки зар ўлгунча

\* \* \*

Рожиё, уз тамаин элдину қил хаққа таваккул,  
Пеша айлаб узунга олам аро сабру қанот.

\* \* \*

Десангим нафс ром бўлсун, риёзат айлагил кам-кам,  
Солурлар бад нафс олга емиш оҳиста-оҳиста.

# Феруз

(1845 — 1910)



Сайид Мұхаммад Раҳимхон Баҳодирхони Соний — Феруз 1845 йилда Хоразмнинг Хива шаҳрида дунёга келган. Унга Бобожон тўра деб исм қўйишиди.

Бобожон тўра Хива шаҳридаги сарой муаллимларидан бошлангич таълимни олди, кейин мадрасада ўқиди. Буюк мугафакир, шоир, истеъододли таржимон, ўзига талабчан тарихчи-олим, мўътабар муаллим Муҳаммадризо Оғаҳий унга шеърият ҳамда ахлоқ-одоб илмидан сабоқ берган. Бўлғуси давлат арбоби — хон, шоир, мусиқашунос ва бастакор Феруз тенги йўқ назм ва наво устаси, нозиктаъб хаттот Муҳаммад Юсуфбек Баёнийдан ҳам илм сирларини ўрганди. Сайид Мұхаммадхон ўғлининг иқтидори ва истеъододидан беҳад шод бўлиб, унинг таълим-тарбия олиши учун кенг имконият яратиб берди.

1860 йилларда Сайид Мұхаммадхон оғир хасталикка (қорақаптол) йўлиқади ва 1863 йили оламдан ўтади. Сарой аҳли ройиши ва истаги билан Бобожон тўра Мұхаммад Раҳимхон Баҳодирхони Соний — Феруз Хоразм таҳтига ўтиради. У ишни Хоразм адабиёти, санъати, маданияти ва маърифатини ривожлантиришдан бошлади. Ариқлар қаздирив, сув чиқариш, катта-катта бинолар барпо этиш, мадрасалар, масжидлар қуришни авж олдирди. Бу ўринда устоз Оғаҳийнинг хизматини алоҳида таъкидлаш лозим. Шу хусусда Ферузнинг яқин дўсти ва устози Мұхаммад Юсуфбек Баёнийнинг «Шажараи Хоразм шоҳий» асарида зикр қилинган.

Феруз Хоразм сultonни сифатида қаттиққўллик билан иш юритганини алоҳида қайд қилмоқчимиз. «Қилдирини бўш тутсанг, қўйлинени кесар» деган нақл бор. Зоро, давлат бошқаришда қаттиққўл бўлиш ҳам фойдадан холи эмас. У ишда, давлат бошқаришда ошна-оғайнигарчилик, қариндош-уруғчиликка асло йўл қўймади. Қолаверса, хон Хоразм мустақиллигини сақлаб қолиш ва ташки душманларга зарба бериш ҳақида ўйларди. Шунингдек, босқинчилик сиёсатига доимо қарши турган, ўз юртини ҳимоя этишга ҳаракат қилган, холос.

Мұхаммад Раҳимхони Сонийни ўрисларнинг босқинчилик сиёсати ва уруш очиши хавфи ташвишга соларди. Унинг күз олдидә ҳар сонияда Туркистан генерал-губернатори Кауфманнинг Русия подшоси Александр II га ёзган хатидаги: *Орол дөңгизи масаласини назардан чиқармаслик, Амударё ва Сирдарё сувларининг унга етиб бормаслиги, бунинг учун Марказий Осиёга фақат пахта эктириши шартлиги, Оролга Сибирдан сув келтирилса, Туркистаннинг бир умр мустамлака бўлиб қолиши муқаррарлиги ҳақидаги фикрлари гавдаланарди.* Ўрис подшоси ва Кауфманнлар мақсадига эришишди ва 1873 йили Хоразмни босиб олишиди.

Хоразм Ўрусијанинг мустамлакаси бўлса ҳам Феруз халқ маданиятини ривожлантириш ишини жадал давом эттириди. Шоирлар, санъаткорлар, месъморлар ва бошқа ижод ахлига ғамхўрлик қилди. Улар кучини, ижодий фаолиятини бир олижаноб мақсадга — Хоразм маданияти тараққиётига қаратди. Тахминан 1874 йили Хивада биринчи марта босмахона ташкил қилиб, китоб босиши ишларига шахсан ўзи раҳнамолик килди. Шунингдек, ижодкорларга қалам ҳақи тўлашга асос солди.

Феруз бошқа тиллардан таржима ишларини тўғри йўлга қўйди. У янгиарқилик улуф шоир, таржимон ва нозиктабъ хаттот Мұхаммад Яъқубхўжа Холисга Алишер Навоийнинг «Ҳамса»сини қайта кўчиртириб, унинг «Ҳайрат ул-аброр» достонини нашр қилдирди. Ферузнинг ўзи ҳам жўшқин шоир, иқтидорли мусиқачи, бастакор ва мусиқашунос олим эди. Шоирнинг лирик қаҳрамони дунё ташвишларини слкасига ортган, жамият ва халқ фаровонлигини муттасил ўйладиган, юксак маданиятли ва маърифатпарвар, инсон-парвар ва ватанпарвар инсондир.

Феруз хон бўлиши ва давлат ишлари, халқ ташвиши ва Ватан ҳақида қайгуриш сингари ташвишлар бошидан ортиб ётишидан қатъи назар, оила, уй-рўзгор, болалар тарбиясига алоҳида эътибор берарди ва бунга вақт топарди. Оилада ўзини хон эмас, оддий ота сифатида тутиши диққатга лойиқдир. Бу ҳақда хоразмлик олимлардан Давлатёр Раҳим ва Шихназар Матрасуллар шундай ёзалилар: «*Бекпошиша* (Ферузнинг набираси Ибодулла тўранинг қизи — С.О.) шиллар ўтиб, *Феруз оламдан ўтгандан кейин, синглиси Саидага шундай деган экан:* «*Мен бобомнинг (яъни, Ферузнинг — С.О.) эски чопон ва кулоҳ кийиб, қаландарларга ўхшаб ўтирганидан уни жуда камбагал яшайди, деб ўйлардим... бобом анча камбагал яшар экан, бизлар эса боймиз, унга ёрдам беришимиз зарур, деб бир неча бор отамга айтганман.*

*Кейинроқ эса биз бобом, унинг давлати туфайли мазза қилиб яшаганимизни тушуниб етганман».*

Бу далил Ферузнинг оилада ўзини ўта оддий тутиши ва бунинг тарбияда муҳим эканини яхши билганини тақозо этади. У оғир касалликдан сўнг, 1910 йил, 16 августда оламдан ўтди.

### Феруз ижодидан намуналар

Қачонким айласа ул Исойи замона ҳадис,  
Үлук баданга берур умри жовидона ҳадис.

Бўлур бори шаккарин нуқтагўйлар абкоме лол<sup>1</sup>,  
Не мажлис ичра қилур ул маҳи ягона ҳадис,

Ҳадисидин, неажаб, умри жовидон топсан,  
Ким ҳардам оби Хизрдин берур нишона ҳадис.

Деса сўз ўзга ҳабибимдин, айламас таъсири  
Қулоқға, ҳар нечаким бўлса қудсиёна ҳадис.

Биҳамдиллоҳ, эрурман висолига маҳрам  
Нединки бордур эшиитмак манга баҳона ҳадис.

Муғанинё, тузуб «Ушшоқи рост» оҳангин,  
Наво қил, айлабон оғоз ошиқона ҳадис.

Гоҳи карам била Ферузни ҳам айлаб ёд,  
Замон-замон анга қил хат била равона ҳадис.

\* \* \*

Эй, фалак, нетдим сане, душманлиғ изҳор айладинг,  
Нотавон кўнглум туганмас ғамға дучор айладинг.

Солибон айру малаксиймо ҳабибимдин мани,  
Ғулсурат<sup>2</sup>, девсийратлар била ёр айладинг.

Васл или бир дам хуш этмай хотири, ношодими,  
Доимо дард-у, фироқ-у ғам аро зор айладинг.

Ҳажр тифидин қилиб жисмимни сартосар яро.  
Жони зоримни машаққат бирла афгор айладинг.

Давлати васлин мұяссар айлабон ағёрға,  
Мәхнату ҳажриға кўнглумни сазовор айладинг.

<sup>1</sup> Абкоме лол — соқов, гунг.

<sup>2</sup> Ғулсурат — ташқи кўриниши дев каби маъносида.

Бир лаби майгун, кўзи хумор ҳижрони аро,  
Қон ёшим кўзда равон, жонимни бемор айладинг.

Бир йўли айланмайин Ферузнинг коми била  
Эй, фалак, нетдим сане, душманлиғ изҳор айладинг.

\* \* \*

Бу оқшом келди ул дилбар адаб бирла салом айлаб,  
Ўлук жиссимиға жон берди Масиҳосо қалом айлаб.

Шабистонимни қилди оразининг меҳридин равшан,  
Олиб рухсоридин парда, қуёш янглиғ хиром айлаб.

Аён айлаб жамолин, қилди шомим субҳга табдил,  
Юзи ҳижронида ағёрнинг субҳини шом айлаб.

Келиб юз нав нозу ишва бирла меҳр этиб оғоз,  
Қошимда ўлтуруб деди тилин мұжиз низом айлаб:

«Ки эй, ҳажримда күнгли лоладек доғ узра доғ ўлғон,  
Юурсан бўйла токи айши роҳатни ҳаром айлаб,

Висолимға чу етдинг шод-у масрур айлабон ўзни,  
Баён айла манга сен арзи ҳолингни тамом айлаб».

Чиқориб бир суроҳий бода пайдар-пай қилиб лабриз<sup>1</sup>  
Ичурди қўл солиб бўйнумға юз минг эҳтиром айлаб.

Кириб оғушима, мажлис аро сармасти хоб ўлди,  
Тонг отғунча мани маст мудом, шодком айлаб.

Ёри ушшоқини Феруз сармасти баҳор этти,  
Илоҳо, шод эт они барчадин олиймақом айлаб.



<sup>1</sup> Лабриз — лиммо-лим.



## Муқимий

(1850 — 1903)



Мұхаммад Аминхұжа ибн Мирзахұжа Мирфозил ўғли Муқимий Күқонда новвой оиласыда туғилиб, бошланғич мактабда таҳсил күрді, кейинчалик Нодира асос солған «Моҳлар ойим» ва Бухоро мадрасаларидан бирини тугаллади.

Муқимий — ўзбек адабиётининг буюк маърифатчиси, зуллісонайн (ўзбек ва форсгүй) шоири ва мутафаккири.

Таҳсил муносабати билан Бухорога борганлигини истисно қылғанда, Муқимий Күқонда мұқим япаб, шу шаҳарда вафот этған. У ҳаёт тақозосига күра ўз халқи ҳаёти билан яқындан боғлиқ ҳолда яшаган, ўз ижоди ва қараашларида кенг меңнаткашлар, ҳунарманд-косиблар, зиёлилар манфаатлари, орзу-умидларини ифодалаган, ҳимоя қылған. Бу ҳол синфий тенгсизлик, ижтимоий зулм, ҳақсизлик, инсоннинг хорлиги, қадрсизлигини Муқимий чуқур ҳис қилиніңга, бу тұғрила мұттасил үйлашға, шу ҳолатдан қутулиш йүлларини, воситаларини ўз иқтидори ва имкониятлари даражасыда қидиришга олиб келди. Гарчи ижтимоий зулм, синфий тенгсизлик мөхиятини, ҳақиқиқи сабабларини илмий тушуниб стиши даражасыға күтарила олмаган бўлса-да, у аччиқ ҳаёт тажрибаси, меңнаткашларнинг оёқости қилиниши шундай давом этиши мүмкін эмаслиги тұғрисида үйлади. Энг мұхими, ижтимоий тараққиётинің тобора тез суръатлар билан буржуа муносабатлари даражасыға күтарила бошлаганини кўриб турғанлик оқибатида, «бир яхши замон келиши» муқаррар, деган холосага келган. Қолаверса, шоирнинг ўзи бир умр оғир моддий тангликада яшаган.

Муқимий асарлари XIX асрнинг 80-йиллари ўргаларидан бошлаб кенг меңнаткашлар, халқ оммаси орасыла оммалаша бошлади, уларга куй басталади.

Чор мустамлакаси бўлған Туркистон шароитида шоир ва мутафаккирнинг тилёғламаликдан холи, миллий озодлик руҳи қулф

уриб турган ижоди Ҳ. Олимжон, Ф. Фулом, М. Шайхзода, Ойбек, Ҳ. Ёкубов, Ҳ. Зарифов, И. Мўминов, Ф. Каримов, А. Абдугофуров ва бошқалар томонидан кеңг кўламда ўрганилди, унинг асарлари ўзбек ва рус тилларида тўплаб, бир неча маротаба нашр этилди.

Муқимиининг гоявий мероси ишқий лирика (ғазаллар, мурабабаълар, мухаммаслар ва тахмислар), ҳажвиёт (сатира, юмор) ҳамда шахсий биографик характердаги ижтимоий мазмунга эга бўлган «саёҳатнома»лар туркуми ҳамда мактуботлардан иборатdir.

### ***Илм-фан, донолар ҳақида, чин инсонларнинг хорлиги тўғрисидаги ўйларидан***

... Мулки Ҳинду, Марвдан келсан топардим эътибор,  
Шул эрур айбим, Муқими, мардуми Фарғонаман...

\* \* \*

Қилурлар карру фарлар икки қунлик давру давронга,  
Кибирлик, маҳмадона, бадҳаволарга қирон келсун...

\* \* \*

Бу юртга бетамиз, нодон жувонлар ҳам бозорларда,  
Балодек учраган шилқим гадоларга қирон келсун.

\* \* \*

Бу юрган норасолар базмида хуш бўлмагай кўнглум,  
Агар ҳар лаҳза қон юттурса ҳам ақли расо келсун.

\* \* \*

Келса олдингизга бой суврат, яқоси тугмалик,  
Иzzат ила шоду миннатдор қилмоқ шунчалар...

\* \* \*

Гарчи келса эски тўн, биздек дуогўй фақир,  
Камбағалнинг хирқасидин ор қилмоқ шунчалар...

\* \* \*

Дариго мулкимизнинг соҳиби аҳли шарор ўлмиш,  
Шариат ҳукми қозилар қўлида пур ғубор ўлмиш.

Ба жойи амри маъруф, қори мункар ошкор ўлмиш  
Ҳакиму, олиму, соҳиб фасоҳат хору зор ўлмиш,

\* \* \*

Замона аҳлини бир хайла бордур ҳайф инсонлик,  
Шул инсофи билан ул айлагай даъво мусулмонлик,  
Биронга ҳийлаю мақр айлаю, афъоли шайтонлик,  
Бўлур хурсанд ўз қилғон ишига бўйла нодонлик,  
Берид қиз кекса бойга фахр ила хешу табор ўлмиш...

Ҳазор афсуским, илм аҳлифа бир иззат йўқ,  
Фанийларда саҳоватдин асар, хайр ила ҳиммат йўқ,  
Хирадманд аҳли донишларда ҳам қадр ила қиммат йўқ,  
Фақир аҳлифа мардумларда эҳсону мурувват йўқ,  
Бахилу хўр каби эл кўнгли ҳам ториқу тор ўлмиш.

\* \* \*

Илм ўқигони билан ҳар ким мусулмон бўлурму?  
Моумон айлаб фаришта гайри шайтон бўлурми?

Шиквалар айлаб туз ичгон ерларингизни мудом,  
Ё магар поси намак тутмоғлик осон бўлурми?

Шеърингизга ҳалқ толиб бўлсалар сўнгра ўқинг,  
Ё келиб аҳбоб кар бўлмакка меҳмон бўлдиму?

Кимки муҳмалдур ўзи ҳам ўзгани муҳмал билур.  
Қилсангиз гайрат атое дерки, эҳсон бўлдиму?

Бузда риш, эшшакда жон, тўти гапургони билан,  
Эй, афандим, сизга ул, албатта инсон бўлдиму?

Суҳбат аҳлифа қилолмай ул кеча изҳори фазл,  
Фазлингизни пахтаси ҳам ёки арzon бўлдиму?

Бўлмагай ҳосил, Муқимий, маъние ҳар лафздин,  
Доно сочкан бирла ҳар қишлоқи деҳқон бўлдиму?

\* \* \*

Бўлди таажжуб қизиқ ҳангомалар,  
Арз этайин эмди ёзиб номалар,

Адл қулогила эшишт ҳолими,  
Зулм қилур, баски, менга золими.

Ўн икки ойда келадур бир таноб,  
Ўзгалара роҳату менга азоб.

Султон Али Хўжа, Ҳакимжон икав.  
Бири хотун, бириси бўлди куяв.

Иккаласи бўлди чунон иттифоқ,  
Гўё хаёл айлаки (қилмай нифоқ),

Ош есалар ўртада сарсон илик,  
Хўжа — чироғ ёғи, Ҳакимжон — пилик.

Доимо бепарда сўз халқ ичра айтур беибо,  
Бўлмағай деб қўрқамен ногаҳ сангсор авлиё...

Тоза иликни ювиб, сайдур ҳалол англаб гумон,  
Учраса ҳар ердаким макруху мурдор авлиё...



# **Убайдулла Солиҳ ўғли Завқий**

**(1853—1921)**



Ўзбек халқпарвар адабиётининг йирик намояндаларидан бири, маърифатпарвар шоир Убайдулла уста Солиҳ ўғли Завқий 1853 йилда Кўқон шаҳрининг Шайҳон даҳасида, майда ҳунарманд оиласида дунёга келди.

Оиланинг моддий жиҳатдан анча қишин аҳволда яшашидан қатъи назар, косиб — маҳсидўз ота тўнгич ўғли Убайдулланинг ўқимишли киши бўлиб етишишини орзу қилиб, уни мактабга беради. Кейинроқ тоғасининг ёрдами билан Завқий Кўқондаги «Мадрасаи олий» ва «Мадрасаи чалпак» номли мадрасаларда илм олади.

Турмуш шароитининг оғирлиги натижасида ота анча вақт косибчилик билан шуғулланиб, рўзгор тебратга бошлайди. Лекин шундай қишин аҳволда мутолаа билан банд бўлади ва Шарқ шеърияти намояндаларининг асарларини қунт билан ўрганади, замонининг илфор шоирлари Муқимий, Фурқат, Нодим, Рожийлар билан мулоқотда бўлади. Кўқон шаҳридаги пойабзal растасининг хўжайини Мўминбой ихтиёрида мирзолик иши билан Самарқанд, Бухоро, Марғилон, Наманган, Хўжанд, Тошкент каби шаҳарларда бўлган ва ўша вақтда халқ ҳаёти билан қизиқкан.

Юқоридаги зикр қилинган воқеалар шоир дунёқарашига чуқур таъсир қиласи. Эндиликда у ўз асарларида халқпарварлик, ватанпарварлик foяларини илгари суради, мавжуд ижтимоий тузумдан нафратланиш, озод ва фаровон турмушга интилиш, меҳнаткаш халқ манфаати йўлида хизмат қилиш, ижтимоий адолатсизлик, жаҳолат ва қолоқликни лаънатлаш асосий мавзуга айланиб қолади.

Шу боис золим бой ва савдогарлар, фирибгарлар Завқийни доим таъқиб остига олади, унга озор беради. Бу кураш бора-бора адабиётдаги foявий зиддиятлар курашига, демократик оқим билан реакцион тусдаги оқимлар курашига айланиб кетади. Шаҳарнинг камбағал косиб-хунармандлари, илфор фикр эгалари шоир тарафида эди.

Рус империясининг Биринчи жаҳон урушига кириши билан вужудга келган барча қийинчилкларнинг катта қисми қарам бўлган ўлкалар елкасига тушади. Колония тариқасидаги Туркистон ўлкасида

оғир дамларни бошидан кесиради. Халқ құзғолонлари аёсиз, қон түкиш билан бостирилади. Бундай воқеалар Завқий асарида ўз аксини топади. Умуман, ўша давр халқпарвар, маърифатпарвар шоирлари Муқимий, Фурқат кабиларга үхшаб, ўз халқини қолоқ тубанлиқдан чиқиши учун маърифат, маориф, мактабнинг роли катта эканини күрсатди.

Завқий жуда мураккаб ва тарихий воқеаларга бой бир даврда яшаб ижод этган, тенглик ва адолат күйчиси сифатидаги маърифатпарвар бўлиб қолди.

## ЗАВҚИЙ ИЖОДИДАН НАМУНАЛАР

### ЗАМОНА КИМНИКИ?

Сен десма ушбу замонда обрӯ муллоники,  
Қолди аълолар оёқ остида, сўз адноники,  
Сар дарахти мевасин кўр, зог ила қарғоники,  
Демангиз, аҳблорлар, гул булбули гўёники.  
Давлати васли тиконда, ҳажри ул шайдоники.

Сен, эй, даврон, ичиб ғам заҳрини ғамнокман;  
Гунча янглиғ оташинликла гирибон чокман,  
Демадим бир бор исчам дафъига тарёкман,  
Халқ наздила ҳақири хок ё ҳонюкман.  
Давлату иззу шарафлар марди бу дунёники.

Шаҳру қишлоқ демангизким, фисқ ила тўлди жаҳон,  
Аҳли дунё қошида ёлғончилардир нуқтадон,  
Йўқ ривож касбу ҳунарга, соврилибдур хонумон,  
Хоҳ косиб, хоҳ дехқон қайға борса бағри қон,  
Ҳоли ҳар ерда сухан шармандаю расвоники.

Мўътабар, нодон элидин қочди, донолар бари,  
Гўшага олди ўзин кўнгли мусаффолар бари,  
Қолдишларроҳи равишдин дийда бийнолар бари,  
Эътибор ўлди жаҳонга сурат оролар бари,  
Бу замона гарч кавуш кийган, силлиқ саллоники.

Ҳеч ким фақир аҳлига жон бирла қилмайди савоб,  
Ағниё аҳлига анқо парча нон, бир томчи об,  
Шу сабабдин беваю, бечоралар бағри кабоб,  
Бекасу, бечора сўзига киши бермас жавоб,  
Манзилат ҳар ерга борсанг суврати зебоники.

Маъсият тўлди жаҳон ичра, зуҳур айлар фасод,  
Хайру эҳсон топди барҳам, ҳалқ бозори касод,  
Ошно, ёру биродарларда ҳам йўқ илтифот,  
Мехру шафқат йўқ, ота ўғлига қилмас эътимод,  
Давру даврон ҳамма жойда ҳокиму мирзоники.

Ағниё аҳлида йўқ хайру саховатдин асар,  
Бас эрур илму амал ўрнига бўлса, сийму зар,  
Қўрқаман бу феъли баддин ютмасин деб ер магар,  
Сўрасаларким, бу мухаммасни ким аиди деб агар,  
Завқий деган бир ямоқчи, маҳсидўз устоники.

## ***Бўл***

Аҳли дил бўлма, замоннинг бойи бўл, баззози бўл!  
Ақчадин лангар чўп ушлаб, растанинг дорбози бўл!

Шеър эшиитмайди бирор, даврон қулоғи анча кар,  
Бир ҳовуч олтин, кумушнинг хуш жаранг овози бўл!

Тегмагай ҳаргиз нишонга отган ўқ юз ҳажв ила,  
Хоҳ замоннинг шоири бўл, хоҳи тийрандози бўл!

Истамас бўлса замона Завқий ёзган шеърни,  
Ким эшиитсин арзининг хоҳ рози, хоҳ норози бўл!

## ***Қулоқ солинг, ёронлар***

Юракда лахта қонлар, қулоқ солинг, ёронлар,  
Асирида бегу хонлар, эсиз ўтган замонлар.

Ченгиз билан Чамачбий оламни қилди тобеъ,  
Савдойи умр гоҳи қилгай экан ҳаёнлар....

Шоҳона ишрату базм мадҳига айдилар назм,  
Илму ҳунарга йўқ жазм, ўтмишки бегу хонлар.

Эл заҳрасини ёриб, асов отида бориб,  
Умрида сопқон отмай бўлур «Соҳибқирон»лар.

Йигиб ҳамшираларни, муғлуқ бокираларни  
Шом этди тийраларни, соврулди хонумонлар.

Кулфат тушиб бошиға, оғу тушиб ошиға.  
Келмай киши қошиға, акрону меҳрибонлар.

Йўқ истаса халойиқ, дардга табиби ҳозиқ,  
Раҳбар бўлурға лойиқ, бошига соябонлар.

Худоёр қочди-кетди, улус ўрусга етди,  
Ҳукмин равона этди то Шошу Андижонлар.

Ким ишда илму ҳикмат қўллаб, очар тилсимот,  
Ўтхона бирла бир ряд кетур бари вагонлар

Пружиналик коляска жон роҳати олисга,  
Тужкор элин гузори, тушди фаранг томонлар.

Илму ҳунар ривожи, бўлғай ақлни(нг) тожи,  
Ҳам юрту эл хирожи, собит топур омонлар.

Аҳбоб Муқимий қат-қат, Завқий дилида ҳасрат,  
Ҳижрат тутибди Фурқат, қолдик неча ёмонлар.

### *Ажаб эрмас*

Бу кунлар бошимизда бир саҳоб ўлса ажаб эрмас  
Мунаввар зимнида бир офтоб ўлса ажаб эрмас.  
Бу давлат сув юзинда бир ҳубоб ўлса ажаб эрмас,  
Кўринса сурату асли ниқоб ўлса ажаб эрмас,  
Очилса пардалар юзидин, ҳижоб ўлса ажаб эрмас.

Насим жонфизо бемор танга, эй сабо еткур,  
Хазон, пажмурда бўлганларга, сан, обу ҳаво еткур,  
Қўй энди, биз билан бегонани бир ошно еткур,  
Гадомиз, бошлар узра соялар солсун Ҳумо еткур.  
Муқаррардур замона, инқилоб ўлса ажаб эрмас.

Шиори шаръ бирлан зийнат афзо ўлса Фарғона,  
Тонг эрмасдурки шаҳри жаннат асо ўлса Фарғона  
Ҳавоси руҳпарвар ҳам дилоро ўлса Фарғона,  
Жаҳон аҳлига гўё дафъи савдо ўлса Фарғона,  
Бўлиб тупроғи анбар, сув гулоб ўлса ажаб эрмас.

Үтиб бир қарн, ақроним, жаҳон обод күргайсиз,  
Жаҳон аҳлини золим ҳаддидин озод күргайсиз.  
Гирифтори алам эрмас, ҳаммани шод күргайсиз,  
Бурунги ўтгану кетган кўнгулда ёд күргайсиз.  
Қариган чоғда Завқий бир шабоб ўлса ажаб эрмас.

### ***Кўз очайлик***

Фурсат ғанимат, аҳбоб, миллатга кўз очайлик,  
Саъи ила жону дилда ҳимматга кўз очайлик,  
Номус, диёнат истаб, гайратга кўз очайлик,  
Фанни(нг) ривожи бирла санъатга кўз очайлик,  
Умр ўтди зулмат ичра, гафлатга кўз очайлик,

Ул кунда бошга тушган савдони ҳеч унутманг,  
Кўрган қиёмат ойин гавқони ҳеч унутманг,  
Ҳар кимса онт ичарлик даъвони ҳеч унутманг,  
Бу вақт бирлан эмди уқбони ҳеч унутманг,  
Юрт-элга жону дилдан хизматга кўз очайлик.

Истасанг ҳуқуқ илмин, якранг эмиш ҳукумат,  
Бўлса — ривож, ҳар бир касбу ҳунарга рухсат,  
Жонларға қўйса миннат, истар киппига раҳмат,  
Уйқудин уйғотинглар ҳожат талаб раият.  
Бемор аср ўтти, сиҳатга кўз очайлик!..



# **Фурқат**

(1858 — 1909)



Ўзбек адабиётининг йирик намояндаси, маърифатчиси, XIX асрнинг охири XX аср бошларида Ўрта Осиё ва Шарқий Туркистон ижтимоий-фалсафий фикрида халқ демократик йўналишининг асосчиларидан бири, ўзбек ва форс-тожик тилларида ижод қилган Зубдат-ул Ҳукамо Зокиржон Мулла Холмуҳаммад ўғли Фурқатdir.

Фурқатнинг ижоди, дунёқараishi ва гоявий меросининг асосий йўналишини ўз Ватани, миллати ва халқи тақдири учун куюниш, унинг келажакда саодатли бўлишига катта умид ва ишонч боғлаш, бунинг асосий воситаси — илм-маърифат, маданиятни пухта эгаллашни тушуниш ва шуни тарғиб қилиш деб тушунган. Фурқатнинг ижодий фаолияти ва мероси, ғазалларига шоирнинг ўзи ҳаёт пайтларидаёқ басталана бошланган куй ва қўшиқлар — ўзбек халқини улуглашга катта ҳисса қўшган.

Фурқатнинг дунёқарашида илм-фан, маданият ва маърифатнинг ҳаётбахшилигига ишонч етакчи эди. Агар Муқимий, Завқий, Аваз «бир яхши замон» келишини, «офтобнинг остида булут қолмаслигини», «жаҳон халқининг золим ҳаддидан озод» бўлажагини кўрсатган бўлсалар, Фурқат замонавий илм-фанни эгаллаш, маърифат тарқатиш орқали ҳамма нарсага эришиш мумкинлигига ишонган.

Фурқатнинг илмий, бадиий ва мақоланавислик ижодида маърифатчилик майллари, инсонпарварлик, яхши хулқ-одоб, меҳрмуҳаббатни, илм-фанни куйлаш, уларни ўрганишга, эгаллашга чақириш — Фурқат лирик қаҳрамонининг бурчидир.

## **ФУРҚАТ ИЖОДИДАН НАМУНАЛАР**

### **«Илм ҳосияти»**

Дейин сўз илмни(нг) ҳосиятидин,  
Баён айлаб, анинг моҳиятидин.

Бу сүзни гүши бор одам эшитсун,  
Үзида хуши бор одам эшитсун!

Күпайди илм ила ҳикмат жаҳонда,  
Кўрунг ўтган замондин бу замонда.

Искандарким жаҳонга шоҳ эрди,  
Сипехр анжум фалак хиргоҳ эрди.

Наким офок ародур баҳр ила бар,  
Ҳама ўлмиш эди анга мусаххар.

Юруб барча ани(нг) ҳукми йўлиға,  
Низоми мамлакат олди қўлиға.

Ани(нг) ким, лашкари оламга тўлди,  
Низоми забт ҳикмат бирла тўлди,

Бор эрди тўрт минг соҳиб заковат,  
Ҳамиша хизматида аҳли ҳикмат.

Алар ҳар қайсиси монанд Арасту,  
Хирадда балки Афлотунга қаришу.

Алар ичра эди лекин Афлотун  
Жамии илму ҳикмат бирла афзун.  
Қилиб бир неча ҳикмат ошкоро,  
Ажалга қилғудек бўлди мадоро.

Неча илму неча фан, андин ижод,  
Ўлуб хосиятидин олам обод.

Искандар амри бирла ҳикмат ойин,  
Қилиб ойинаи андоғким жаҳонбин.

Жаҳонда хоҳ баҳру хоҳ бардур,  
Ўшал ойина ичра жилвагардур.

Агар қилса жаҳонбинлик таманно,  
Боқиб андин қилур эрди тамошо.

Кўярар эрди қилиб анга назора,  
Вале йўқ эрди сўзлашмоққа чора.

Иложин аҳли ҳикмат қилмади ҳеч,  
Қилурди, лек илмин билмади ҳеч.

Эрур шаҳарларга лозим давлатидин,  
Бериб нома, олиб сўз ҳар жиҳатдин.

Искандар давлатида аҳли Юнон,  
Афлотун ҳам Арасту бирла Луқмон.

Фунуни телегроми билмадилар,  
Магар илмини ҳосил қилмадилар.

Керак одамға қылғой илм ҳосил,  
Жаҳондин ўтмагай то маҳз жоҳил.

Жаҳон басту күшоди илм бирла,  
Надур дилни(нг) муроди илм бирла.

Кўнгулларнинг сурури илмдантур,  
Кўрар кўзларни(нг) нури илмдантур.

Керак ҳар илмдан бўлмоқ хабардор,  
Бўлар ҳар қайси(си) ўз вақтида даркор.

Дариго, Фурқатий, беилм қолдим,  
Ўзимни жаҳл зиндонига солдим.

### «Кўргазма»

Қаю шаҳрилаким бўлса ҳунарманд,  
Ҳама келди, йироқ эрди агарчанд.

Жаҳонда кўрмаган асбоблардин,  
Ажойиб нодиру ноёблардин.

Самарқанду Бухородин матои,  
Кетурдилар ҳама ўз ихтирои.

Ҳама ўз ихтиёри бирла келди,  
Бу ерда нафъ кўрмоғини билди.

Бу нафъиким бўлур кўп ерга машхур,  
Некўлиғ васф ила тилда мазкур.

Газетлар ичра бўлғоч номи марқум,  
Улуғлар ичра бўлғой боз маълум.

Хунарким васфи бўлса ҳар забонда,  
Қилур кўп қадрлар пайдо жаҳонда.

Хунарварға етар кўп нафъ андин,  
Бўлур сўнгра мақоми рафъ андин.

Келиб анда ҳунар комил қилурлар,  
Кўруб кўп илмни ҳосил қилурлар.

Нечунким мунда мустахсан ҳунар кўб,  
Ҳунар ойинида диққат асар кўб.

Кимиким бўлса донишманду оқил,  
Улар илму ҳунарга кўнгли мойил.

Қилур кўп илмни ҳосил, кўрубон,  
Кириб оҳиста-оҳиста юрубон...

### «Гимназия»

Қолиб ҳайратда қилдук оғаринлар,  
Бўлур мундоғ шаҳларнинг низоми.

Эсизким, бизни(нг) ўтмуш хону беглар,  
Кечиб ишратда зойиъ субҳу шоми.

Кетурмай ёнига бир аҳли дониш,  
Ўзига хос этиб неча авоми.

Чу илму фазл элини тутмадилар,  
Килибон тарбиятда эҳтироми.

Халал етгач қачон давлатлариға,  
Қилур торож молин ўз ғуломи.

Чу илм аҳлиға парво қилса эрди,  
Бўлур эрдиму давлатга ҳоми

Далили равшан ушбуудурки, дермиз  
Хукумат қушга ўхшар, илм доми ...

### *Бир ҳўқандлик толибул илмнинг хати*

«... камини Зокиржон Фурқат ва Ҳожи Зухур ул гимназияни кўруб томошо қилдук. Дафъаи аввал жаноби мазкурнинг таклифлари илан гимназияга кириб, амонлашиб, марҳамат айлаб, ўзлари йўл бошлаб собикан илм хосияти бирлан бино бўлғон ҳикматхонадаги асбоб ва олотларни кўрсатдилар. Анинг томошасида бизларга кўп хайриятлар юзланди ва ақлимиз лол бўлди. Густохлик юзидин баъзи ашъё ва асбобларни сўрадуқ, ҳақиқатини баён қилиб тушунтурдилар. Аммо ҳаммаи асбоби ҳикматларини батафсил сўрамоққа мазкур жанобдин ибо қилдук... Мазкур шогирдларни зеҳнини очмоқقا

дарсхоналарга батадриж интикол қилдуруб, таълим берур эканлар. Бу хусусда афсус қылдукки, бизни(нг) ўтгон хонларимиз бу тариқа илм ва низомга қўшиш қиллурсалар эрди, то бу ҳам ҳалқимиз кўп илмдин баҳраманд эрди...

**Хўқандлик шоир Зокиржон Фурқатнинг аҳволоти** (ўзи ёзғони). Хосса ул ҳалқининг /хўжаниликларнинг — З. А./ ароларидағи русмкорда тафаххусида аксари нописанд ва номарғуб кўринди. Фолибо мардумлар беҳунар ва бекасб эрмишлар ва аҳли давлат кишилари, ва бечоралар кўб маълум бўлди. Масалан, ул вилоят ҳалқининг уч ҳиссаси деҳқончилик бирлан тирикчилик қилсалар, бир ҳиссасидин бирмунчаси касби ҳунар қилиб, оз ададлари таҳсили илм қилур бўлғай. Ул ерда мавжуд даъвий ҳикмат қифон ҳакимларнинг ҳаммасини жоҳил эътиқод қилдим. Бу далил бирлаким ул ҳалқининг кўзлари хийра бўлса қон олмоқча иштиғол кўргузурлар экан. Аларнинг бу беҳуда муолижасидин кўб кишининг сиҳатига нуқсон етмоқлигини мушоҳида қилдим».

\* \* \*

Хулласул қалом, бизлар ул мадрасада / гимназияда — З. А./ ажойиб ва гаройиб тартибларни кўриб таажжуб қилдик ва ул ҳалқининг (рус ҳалқининг — З. А.) илм хусусидаги кавоид-руслари аҳоли илм учун жорий қилғон тартиблари бизга кўб марғуб мурожиат айладук. ...Мен ҳарнаким кўрдум фикрим юбориб ёздим, баъзи одамларга менинг ўшанлоғ мазмунларим марғуб бўлмагандур ва лекин менинг кўнглумдаги аҳвол бўлак одамларга маълум эмасдур ва сенинг кўнглумнинг ичидин хабардор бўлмаганларга ташқаридин қиёс бирлан бир нимарсаға ҳукм қилмоқлари мушкулдир ...

Чун отам масжидга олиб бориб, устодға сипориш қилди ва таъкид айладиким, агар келмаса ва ё келуб ўқумаса танбеҳ қилгайсиз. Гўшти сизнинг ва устухони менинг бўлғой, деб...

\* \* \*

Мени ўз ҳузуриға талаб қилди /тоғаси — А. В./, мен Русия ҳалқидин эҳтироҳ айлаб, бормоқни ихтиёр қилмадим, чунким ул вақтларда Русия ҳалқидин бирор одамни бозорда кўрсам, қочиб йироқдин ўтуб кетар эрдим...

Русия расмлари аксари бизлар расмларимизға яқин эмасдур. Ушбу сабабдин мен мусулмон ҳалқимизга билдурмон учун ёзаманким биз ҳалқға Русия ҳалқи бирлан бир ерда турмоқ Ҳақ таоло иродаси бирлан бўлди. Анинг учун уларни расмларини яхши билмоқ бизларго зарур, чунки аромизда савдо ва бошқа тааллуқ робиталар кўбдур. Ўз нафъимиз Русия ҳалқи амриға мулоҳаза қилсан лозимдур.

## **Хұқандлик шоуар Зокиржон Фурқатшын Истанбулдан ёзған мактуби**

Вақтеки мен Тошканд шаҳрида эканимда агарчандеки Русия ҳалқининг «гимназия» деган катта мадрасасига бориб-келиб юрсам ҳам Русия хаттини ва лисонини парво құлуб яхши ўрганмадим. Русия ошнодарим мани Русия хатти ва лисонини батакмил билмоғимни хоҳлаб таклиф қилур эрди ва мен мусухола айлаб тараддуд қилмас әрдим...

Саёҳатга чиқиб, Самарқанд, Марв, Ашхобод, Узун то Ботумигача поездда борганимда, деб давом эттирган эди Фурқат, ҳамроҳларим армани, эрони ва доғистонликлар эди.

Бу қадар йўлда келгунча фақат Русия ҳалқи бирлан сўзлашиб кетдим. Ҳатто станцияларга келганда бирон нарса лозим бўлса келтуриб бердилар ва таҳорат учун ерға тушсам ашёларимга нигаҳбон бўлуб турдилар. Ул ҳолда мен Русия ҳалқи хатти ва тилини батакмил билмоғонимга кўп афсуслар қилдим, чораки Русия лисонини мамлакатдаги илмдор ва тужжорларга нақадар лозим бўлса, сафар ва саёҳатга чиққан кишига юз онча лозим экан.

Мен Истанбул мамлакатига келиб кўрдумки подшоҳлар ва тужжорлар ўғуларини туркча ўқутғонда бирор фронсузча ўқутар эканлар. Истанбул ҳалқи азбаройи тижорат ва муолимат фронсузча ва алмонча хат ва лисон билмоқни ўзларифа лозим билур эканлар. Аммо бизни Туркистон вилоятларидағи мусулмон ўрусча хат ва лисон билмоқни гуноҳ билурлар ва фойдасини назарға олмайдилар. Фикр қилсалар керакки, биз ҳалқни бу қадаргина ўрусча хат ва лисон билмоғимиздин Русия ҳалқига на фойдадур ва фойдаси ўзларимизгадур ... Бас мунинг бир озча фойдасини ўзум кўрдум, Русия ҳалқи кўрмади.

Анинг учун айтаманким одамизодға ҳар қандоқ илм лозимдир. Ўз нафаслари учун бўлмаса ҳам бошқа мусулмонларнинг ҳожати учун ўрганмоқ ўз фойдаси учун лозимдур. Агар бу хусусда Русия ҳалқи хат ва лисон ўрганмоққа биз ҳалқни таклиф қилса, муроди ёмон эмасдур, балки умуман аҳли исломни ва ё маҳсусан тужжорларни низом ва қонун билиб, кундин-кунга ишлари ривожлик бўлуб, харид ва фурухталаридин соирулсон мустафид бўлмоқларини хоҳлайдур. Аз баским бу маъни менга маълумдур ва Русия ҳалқи ҳама вақт биз мусулмон ҳалқини давлатманд ва хурсанд бўлмоғимизга кушиш қиласадур минбаъд ҳам шундог бўлса керак...



# **Илёс мулла Мұхаммад ўғли Сўфи**

**(1860—1916)**



Илёс Мулла Мұхаммад ўғли Сўфи 1860 йилда Гурланда туғиленген. У дастлабки маълумотни ўз маҳалласидаги эски мактабда олди. Хат-саводли бўлган отаси ҳам ўз ўғлига таълим берган. Кейинчалик Сўфи Хива ва Бухоро шаҳарларида мадрасаларда таҳсил кўрди. У ўқиш йиллари ва кейинчалик ҳам моддий қийинчилик билан ҳаёт кечирди.

Бўлгуси шоир мадрасада ўқиб юрган даврларидан бошлаб бадиий ижод билан қизиқди. Шарқ мумтоз шоирлари ва замондош ижодкорларнинг асарларини ўқиб, уларга тақлидан шеърлар ёзди. Бу ҳол узоқ давом қилмади. Шоир ижодининг гуллаган даври XX аср бошларига тўғри келди.

Сўфи ижодининг бу тариқа ўсиб, баркамол бўлиб боришида Хисрав Дехлавий, Абдураҳмон Жомий, Алишер Навоий, Низомий Ганжавий, Мунис, Оғаҳий, Комил Хоразмий, Баёний ва шу каби жуда кўп сўз санъаткорларининг ижоди баракали таъсир қиласи. Бу ҳақда шоир ўзининг кейинчалик ёзган ғазалларидан бирида уларнинг номини хурмат билан қаламга олади:

Қадди мавзунгни васф айлаб эмиш авзун қалом,  
Хусравий, Жомий, Навоий, Мир, Хоқоний, Низом.  
Гул юзинг таърифида булбулдек ўлмиш гунгу лол;  
Анвариу, Саъдию, Ҳофиз, Киромиу, Ҳисом.  
Нуқтаи лаълингдан ўлмишлар таваҳҳум нуқшида  
Оғаҳию, Комилу, Рожиу, Баёний мустадом.  
Анбарин ҳолингдин ўлмиш Лола янглиғ доғлар,  
Ходиму Ҳокий, Камолий, Сўфи ушшоқ ном.

Сўфи моддий қийинчиликларга қарамасдан мадрасани муваффақият билан тамом қиласи. Аммо, у қанчалик олим ва истеъододли шоир бўлмасин бирор мансаб эгаси бўлмаган ва унга ҳеч қандай лавозим тегмаган.

Сўфи лирикасида севги-муҳаббат мавзуси алоҳида ўрин тутади. Зотан, бу, ёшларга ҳақиқий муҳаббат билан ҳиссиёт ўртасидаги фарқни англатиш учун муҳимдир. Шоир лирик ғазалларининг

күпчилиги халқ оғзаки ижоди билан уйғунлашиб кетган. Демак, шоир халқ оғзаки ижодини пухта билган.

Сүфи шеъриятининг күпчилик қисмини маърифатпарварлик ғоялари эгаллади. Маърифатпарвар шоир меҳнаткашларнинг жаҳолат ва нодонликдан қутулишлари учун қунт ҳамда чидам билан билим эгаллашлари керак, деган ғояни илгари суради. Бу жиҳатдан шоирнинг «Устод», «Мударрис», «Дарс» радифли ғазаллари ўзига хос хусусиятга эгадир. Сўфи илм-фанга юксак баҳо бериш билан бирга уни тарғиб қилувчи муаллимларнинг хизматини жуда улуғлайди.

Шоирнинг «Талмиз» радифли ғазалида илм нурини таратувчи муаллимнинг улуғланиши бежиз эмас. Чунки муаллим меҳнаткашларнинг баҳт-саодатга эришувини таъминловчи илм зиёсидан баҳраманд қиласди. Сўфи халқни қолоқликдан, нодонликдан қутқазишни билимда, маърифатда кўради.

Умуман, Сўфи ижодида маърифатпарварлик ғояси халқни жаҳолатдан тараққиёт томон етаклаш орзу-истаклари билан уйғунлашган.

## СЎФИ ИЖОДИДАН НАМУНАЛАР

Кўюб бу илм йўлида қадам дарс,  
Ўқуғил саъй ила ҳар субҳидам дарс,

Ки бу йўлда финоға не қалрлур,  
Ололмасдур сотиб аҳли дирам дарс.

\* \* \*

Талаба дарс ўқурға тузса маҳфил,  
Ҳамона шамъи муҳафаидур мударрис,

Туман минг муршиди жоҳилдин омий,  
Фазилат ичра фозилдур мударрис.

\* \* \*

Дўстликни этиб баён эй, дўст,  
Дўстинг бирла бўл ягона, эй, дўст.

Бир-бирига фило қилиб жонин,  
Дўст бўлғуси меҳрибон, эй дўст.

\* \* \*

Қойда эрсанг этиб бир иш қасбин,  
Бе талағ юрмагил талабгор ўл.

\* \* \*

Бир қадимий масалдур эл дерлар:  
«Ибн бой ўлма, ибн бозор ўл».

Сенга, эй дил, ўзин ҳамро қилур нафс,  
Хабардор ўлки ўттур ёқилур нафс...

Бўшатиб гар юборсанг ўз бошиға,  
Ажаб ҳангомалар барни қилур нафс ..

Емаку ичмак эрур дунёда,  
Чун эшак зумрайин нодона гараз.

Устоздурур даюлат талмиз.  
Ҳал ҳамма мушкулот талмиз.  
Устоздурур сабоқ олурда,  
Ҳам раҳбару ҳимоят талмиз.

\* \* \*

Яшинаң кўкаргай десанг чу сабза,  
Ол олгиш ила дуойи устоз.  
Чун кўзу кунгулга рушнолик,  
Еткургусидур бакойи устоз.

Тушуб чун илм йўлига дарс ўқирдин,  
Бошингга тиф келса қилма рам дарс.

Бу равзай илмга сув очгил.  
Ҳар ён қаротиб айвуни талхис.  
Баҳори илмдан чун қатра-қатра,  
Йигилса, бўлғуси бир ям дарс.

\* \* \*

Жоҳил қотиғ кўнгулларға насиҳат ҳайф эрур.  
Чунки тош устиға ёққан абри борондир абас.



# **Мұхаммад Шариф Гулханий**

*(XVIII аср охири – XIX аср боши)*



Гулханий ўзбек халқининг улуф шоири ва маърифатчиси. Унинг назмий ва насрий мероси ўзбек халқининг ҳаёти, турмуши, орзу-умидлари, инсонийлиги, меҳнаткашлiği, топқириллиги, ўткир ақл-заковатини ўзида акс эттирган. Айни пайтда, Гулханий ўзбек адабиёти, ўзбек адабий тилининг шаклланишида, танқидий реализм анъана-ларининг вужудга келиши ва кучайишида катта таъсир кўрсатган.

Ота-боболари асли кўҳистонлик (қоратегинлик) бўлиб, Гулханий Қўқонда туғилиб, бир умр шу ерда яшаган, ниҳоятда ҳозиржавоб бўлган. Ҳеч кимдан, ҳатто амирдан ҳам тап тортмайдиган, ўз шаънини баланд тутган киши эди.

Гулханийнинг Наманганда ўқиганлиги, Янгиқўрғон ҳокими сифатида Наманган ҳокими ихтиёрига юборилганлиги, жун қонга солиниб, Сирларёга чўқтирилиб ваҳшийларча ўлдирилганлиги тўғрисида хабарлар бор.

Гулханийнинг бадиий салоҳияти, тафаккури, дунёқарашининг шаклланиши ва ўсишига Ҳусрав Дехлавий, Ҳофиз Шерозий, Абдураҳмон Жомий, Алишер Навоий, Бобораҳим Маширб, Турди Фарогий, замондош ҳаммаслаклари Махмур, Мужрим Обид ва бошқалар сезиларли таъсир кўрсатишган. Шоирнинг истеъоди «Калила ва Димна» даги мавзуларни ижодий ривожлантириб, янги хуласалар билан бойитганлигига, шунингдек, Куръон оятлари ва ҳадисларни ҳам ниҳоятда асосли ва ўз ўрнида қўллаганлигига кўринади.

Гулханийнинг ғоявий мероси, айниқса «Зарбулмасал» насрий асари у ҳаётлик чоғлардаёқ китобхонларда катта қизиқишиш уйғотган.

Гулханийнинг адабий мероси, ҳаёти, ижтимоий фаолияти, ахлоқий фикр тараққиёти ҳали тўла ўрганилмаган.

## **ГУЛХАНИЙ ИЖОДИДАН НАМУНАЛАР**

### ***Илм аҳлини қадрлаш, дўстлик, «одил подшоҳ» ҳақида***

... Улуғнинг боргоҳида хидеви дониши ва аҳли хирадманди бохуш ҳар қанча кўп бўлса ҳам оз бўлур. Ҳусусан, подшоҳи одилга уч тоифадин гузир ва чора йўқдур. Аввал, олимни боамалки, подшоҳнинг

охирагатлик асбобини анга күргазса. Иккинчи, вазири соҳиб раъйки подшоҳнинг дунёлик яроғини тараддуидиа бўлса. Учинчи, муншийи рост навис, қаламзани нигоҳдор ва шамширзан. Холо бу турган ошхури жомадаронлар таом смоққа ҳозир, маслаҳатга ақли косир...

... Лекин донишлик бирла қилмоқ керак, боргоҳ ақлу донишманнандур... Сарнавиши таоми маъни чун қалам бошад сиёҳ (Илм аҳлининг баҳти қалами сингари қора). Эй, подшоҳи олампаноҳ, ўзлари маъни поясидин бебаҳра эканлар. Сизга сурати ёмон бўлса, маънонинг гули бўлса ҳам хуш келмас экан...

... Эй, ёри азиз, сафар қилмоқ икки ҳолатдин ташқари эмас: бири ватанда авқоти кечмасдин ва яна бири — изо ва ихонатдин сафар ихтиёр килурлар...

... Сафарга кўп ҳарис бўлмаки, анда бир нуқта зиёда бўлса, сақар бўлур. Сафарда рафиқ керак... Яхши рафиқ бирла сафар қилсанг, саодат топарсан ва ёмон рафиқ бирла — шаковат. Далиллур: нечукким сангпушт бирла чаён ҳамроҳ бўлғонидек ... Сангпушт айдики: «Эй, биродар, сабаб надурки бўён ўтмайсиз?» Чачн айди: «Кўз ёшича сув бўлса, бизга маъзур тутинг». Сангпушт кўнглида айдики: „Йўллош бўлмоқ шарти бу эмаски, оз ҳодиса бирла ҳамроҳлик расмини бартараф қилсан, унча хўб эмас. Авло ул дурки, ўткариб қўйсам». Қадимий яхшилар масалилурким: «Яхшилик қил — сувга сол, сув билмаса балиқ билур, балиқ билмаса холиқ билур»...

... Ўз дўсти дилин реш айлагай жаҳлдин,  
Ҳар кимки ўз муштин уарар деворга...

... Анда чаён айди: «*Билганинг йўқмуқим, ақрабининг муддаоси нишурмоқдур, хоҳ дўст қўксинадур, хоҳ душман орқасина*».

... Ҳар кими одати нечук бўлгай,  
Беиродат зухур этар андин...

... Сангпушт айди: «Яхшилардин бир масал қолибдурким: «*Ишонмагил дўстингга, сомон тиқар пўстингга*», «*Ошнандин тон*» дегандек, дўстим сув узра хасдек юрмоқ, токай? Бу баҳри амик жавоҳирларин тамошо қилмоқ керак», — деб фаввослардек бир гута урдиким, ул жавоҳир термоқда ва чаён жон бермоққа қолди. Бу масални анинг учун келтирубдурларким: «*Аслининг хатоси бўлмас, ножинснинг ошноси бўлмас*», «*Бўйнида иллати борнинг оёғи қалтирайдур*»...

... Қора озмолар дебдуришарким: «*Қариндошим — қора қозоним*». Яна бир масал борки: «*Қариндошинг ўлса-ўлсин, қадрдонинг ўлмасун*»...

*Инсон қадри, адолатпарварлик, юртнинг ноободлиги ўйлар.*

... Таом емакда сўзлаб емак яхшидур, ҳайвондек хомуш таом емак, озода мардум шевасидан эрмас...

... Лекин ҳар қанча қулнинг хатоси бўлса ҳам, подшоҳнинг андин ортуғроқ авғу атоси бўлур, хуршили оламтоб заррапарварлик ойинини қўлдан бермас: бандаликнинг бўстони берангму бўлур, офтобнинг заррасидин ор ва нанги бўлурми?...

.. Агар сенинг хирадинг дийдаси хира ва замиринг ойнаси иштийра бўлмаса эрди, аввал ўз айбингга боқиб, ўзгалар айбини яшурсанг хўб эрди...

... (Гунашбонунинг никоҳланишида унинг инсонлик қадрини таъминлашнинг куйидаги шартлари Хазордостон Булбул томонидан кўрсатилди): Ва яна тўргамри шаръий бирла: бири буким, бсижозати шаръи чуқуб бетмагайсиз ва яна Хароб ободнинг оқ-қораси кўрунгандан кўтариб кетмагайсиз, ва яна ҳол-аҳволидин бехабар бўлуб, оч-яланғоч қилуб, олти ой бенанафақа ташлаб кетмагайсиз, ва яна беважхи шаръи уруб, баданига оқ ва қора тушмасун, — деб фотиҳа ўқиб тарқалишилар.

... «*Бор мақтанса топилур, йўқ мақтанса чопилур*», — деган яхшиларнинг масалидур. Бойўглиниңг оғзини бир бурчагидан чиқар. «Минг чордевор қизимнинг қалини» — деб. Холо ... подшоҳимиз замонларида бир бўш чордевор топилмас, уялурмиз. Нечукким айтмишлар: «*Ёлғон масал турмас*», «*Уят — ўлумдан қатти*». Яна айтмишлар: «Эрмон ёғочнинг эгилгани — сингани, эр йигитнинг уялгани — ўлгани»...

... Анда Турумтой аиди: «*Тақсир афандим, хато қилдим. Оғиз ошга етганда бурни қонаған мен бўлдим*». Эшитганингиз йўқми, илгари ўтганлардан масал қолибдурким: «*Арғумоқ от бўлмас, озган сўнг*».

... Эй, Бойқуш, холо сен «Кўрпангга қараб оёғ узат». Сен минг чордевордин дам урарсан. Ваҳоланки ... Сайдумархон даврида Фарғона иқлимида «одоблиги»дан ўзга жой йўқ...

... Мовароуннаҳрда Амир Умархон тузган Ургут, Работ, Пушагурбе, Хайробод, буларни шахри Кубод рашиқ айлаб, адам сари юзланди. Сендеқ далатлик орқамда бўлганда эди. Бухоронинг ҳар туманидан минг чордеворни топиб, биридин муҳим хайр ишни биткарур эрдим. Сенинг кордонлигинг кулол мундила сув ичгандек ва ё «*Бўзчи белбоққа ёлчимас*», дегандек бўлди...

... Анда Кўрқуш аиди: «Фарғона мулкида чордевор ноёб эканини арз қилиб ўтуб эрдик. Агар Мовароуннаҳр тобиотидин хоҳлассанг, ҳар қанча чордевор десанг берай, балки хишт девор солайин».

Куйкунак аиди: бу масалдин бехабар ўҳшарсан: «*Бўри бормогина қувонур, емогина — йўқ*». Ва яна айтмишларки: «*Така бўлсун, сути бўлсун*».

Кўрқуш: «Хўп, маъқул — деб овоз қўйиб аиди: — Эй, ҳозир уловлар англагучи бўлинглар, мен маҳр солай: аввал Ургут, Янги работ, Эски работ, Пушогур, Мўғул, Чакан, Фируз, Нишопур,

Шаҳристон, Сарой, Хилен, Иторчи, Чун, Манғит, Кенагас, Янгиариқ, Гончи, Фозон, Дарак, Хўжа, Тоҳир, Нажидон, Қизили, Куркат, Бекобод, Хайробод, Эмди Гунашбону ойимнинг маҳри битдими?» — деди.

Алқисса Кўрқушниңг маҳр солишига ва Куйқунак олишига бир неча қушлар ҳайрон қолиб, бир-бирларига айтушар эрдиларким: «Бели оғримаганинг нон ейишига боқ»...

... Анда Кордон айди: «Эй, беадаб шум, хўжангга насиҳат қилгудек бўллингму! Қадим яхшилар аниңг учун дебдилар: «Етим ўғил сақласанг, оғзи-бурнинг қон этар; стим қўзи сақласанг, оғзи-бурнинг мой этар». Ва яна айтиблурларки: «Эма билган қўзилар икки онани эмар, эма билмас қўзилар ўз онасин эмолмас», камина ўз нафсимни ҳам хушнуд қилурман ва ҳам султон амрини... Сен хўжангга танбех бергудек бўлдингму?...

... Сен андоғ дедингким: «Қизим, сенга айтурман, келиним, сен эшит». Сенинг бу сўзинг Ашур йирик кассобга ўхшар. Йўлдин бир ойна топиб, ўзининг номуборак юзини кўруб, ойнани срга уруб, анга неча айбларни қўйиб, дер эдиким: «Яхши мато бўлса, йўл узасида турмас эди», — деб.

... Бойўғли айди: «Менга насиҳат ўргатгали келдингму? Сенинг насиҳатинг қулоғимдин слдек ўтар, слдск чиқар».

Кордон айди: «Насиҳат қулоғинг(да) елдек турмас, ўхшар»... Бойўғли айди: «Ёмоннинг кучи япалоққа стар», — дегандек англагонинг йўқмуким, «Англамай сўзлаган, оғримай ўлар, чайнамай етанлар кавшамай кетарлар».

... Мұҳаммад Холиқбойнинг боғида бир Сафарбой деган аҳмоқ боғбони бор эрди. Аниңг боғида ўн беш тоза навниҳол ўрук дараҳти бор эди. Сафарбой тоза, хуштаъ ўрукларнинг шохини кесиб ташлаб, аниңг ўрнига аччиғ данак ўрук шохини пайванд қилур эрди ва яна ўсган ниҳолларнинг хўл шохини кесиб, қуруқ шохига пайванд солур эрди. Бу ақл ва фаросати бирла ўзини ҳамма бөгбонлардин доно олур эрди...»

... Эй, Бойўғли, фарзандингни тозалик вақтида уясига қўндургил, нечукким, Амир Навоий дебдурлар:

«Онаси била кунда эътиroz этган қиз,  
Бир ўзгани ўзига аҳли роз этган қиз.  
Қайин юрти билан күёвнинг уйини хуш,  
Кўрмакдин онаси била ноз этган қиз».

Анда Бойўғли дарқаҳр бўлуб айдиким: «Сен менинг қизимни ўзга ҳамрози бор дегандек қилдинг». «Яхши топиб сўзлар, ёмон қопиб сўзлар» — дегандек бу нима деганингдур?».

Кордон айди: «Ажаб солда аҳмоқ экансан!... Сенинг сўзингни Отабой аминдек бетамиз кишиникига ўхшатурманки, бозордин

хотунига кафш олибдур, бир бегона Хол қассобга күрсатибдир: «Бу кафш менинг хотунум оёғига лойиқ келурму?» — деб сўрабдур. Ул жавоб беридурки: «Мен сенинг хотунинг оёқини кўрганим йўқ. Ўзинг аввал аҳмоқсан!»

...Кўрқуш кўрдиким, Абдураҳим судхўр боққол мумсикдек кўп хасисдур, агар минг чордевордин бир чордевор кам бўлса, ўттуз тишини синдирур...

... Кўрқуш айди: «...Шошманг «Муғ» атвот луғати бор. Луғати юқорида мазкур бўлған тошкентлик Муҳаммадхўжа Ҳожидек юруни йўлини йўқотиб, мумсиклар афъоли анга мақбул ва марғуб тушубдур...



# **Комил Хоразмий**

**(1825—1899)**



XIX асрнинг иккинчи ярмида Хивадаги алабий ҳаракатнинг давомчиларидан бири буюк санъаткор, мусиқашунос, мохир хаттот ва таржимон, давлат арбоби, маърифатпарвар шоир Комил Хоразмий 1825 йил Хива шаҳрида, мударрис Абдулла Охунд оиласида таваллуд топган... Онаси Авазжон машҳур мусиқашунос Абдусаттор Маҳрамнинг туғишгандан синглиси бўлган. Ёшлиқда Комилни эркалаб, Паҳлавон тахаллуси билан чақирганлари учун унинг номи кейинчалик Паҳлавон Ниёз Муҳаммад шаклида машҳур бўлиб кетди. Паҳлавон Ниёз Муҳаммаднинг оиласидаги тарбиясидан бошлаб то мадрасани битирган йилларигача бўлган таржимиҳ ҳолига оид маълумотлар йўқ. Лекин, ёзма ва оғзаки манбаларга қараганда, Комил Хоразмий аввал ибтидоий мактабда, кейин мадрасада ўқиб таълим олган. Отасининг ўлими сабабли оишани моддий жиҳатдан таъминлаш учун бобоси савдогар Ҳўжашмаҳрамга хизматга кирган ва маълум вақтдан кейин яна мадрасада ўқишини давом эттирган.

Мадрасада ўқиб юрган йилларида Комил Хоразмий араб, форс-тожик тилларини пухта ўрганган. Бу — шоирга форс-тожик ва ўзбек алабиётини эгаллашга ёрдам берган. Замондош шоирларнинг суҳбатларида, алабий мажлисларда иштирок этиб турган ва кейинчалик ўзи ҳам ғазаллар машқ қила бошлаган.

Комил Хоразмий хаттотлик ва мусиқа илмини пухта эгаллади. Шунинг учун уни саройга хизматга таклиф этдилар. У, дастлаб Сайд Муҳаммадхон, кейинчалик эса унинг фарзанди Муҳаммад-Раҳимхон II (Феруз) саройида олдин оддий хаттот сифатида, сўнг мирзабоши сифатида хизмат қилди.

Комил Хоразмий хаттотлик санъатини бошқа ёшларга ўргатди. Унинг раҳбарлигида 50 нафарга яқин хаттотлар (хиваликларнинг таъбирича «девонлар») етишиб чиқкан.

Улар орасида устод Муҳаммадпаноҳ, Худойберган Муҳркон девон, Муҳаммад Шариф Тарро девон (бу киши машҳур ўзбек бастакори ва мусиқачиси Матюсуф Ҳоррат(ов)нинг отаси бўлған), Муҳаммадрасул ва бошқа кўпгина маърифатчилар Хоразм шоншуҳратини элга ёйиша астойдил меҳнат қилинди.

Хива хонлиги Русия томонидан забт этилгандан сўнг Комил Хоразмий девонбеги қилиб тайинланди ва обрўли давлат арбоби сифатида танилди.

1870 йиллар охирида Муҳаммад Раҳимхон II саройи қошида Комил Хоразмий раҳбарлигига босмахона ташкил қилинди. Унда биринчи марта Алишер Навоийнинг «Ҳамса» асари нашр қилинган.

Шоирнинг ғазал, мусаддас, мухаммас, маснавий, рубойй, қасида ва шу сингари биттан асарлари тўпланиб, девон ҳолида нашр қилинган. Бу девондаги шеърлар («Бахри тавил» асаридан ташқари) 3680 байтни ташкил этади.

Комил Хоразмий Хоразм мақомларининг оҳангларини нота шаклида қоғозга туширган, шунингдек у истеъододли созандга ва бастакордир. У Хоразм «Рост» мақомининг «Мураббаи Комил», «Пешрови Феруз» куйларини басталаган.

Комил Хоразмий моҳир таржимон сифатида ҳам танилган. У Бархўрдор Туркмоннинг асарлари ва Ҳусайн Воиз Кошифийнинг «Латоиф уз-зароиф» асарини форс-тоҷик тилидан ўзбек тилига таржима қилган.

1884 йилда Комил Хоразмий бошчилигига Хивада биринчи марта рус-тузем мактаби очиленган. У мактабда олиб бориладиган таълимтарбия ишлари билан шуғулланган.

Ҳаётини халқнинг равнақи ўйлига бағишилаган маърифатпарвар шоир Комил Хоразмий 1899 йили Хивада вафот этди.

Комил Хоразмий иғсонпарварлик, маърифатпарварлик гояларини ва таълимтарбия масалаларини илгари сурган. У ўз рубоий, мухаммасларида искбии гояларни тарғиб қилган. Масалан, шоир ўзининг «Камол» ғазалида илм-маърифатни юксак баҳолаб, шундай дейди:

Эмас кишига бу дунёда мулк-мол камол,  
Хусули илму ҳунар келди безавол камол.

Шоир илмни инсоннинг энг яхши фазилатларидан бири сифатида тарғиб этди. Илмли, маърифатли, ҳунарли киши элда хурмат қозонажагини шундай таъкидлайди:

Камол бергусидир сўзга шуҳрату, таъсир.  
Бу күшга қилғали парвоздар паррубол камол.

Комил Хоразмий «Бир соат» радифли ғазалида замон аҳлининг бевафолигидан зорланади. Бунинг замерида шоирнинг ўз ҳаёстий тажрибаси ётган бўлса-да, фақат ўз аҳволидан эмас, балки ижтимоий тартибларнинг ноқобиллигидан нолиш оҳангига бор:

Жаҳон пасту баландли соқиё кўнглимни қон қилди,  
Мени маству мудом эт, қўймагил ҳушёр бир соат.

Ҳаётнинг нотекислигидан бағри қон бўлган шоир ўзини овутмоқчи бўлиб, шоҳ илтифотига умид боғлади:

Бўлур ҳар соатим бир кун, куним юз йил, йилим минг он.  
Мангу лутф этмаса шоҳи фалакмиқдор бир соат.

Шоир бир қатор шеърларида инсон тақдирида рўй бериши мумкин бўлған зиддиятли ҳодисаларни эслатиб, шулар туфайли юзага келган ғаму шодликлар инсон иродасини букмаслиги ва ҳар қандай шароитда ҳам инсон ўзини унутмаслиги керак, деган фикрни илгари суради. Масалан, ижтимоий фикрлар ифодасидан иборат, ҳаёт тажрибасидан келиб чиқсан «Арзимас» ғазалининг бир байтига эътиборни қаратайлик:

Субҳи висол фурқати шомига арзимас,  
Кундуз күёши кеча заломига арзимас.

Бу байтда шоир тонг билан оқшом, висол билан фурқат, қуёш билан зулмат ораларидаги қарама-қаршиликни ифодалаб, табиатнинг ўзи зиддиятларга тўла эканини кўрсатиб, кейинги байтларда инсонлар ўртасидаги зиддиятларни очишга ҳаракат қиласди:

Йиллар ҳабиб бўлса мусохиб санго даме.  
Пинҳон рақиб сори хиромига арзимас.

Шоирнинг фикрлари янада чуқурлашиб, агар сен юз йил иззату-мансадга мусассар бўлсанг ҳам бунга мағрурланма, севинма, чунки бир лаҳзада мансабдан кетганингдан кейин номусга қолганингга арзимайди, деган фикрни ўртага ташлайди:

Мансуб юз йил ўлса киши иззу шоҳга,  
Бир лаҳза ор ила номусга арзимас.

Шоирнинг бевосита мансабдор шахсларга қаратилган бу сўзлари уларнинг хаёлларини жойига келтириб қўйиш мақсадига қаратилганлиги кўриниб турибди.

«Эй кўнгул» ғазалида шоир дунёнинг тескари ишларидан норозилик кайфиятини ифодалайди. Маърифатпарвар сифатида агар фалак пасткаш бўлмаса, нега нокасни шод этиб, донони хафа қиласди, дейди:

Бўлмаса гардуну суфла дўсти гардун, эй, кўнгул.  
Нега дунни шод этар, донони маҳзун, эй, кўнгул.

Истеъоддли шоир илм аҳлининг бесқадрлигини алам билан таъкидлаб, илм иқлимида Афлотун бўлса ҳам қадр-қиммати йўқлигидан ачинади:

Чун фалак нодон навозу, хасм донодур, не суд.  
Дониш иқлимида бўлсанг гар Афлотун, эй, кўнгул.

Комил Хоразмий одамларни сабр-қаноатли бўлишга даъват этиб, қаноатни сотиб олиш мумкин эмаслиги ва унинг жон жавҳари қадар

каби эканини кўрсатади ва Ҳорундек ганжу хазина ҳосил этсанг ҳам фойдаси йўқ леиши билан қаноатли киши Ҳорундан ҳам бадавлатдир, деган фикрни илгари суради:

Жавҳари жон ул, матоъ эрмаски, сотқун олгасен,  
Не осиғ гар ҳосил этсанг ганжи Ҳорун, эй, кўнгул.

Шоир ким қандай ҳаёт кечирганлигини, бу замон адолатсизлик, тенгсизлик ва худбинлик асосига қурилганлигини чукур англайди. У камбагал ҳалқни, дўстлари ва замондошлари бўлган фозиллар ҳаётини кузатиб шундай хulosага келади:

Ютубон бу замонда қон — фузало,  
Кулфат ўқифадур нишон — фузало,  
Қалам илин китобдин ўзга,  
Топмагай ёру ҳамзабон — фузало.

Комил Хоразмийнинг кўплаб ғазаллари илм-маърифатга, стукикка чорловчи фикрлар билан йўғилган. Бу фикрлар шоирнинг орзу-истаклари, дардлари эҳтирос ва самимият билан ийланиб, рангин мисраларда қалбга стиб боради. Инсонпарварлик руҳи, камолга етган, илм-маърифатли, гўзал қиёфали инсонга ҳурмат ва меҳр яққол сезилади. У, илмли инсонни табиатнинг ва барча иеъматларнинг моҳиятини чукур тушунувчи ва гўзаликларни нозик ҳис этувчи деб билади:

Чаманида хизмат учун бир оёқда тик туруб шамшод,  
Тутар йўлингда нарғисдин қўлида шамишод лола.

Кейинчалик маърифатпарвар шоир Комил Хоразмий инсонга сўзи, қадри ва унинг қадрига стганларга гавҳардек қимматбаҳо, лекин қадрини билмаганилар учун арzon бўлиши таъкидланади. Бунинг тўғрисида кўйлади:

Бухл элига демагил, эй, зुбдаи даврон, сўзунг,  
Ҳайф этар қадрини билмай, сифлаи нодон сўзунг.  
Гарчи сўздек гавҳари қимматбаҳо, йўқ даҳр аро.  
Бор аларнинг қошида ҳар муҳрадан арzon сўзунг.  
Улки қилмайдур маони баҳрига favvoslik,  
Кўрмагай мунчукча гар бўлса дури галтон сўзунг.

Комил Хоразмий «Қофаз» радибли шеърида маърифатпарварлик учун зарур бўлган қофозни улуғлайди, уни саводли киши учун макон, хат-савод чиқариш манбай эканлигини, инсон қадду қоматини, унинг барча сифатларини таърифлаш учун кераклигини таъкидлайди. Қофоз чесрасида ишқ масаласи оламга ёйилиши, инсон лафзи руҳсорининг ойинаси экани тасвирланади. Қофоз саводсизларга ҳарфни ўргатувчи ва дунёга бўлган меҳрни таҳрир қилувчи манба

әкани, шунингдек, дараҳтлар қаламга, дарёлар сиёҳга ва осмон қоғозга ўхшатилади:

Кўзу қадду хату лаълинг сифатин қилғоли таҳрир,  
Мидодим — кўз, мижжам — хомам, сиёҳи ашқи жон қоғаз.  
Сориг чехрамдур ишқини қилғон фон оламга,  
Нечун ким лафз рухсоригадур ойинасоз қоғаз.  
Кўнгулнинг доғи бўлса, не ажаб зоҳир жабинимдин,  
Назарларга саводи нуқтани айлар аён қоғаз  
Замирим лавҳида нақши хаёлинг уйладур маҳфуз,  
Ким маъни шоҳидига бордурур доруламон қоғаз.  
Фалак меҳри жамолинг васфини таҳрир қилмоқға,  
Шоҳобин хомай анжумдин айлар зарфишон қоғаз.  
Жамолин васфи таҳририн тамом этмак эмас мумкин:  
Қалам ашжор эса, дарё сиёҳи, осмон қоғаз.

Хулоса қилиб шуни айтиш керакки, инсоннаварар шоир Комил  
Хоразмий ўз ижодида ҳаётий муҳим масалаларни илгари суради,  
инсон баҳтиёр бўлсин ва жамият шунга монанд тарзда яхшилансан,  
дейди. Яъни, инсоннинг том маънода ҳар томонлама тўқис ва тоза  
бўлиб етишиши, камол топиши тўғрисида куйлайди.

## КОМИЛ ХОРАЗМИЙ ШЕЪРЛАРИДАИ НАМУНЛАР

Қалам ила китобдин ўзга  
Топмагай ёру ҳамзабон Фузало.

\* \* \*

Сўз дури ноёб эрур, они қилур изҳор тил,  
Хусндин не фойда, гар бўлмаса дурбор тил.

\* \* \*

Етурса кўнгулга заҳм эл тили, мазун сўзингдиндур,  
Садаф чокига йўқ ханжар, дури фалтон эрур боис.  
Десанг озод бўлғай ғамдин, сухансанж ўлма,  
бўлбулинг —

Қафасбанд ўлмоғига шаккарин илкон эрур боис.

\* \* \*

Комил нечук ўлмасун камолингга асир,  
Рангин сўзунга гавҳари филтон муҳтоҷ.

\* \* \*

Комило, нутқинг агарчи гулдурур, беҳор эмас,  
Сўз неча ширин эрур хомушлиғига бор эмас,  
Оқил улдурур даър аро ҳар кимки пургуфтор эмас.

\* \* \*

Васл истама, ҳажр ранжи чекмай,  
Ким Комилни топти бериёзат?!

\* \* \*

Ушбу нүқта даҳр аро таълиму зоҳирдур басе,  
Ранжиз роҳат фано мулкида нодирдур басе.

\* \* \*

Чу мустақилдуур, ахбоб, давлати дунё,  
Камол ҳосил этинг, қилмас интиқол камол.

\* \* \*

Камолсиз киши ҳар ердадур хижолатмайд,  
Етурмагай кишига ҳаргиз инфиол камол.

\* \* \*

Вақти ҳазл, мутояба аро ҳам,  
Феълу хулкунгни қилма ҳам густох.

\* \* \*

Ҳар исча айлабон изҳори фасоҳат шуаро,  
Сочар элга дурри дарёйи балоғат шуаро.  
Очибон лутғу малоҳат гулин ашъоридин,  
Рангу бўйи чамани фазлу фатонат шуаро.

\* \* \*

Эмас кишига бу дунёда мулку мол камол,  
Хусулу илму ҳунар келди безавол камол.

\* \* \*

Камол маъниси таҳсили илми ҳолдуур,  
На ҳосил айлағуси маҳзу қилу қол камол.

\* \* \*

Йироқ тут жуҳало ихтилотидин ўзни,  
Ки ўтга ёқмоқ улубдур ёвукни хосият.

\* \* \*

Оқил эрсанг кибру наҳват қијима илму жаҳонға  
Бўлди истиқболидин иблис малъун, эй, кўнгил.

\* \* \*

Жаҳонда истар эрсанг сарбаландлиғ — паст ўл,  
Топар боши ошоқ ўлғон сойи зулол камол.  
Тафаввуқ истамагил, эй, йигит қарилаға,  
Топай десанг еринг ўлсун сафи ниҳол камол.

Ҳамиша тарки такаббур қилу, ўзинг тут кам,  
Ки қылғуси санго бу камлик иштимол камол,  
Бузурглодага солма назар ҳақорат ила,  
Ки балр бўлғусидур тонса ҳар ҳилол камол.

\* \* \*

Айлама зоҳир ҳаво, бордур дебон салим,  
Дониш аврангида гар бўлсанг Афлотундек муқим.

\* \* \*

Гар олтун қаср эса жоҳинг, улус ҳолиға раҳм этгил,  
Сенингдек неча шоҳаншоҳни ўткарди бу айвон.

\* \* \*

Мусоҳиб ўлса, сенго ақлу дониншу фарҳанж...  
Ҳамиша тарбият айлаб, улусдин ул огоҳ.

\* \* \*

Ич бодаи ҳақиқату тарқ эт мажозиҳ,  
Оқил киши қарони писанд этмас, оқ туруб.

\* \* \*

Ҳар кимдаки бўлса сабри комил,  
Доим бўлибон муроди ҳосил.  
Осон бўлур анго барча мушкул.

\* \* \*


Юзунг совутма бу мажлис аро, сендин қочар аҳбоб,  
Очар қиши бу гулистондин учарға болу пар булбул.  
Ҳамина тут жамолинг гулшанин райёну,  
Десанг бўлғай санга гулшан уйидек бому дар булбул.

\* \* \*

Бухл элиға демагил, эй, зубдаи даврон сўзинг,  
Хайр этар, қадрини билмай, сифлаи нодон сўзинг.

\* \* \*

Таъмани тарқ эт, чиқ гўшай қаноат аро,  
Санго йўқ ўзга жаҳон жойи ичра амният.



## *Аҳмад Дониш*

(1827—1897)



Аҳмад Дониш ўзбек ва тожик халқининг машҳур мутафаккири, олими ва файласуфидир. У, Бухоро шаҳрида туғилди ва шу ерда вафот этди. Унинг отаси ўқимишли киши бўлиб, Бухоронинг мачитларидан бирида муллалик қиласар эди. У ўғлининг билимдон, ўз замонининг етук кишиси бўлиб етишиши учун бутун куч-кувватини сарфлади. Аҳмад Дониш мадрасада таҳсил кўрди, диний билимлар билан бир қаторда дунёвий фанлар: фалакиёт, ҳандаса, тарих, фалсафа, мусиқа ва бошқаларни қунт билан ўрганди. Унинг дунёқарашига ўтмишнинг машҳур мутафаккирларидан Навоий, Ибн Сино, Умар Ҳайём, ва бошқаларнинг илмий, фалсафий қарашлари катта таъсир кўрсатди.

Мутафаккир яшаган давр сиёсий воқеаларга бой бўлиб, чор Русиясини Ўрга Осиёни забт қилган даврига тўғри келади. Ўша даврда халқнинг аҳволи оғир эди. Бухоро амирлиги халқни аёвсиз эзишга, амалдорларнинг ўзбошимчалиги ва зўравонлигига — асосланган эди.

Мана шундай зиддиятли бир даврда яшаган Аҳмад Дониш ўз асарлари ҳам демократик ғояларни кўтариб чиқди, унинг дунёқараши маърифатпарварлик руҳи билан сугорилган эди. Унинг асосий рисолалари «Наводир ул-вақоэй» («Нодир воқеалар»), «Таржимаи аҳволи амирони Бухоро» («Бухоро амирларининг таржимаи ҳоллари»), «Манозир ал-кавокиб» («Юлдузлар тасвири»), «Рисола фи аъмол ал-курра» («Глобусдан фойдаланиш йўллари») ва бошқалардир.

Аҳмад Дониш умрида уч марта, яъни 1857, 1869 ва 1873 йиллари Москва ва Санкт-Петербургга Бухоро элчилари билан бирга борган. Ана шу сафарларнинг маҳсули сифатида унинг «Нодир воқеалар» асари дунёга келади.

Ушбу рисола Аҳмад Донишнинг асосий асари бўлиб, Бухоронинг ўша даврдаги иқтисодий, маданий ва ижтимоий ҳаётининг долзарб муаммоларига багишлангандир. У, аввал, Бухородаги қолоқликни ўқотиш учун феодал тузумни ўзгартириш керак деган бўлса, кейинчалик эса, яъни 80-йилларда «тузумни ислоҳ қилиш» лозимлигини айтади.

Аҳмад Дониш геоцентрик назарияга танқидий қаради, гелиоцентрик тизимнинг тўғрилигини илмий жиҳатдан асосли эканлигини айтди, ер ости маъданларини илоҳиётнинг қудрати билан эмас, балки «Ер марказида қамалган иссиқ буғдан пайдо» бўлганини таъкидлади. Шунингдек, у Ер қимирлашлари, Ой ва Қуёш тутилиши, ҳар хил жисмларнинг пайдо бўлиши ва бошқалар ҳақида илғор гояларни илгари сурди.

Аҳмад Дониш феодализмнинг тўла ҳукмронлиги даврида яшаб ижод қилгани учун унинг дунёқараши зиддиятлардан холи эмас. У ҳалқ орасида маърифат тарқатиш орқали адолатли тузумга эришмоқчи бўлди, одил подшоҳ тўғрисидаги ўз foясини илгари сурди.

## АҲМАД ДОНИШ ИЖОДИДАН НАМУНАЛАР

### «Нодир воқеалар»дан

Ҳар ишнинг ҳақиқатини инсон оча олади.

\* \* \*

Оқил бўлмаган одам ҳеч қачон одил бўла олмайди.

\* \* \*

Бутун ишлар ўзгариб, замон фитна-фасодга тўлган, кўнгилга ҳеч иш сифмайдиган вақт бўлса ҳам, бу олий маъноли сўзларни ва фойдали ишоратларни ҳақиқатнинг рассоми, илм ва маърифатнинг нақоши бўлган қалам ёрдами билан китоб варақларига ёздим, замонимиз ва турган шахримиз бундай китоб ёзишга ёки шунга ўхшашиб асар тасниф қилишга ёрдам бермас, балки улар бундай ишларга тўсқинлик қиласар эдилар. Амирларимиз, ҳокимларимиз ва уларнинг суҳбатдошлари аҳмоқ бўлгандаридан кулгулик ва хушомадгўйликдан бошқа нарсаларга қулоқ солмас эдилар. Мабодо, қулоқ солиб эшишиб қолсалар, бу қандай хурофий сўзлар, буни ким айтган, буни ким қила олади, дейишиб, унинг қийматини туширасар эдилар: унга афсонавий сўзлар деб баҳо берар эдилар.

\* \* \*

... Ҳеч кимнинг ризқи осмондан тушмайди: уни меҳнат қилмай топа олмайди, ҳаракат қилмаса ҳеч ким мақсадига ета олмайди. Дехқон ер ҳайдаб уруғ сочмагунча хирмон қўттармайди, қўл-оёғини ҳаракатлантирмагунча бир тишлиам нон оғзига кирмайди.

\* \* \*

Агар киши ҳар ишни қазо ва қадарга топшириб, ўз ҳаёти учун зарур бўлган нарсаларни топишга ялқовлик қилса, агар тақдирда менга керакли нарсалар, масалан, уй-жой, хотин, кийим- кечак ва

овқат ёзилган бўлса, мен меҳнат қиласам ҳам ўз-ўзидан келаверади деса, бундай одам ўз йўлини билмаган, дунёдаги энг тубан даражадаги аҳмоқлардан ҳисобланади. Чунки тириклик учун зарур бўлган бу тўрт нарсани топиш ўз-ўзидан бўлмайди: бунинг учун аввал унинг восита ва сабабларини амалга ошириш керакдир.

Хунар ва санъатлар ичida энг яхиси — ақл ва руҳ гавҳарларига жило бериб уни қувватлашдир. Киши ақл тажрибасини ошиrsa, руҳини покласа, у, шубҳасиз, илм ва хунарнинг қадр-қимматига етади. Шунинг учун соф руҳлик, оқил одамлар бошқа одамлар у ёқда турсин, ҳатто подшоҳларга ҳам керагидан ортиқча бош эгмайдилар. Балки ҳалқнинг эҳтиёжи доим уларга тушиб туради. Мана, кўрмайсизми, дунёнинг муҳим ишлари, айниқса, салтанат ва давлат ишлари ақэлли кишиларнинг ёрдамисиз битмайди. Қайси салтанат-давлатнинг қоида ва қонунлари ақл тадбирига мослаштириб кўрилмаган бўлса, ундай давлатдан ҳеч вақт яхшилик кўра олмайдилар..

Аммо дунёнинг тириклик ғамидан кофир ва мусулмон ҳеч бири қутула олмайди. Дунёдаги турмуш ғамларига ҳаммалари шериқдирлар...

Ҳасадгўйлик, кўролмаслик, иттифоқсизлик, такаббурлик каби бузук, ярамас ишлар бошқаларга қараганда мусулмонлар ичida кўпроқдир. Кофир аҳдларининг иттифоқлари уларнинг бир-бирларига қилган ёрдамлари шунга ўхшаш бир қанча яхшилик ишлари борки, уларнинг ўндан бирини ҳам мусулмон номини олганлар қила олмайдилар. Масалан, улардан биронталари касб қилишдан ожиз бўлиб, муҳтожликда қолса, унинг гадолик қилишига йўл қўймай, дарҳол етарли даражада унга ёрдам қиладилар. Агар тижоратидан зиён кўрса, камчиликларини тўлдириб, сармоя ва касб асблоларини тайёрлаб муфлисликка тушишдан уни қутқарадилар. Агар сафар йўлдоши йўл устида касалланиб қолар экан, тузалгунча ёки уйига етиб келгунча у билан бирга бўладилар.

\* \* \*

Мусулмонларда шундай одамлар борки, сафарда йўлдошининг жони бўғзига келганда ҳам унинг томогига бир қатра сув томизгиси келмайди: касбдан ожиз қолганларга ёрдам қилиб, уларни гадоликдан қутқаришни хаёлига ҳам келтирмайди. Агарда бирор тижорат ишларида зиён кўрар экан, даъво, жанжаллар билан унинг ҳовли-жойларини соттириб, муфлис гадо қилиб, балки гўлахга киргизмагунча кўнгли тинчмайди:

Адолатли бўлса агар подшоҳ,  
Ёзилмас анинг отига ҳеч гуноҳ.  
Адолат билан мулк обод эрур,  
Адолатсиз киши тахтидин ташланур.

Адлсиз жаҳонни тута олмағай,  
Агар тутди эрса, узоқ турмағай.

\* \* \*

Аммо шуниси аниқки, мол топиш, дунё тўплаш билан роҳат кўриш мумкин эмасдир. Агар дунёда мол тўплаб бой бўлишни роҳат деб билувчилар бор бўлса, улар ҳайвонлар даражасига тушган одамлардир.

Дунёда заҳматсиз — роҳат, ташвишсиз — неъмат топилиши мумкин эмас. Бой кишиларнинг кўрган роҳатлари эса охурга солингган кунжарани кўриб қувонган ҳўқизнинг роҳатига ўхшайди. Деҳқон ҳўқизига кунжара бериб қувонтиради-ю, эрта саҳардан унинг бўйнига бўйинтуруқ солиб, калтаклаб қўш ҳайдайди. Ҳўқиз эса оғилдаги кунжарани кўраркан, ўшангага маҳлиё бўлиб қувонганидан саҳарда қўшга қўшилиши, гаврон, калтак ейиши унинг эсига ҳам келмайди.



---

## *Исҳоқхон Ибрат*

(1861— 1937)



XIX асрнинг иккинчи ярми ва XX асрнинг биринчи ярмида яшаб ижод этган йирик алломалардан бири Исҳоқхон Ибратдир. У маърифатпарвар шоир, забардаст тилшунос, тарихшунос олим, илк ўзбек матбаачиларидан бири, сайёҳ, калиграф, наққош, оташин публицист ва илғор педагогидир.

Ибратнинг асли исми Исҳоқхон, отасининг исми Жунайдуллахўжадир. Ибрат унинг адабий таҳаллусидир. Исҳоқхоннинг, ўзига «Ибрат таҳаллусини олишининг боиси шундаки, у ижодининг дастлабки йилларидан бошлаб маърифатпарвар шоир, олим сифатида ном чиқарди ва кишиларни замон илмидан, илғор маданиятдан, таълимтарбиядан ўrnак олишга чақирди. Шунинг учун ҳам ўзига «Ибрат» таҳаллусини танлади.

Исҳоқхон Ибрат (1878—86 йилларда) Қўқон мадрасасини тутатиб, ўз қишлоғи Тўракўғонга қайтиб келди ва у ўз ижодини илғор ўқитувчи сифатида қишлоқда маърифат тарқатиш билан бошлади. Ўша йили у ўз қишлоғида мактаб очди. Исҳоқхон очган мактаб эски маҳалла мактабларидан анча фарқ қиласарди. Исҳоқхон ўз мактабига нисбатан илғор бўлган товуғ (савтия) методини татбиқ қилди ва усули савтияни эски метод тарафдорларидан ҳимоя қилди.

1887 йилда онаси Ҳурибиби ундан Маккага олиб боришини илтимос қилади ва улар йўлга отланадилар. Бироқ онаизорга ўз диёрига яна қайтиб келиш насиб этмади. У йўлда қаттиқ шамоллаб қолди. Олти ой бетобликдан сўнг Ҳурибиби Жидда шаҳрида вафот этди. Исҳоқхоннинг Шарқ мамлакатларига сафарга чиқишидан асосий мақсади, биринчидан, онасининг ҳажга олиб бориш ҳақидаги илтимосини қондириш бўлса, иккинчидан, чет эл ҳалқлари ҳаёти, маданияти билан яқиндан танишиш, бу мамлакатларни ўз кўзи билан кўриш эди.

Исҳоқхон онасини Жидда шаҳрида дағи этиб, Шарқ мамлакатлари бўйлаб саёҳатни давом эттирди ва Европанинг Истанбул, София, Афина, Рим, Кобул сингари марказий шаҳарларида бўлди. Анча вақт Афғонистоннинг Кобул, Арабистоннинг Жидда каби йирик шаҳарларида истиқомат қилди. Арабистоннинг Макка шаҳридан

Қизил ва Ҳинд дәнгизлари орқали Ҳиндистонга келди. 1892—1896 йилларда Ҳиндистоннинг энг катта порт шаҳарлари Бомбай ва Калькуттада яшади. Исҳоқхон Ибрат у ерларда кўп ишлатилидиган арбаил лисонни, яъни тўрт тилни: *араб*, *форс*, *ҳинд-урду* ва *инглиз* тилларини мукаммал ўрганди. У чет элларда ўша ерлик ҳалқ ҳаётини, маданияти ва санъатини ўрганди. Шарқ мамлакатларига европаликлар орқали кириб келган Европа маданияти, тили ва санъати билан яқиндан танишиди. «Лугат сит ас-алсина» («Олти тилли лугат»), «Жомеъ ул-хутут», «Тарихи Фарғона» каби илмий асарлари учун материаллар тўплади. У, бу даврда Шарқ ҳалқлари тиллари билан бир қаторда Farb ҳалқлари тилларини ҳам билиш зарур деб ҳисоблади ва Арабистонда француз тилини, Ҳиндистонда инглиз тилини, шу билан бирга, энг қадимий финикия, яхудий, сурия, юонон ёзувларини ўрганди<sup>1</sup>.

Исҳоқхон 1896 йилда Ҳиндистондан Бирма орқали Хитойга, сўнгра Қашқарга ўтди. Қашқардан ўз ватани Наманганга қайтиб келди. У чет эллардан бир қанча маданият ашёлари Ҳиндистондан «Сантур» номли мусиқий асбоб олиб келди. Исҳоқхон Ибрат чет элларда олим ва фозил кишилар билан, улар қайси дин ёки қайси миллатта мансуб бўлишидан қатъи назар, яқин алоқада бўлди. Бу ҳақда у кейинчалик қуидагиларни ёзади: «Ҳар бир заввор<sup>2</sup> ва аҳли фазл кишини кўрсам, кайфият ва таълимот маолларини<sup>3</sup> андин сўрдим».

Рус тили билан бир қаторда, яқин шарқ ва гарб тилларини анча мукаммал билган Исҳоқхон Ибрат бу муҳим масалада ҳам ўз ҳалқига ёрдам қўлини чўзди. У олти тилдаги: *арабча*, *форсча*, *ҳиндча*, *туркча*, *сарпча* (*ўзбекча*) ва *русча* сўзларни ўз ичига олган «Лугат ситта-ас-сина» номли мукаммал лугат китобини яратди. Муаллиф русча ёзув системасини билмайдигиларга ҳам қулай бўлсин учун рус сўзларини араб ёзуви билан беради. Маълумки, рус ва Европа сўзларини араб ёзувида ифодалаш анча мураккаб иш, лекин Исҳоқхон Ибрат бу мураккаб ишни муваффақиятли ҳал қилди.

Исҳоқхон Ибратнинг мазкур «Лугат ситта-ас-сина» асари бир неча йиллик саргузаштлардан сўнг 1901 йилда Тошкентда нашрдан чиқди.

Мазкур лугат илғор педагоглар томонидан очилган усули савтия мактабларида ҳам рус тилини ўргатишда бирдан-бир дарслик кўлланмана сифатида фойдаланиб келинди.

Тилшунослик фанининг бу мураккаб соҳасида Исҳоқхон Ибрат анча мукаммал «Жомеъ ул-хутут» («Хатчилар мажмуи») номли илмий

<sup>1</sup> Исҳоқхон Ибрат. Жомеъ ул-хутут. Наманган, 1912, 4—5- бетлар.

<sup>2</sup> Заввор — сафар қилувчи, ажнабий.

<sup>3</sup> Маол — мазмун, натижа, оқибат.

асар яратди. Бу асарда муаллиф ёзувларнинг энг ибтидоийси — пиктографик ёзувлардан, то сўнгги даврнинг энг мукаммал ёзувлари гача босиб ўтилган тарихий тараққиётни ёритиб беришга ҳаракат қилди. Олимнинг мазкур асари анчагина катта ҳажмда — 132 бетдан иборат бўлиб, 1912 йилда ўзининг босмахонаси — «Матбааи Исҳоқия» да нашр қилинди.

Исҳоқхон Ибратнинг тилшунослик соҳасида чукур билимга эга эканлиги мазкур асарида намоён бўлди. Асарда пиктографик ёзувлардан кейин вужудга келган энг қадимий товуш-ҳарф ёзувлари: *финикия, яхудий, сурия, араб, юонон, форс, славян, санскрит, ҳинд, лотин, арман, грузин, уйғурча* ва бошқа қирқдан ортиқ ёзувлар, уларнинг келиб чиқиши, тараққиёти ҳақида маълумот берилади. Ибрат фақат ўз ватанидаги ёзувларнинг намуналарини ўрганиш билан чегараланмай, араб мамлакатларидаги қадимий ёзувларни ҳам ўрганди, бу ёзувларни тўғри ўқишга ҳаракат қилди. У эрамиздан 2000 йил илгари финикия халқлари томонидан вужудга келтирилган ёзув ёдгорликларини, Кипр оролидаги горлардан топилган ёзув қолдиқларини ўз асарида акс эттириди. Ибрат ёзувлар тарихини ўрганар экан, товуш — ҳарф ёзув тизими биринчи марта финикия халқлари томонидан яратилган ва бошқа қўшни халқлар: *яхудий, сурия, араб* ёзувлари финикия ёзувлари асосида вужудга келган, деган илмий холосага келди. Муаллиф ушбу асарида араб ёзувлари тарихи, уларнинг ривожланиши — эволюциясига алоҳида тўхтадади. У, ўз текширишлари натижасида қўйидаги холосага келади: араб ёзувлари финикия халқлари ёзувларидан келиб чиқсан бўлиб, VII асрдан бошлаб икки шаклда: *куфи ва насҳ* ёзувлари шаклида ривожланган. Куфи ва насҳ ёзувлари асосида нисбатан содда бўлган «сулс» ёзуви яратилди.

«Жомеъ ул-хутут» асарида дунёда машҳур бўлган 41 хил ёзув тизими ҳақида, шу жумладан, араб хатининг *сулс, тавкеъ,райхон зулф, ҳумоюн, турра* каби шакллари ҳақида маълумот берилган ва шу билан бирга, унда ҳусниҳат санъатига оид фикрлар билдирилган. Ибрат ушбу асарида инглиз, француз, немис, лотин каби чет эл тилларини ўрганиш ҳам илм-фан ва маданиятни эгаллашда катта ўрин тутишини алоҳида таъкидлайди.

Исҳоқхон Ибратнинг жаҳон халқлари тарихига бағишланган мазкур «Жомеъ ул-хутут» асарининг нашр этилиши, ўзбек матбааочи-лиги маданияти тарихида, ёзувлар тарихини ўрганишда катта аҳамиятга эга бўлди.

Исҳоқхон Ибрат «Тарихи Фаргона», «Тарихи маданият». «Мезон уз-замон» асарларида ҳам ўзининг педагогик маърифатпарварлик қарашларини илгари сурди. Исҳоқхон чет эл сарҳатида, техника ва маданият ривожланган улкан шаҳарларда бўлди. У, Туркистон шаҳарлари ҳам вақти соати етиб маданий шаҳарлар қаторидан ўрин

олишига ишонди. Буни амалга оширишнинг бирдан-бир йўли — илм-фанда, ўқиш ўрганишда деб билди.

Исҳоқхон Ибрат 1886 йилда эски мактабларга нисбатан бирмунча илфор бўлган мактаб очди. 1907 йилда эса иккинчи марта қишлоқ болалари учун эски мактаблардан бутунлай фарқ қилувчи, бепул, янги — усули савтия мактабини очди. Бу мактабда ўз фарзандлари Аббосхон, Ваққосхон, Файёзхонларни ҳамда 25 нафар қишлоқ болаларини ўқитди. Мактаб ўз уйида, деразали, ёруғ хонада жойлашган бўлиб, у янгича ўқув қуроллари — парта, стол, стул, янги китоблар, дарсликлар, дафтар, доска кабилар билан жихозланганди. Ўқиши-ўқитиши ишларини бўлса, у ўзи тузган дастури асосида олиб борди. Исҳоқхон ўз мактабида ўзининг «Луғат сittа ас-сина», «Санъати Ибрат, Қалами Мирражаб Бандий» асарларидан, Туркистонда рус-тузем мактабларининг асосчиси ва бундай мактаблар дарсликларининг биринчи муаллиф С.М. Граменицкийнинг уч қисмдан иборат «Книга для чтения» («Ўқиши китоби»), рус-тузем мактабларининг биринчи ўзбек ўқитувчиси ва бу мактаблар учун ўзбек тилида дарслик яратган Сайдрасул Сайдазизовнинг «Устози аввал». Али Асқар иби Байрамалининг «Таълимус соний», Наманган рус-тузем мактабининг ўқитувчиси М.М. Оракуловнинг 1887 йилда нашр қилинган ««Самоучитель» русского языка для русско-мусульманских школ» каби дарслик ва қўлланмаларидан фойдаланди.

Исҳоқхон янгича таълим-тарбия тизимининг ниҳоятда катта афзалликларини исботлашда кўпроқ ўзи эришган ютуқларга, ўзи амалиётга татбиқ қилган янги методларига таянади. Исҳоқхон ўз мактабида ҳафталиқ дарс жадвалини жорий қилди.

Исҳоқхон илфор ўқитувчи сифатида болаларни мактабдан беҳдирувчи, уларда ўқитувчига нисбатан нафрат уйғотоввчи тан жазосига биринчилардан бўлиб барҳам берди. Исҳоқхон фақат мактабда эмас, оиласда ҳам болани калтаклаб тарбиялаш — ўта нотўғри муомала усули эканлигини алоҳида таъкидлайди.

Исҳоқхон Ибрат илфор муаллимлар орасида, «биринчи қалдир-ғочлар»дан бўлиб, 1914 йилда Тўракўронда рус мактаби очди ва уни «Учитель» номи билан атади. Бу мактабда 1916 йилгача Тўракўрон ва қўшни қишлоқлардан бўлган 30 нафар ўқувчи таҳсил кўрди. Ибрат бу мактабга рус ўқитувчиларини ҳам жалб қилди, ўзи ҳам ўқитувчилик қилди. Мактаб 1916 йилда ёпилди.

Исҳоқхон Ибрат рус маданияти ва техникасини ўз кўзи билан кўриш мақсадида 1907 йилда Россиянинг Оренбург шаҳрига борди. У ердаги маданият, санъат ва техника янгиликлари билан яқиндан танишди. Исҳоқхон Оренбургдаги Гауфман деган матбаачидан, пулини 10 йил мобайнида тўлаш шарти билан кредитга (1901 йилда чиқсан) литографик машина сотиб олади. Исҳоқхон литографик машина ва ҳарфларни катта машаққатлар билан Оренбургдан Кўқонга

поездда, Кўқондан Тўрақўрғонга туяларда олиб келди. 1908 йилда ўзи қурдирган ҳаммом ўрнида «Матбааи Исҳоқия» номли литография ташкил қилди.

Туркистоннинг чекка қишлоғида матбаанинг вужудга келиши ўзбек халқининг фан ва маданият соҳасидаги катта ютуғи эди. Бу литография ўз фаолиятини илм-маърифат тарқатишдан, мактаблар учун дарслик қўлланмалар нашр қилишдан бошлади. У, бу ерда биринчи марта 1908 йилда савод чиқаришга бағишлиланган «Санъати Ибрат», «Қалами Мирражаб Бандий» асарларини нашр қилди. Савод чиқаришда ва ҳусниҳат намуналарини ўргатишда бу асарнинг аҳамияти шубҳасиз катта бўлган.

Исҳоқхон матбаага нур таратётган қўёшнинг тасвирини ишлаб, қуёш ичига «ilm» сўзини ёзган. Бу билан маърифатпарвар Ибрат илмни нур сочаётган қўёшга ўхшатади. Бу рамзий белги матбаада чоп этилган китобларнинг кўпидаги мавжуд эди.

Халқ ўртасида китоб ва турли рисолаларга талабнинг ортиши натижасида литография 1910 йилда Наманган шаҳрига кўчирилди ва типолитографияга айлантирилди.

Бу даврда матбаа Туркистон миқёсида катта аҳамият қасб этди. «Матбааи Исҳоқия»да катта ҳажмда асарлар ҳам нашр қилина бошланди.

Исҳоқхоннинг ҳусниҳатга, хат-савод чиқаришга бағишлиланган «Санъати Ибрат», „Қалами Мирражаб Бандий» рисолалари, «Илми Ибрат» номли шеърлар тўплами, ёзувлар тарихига бағишлиланган «Жомеъ ул-хутут» каби маърифатпарварлик руҳи билан суғорилган китоблари ўзи ташкил қилган матбаада нашр этилди.

Наманган матбааси маҳсулотининг кун сайин ортиб бориши шаҳар ва қишлоқларда китоб дўконлари ва китоб бозорларининг бирмунча кўпайишига сабаб бўлди. 1910 йилдан бошлаб Наманган шаҳрида 13 та, Чустда 2 та, Попда 2 та, Янгиқўрғонда 1 та китоб дўкони очилди. Бу дўконларда асосан «Матбааи Исҳоқия»да нашр қилинган китоблар жуда арzon нархларда сотилар эди.

Маърифатпарвар Исҳоқхон халқнинг билим савиғасини янада ошириш ниятида кутубхона ташкил қилишга киришади, у яна ташаббусни ўз қўлига олиб, ўз уйида анчагина бой қутубхона ташкил қилди ва уни «Кутубхонаи Исҳоқия» деб атади.

Маълумотларга қараганда, Ўзбекистон Республикаси Фанлар академияси Беруний номидаги Шарқшунослик институти қўлёзмалар фондида сақланувчи Юсуф Хос Ҳожибга тегишли «Кутадгу билиг» асарининг Наманган нусхаси деб ном олган нодир қўлёзмаси «Кутубхонаи Исҳоқия»га мансубdir.

Исҳоқхон хотин-қизлар озодлиги, уларнинг эркаклар билан бир қаторда илм олишлари, меҳнат қилишлари учун кураш олиб

борди. 1919 йилда унинг ташаббуси билан Наманганда ўзбек аёллари учун биринчи марта янги мактаб очилди.

Исҳоқхон Ибрат аёллар, ёшлар ўргасида мактабнинг аҳамиятини, илм-фан ютуқлари ҳақида сұхбатлар, маъruzалар уюштириб турди.

Исҳоқхон Ибрат бу даврда ижодий иш билан бир қаторда, жамоат ишларини ҳам олиб борди. У, қишлоқни ободонлаштириш, маориф, маданият, таълим-тарбия ишларини тубдан яхшилашда фаол қатнашди. Мактаблар очиш, малакали ўқитувчи кадрлар тарбиялаб етиштириш, ёппасига саводсизликни тутатиш, халқ фарзандларини мактабларга тортиш ишларида фаол иштирок этди.

Исҳоқхон Ибрат 1937 йилда 76 ёшида вафот этди. Ижодкор халқимиз фан, техника, маданият, адабиёт ҳамда педагогикамиз тараққиёти тарихидаги улкан хизматлари учун Тўрақўрғон тумани марказидаги 44- ўрта мактабни унинг номи билан аташга қарор қилди. Маърифат дарғаси, оташин шоир, олим ва моҳир ўқитувчи, шубҳасиз, ана шундай таҳсинга лойиқдир, албатта.



## *Саидаҳмад Сиддиқий*

(1864 — 1927)



Самарқанд педагогика мұхитининг ёрқин намояндаларидан бири Саидаҳмад Ҳасанхўжа ўғли Сиддиқий (таяхаллуси — Ажзий)дир. У, фақатгина педагог бўлибгина қолмасдан, истеъододли шоир, файласуф олим ҳам эди (У Ажзий таяхаллусида дидактик-ахлоқий шеърлар ёзган). Саидаҳмад Сиддиқий ўзбек, тоҷик ва рус тилларини пухта билган, форс ва араб тилларини ҳам яхши тушунган, шунинг учун ҳам бўлса керак, у ўзи ташкил этган мактабларда, асосан ўзбек тилини асос қилиб олган бўлса-да, ҳеч қийналмасдан, тоҷик ва рус тилларида ҳам ўқитиш, таълим-тарбия ишларини олиб бора олган. Умуман, у ўз мактабига ўтмиш мадрасаларида қонун бўлган Мұхаммад Пайғамбарнинг «*бир тилни билган — бир киши, икки тилни билган — икки киши, уч тилни билган — уч киши, тўрт тилни билган — тўрт кишидир*», деган ақидасини олиб киришга ҳаракат қилган. Бу унинг таълим-тарбия тизимидағи энг ижобий хислатларидан биридир. Мавжуд архив маълумотларида тавсифланган, Сиддиқий-нинг дин арбоблари томонидан таъқиб этилганлиги кабилар уйдирмадан бошқа ҳеч нарса эмас, уни фақатгина мутаассиб кишиларгина таҳқирлашга ҳаракат қилишган, бундайлар бизнинг замонимизда ҳам мавжуд.

Сиддиқийнинг педагогик фаолиятига чуқур назар солинса, шу нарса алоҳида кўзга ташланадики, у эски мактаб таълим-тарбия услугининг энг илғор томонларини қабул этган ҳолда, масалан, керакли маълумотни ёд олиш, кейин уни изоҳлаб бера олиш, ўқув ва тарбия ишига онгли ёндашув асосида қуришга ҳаракат қилган. У машғулотларни қатъий жадвал асосида ўзбек, рус ва тоҷик тилларида олиб борган. Табиатшунослик, география дарслари табиат қўйнида ўтказилган, бу машғулотлар давомида ўқитувчи ўз шогирдларига олам сирлари ва уларни эгаллашлари лозимлиги ҳақида қизиқарли тарзда ҳикоялар қилиб берган. У, умуман, уйга вазифа бермаган, бироқ ўқувчиларнинг ота-оналари билан жуда ҳам яқин алоқа боғлаш орқали фарзандларининг умумий шаклланишига таъсир кўрсата олган.

У, ўз педагогик фаолияти жараёнида Шарқ, Европа маданияти билан ўз ўқувчиларини таништиришга алоҳида аҳамият берган.

У Самарқанд вилояти ҳалқ нойиблари, мусулмон меҳнаткашлари кенгашининг раиси ўринбосари, вилоят аддия комиссари вазифаларида ишлаган вақтида ҳам ўз севган касбини унутмаган, мактаб-маориф ишига жонкуярлик қилган. У «Хизмат кўрсатган ўқитувчи» унвони билан тақдирланган.

## СИДДИҚИЙ ИЖОДИДАН НАМУНАЛАР

### «Миръоти ибрат» дан

Таҳсил ўла рус мактабинда,  
Анвои фунун анунг тилинда.  
Илми ҳама ихтироу ҳикмат,  
Таълими зироату тижорат.  
Билгунг ясамоқ одати олот,  
Мошин ила фирмөфону соат  
Вопур шинандафуру телефону  
Ҳам ҳикмоту тилгирофу болун  
Мансужай помбуку бирешем  
Мактабда ўлур тамоми таълим.  
Ҳар чоқки, лисони чўх билурсен  
Дунёда азизроқ ўлурсен.  
Ким давлатинан лисони билмаз  
Таъсиф сўнгинда суд қилмаз.

\* \* \*

Бухоро ҳукмидин озодсизким —  
Мингларча шукрлар қиласангиз бўлар,  
Бу ерда ўсиб, унишингиз мумкин,  
Мен айтарман: бу неъмат қадрини билингиз!  
Болаларингиз мактабга берсангиз  
Бу орқали ўз мақсадингизга етарсиз.  
Мактабларни ислоҳ этишни ўйланг,  
Буни ҳар бир киши қулогига сўйланг.  
Мактаблар сонини кўпайтирсингилар  
Халойиқни илм-фанга тайёр этсинлар...  
Ҳаётдан агарда умидингиз бўлса,  
Европа билганини сиз ҳам билингиз...  
Далада пахта экиб, шаҳарда мактаб қур,  
Бу иккаласи орқали етарсан матлабга.



## **Аҳмаджон Табибий**

**(1869 — 1911)**



Жаннатмакон Хоразм сўлим боғлар диёри экани, нолир меъморчилиги, машхур илму маърифати, нафис адабиёти ва нафис мусиқа санъати, қолаверса, халқининг тақрорланмас ватанпарварлиги билан бошқа мамлакатлардан ажralиб тургани тарихдан маълум. Айрим амалдору биродарларининг мунофиқлиги туфайли шу муборак юртнинг озодлиги ва эркинлигини сақлаб қололмаган Сайид Мұхаммад Соний Феруз маданий ишларни, чунончи адабиёт ва санъатни юксак чўққиларга олиб чиқишига зўр берди.

Огаҳий, Комил Хоразмий, Баёний, Мұхаммад Расул Мирзо, Мұхаммад Юсуф Ҳожи Доний, Ҳабибулла охунд Ҳабибий сингари пешқадам шоирлар завқ-шавқ билан ижод қилаётган жўшқин адабий муҳитда Аҳмаджон Али Мұхаммад ўғли 1869 йили Хива шаҳрида табиб оиласида дунёга келди.

Аҳмаджон Табибийнинг отаси Али Мұхаммад (Али Маҳрам) асли афғонистонлик бўлса-да, Хоразм адабиёти ва санъати билан жуда яқин эди. Ерлик ижод аҳли билан алоқаси мустаҳкам бўлган. У ўғли Аҳмаджоннинг тарбиясига алоҳида эътибор бериб, уни шаҳардаги маҳалла мактабига беради. Уйда эса ўғлига одоб ва ахлоқ, нафис адабиёт сирларини ўргатди. Кейин мадрасада ўқитди. Қолаверса, Али Маҳрам Аҳмаджонга форс тилини ўргатди, табиблик илмидан сабоқ берди. Табибий шу кенг кўламдаги илму таълимни эгаллашда зўриқмади. Чунки, у иқтидорли, саботли, илмга ташна эди.

Аҳмаджон, айниқса, мумтоз адабиёт сир-синоатини ўрганиш иштиёқи билан яшади. Фирдавсий, Ҳусрав Деҳлавий, Ҳофиз Шерозий, Низомий Ганжавий, Фузулий, Навоий, Мунис, Огаҳий, Комил Хоразмий, Андалиб, Роқим сингари шоирлар шеъриятидан баҳраманд бўлган Аҳмаджоннинг ўзи ҳам дастлаб тақлидий фазаллар бита бошлади. Тинимсиз машқ, ўқиш-ўрганиш унинг ақлини, қаламини чархлади, билимини оширди, завқу шавқини тоширди.

Натижада, ёш шоирнинг шсьрлари ўзига хослик, балийи баркамоллик, маъно ва мазмун жиҳатдан теранлик, нафис ва латифлик касб эта бошлади. Унинг мумтоз фазаллари дастлаб қаламкаш дўйстларининг таҳсинига сазовор бўлди, кейин эса талабчан халқ

орасида машхур бўлиб кетди. Хоразм адабиёти ва санъатининг раҳнамоси, шу мамлакат хони Феруз унга «Табибий» таҳаллусини таклиф этгани маълум. Бу таҳаллус унинг шоир ва табиблигига ишорадир. Демак, Аҳмаджон халқقا шоир ва табиб сифатида хизмат қилган.

Аҳмаджон Табибийнинг назм гулшанидаги ягоналиги, серқирра ижодкорлигини ҳисобга олиб, Муҳаммад Раҳимхон Соний уни маҳсус фармон билан сарой шоирларига раҳбар қилиб қўяди. Энди у бошлиқ сифатида устоз ва тенгқур шоирларга, қолаверса, ёш ижодкорларга ғамхўрлик қиласи, тез-тез мушоира кунларини уюштиради. Бу талбир адабий ҳаракатчиликнинг кенг қулоч ёйишига олиб келди. Ёшлар ҳам уни устоз сифатида ҳурмат қиласидилар. Аваз Ўтар ўғлининг қўйидаги сатрлари шу фикримизнинг ёрқин далилидир:

Эй, Аваз, қил жаҳд, девонинг қилмоқ истасанг,  
Гар Навоийю Табибий дафтарларига ҳамрадиф,

Ёки:

Аваз гар назм аро бўлмоқ тиларсен заҳр яктоси,  
Ҳамиша кўнглинг ичра қил Табибий аён ихлос.

Шунингдек, Табибий ҳам инсон, ҳам шоир сифатида бошқа шоирларнинг ҳурмат-эътиборини қозонганини таъкидлаймиз. Устоз шоир, тарихчи олим унинг фазилатини қўйидагича ифода этади:

Табибийкидур шоири муҳтарам,  
Найлай онинг атворин айлаб рақам,  
Маорифда бордир бағоят ориф,  
Мажлисда боғи ҳариғу, зариф.

Шоир Табибий мусиқа санъатига ихлюси улуғ, хаттотлик сирларини эгаллаган, таржимонлиқда маҳоратли серқирра ижодкор эди. Қизиги шундаки, шоир шеър ва достонларининг сон жиҳатдан ҳам, сифат жиҳатдан ҳам улуғлигига қарамай, уларни бир жойга тўплаб девон тузмаган эди. Балки бу шоирнинг камтарлигидир.

Хива хони Сайд Муҳаммад Раҳимхон Соний Табибийни қабулхонасига таклиф қилиб, ғазалларидан девон тузиш ҳақида маслаҳат беради. Хоннинг бу таклифи ва маслаҳати шоирга илҳом бағишлийди, кўнглини кўтаради. Шу кўтаринки руҳ билан асаларини тўплайди ва девон тузади. Табибий «Мунис ул-ушшоқ» номли девонига ёзган кириш сўзида шундай ёзади: «Бу фақир кўлида жамъ бўлган китобнинг сони беш девондир. Аларнинг учтаси туркий ва иккитаси форсийдир. Биринчисини адолатли шоҳга ҳадя этиш сабабидин «Туҳфат ус-султон» деб атадим. Иккинчи девонға ошиқлар унсияси сабабидан «Мунис ул-ушшоқ» номи берилди. Учинчисиға фақат иш ҳолатларидан гапирилган важидин «Миръот ул-ишқ» деб ном қўйдим. Тўртинчи девонға ошиқлар ўқиб ҳайрон бўладилар деб

«Хайрат ул-ошиқин» деб ном берилди. Бешинчиси бедиллар иштиёки жилвагоҳи бўлғони сабабидин «Мазҳар ул-иштиёқ» деб аталди» (қаранг: Н. Қобулов. Хоразм адабий мұхити. «Хоразм» таҳририят-нашр бўлими, Урганч, 1992, 95-бет).

Шоир шеъриятнинг ғазал, рубоий, мухаммас, мусаддас, мусаммал, мураббаъ, маснавий, қасида сингари жанрларида ижод қилган. Унинг қаҳрамонлари пок мұҳаббати, шудринг каби тоза нияти, гўзал одоб-ахлоқи билан мафтун этади. Айниқса, «Вомиқ ва Узро» қаҳрамонлари турли томонлама ўrnak бўлгулик. Унда ватанпарварлик, инсонпарварлик, тинчлик, дўстлик, бир-бировига садоқат, диёнат, меҳр-оқибат оҳанглари юқори пардаларда жаранглайди.

Табибий узоқ умр кўролмади. Шафқатсиз ўлим уни 41 ёшида ўз домига тортди. Ундан жуда катта адабий мерос қолди. Уни педагогик нуқтаи назардан ўрганиш тарбияшунослик фани ривожи учун мұхим аҳамият касб этади.

## АҲМАДЖОН ТАБИБИЙ ИЖОДИДАН НАМУНАЛАР

Адаб бирла топиб ондин ижозат,  
Бажо келтиргил адаби тахият.  
Сен ўлмай тарбия бирла муовин,  
Эмас комил набототу маодин.  
Чу сен тарбият айлаб ошкора,  
Бўлур тарбиятингдин лаъл хоро.

\* \* \*

Бу оламда кимиким пок қалбу соф ботиндур,  
Ҳамиша кунжуда қаноат бирла сокиндор.  
Бировким бўлмаса кўнглида они бешу кам фикри,  
Ташвиши каводис ваҳмидин албатта.

\* \* \*

Кимдаким аҳли жаҳондин бор илму маърифат.  
Қилғусидир они бархуродр илму маърифат.  
Faflatу жаҳл уйқусига фарқ бўлғон шахсни,  
Файз бирла ул қилур безор илму маърифат,  
Илм — нафсу маърифат, жондур тани инсон аро,  
Ёлғиз ўлмаса дирҳаму динор илму маърифат.  
Илм бирла иззатинг ортуқроқ ўлғай барчадин,  
Келди фазли воҳиди қаҳҳор илму маърифат.  
Эй, биродар, олиму ориф бўлурға жаҳд қил,  
То еткурай кўнглунга анвор илму маърифат.  
Ҳосил эт боринча жон такрор илму маърифат.  
Маст эсанг субху масо оламда нодонлиғ била,  
Қилғуси ондин сени хушёр илму маърифат.

\* \* \*

Кимки олим бирла суҳбат тутса, ул,  
Порсадур, порсадур, порсо.  
Жоҳилу нодонға ёр ўлғон киши,  
Норасодур, норасодур, норасо.

\* \* \*

Эй Табибий, күр ўзинг фазл аҳлидин  
Камтарину, камтарину, камтарин.

\* \* \*

Табибий, назар айла диққат била,  
Ҳеч одамға боқма ҳақорат била.

\* \* \*

Қарам халқни қылғуси нек ном,  
Қарам ҳосил этгуси мақсуд.

\* \* \*

Табибий санга ҳиммат бўлса ёр,  
Бўлур Хотам олдингда хизмат гузор.

\* \* \*

Билурга улум айлагил жидду жаҳд.  
Кито олгасен ондин охирида шахд.

\* \* \*

Эрур тарбиятда ажаб ҳосият,  
Ки аксарга таъсир этар тарбият.  
Агар тарбият қилмас эрса агар,  
Топилмас эди ҳеч соҳиб ҳунар,  
Чу устоддин етса қаттиғ сухан,  
Бўлур жаҳл учун дафъаи ранжи михан,  
Неча қилса устод қаҳаш анчо,  
Бўлур боиси илми бе интиҳо.



## *Анбар Отин*

(1870 — 1906)



XIX асрнинг охирги чораги ва XX аср бошларида ўзбек демократик адабиётининг кенжা вакили — Анбар Отин Кўқонда — Бузрукхўжа маҳалласида истиқомат қилувчи косиб Фармонкул оиласида туғилди. У етти ёшга кирганда ўз маҳалласидаги мактабдор шоира Дилшоддан таълим-тарбия олади.

15 ёшларида у Зоҳидхўжа исмли новвойга турмушга чиқади. Зийрак ва зеҳнли Анбарой тез орада шоира бўлиб етишади. У бадиий ижодда Дилшод, Муҳиммий, Фурқат ва Завқийлар изидан бориб, ўз давридаги ижтимоий ҳаётнинг фожиали воқеаларига муносабат билдириди. Шоира 30 ёшларида эканлигига жоҳил бой хотинларнинг тажовузи туфайли жисмоний хасталикка учрайди. Тўрт боланинг онаси Анбар Отин оёқлари шол бўлиб ётиб қолганда ҳам умид билан яшади ва асарлар ижод қилди.

Анбар Отиннинг бизгача ўзбек ва тожик тилларида Анбарой, Анбарнисо, Анбар Отин тахаллуслари билан ёзилгай қатор лирик асарлари ва, шунингдек, унинг ижтимоий қараашларини акс эттирган «Қаролар фалсафаси» рисоласи етиб келган.

Анбар Отиннинг лирик ва фалсафий асарларида қора кучлар хукмрон бўлган замондан шикоят, эрлар билан хотин-қизлар ўртасидаги тенгсизликни қоралаш, чор ҳукуматининг мустамла-качилик сиёсатидан нафратланиш туйғулари ўз ифодасини топган. Қолаверса, фозил аёлларга хайриҳоҳлик, дўстлик ва нурли кунларига умид каби ижтимоий фикрлари диққатга лойиқ. Анбар Отиннинг лирик асарлари ва фалсафий рисоласи — ўзбек адабиёти хазинасини бойитишга муносиб ҳисса бўлиб қўшилди.

### **Анбар Отин шеърларидан намуналар**

Эй, болам, Хайруллахон мактаб очибдур, борингиз,  
Албатта, шу янги мактабда ўқингиз, борингиз.

Ерда ўлтурмай хорракла ўлтурурмиш болалар,  
Тоза тургай уст-бошу жомайи дасторингиз.

Ўргатармиш турк тилида ҳар илмдин борини,  
Келгусида шу билимлар бирла бўлғай корингиз.

Ҳар ўқишинг маънисига тез тушунсангиз агар,  
Яхши муллолар каби олис борар рафторингиз.

Отажонингиз ҳамият берса ўқишига доимо,  
Ул Худо соғлиқда сақлаб бўлса доим ёрингиз.

Бибихон яхши қараб, ҳар кун жўнатса вақтида,  
Яшнаса, мактаб қошида боғчаю гулзорингиз.

Болалар, озода бўлсангиз, адабли бўлсангиз,  
Мушку Анбар ҳиди бергай куйлаган ашъорингиз.

\* \* \*

Мендек ётма, уйғонгил, эй, замони Фаргона!  
Эрлардек бел боғлағил эмди бўлуб мардона!

Мани бошимдадурсиз, дўстлик қилурсиз,  
Фазалларимни тинглаб, худди парвона.

Бу дард мандин йироқ бўлишни истамас,  
Ўҳшайдур охири тўладур паймона.

Хасталигим яхши бўлди, ёронлар,  
Кўрмак учун сизғадур бу бир баҳона.

## Қитъа

Одам эрсанг ҳамиша иш қилиб юр,  
Қаю йўлга борурингни билиб юр.  
Ҳақиқат сўзларин, сўзлағанда,  
Ани ёдлаб, қулогингга илиб юр.

## Маснавийлар ёки якка байтлар

Камтарин заифаи мазлума  
Анбар Отиндин манзума  
Ушбу ёзилғон байтлар  
Башар зийнатин айтар  
Бу китобим тамоми  
Якка байтлар итмоли.

## **Алиф**

Одам эрсанг, мани бил дона-дона,  
 Ватан эрур санга иккинчи она.  
 Сүзламасдин олдин сўзингни сина,  
 Ҳар бир сўздур умринг ичинда сина.

## **Бе**

Улғаюрсан — санда бор ўлса адаб,  
 Улғаюрсан — санга ёр ўлса адаб.  
 Одам эрсанг, ташқи сурат берма зеб,  
 Она юртингни ҳамиша айла зеб.

## **Те**

Бир иш қилки, эл ичра бўл бо ҳурмат.  
 Икки дунё номинг бўлур бо иззат,  
 Ҳаёнсиз эрса минг жафо, мاشаққат,  
 Ул иш дейилмагай эл ичра меҳнат.

## **Же**

Харобот элида султонлар олур бож,  
 Адолат илкида яксон ўлур тож.  
 Кимки эл ғамиладур сухансанж,<sup>1</sup>  
 Анинг ҳар сўзи дуняда улуғ ганж.  
 Қаю султон адолатға қўюр синч,  
 Қўй остида эли доим бўлур тинч.

## **X — ҳуттий**

Бутун умримда ер эрдим ғами субҳ,  
 Дам охирида келди бу дами субҳ.  
 Умидим субҳидамдин бошланур сулҳ,  
 Диёримға суюнуб тошланур сулҳ.

## **X**

Фалак кажравлиғидин шом эрур талҳ,  
 Ғаму қайғу чекищдин ком эрур талҳ.

<sup>1</sup> Сухансанж — сўзини пишиқ-пухта билувчи ва айтuvchi.

## Д—дол

Башарни тарихи қонуни аждод,  
Анингдин илм топғуси ҳар авлод.

Бу йүқсул эл ҳаёти гарчи барбод,  
Бўлур авлюдини рўзғори обод.

Ҳаёт тарихи элда некую бал,  
На тавсиф билдирур, на хатти абжад.

## З — зол

Манга халқ рўзғори бўлди устоз,  
На сифат китоби, на таку тоз.  
Хирад элиға кўксин тутди қофаз,  
Ҳам ирфон ишқида қон ютди қофаз.

## Р

Киши ўз тақдирита ўзи маъмур,  
На маъмурлар яратған рўзи маъмур.  
Муродингни ҳаёting ичра ахтар  
Ки, мавҳум илм ичинда ахгар.  
Машақкатсиз ҳунардин чиқмағай дур,  
Ҳаёнсиз ҳунардин чиқмағай дур,  
Кимики кўбни рангин этди заъфар,  
Икки дунёда бўлмайди музaffer.  
Минг йил армону ҳасратда оқар Сир,  
Музaffer элға сирини очар Сир.

## З — зе

Кимики маърифатни этса эъзоз,  
Ани ирфон этар албатта мумтоз.  
Ўзингни элга хизматкор эткиз,  
Ишинг анжомига еткунча еткиз.

## С — син

Шаҳаниоҳи номвар афзал бўлмас,  
Ҳар адли ҳам зулмдин холи бўлмас.  
Мани сўзимни тингланг, айюҳаннос,  
Келур авлод даври ўзига хос.  
Азалдин адл ила зулм эрди ножинс,  
Зулмни пеша қилди, кимки ножинс,  
Билингки, ўзига қўймиш бино кас,  
Такаббурлик ўтида куйди нокас.

### **III — шин**

Даригоким, ҳамиша күнглум ғаш,  
Чораки, күп халойиқ күнгли ғаш.  
Ҳукмрон зулм тобора қилур иш,  
Үзин жисмиға күп яро солур ниш.  
Жаҳонгир қўшинларға қўйса оташ,  
Анинг бошиға бўлғуси балокаш.

### **C — сод**

Биз адабда кўргумиз ҳусни қасас,  
Хуш куним деб ўтодур аҳли асас.  
Ким ўзин Намрудга айлар қиёс,  
Иброҳимни қавмидин тортғай қасос.

### **З — зод**

Зулм бўлғон ўлкада қолмайди файз,  
Тонггача кун нурини олмайди файз,  
Муфти эл бошиға солғай янги фарз,  
Ўлмағай то бермагунча элға қарз.

### **Г — (га — итқи)**

Эл ғамидин ўзгароқ ўлмас бухат,  
Шунча қилсан бир йўли бўлмас ғалат.  
Йўлларимда жару (кўҳ), қиру қиёт,  
Шул сабаб юрганда қолгум эҳтиёт.

### **З — (за — изғи)**

Бекироат сўзламас аҳли воиз,  
Ҳар нидо қилғанда тинглайман ғализ,  
Танға озиқдур ҳамиша тўғри лафз,  
Миллату тилға хиёнат ўғри лафз.

### **Айн — (а)**

Адаб — ирфон илми ичрадур шамъ,  
Ақл ойнасида чехрадур шамъ.  
Ўрусадин юртимиза тушди шуоъ,  
Хирадин муждасини қучди шуоъ.

### **Файн — (ғ)**

Бу вужуд бир қўлима берди яроғ,  
Бир қўлим ҳодисадин тутди чароғ.  
Ажнабий хайлига йўл бермади тоғ,  
Учса ҳам қўнғали тоб этмади зоғ.

# Ф

Маърифат шоирини сўзи салаф,  
 Ҳарзагўй<sup>1</sup> аҳли учун мисли ҳадаф.  
 Мадҳдин воизи минг айласа лоф,  
 Дину вужуд орасида мингта хилоф.

## Қ — қоф

Меҳнату ақлу вужуд иттифоқ,  
 Шайх, дин, бу орага солма нифоқ.  
 Гарчи бу аҳли вужуд бўйни синиқ,  
 Чиркинат таъсири йўқ — кўнгли тиниқ.  
 Шайху пир кўрсатади йўл-йўриқ,  
 Оғзида зикри Худо, кўнгли қуриқ.

## К — коф

Одам эрсанг кўнглинг эткил пок-пок,  
 Сандин этмасдин ўзини улки пок.

Ҳар нафас мазмун илан ўтса керак,  
 Гар ҳаёт мазмунини билса юрак,

Одамийда бўлса гар яхши тилак,  
 Халқ учун тебратгуси доим билак.

## Л — лом

Яхши одамлар ишидин ибрат ол,  
 Ибратомуз хизмат айлаб, иззат ол.  
 Кимни илкида бор эрса ҳиммати олий,  
 Ранги рўйида кўрунгай раҳмати олий.  
 Ҳар ғазалда янги мазмун айла ҳал,  
 То қиёмат ранги ўчмас мисли ҳал.

## М — мим

Бош эгиб тургай ҳамиша ҳарфи мим,  
 Ўйламанг таъзимда бор деб зарбу бим.  
 Одамийлик хислатидур ҳар салом.  
 Ҳам баҳойим этмас одамдек қалом.  
 Ким ҳаёт ичра босиб келди қадам,  
 Рўзгорини ясаб, бўлсун адам.

<sup>1</sup> Ҳарзагўй — беҳуда, бемаъни гаплар гапиравчи

## **Н — нун**

Она ер шаклидаги бу ҳарфи нун,  
 Күксида равнақ топадур ҳар фунун.  
 Вақти келгунча такаббур осмон,  
 Сирни бермай тек турурмиш олумон.  
 Зуфунунлик хулласи бирлан кийин,  
 Элға ҳикмат сирини айғил кейин.  
 Ўз гуноҳингни сўраб элдин ўтин,  
 Нафрат ўти ичра бўлмасдин ўтин.

## **В — вов**

Одами ақлу назокатда сулув,  
 Бўлса ахлоқи садоқатда сулув.  
 Дунёни билмакка идрокинг гаров,  
 Зеҳн қўймоқға дили покинг гаров.  
 Яхши иш қилмоқ учун йўқса уқув,  
 Санга лозимдур уқув бирлан ўқув.  
 Боқ ҳаётинг лавҳасига бўлма қув,  
 Гар нишони яхшилиқ топилса қув.

## **Ҳ — ҳавваз**

Бу ҳарфни ишлатурлар «алиф» ўрнига,  
 Анга маъқул «алиф» юрса алифда.

Қачон еткурғуси ул кунни Оллоҳ?  
 Хотунлар хуррам ўлса чекмайин оҳ.  
 Қачон баҳт ўлгуси бизлара ҳамроҳ?  
 Ки, токай банд ўлурмиз ҳамчу гумроҳ.  
 Нечун иқбол биздин мунча саркуҳ,  
 Анинг куйида ермиз шунча андуҳ?

## **Ҷ — е**

Бу ҳарфни «ё» деюрлар лафзда асли,  
 Ки аксар сўз охири «н» дур насли.  
 Агар ирфонга вусъат берса бори,  
 Фунуни заҳматға бергай эрди ёри.  
 Худо хотунни баҳтин очса эрди,  
 Ки ҳовар ўз нурини сочгай эрди.  
 Бу Анбар оҳини тингла Илоҳи,  
 Замона аҳли аҳволим гувоҳи.  
 Чуқур мазмунда бу сўзлар тамоми,  
 Келур давронға қолди итмоми.

## **Жаҳон Отин Увайсий**

*(1779 – 1845)*



Жаҳон отин Увайсий Марғилон шаҳар Чилдухтарон маҳалласида, Фарғона тумани, Арсун қишлоғида туғилиб яшаган. Унинг отаси Қайнар девона ёки Девонаи Қаландар деб юритилган. (Унинг исмини Сиддиқбобо деб атаганлар.) Онасининг номи эса Чиннибиби эди.

Увайсийнинг мактабдорлик фаолияти қайси йилларда бошланганилиги маълум эмас. Аммо, у турмушга чиққунча, шоира, отинча сифатида анчагина танилиб қолган эди. Онаси Чиннибиби ўқитадиган қизлар мактабида аввал ҳалфалик қилган, кейинчалик унинг ўзи мустақил тарзда қизларни ўқита бошлаган.

1809 йилда Умархон (1809—1822) хон бўлди. У Марғилон ўрдасидаги бутун ҳарами билан пойтаҳт — Кўқонга кўчиб келади. Бу даврда ота-онасининг вафоти, устига эри ўлиб, икки боласи билан бева қолган Увайсий Марғилонда яшарди, акаси Охунжон ҳофизнинг ёрдами ҳамда муаллималиқдан келган даромади билан тириклил қиласи.

Умархон Увайсийни ўрдага муаллима, созанда, хонанда сифатида қабул қиласи. Увайсий ўрдада ёш болаларни ва канизакларни ўқитади. Нодиранинг ижодий ишига кўмаклашади.

Увайсийнинг Умархон саройига келиб сарой шоирлари қаторига қўшилиши билан боғлиқ турли фикрлар мавжуд. Аслида Увайсий маҳсус ёрлиқ билан Марғилондан Кўқонга чақирилганди.

Нодира Увайсийни ўз ҳимоясига олади. Иккала шоира эгачисингил тутиналдилар. Нодира эгачисига Кўқондан ҳовли-жой инъом қиласи. Увайсий Кўқонда Нодиранинг энг яқин кишиси, сұхбатдоши, сирдоши бўлиб қолади. Ҳалқ орасида тобора унинг обрўйи, шуҳрати ортади, Нодира қаерга саёҳатга борса, Увайсийни ҳам ўзи билан бирга олиб боради. Нодира билан у Конибодом, Хўжанд, Ўратепа, Тошкент, Андижон, Ўш ва бошқа шаҳарларда бўлади.

Аммо биз Увайсийнинг муаллимлик фаолиятини ўрганар эканмиз, унинг ўқитиш усууллари ҳақида, ўша даврдаги қизлар мактаби, уларнинг мазмуниниң отинларнинг ўрни ҳақида муайян маълумотга ҳам эга бўламиз.

XIX асрда ҳозирги Ўзбекистон ҳудуди ва умуман Ўрта Осиёда таълим-тарбия муаммолари билан маҳсус шуғулланувчи мутахассислар, олимлар, мутафаккирлар бўлмаган. Лекин даврнинг илғор кишилари — шоир ва мутафаккирлари ўз маърифий қараашлари асосида таълим-тарбияни ривожлантирганлар. Шубҳасиз, таълим-тарбиянинг моҳияти, ижтимоий аҳамияти, мақсад ва вазифалари, тарбиячининг ижтимоий ҳаётда тутган ўрни сингари масалалар ҳақида у ёки бу маънода ўз фикрини билдирумаган инсон — чинакам тарбиячи бўлиши қийин.

Ўтмишдаги барча Шарқ мутафаккир ва шоирлари сингари ўзбек отинларининг ҳам педагогика назариясига оид асарлари йўқ. Лекин, уларнинг кўпчилигига назм иқтидори бўлганлиги туфайли, бизга мерос қилиб қолдирган шеърий дурданаларига асосланган ҳолда таълим-тарбия тўғрисидаги қараашлари, халқа маърифат тарқатиш соҳасидаги интилишларини аниқлаш мумкин. Бир сўз билан айтганда, педагогика уларнинг асарларига сингиб кетгандир.

У 1796—1797 йилларда онаси отинлик қилган хусусий мактабла дастлаб халфалик ва кейинчалик мустақил равишда отинлик қилган. Жаҳон Отин ўз мактабида таълим-тарбия соҳасида ўзига хос илғор усууларни қўллашга ҳаракат қилганлигини кўрамиз.

Аввало, шуну таъкидлаш керакки, XIX аср шароитида мактабларининг аниқ бир таълим тизими ҳақида гапириш бир оз қийин.

Бу даврда асосан мактабларнинг, яъни таълим муассасаларининг куйидагича бошлангич мактаблар тузилишига эга эканини кузатамиз:

### **1. Мактаблар:**

а) ўғил болалар мактаблари — ўғил болаларга диний таълим-тарбия берадиган бошлангич мактаблар;

б) отин ойи мактаблари — қиз болаларга Ислом қоидаларини ўргатадиган ва бошлангич таълим бералигандар мактаблар.

**2. Мадрасалар** — ўғил болаларга диний таълим берувчи олий таълим муассасалари.

Юқорида санаб ўтилган таълим ўчоқлари (отин ойи мактабларидан ташқари) вақф даромадларидан келган маблағ ҳисобига таъминланарди.

Қизларга бошлангич таълим бералигандар отин биби мактаблари эса асосан хусусий бўлиб, отинларнинг уйларидан ташкил қилинади. Бундай мактаблар муайян бир ўқув режаси ва дастурига эга эмасдилар. Ўқувчиларни ҳам синфларга бўлиб эмас, балки болаларни ўқитилиладиган китобларни ўзлаштириш даражасига қараб ғурӯхларга бўлиб ўқитиларди.

Домла ёки отин ойи дарсни берилган вазифани ўқитиб кўриш ва янги топшириқ бериндан бошлар эди. Ҳеч бир домла ёки отин ойида ўзига хос ишлар, умумий ўқув дарслиги ё бўлмаса ўқув услуби бўлмас эди.

Катта ёшли ўқувчилардан бири отин ойига ёрдамчи қилиб сайланар ва «халфа» деб топшириларди. Мактабдаги асосий ўқув фани (шариат ва имон) Ислом қоидалари түплами эди. Отин ойининг иш ҳақи сифатида болаларнинг ога-оналари томонидан берилган озиқ-овқат маҳсулотлари ҳамда кийимликлар ва бальзан пул тўланар эди. Бундан ташқари, ота-оналардан «бўйра пули», «ўтин пули» ҳам ундирилар эди.

Отин ойи мактабида ўқитишининг сифати отин ойининг билим даражасига ниҳоятда боғлиқ бўлганилигини алоҳида таъкидламоқчимиз. Чунки, қизлар учун мутлақо нотаниш бўлган араб ёзувини уларга ўқитиш ва ёзиши ўргатиш ниҳоятда қийин шароитда кечади.

Лекин мактабларни битирувчилар орасида кўплаб оқила ва билимдан қизлар стишиб чиққаилиги ҳақида тарихда мисоллар кўп.

Мактабни муваффақиятли тугатган талаabalardan бир қанчаси туман миқёсилаги отинлар мактабида ўқиши давом эттирад эдилар. Қобилиятли қизлар, аёллар, айниқса беклар, сарой аъёнларининг қизлари, аёлларига эса маҳсус фанлар бўйича отинлари кўпроқ адабиёт, мусиқа ва бошқалардан тўлиқ маълумот берар эдилар.

Увайсий Умархон саройида шоира сифатида шеър санъатидан, мусиқадан шу тарзда муаллималик қилган.

Жаҳон Отин Увайсий фаолият кўрсатган қизлар мактаби ҳам ана шундай ибрат олса арзидиган билим ўчоқларидан саналган. Ўзининг бутун фаолияти давомида халқимиз орзу-умидларини рўёбга чиқаришга ҳаракат қилган Жаҳон Отин халқимизнинг оқила қизларини тарбиялаш — гўзал ҳаётга эришишнинг бирдан-бир йўли деб ўйлаб, ўзининг бутун умрини ёш қизларга таълим ва тарбия беришга бағишилади. Ўзбек аёлларининг маънавий озодлиги уларнинг назм дунёсига кириб, баралла куйлашида муҳим ўрин тутди.

Ўз мактабида қизларга бошланғич таълим бсрар экан, Жаҳон Отин уларнинг зеҳнини ўстиришга катта аҳамият беради. Отин ўз шогирдларига савод ўргатибгина қолмай, улар орасидан иқтидорли қизларни танлаб шарқ шеърияти билан таништиради. Қизларни назм бўстонига етаклайди. Жаҳон Отин ўз шогирдларига таълим-тарбия берар экан, уларга ҳаётни фаол ҳаракатда деб тушунтиради. Билим олишга интилиш ҳар бир инсоннинг бурчи эканлигини уқтиради, илм-маърифат кишини гўзал қилувчи муҳим фазилат, деб таъкидлайди.

Ўзининг равон ва нафис газаллари билан Умархон саройида «манман» деган шоирлар билан баҳслашган Жаҳон Отин Увайсийнинг бизга қолдирган меросида қатор чистонилар мавжудлиги эътиборга моликдир. Тажрибали мураббия ўзининг муаммо санъати орқали шогирдлари зеҳнини ўстиришга ҳаракат қилган. Худди ана шу шеърий топишмоқлар орқали қанча-қанча ёш қалбларга зиё оқиб кирган. Чунки, булар шогирд қизларнинг мушоҳада кучини таркиб

топтиришда нарсаларга эътибор билан қарашиб, санъаткор кўзи билан кузатишга ўргатишда Жаҳон Отиннинг ўзига хос услуби бўлганлигига яққол мисолдир.

*Қуидаги чистонлар шоиранинг ақл-заковатидан далолат беради.*

Мен икки маҳбубни кўрдим, иккисин киндиғи бир,  
Гар алар орасига тушсанг, бўладурсан касир. (*Қайчи*)

Ул надурким, сабз тунлик, ёз ёғочнинг бошида,  
Киши яланғоч айлагай барча халойиқ қошида.  
Барча қушларнинг сўнгаки ичида,  
Ул на қушдурким сўнгаки тошида. (*Ёнғок*)

Икки маҳбубни кўрдим, бир-бировин кўрмаган,  
Иккисининг ўртасига дўстлар, қил сифмаган. (*Кун ва тун*)

Ул надурким, поий йўқ, юрса боши бирла юрар,  
Юрганимда хок сурмай, анча устолик қилар. (*Сув*)

Увайсий ўз даврининг пешқадам шоираларидан бўлган. Шу боис қизларга шеър санъатидан дарс берганда, ўша давр шоирлари билиши зарур бўлган назирағўйлик, радифгўйликни ҳам ўргатган. Ҳар бир шоир мушоҳада кучига эга бўлиши зарурлигини кўрсатган. Бу нарса унинг «Девон»ларида ўз аксини топган. Ҳаётга ҳақиқий санъаткор даражасида қарашиб лозимлигини уқтиради шоира:

Бу на гумбаздур эшиги, туйнугидин йўқ нишон,  
Неча гулгун пок қизлар манзил айлабдур макон.  
Туйнугин очиб аларнинг ҳолидин олсам хабар,  
Юзларида парда тортуглик турарлар бағри қон. (*Анор*)

Бунда анор эшик-туйнуксиз гумбазга, доналари бокира қизларга, дона устидаги юпқа қатлам қизлар юзидағи пардага ва анор доналаридаги қизил шарбат бағри қон қизларга ўхшатилган.

Увайсий шеърият санъатига оид машғулотларида шарқ адабиётига хос радифгўйлик каби шеърий мусобақаларга ҳам катта эътибор берганки, бунда ҳам шогирдларнинг зеҳни, нафис таъби шаклланган, санъаткор сифатида таркиб топишига ёрдам берган.

Унинг шеърларида она қалби, инсонга меҳр-муҳаббат, яхшилик каби покиза юракларнинг акс садоси эшитилади. Жаҳон Отиннинг кўпчилик асарлари инсоний муҳаббатни, гўзалликни ифода этади. Унинг шеърларидаги асосий лирик қаҳрамон ҳаётни бутун гўзаллиги билан севувчи, унга мафтун бўлиб, унинг ижобий ҳодисаларидан шодланувчи, жабр-зулмга қарши маънавий курашувчи, дўстлик, вафодорликка содиқ, чин ошиқ, ақлли, билимдан аёл. Ана шу

олижаноб инсоний фазилатлар кишилардаги вафосизлик, бемеҳрлик, ёлғончилик, субутсизлик каби иллатларга қарама-қарши қўйилади.

Увайсий ўзбек халқининг тил бойлигидан мақол, матал, атамалардан унумли фойдаланган.

Жаҳон Отин Увайсий ўзбек педагогикаси мактаблари тарихида ўз ўрнига эга бўлган буюк шахс.

У ўзининг мактабдорлик ва ижодий фаолияти билан ёшлар таълимида юксак ўрининг эга. Увайсийнинг маърифий фаолиятида унинг аёллар саводхонлигини ошириш, ақлий тарбия, мусиқа санъати, қобилияти қизлар билан иш усуллари алоҳида ўрининг эга. У ўз даврининг ёш талабаларига ҳаётга муҳаббат туйгуларини сингдириб борган; тез фикрлаш, чиройли сўзлаш ва бошқа тарбия воситалари билан боғлиқ бўлган чистон-топишмоқ усулларини яратишни ўргатган. Шунинг учун ҳам Увайсий ижодий меросини ўрганиш ва уни ҳозирги давр мактаблар таълим-тарбия тизими мазмунига киритиш муҳимдир.



## *Аваз Ўтар*

(1884 — 1919)



XX аср бошларидаги ўзбек халқи демократик адабиётининг йирик намояндаси Аваз Ўтар ўғли 1884 йили 15 августда Хивада сартарошиб табиб оиласида туғилган. Авазнинг отаси Полвонниёз Ўтар Гадойниёз ўғли илм-маърифатдан баҳраманд киши бўлганидан, ўз ўғлини ҳам илмли бўлишига алоҳида эътибор берди.

Ёш Авазнинг шеъриятга бўлган зўр қизиқиши Хива шаҳрининг Иноқий мадрасасида таҳсил кўраётган пайтлардаёқ вужудга келган. Унинг истеъдодли шоирлиги хон саройидаги хизматга етаклаб келди. Хива хони, оташнафас шоир Мұхаммад Раҳимхон Соний Феруз ёш шоирни саройдаги йирик шоирларга шогирд сифатида бириктириб қўйди.

Шоирнинг адабий меросида XIX аср охири ва XX аср бошларида ўзбек халқи тақдиридаги мураккаб ижтимоий-маданий ўзгаришлар акс эттирилган. Ўрта Осиё халқлари, биринчидан, рус империясининг мустамлакачилик сиёсати орасида, иккинчи томондан, маҳаллий бой зодагонларнинг жабр-зулмлари остида эзилаётган бир даврда шоирнииг асарлари озодлик, хуррият байроби бўлиб ҳилпиради. Шоир, одамларни тент кўрмаган, бунинг устига салтанат таҳтини жоҳил кишиларга топширган, уларнинг зулмларига ривож берган замонни тўғридан-тўғри ғаддорликда айблади.

Унинг ижодида маърифатпарварлик мавзуси алоҳида ўрин олган. Ўрта Осиё халқлари орасида етишиб чиққан Аҳмад Доңиш, Сатторхон, Исҳоқхон Ибрат каби маърифатпарварлар ўз асарларида маърифатни таъқиб этишга қаратилган қонун-қоидалар, урғодатларни қаттиқ қораладилар. Маърифатпарвар қалам соҳиблари ўз асарларида ҳаётни жаҳолатдан кутқариб, яхши йўлга тушиб олишга восита бўладиган маърифатни, ақл-идрок самараларини ва маданиятни тарғиб қилдилар. Тархимида маърифатпарварлик анъаналарини реалистик заминда давом эттирган Аваз ўз фаолиятида бу мавзунинг замон тақозо этган янги қирраларини кашф этди. У асарларида халқни маърифатдан йироқ тутиб келаётган кучларга нафрат, халқ юрагида дард бўлиб келаётган маданий қолоқлик ва саводсизликдан ачиниш

мавзуларини ёритади. Шоир халқ болалари мактабларда қачон ўқийди, деб қайғуриб шундай дейди:

Топар эркан қачон, ё раб, ҳасти жовидан миллат,  
Топиб илму ҳунар бирла маорифдин нишон миллат.

Шоирдаги илм-фанга нисбатан жуда юксак фидойилик халқни нодонликдан, қолоқуликдан қутқаришга, уларни ғафлат уйқусидан уйғотишда муҳим маънавий замин бўлди. Шунинг учун у, илм мас-кани — мактабни ниҳоятда улуғлайди ва халқни маданий юксалишга, маърифатни эгаллашга чақиради. Шоир ота-онанинг бола тарбиясидаги вазифасини жуда юқори баҳолаб, мактабни улуғлайди:

Ота бирла онага фарз ўқитмоқ бизни мажбурий,  
Ки бизни яхшилиқ қилмоқда мұytод этгуси мактаб...  
Аваз, ҳимматни қил олий очарга эмди мактабким,  
Балою жаҳлу нодонликни барбод этгуси мактаб.

Аваз ўз ижодида юксак инсоний сифатларни куйлаб, чинакам озодлик ва эркпарварликни, ватанпарварлик, эркинлик берувчи ҳурриятни умид қиласи ва «адолат офтоби» ни халқ бошида нур сочишига ишонади. Шунинг учун ҳам у асарларида «Инқилоб», «Ҳуррият», «Миллат», «Адолат» каби тушунчаларни асл маъносида ишлатади. Ўзининг мазлум халқини аҳилликка, фуқаролик бурчини бажаришга, халқ бошидаги қора пардаларни олиб ташлашга исёнкорона чақиради.

Тўғри, Аваз ўзбек халқи сиёсий-маърифий онгининг ўсишида сезиларли из қолдирган маърифатнавар — демократ шоирдир.

## АВАЗ ЎТАР ЎҒЛИ ИЖОДИДАН НАМУНАЛАР

### *Ғазаллар*

Очинглар, миллати вайронни обод этгуси мактаб,  
Ўқусин ёшларимиз, кўнглини шод этгуси мактаб.

Дилу жон бирла эл мактаб очарга ижтиҳод этсин,  
Нединким, бизни ғам қайдидин озод этгуси мактаб.

Кўнгулларнииг сурuri, доги кўзлар нурилур фарзанд,  
Аларнинг умрини, албатта, обод этгуси мактаб.

Ота бирла онага фарз ўқитмоқ бизни мажбурий —  
Ки бизни яхшилиқ қилмоққа мұytод этгуси мактаб.

Қаю миллатга биздек гар насими инқироз етса,  
Анга, албатта, мустаҳкамлик ижод этгуси мактаб.

Бу не навмидликдур, мактаб очсак, оқибат бизни,  
Аруси ком ила маңсудга домод этгуси мактаб.

Аваз, ҳимматни қил олий очарга эмди мактабким,  
Балои жаҳлу нодонликни барбод этгуси мактаб.

\* \* \*

Эйки, мунча зулм ила миллатни айларсан хароб,  
«Лоюхиббуз золимин» деб Тангри қилғонда хитоб.

Дам-бадам бедоду жабру, зўрликлар айлабон,  
Солма мазлум элни кўнглиға мунингдек изтироб.

Мунчаким зулм айлагунг бордур мукофоти замон,  
Оқибат бир кун анга масъул бўлуб бергунг жавоб.

Бор умидим, тездин бўлғуси ҳуррият куни,  
Эй, Аваз, қолмас булат остида доим офтоб.

\* \* \*

Эйки, сизлар то таассуб бирла даврон этдингиз,  
Миллати мазлума аҳволин паришон этдингиз!

Бирингиз қози, бирингиз аъламу муфти бўлуб,  
Бу не ойин эрдиким, сизлар намоён этдингиз!

Бизни айлаб хору зор нотавон этмак учун,  
Бермайин осори ҳурлик банди зиндан этдингиз.

Бу фалокатлар учун масъул ўлурсиз оқибат,  
Зулму истибод ила миллатни вайрон этдингиз.

Буйруқини сўрамайин, биздин, сўрап сизлин Худо,  
Нега сиз билдурмай они, бизни нодон этдингиз!

Йўқса, одаммиз очиб мактаб илм билдирангиз,  
Бехабар илму ҳунардин бизни ҳайрон этдингиз!

Қайси бир миллатни, айтинг, сиздек оғзи оладур,  
Иттифоқ ила иш этмай бағримиз қон этдингиз.

Бир куни сўргай Аваздек уйғониб аҳли замон:  
Не учун миллатни сиз ер бирла яксон этдингиз?!

\* \* \*

Ҳар тилни билув эмди бани одама жондур.  
Тил воситай робитай оламиёндур.

Файри тилни саъй қилинг билгали ёшлар,  
Ким илму ҳунарлар билонки ондин аёндур.

Лозим сиза ҳар тилни билув она тилидек,  
Билмакка они ғайрат этинг фоида кондур.

Илму фан уйига юборинглар болангизни,  
Онда ўқуғонлар бори ўқтойи замондур.

Зор ўлмасун онлар доти тил билмай Аваздек,  
Тил билмаганидин они бағри тўла қондур.

Топар эркан қачон, ёраб, ҳасти жовидон миллат?  
Топиб илму ҳунар бирла маорифдин нишон миллат!

Ватанпарвар фидойи фирмалар то бўлмайин пайдо,  
На мумкин топмоғи ўлган таниға тоза жон миллат?!

Фидо миллат йўлиға молу жон этмак керак, ҳар ким —  
Бўлай деса, агар авлоди машхури жаҳон миллат.

Очиб ҳар бир сарида мактабинг унвонин айлаб чўх,  
Тараққий айламасми ўкубон беҳадду сон миллат?

Бу янглиғ олам аҳлидин кейин қолмай юриш айла,  
Аваз, бўлғай у ёниб комкору комрон миллат.





## Бердақ

(1827—1900)



Бердақ Бердимурод Қарғабой ўғли истеъдолли қорақалпоқ шоири ва мутафаккири. Қорақалпоқ адабиётининг асосчиси сифатида танилган бу ижодкор ҳозирги Мўйноқ тумани ҳудудидаги қашшоқ оиласа туғилган. Болалигига ота-онаси вафот этиб, у қариндошилари кўлида тарбияланади. Ўша кезлардан бошлиб қишилоқ одамларининг подасини боқади. Кенг дала ва гўзал табиат қучоги ёш чўпонда шоирлик туйғуларини уйғотади. Бердимурод тақдир мушкулотларига чираб, диний мактабни тамомлайди ва кейинчалик малрасада таҳсил олади. Сўнгра бахши, қиссаҳон ва шоир сифатида танила бошлайди. У мактаб ва мадраса таълими давомида диний билимлар билан бирга қадимги грек (юнон) ва араб маданиятини ўрганади. Аристотель, Платон юялари билан танишиб, Шарқ мамлакатларида кенг танилган Фирдавсий, Бедил, Фаридиддин Аттор, Абдураҳмон Жомий, Навоий, Фузулий, Маҳтумқули каби алломалар ижодидан баҳраманд бўлди. У «Излар эдим» нисърида «Ўтган Арасту, Афлотун, Яратиб илмнинг қантин», «Бедил, Аттор, Бинойи, такрорлаб оттирлим тонгни», «Бир сабабкор ёлғиз Оллоҳ, Фирдавсийлай доно борми?!», деб ёзди. Шоир Шарқ халқлари тарихи, тили ва, айниқса, адабиётининг стук билимдони эди.

Бердақ яшаган XIX асрда Хива хонлигига қарам қорақалпоклар ҳаёти ниҳоятда оғир эди. Шунинг учун қорақалпоқ халқи 1827, 1855—1856, 1858—1859 йилларда Хива хонига қарши қўзғолон кўтарди. Бердақ халқ орасидаги шундай тарихий ҳодисаларга гувоҳ бўлди. Бу эса унинг сиёсий қарашларини шакллаштирилди ва ривожлантириди.

Шоир ўз асарларида қорақалпоқ халқининг XVIII—XIX асрлардаги ижтимоий турмушини акс эттиаркан, давр ҳодисаларига халқпарвар шоир сифатида баҳо берди ва осойишталик, ахлоқ-одоб,

мәхнат, адолат, ватанпарварлик ғояларини күйлади. «Яхшироқ», «Халқ учун», «Изләдим», «Солиқ» ва бошқа шеърларида мәхнаткашларнинг оғир турмуши, эзувчи синфларнинг шафқатсизлиги ва оқибатсизлигини акс этгирди, яхши күнларга умид боғлади. Бердақ кўпгина лирик шеърлар билан бирга «Аҳмоқ бўлма», «Айдошибий», «Омонгелди», «Ерназарбий» каби ўйлаб поэмалар яратди. Бу асарларда катта ижтимоий турмуш воқеалари ўз ифодасини топган.

Бердақ дунёга муносабат масаласида қадимги грек (юнон) файласуфларидан ташқари Форобий, Беруний, Ибн Сино, Фирдавсий каби Ўрга Осиёнинг улуғ олимлари асарларини пухта ўрганган. Уларнинг фалсафий-дидактик фикрлари асосида Бердақ зулм ва тенгизликининг туб моҳиятини англаб стди ва билим бериш, маданий оқартув ишларини ривожлантириши, ёшиларни илмли қилиш туфайли рўшноликка эришиш мумкинлигига тўла тушунди.

Шунингдек, Бердақцининг педагогик қарашлари ва тушунчалари ҳам муҳим аҳамият касб этади. У жамиятни яхшилаш учун одамларни тарбиялаш кераклигини алоҳида уқтирали. Тарбия кучига ишонгани Бердақ дикқатни инсон ҳаётида таълим-тарбиянинг муҳимлигига қаратади.

## Бердақ асарларидан намуналар

Йигит бўлсанг арслон каби туғилган,  
Ҳамиша сен хизмат этгил халқ учун.  
Йигит бўлсанг арслон каби туғилган,  
Ўзим десмай, ғамхўрлик қил халқ учун.  
Бердимурод, ўйлаб айтгил сўзингни,  
Қўттарма, лоф уриб, фақат ўзингни.  
Қизартмагай бирор сенинг юзингни,  
Қўлдан келса, хизмат айла халқ учун,  
Етарсан муродга, агар хизмат этсанг.  
Элинг йўллаганда, ҳар қаёни кетсанг,  
Ҳар қачон душманнинг бошига стсанг,  
Аянмасдан, хизмат айла халқ учун.  
Йигит киши одам дилин эритар,  
Айтган сўзин болдан ширинроқ айтар,  
Бир айтганда ўзидан қайтмасдан кетар,  
Айнимасдан, хизмат этар халқ учун.  
Золимлар тингламас фақирнинг сўзин,  
Улар ўйлар ўз фойдасин, ўз корин.  
Ҳеч қачон золимлар қўлдаги борин,  
Эп кўрмаслар, бор бўлса-да, халқ учун.  
Йигит деган яхши билимдон бўлур,

Билим, хунар йигит учун шон бўлур,  
Ақлсизлар иши хўп ёмон бўлур,  
Аҳмоқлар ҳеч хизмат этмас ҳалқ учун.  
Хизмат қил-у, юрма тағин дод этиб,  
Душманни йиғлатгин, дўстни шод этиб,  
Отаю онани доим шод этиб,  
Хизмат айла ота-она ҳаққи чун.  
Йигит кирмас фосиқларнинг сўзига,  
Асло тушмас манманликнинг изига,  
Файрат бериб ўлганича ўзига,  
Хизмат этар мудом қондош ҳалқ учун...  
Одам ўғли бари бир хилда бўлмас,  
Бирида бор нарса, бирида бўлмас,  
Яхши бўлса беодоблик иш қилмас,  
Яхши бўлса, хизмат этар ҳалқ учун.  
Ёш йигитга номус керак, ор керак,  
Бўйи хипча, гўзал, нозли ёр керак,  
Узоқ йўлга кетса, қатор нор керак,  
Яхши йигит хизмат этар ҳалқ учун.  
Берайин бўлажак ишларни сўйлаб,  
Асло иш қилмангиз ёмонлик ўйлаб,  
Юз ўлчаб, бир кесинг, ишни соз айлаб,  
Бор кучингни сарф айлагил ҳалқ учун.  
Мард йигитни севса агар элати,  
Кундан-кунга ортар унинг қуввати,  
Ортида қолади йигитнинг оти,  
Шунинг учун хизмат этар ҳалқ учун.  
Бу замонда жабру жафо чекарман,  
Қора кўздан қонли ёшлар тўкарман,  
Золимларнинг зулмин қўриб сўкарман,  
Куйганликдан жон қийналур ҳалқ учун.  
Бўлмади ҳеч ерда манзил-маконим,  
Захру-заққум бўлди еган-ичганим,  
Айтсан-да бўлмади менинг деганим,  
Куйганликдан жон қийналур ҳалқ учун.  
Бердимурод ҳақиқатни изладинг,  
Мудом элга тўғри йўлни кўзладинг,  
Ёвуздардан қўрқмай, ҳақни сўзладинг,  
Жон-танингни бердинг доим ҳалқ учун.  
Ажал етиб ўлсам шу кунда ўзим,  
Кетимда қолади ўлмайн сўзим,  
Тирикликда кўрди кўпларни кўзим,  
Фарқин билган хизмат этар ҳалқ учун.

Кўп йиглама, ўз бағрингни доғлама,  
Созни чертиб, элдан ўзга чоғлама,  
Душмандан хавф этиб, йўлинг боғлама,  
Умр бўйи хизмат айла халқ учун.  
Душманларни бу замонда зўр этдинг,  
Шул сабабли бизни жуда хўр этдинг,  
Бози эшонларни ҳаромхўр этдинг,  
Ўғрилиги нуқул зиён халқ учун.  
Қолмагайман золимларнинг жабрига,  
Тоқат этолмайман унинг амрига,  
Қарши турган Яратганнинг қаҳрига,  
Ҳатто этар ўзин қурбон халқ учун.  
Оғалар, бўлди-ку бағрим юз пора,  
Бу дунёда қайгум ошар тобора,  
Эл кезаман, чинлик излаб, овора,  
Яна хизмат қилас эдим халқ учун.  
Яхши йигитларнинг феъли тор бўлмас,  
Яхшиларга ёмон ишлар кор бўлмас,  
Беодоблик ишлар ёдига келмас,  
Шул сабабли кўнглинг тўлар халқ учун.  
Рост айт, Бердимурод сўзлама ёлғон,  
Бу дунё узоқ йўл отангдан қолган,  
Юра бу замонда фақат ақл олган,  
Яхшилар хизматни қилас халқ учун.  
Шоир эдим, кўзим кўрганин ёздим,  
Кўнглимнинг билганин, сезганин ёздим,  
Замон жафосидан сарғайдим, оздим,  
Келурму деб яхши кунлар халқ учун.  
Отим Бердимурод, мен халқнинг ўғли,  
Сахрода сайровчи сайроқ булбули,  
Ўн гулидан очилмади бир гули,  
Муродига етолмади халқ учун.

### Яхшироқ

Оқ буғдойи туриб сули сепгандан,  
Тоза шоли туриб курмак эккандан,  
Бекор қирқ кун қайгу-алам чеккандан,  
Тан соғлиқдан шодмон фурсат яхшироқ.  
Дунёга келибсан, баҳтинг очилса,  
Душманларнинг оёғинга бош урса,  
Кўлни қовуштириб, хурматинг қиласа,  
Кўз олайтиргандан иззат яхшироқ.  
Ишни ишла, туғилгансан эл учун,

Жонингни аяма, элда эр учун,  
Киндик қони томган азиз ер учун.  
Ҳеч вақтла дўстларинг бўлмасин ҳайрон,  
Қўлдан келса қилинг душманни вайрон,  
Халойик, бир бўлиб яшанг меҳрибон,  
Туғилган ер учун хурмат яхшироқ...

## Болам

Талтаймагин, эрка бўлиб,  
Йигламагин тўлиб-тўлиб,  
Қолмайсан оч, рангинг сўлиб,  
Мард бўл ёшлиқдан, эй, болам!  
Ёшлиқдан ботир бўлиб ўс,  
Ёв йўлини доим тўс,  
Мададкоринг бўлсин улус,  
Мард бўл ёшлиқдан, эй, болам!  
Ман-ман бўлма Пиримбойдай,  
Қаддингни ҳам эгма ёйдай,  
Эркин ўсгин асов тойдай.  
Шалвираб ҳеч юрма, болам!  
Белни боғла, даврингни сур,  
Дўсту, душманни синаб юр,  
Ёмон сўздан қулоқни бур,  
Сен гафлатда қолма, болам!  
Молим йўқ деб, қийнама жон,  
Давлат топилур ҳар қачон,  
Душманингга берма омон,  
Ҳар чоқ хушёр бўлгин, болам!  
Ёмон бўлиб гуашма кўзга.  
Доғ қўндирма оппоқ юзга,  
Учма асло ёлғон сўзга,  
Ёмондан зинҳор қоч, болам!  
Отим йўқ, деб адашмагин,  
Тўним йўқ деб, талашмагин,  
Ёмонларга ёнишмагин,  
Оринг срга урма, болам!..  
Ёмонларга ҳеч сир айтма,  
Сўз келгандা, сўздан қайтма,  
Дўстингни асло мунгайтма,  
Шундан баҳтинг кулар, болам!  
Молим бор деб ошиб, тошма,  
Бекордан-бекор талашма,  
Ҳеч ишга ҳадсиз ёндашма,  
Тўғри сўзла, доим, болам!

Элни қошингдан қочирма,  
Йүқ деб борингни яширма,  
Қувлик, шумлик йўлга кирма,  
Халққа сен бўл булбул, болам!  
Яхшилик қил, элинг билсин,  
Доим олқиши айтиб келсин,  
Душманинг жуванмарг бўлсин,  
Лекин кўз бўяма, болам!  
Ўйламаслик кети вайрон,  
Ахир қиласи сени вайрон,  
Тенгинг билан солгил вайрон,  
Душманни аяма, болам!  
Қошингга келса гар «қобон»,  
Аён, сени қўймас омон,  
Фойда бермас сўнгги пушмон,  
Ёшдан ақли бўл, болам!  
Ёлғизман деб шалпаймагин,  
Кўпман деб ҳам талтаймагин,  
Нодонликка йўл қўймагин,  
Доим ўйлаб сўйла, болам!  
Ёмон учун тушма ўчга,  
Хиёнат ўйлама юртга,  
Онанг берган оппоқ сутга,  
Бу ўзингга яхши, болам!  
То ўлгунча тўғри сўзла,  
Отангни, онангни ўила,  
Яхшига — яхшилик айла,  
Бу, одамзод нақши, болам!..  
Етим кўрсанг қўлингни бер,  
Яхшилар сенга шуни дер:  
Мақтаниб демагил, мен — шер,  
Магрурликни қўйгил, болам!  
Фарид кўрсанг насиҳат қил,  
Яхши кўрсанг, маслаҳат қил,  
Буни сен зўр саодат бил,  
Бу одатни суйгил болам!  
Олдингда буюк довон бор,  
Оша олсанг, бахт бўлгай ёр,  
Отанг дер: бўлмай десанг хор.  
Тўғриликни суйгил, болам!





## **Маҳмудхўжа Беҳбудий** *(1875—1919)*



Маҳмудхўжа Беҳбудий Туркистон ижтимоий-сиёсий, маданий ва маънавий ҳаётида чукур из қолдирди. Қолаверса, у ўзбек миллий тарбияшунослик фани ривожига муносиб ҳисса қўшди.

Маҳмудхўжа Самарқанднинг Бахшишта қишлоғида 1875 йил 10 марта дунёга келди. Унинг ота-боболари илмли кишилар бўлиб, араб тилини пухта эгаллаган эдилар. Беҳбудий диний ва замонавий илмларни пухта эгаллаб, ҳалқнинг эътиборига тушди. У тоғаси Муҳаммад Сиддиқ ҳузурида мирзолик хизматида бўлди. Бу ерда иш юритиш, ҳуқукқа оид ва муфтиликка тегишли барча илмлардан хабар топди. Илмининг тобора ошиши сабабли тезда муфтилик лавозимига кўтарилди. Беҳбудий умрининг охиригача диний таълим ва тарбияни замонавий тарбия билан қўпшиб олиб боришга ҳаракат қилди ва шунга эришди.

Маҳмудхўжа Беҳбудий Туркистонда жадидчилик ҳаракатининг «отаси» ҳисобланади. У Самарқанд яқинидаги Ҳалвойи қишлоғида *Ажзий*, Ражабаминда *Абдулқодир Шакурийлар* билан биргаликда 1904 йилда усули жадид мактабини ташкил қилди. Мана шу мактаб учун куйидаги дарсликларни ёзди: «Мунтахаби жуғрофияи умумий» («Қисқача умумий география», 1906), «Китобат ул-атфол» («Болалар хати», 1908), «Амалиёти ислом» (1908), «Тарихи ислом» (1909), «Рисолаи жуғрофияи умроний» («Аҳоли географиясига кириш», 1905), «Мухтасари жуғрофияи русий» («Россиянинг қисқача географияси»), «Ҳисоб» ва шу кабилар.

Беҳбудий мактаб ва таълим-тарбия тўғрисида «Туркистон вилюятининг газети», «Тарақкий», «Тужжор», «Хуршид», «Шуҳрат», «Осиё», «Турон», «Хуррият», «Ойна», «Самарқанд», «Мехнаткаш-

лар товуши», «Улуг Туркистон», «Нажот», «Вақт» ва бошқа матбуот саҳифаларида кўплаб мақолалар билан чиқишлиар қилди. Масалан, «Таҳсил ойи», «Эҳтиёжи миллат», «Самарқанд усули жадида мактаби хусусида», «Мажлис имтиҳон», «Тарих ва жугофия», «Самарқанд: китобхона ва матбаахона», «Бухорода усули жадила» каби илмий-оммабоп мақолаларида янги усул мактаблари, уларнинг аҳамияти, ўқитиши тизими, янги маориф ва маданиятни ривожлантириш, дунёвий фанларнинг фойдаси, комил инсоннинг тарбияси тўғрисидаги муҳим маърифий фикрларни кузатиш мумкин.

Маҳмудхўжа Беҳбудий 1911 йилда «Падаркуш» номли драма ёзди. У бу асарида ўзининг севимли мавзуси — барчани илм-маърифатли бўлишга чақириш, илмсизлик балосини даф қилиш foясини қalamга олган.

Беҳбудий ҳамроҳлари, Мардонқул ва Муҳаммадқул билан, 1919 йилнинг эрта баҳорида мамлакатдан чиқиб кетаётганида Шаҳрисабзда Инқилобий фавқулодда комиссия айғоқчилари кўмагида Бухоро амирлиги одамлари томонидан қўлга олинади. У, ҳамроҳлари билан биргаликда кофириликда айбланиб, Қарши шаҳрида зинданга ташланади ва қатл этилади. Беҳбудий ўлишини сезганидан сўнг, васиятнома ёзиб, Аҳмал исмли кишига қолдиради.

«Мани севар ўртоқларим! Маним сўзларимни қулоқларингизга олингизлар! Биз икки ойдан бери Бухоро шаҳрида банди бўлиб, охир ўн кундан бери бу ерда (Қарши шаҳрида) бу золимларнинг қўлига тушуб банди бўлдик. Жадида кофирилик отини кўтардик. Сипоҳлар ичига тилчилик отини кўтардик. Бу ердан қутулмоғимиз гумон бўлди.

Ўртоқларим Сиддиқий, Айний, Фитрат, Курби ва Акобир Маҳдум, ва ўғлонларим Вадуд Маҳдум, Абдулқодир Шакурий!

Сизларга васият қиласман: маориф ўйлinda ишлайтурғон муаллимларнинг бошини сийлангизлар! Маорифга ёрдам этингиз! Ўртадан нифоқни кўтарингиз! Туркистон болаларини илмсиз қўймангизлар! Ҳар иш қилсангиз жамият или қилингизлар! Ҳаммага озодлик ўйуни кўрсатингизлар! Биздек маориф курбонларини ўйлангизлар! Бухоро тупроғига тезлик или йўл бошлангизлар! Озодликни тезлик или юзага чиқарингизлар! Бизнинг қонимизни золим беклардан талаб қилингизлар! Маорифни Бухоро тупроғига жорий қилингизлар! Бизнинг отимизга мактаблар очингизлар! Бизлар ул чоғда қабримизда тинч ётармиз. Маним ўғлонларимга салом етказинглар! Бу ҳамроҳларимнинг авлодларидан хабардор бўлингизлар!» («Инқилоб», 1923 йил, № 1.)

## БЕХБУДИЙ АСАРЛАРИДАН НАМУНАЛАР

«Падаркуш» (1911) дан

Үқимоқ қарз ва ҳам илм сабаби иззати дунё ва шарофати охиратдур.

\* \* \*

Хозир янги ва бошқа бир замондир. Бу замонга илм ва ҳунарсиз халқни бойлиги, ери ва асбоби кундан-кун қўлидан кетганидек, ахлоқ ва обрўйи ҳам қўлдан чиқар, ҳатто дини ҳам заиф бўлур. Бунинг учун биз мусулмонларни ўқитмоқға сайи қилмоғимиз лозимдур, ваҳоланки, диний шарифимиз ҳар нав нафлик илм ўқимоқни бешикдан мозоргача бизларга фарз қилгандир. Бу ҳукм — ҳукми шариатдир. Биз мусулмонларга алалхусус бу замонда икки синф уламо керакдур: бири олим, диний, дигари олим замоний; олим диний: имом, хатиб, мударрис, муаллим, қози, муфти бўлуб, халойиқни диний ва ахлоқий руҳоний ишларни бошқарар, бу сингла киратурғон талабалар, аввало, Туркистонда ва Бухорода илм диний арабий ва бир оз русча ўқуб, сўнгра Макка, Мадина, Миср ва Истанбулда бориб, улумий динияни хатм қилсалар керак, токи комил мулло бўлсунлар».

\* \* \*

Олим замони бўлмоқ учун болаларни, аввало, мусулмони хат ва саводини чиқариб, зарурияти диния ва ўз миллатимиз тилини биладурғондан, сўнгра ҳукуматимизни низоми мактабларинда бермоқ керакдур: яъни гимназия ва шаҳар мактабларини ўқиб тамом қилғонларидан сўнг, Санкт-Петербург, Москов дорилфунунларига юбориб, дуктурлик, зокунчилик, инженерлик, судьялик, илми тижорат, илми зироат, илми иқтисод, илми ҳикмат, муаллимлик ва бошқа илмларни ўқитмоқ лозимдир. Россия ватанина ва давлатина бил-феъл шерик бўлмоқ керакдир, ва давлат мансабларига кирмоқ лозим. Токи маишат эҳтиёжи замонамиз тўғрисида ватан ва миллати исломга хизмат қилинса, ва подшоҳлик мансабларига кириб мусулмонларга наф еткурулса ва ҳам давлати Россияга шерик бўлунса, ҳаттоки шул тариқа ўқуган мусулмон болаларини Фарангистон, Амрика ва Истанбул дорилфунунларига тажриба учун юбормоқ керакдур. Ҳазрат Пайғамбаримиз: илм Хитойга ҳам бўлса талаб қилингиз, демадиларми?

\* \* \*

Бу бадбахтлик ва мусибатга сабаб, жаҳолат ва нодонликдир, беилмлик ва тарбиясизликдир. Уйингизни нодонлик бузди. Сизни

бейлмлик хонавайрон қилди. Ўғлингизни бейлмлик Сибирга юборади. Жонингиздан азиз фарзандингизни тарбиясизлик балоси сиздан умри айритадур. Болангизни отаси тарбия этмади, ўқитмади. Охири балога учради, ёмон рафиқлар йўлдан чиқардиларки, қурбони жаҳолат бўлдингиз.

\* \* \*

Бизларни хонавайрон, бачагирён ва беватан, ва банда қилғон тарбиясизлик ва жаҳолатдир. Беватанлик, дарбадарлик, асорат, фақир ва зарурат, ва хорликлар, ҳаммаси илмсизлик ва бетарбияликни меваси ва натижасидир. Дунёга тараққий қилган ҳалқ илм воситаси ила тараққий қиласи. Асир ва забун бўлғанларда, бейлмликдан. Модомики, бизлар тарбиясиз ва болаларимизни ўқитмаймиз, бул тариқа ёмон ҳодисалар ва бадбаҳтиклилар орамизда доимо ҳукмфармо бўлса керак. Бу ишларнинг йўқ бўлмоғига ўқимоқ ва ўқитмоқдан бошқа илож йўқдур.

\* \* \*

*«Миллатни ким ислоҳ этар?» (1914. «Ойна» ойномаси, №12) дан.*

Биз Туркистон мусулмонлари орасинда хилоф шариат одатларни кўплиги ҳар кимга маълумдир.

Куръони Каримда Умар маъриф айтмоқ учунму ваъз панд ва насиҳат учун кўп оятлар борлиги уламо ҳазратларига маълумдур. Олам Исломни ҳар тарафдаги масжидларда ҳалқ тили илин ваъз ва панд айтмоқ жорийдир... Ҳалқни ахлоқ ва исломияси кундан-кун бузилмоқда... ҳалойиққа зарурроқ ваъзлар керакдур. Бу кун кўпайган бузуқлик ва фасодларни ислоҳи учун ваъз қилмоқ керак. Зарурияти диния ва ахлоқи исломияни аларга... татбиқ қилмоқ керакдур.

\* \* \*

*«Ёшларга мурожсаат» (1914. «Ойна» ойномаси, №21)*

Бизни Туркистон ва Бухорода бир заиф мухтарам ёшлар мавжудлурки ҳукумат маҳкамаларинда тижоратхона, банк ва корхоналарга котиб, таржимон, молфуруш ва даллоллик ёйинки насиячилик ила машгулдуллар. Ва сизларки озгина илм замони билганингиз, албатта, наф келтирди. Зотан исломият шундай бир дин қобул тараққийдурки илм замона ўқилса инсонни яна дини исломга шунча ақидаси мустаҳкам бўлур. Чунончи, илм замона кўп ўқиган Овропа олимларининг номдор ва давлатликларидан мусулмон бўлуб турғанлари жаридаҳонларга маълумдир. Бас, сабит бўларки, илм замона исломияга зарар қилмоқ нари турсун, фойда этар.

Мұхтарам биродарлар! Сиз хизмат қиласынан идораларда сиздан кatta ва сиздан оз ишлайдурган, ва сизларга иш бературған кишилар борки, сиздан, беш, ҳатто йигирма дайға зиёда вазифа олур. Мунга сабаб надур?

Албатта, мунга жавоб берурсизки: бизни устимиздан қарай-турғанларни илм замонаси биздан зиёда, мәжнаткашларни илми бизча ҳам эмас. Мана сабаб шудир. Биз ҳам дермизки, жавобингиз дуруст. Бас, маълум бўлдики, ҳозирги замон ишларига ҳоҳ тижорат ҳукумат ва саноатхоналарга бўлсин керак. Вазифа олмоққа ва иш қилмоққа — илм замона деган нарса лозим экан. Ва ҳар ким бу қадар билгуси вазифа олар экан. Бас, сиз муҳтарамлар ҳам ўз авлодингизни ва азиз болаларингизни агарда ҳоҳласангизки сиздан кўра тараққий этса, дин ва миллатга хизмат этса (дин ва миллатга хизмат илм ва ақча ила бўлур) шу илм замона таҳсил қилмоғи учун ҳаракат қилмоғингиз лозимдур. Ҳамватаңларимиз мулкини сотиб тўй қилганларидек, сизда ҳатто лозим бўлганда мулкингизни сотсангизда, ўғлингизни замонча ўқимогига саъи қилингиз. Тўйга исроф қилинатурған ақчаларни ўқимоқ йўлига сарф қилингиз!

\* \* \*

*«Ўқувчиларга ёрдам керак» (1914. «Ойна» ойномаси, № 31)*

Ҳозирги замон аҳволига ошно кишиларнинг бошига иш тушигандарга барча тужкор ва мансабдорларга, албатта, маълумдурки, бизга мувофиқ замона одамлар керак. Яъни мусулмон духтур, мусулмон мұҳандис (инженер, планчи), мусулмон закунчи; тижоратхоналарда мусулмон (агент иш бошилари, подшоҳлик маҳкамаларида мусулмон маъмурлари, мусулмон судиялари, натариус (муқвлот мұҳаррири) банкларда мусулмон саркорлари... керакдир. Агарда, биздан мазкур тариқада одамлар стишса тижорат ва майшат ишларинда аларни бизга нафи тегиб яна бизни ҳукуматга яқинроқ этарлар ва ҳозирги замоннинг илм, ҳунар ва маданиятини бизларни орамизга нашр этарлар. Хулоса — тараққийимизга боис бўлурлар. Биз ҳоҳласакки ўзимизни бошқаларнинг маданий ва иқтисодий ютишидан сақланилса, юқоридаги айтилган кишиларни ҳозирлаб, яъни илм замона тайёрламомиз керакдур... Мактаб ва мадрасаларнинг усул таълимини ислоҳ қилмоқ кераклиги кўзи очиқ кишиларга маълумдир... Шариатда ҳар бир нафлил илмни ўқимоқ қарз ва лозимдир. Чунончи, ҳазрат Пайғамбар дейдиларки илм: бири, илми бадан, иккинчиси, илми дин. Албатта, бадан соғ бўлмаса дин иши маътал қолур. Яна дейдиларки: «Ҳакимолар ила аралаш бўлингиз». Бас, бу ҳадислардан маълум бўлурки, биз мусулмонлар илми тиб ва илми ҳукумат ўқимоқ керак. Илми хурофт ва саноат ҳам фарздуру. Касб фарзун (касб фарзидир Н. А.). Ҳар бир фарзинг илмини билмоқ яна фарздуру. Илм дунё доим саъи ва тажриба ила тараққий этар.

Масалан, беш юз сана мұқаддимки илм тиб ва ҳукумат ила ҳозирғи орасида ниҳоят катта фарқ бор. Аввалки мусулмонлар тибни юнон китобларидан ўқиб амалга киргизар эканлар. Энди русча ва фарангчадан ўқиб амалга олинса ва боис бордур? Бир карра ўқиб билдими? Ўзиники бўлди, кетти. Зотан, илм — муштаракдур. Албатта, ҳазрат Пайғамбаримизни муродлари илм замона эди. Олайлик бидъати замон ҳазрат Пайғамбаримизга йўқ. Ақчалик оталар ҳеч қизғанмасдан болаларини ҳукумат мактабларига бериб ўқитмоқлари лозим. Жамият хайриялар барпо этиб, ақча жамлаб, чақир болаларнида жамият ақчаси ила ўқитмоқлари керак. Замона одамлари етиштирмоқ учун ҳукумат мактабларига, мактабларни ислоҳи учун Оренбург, Қозон, Крим, Кавказ, Истанбул мактабларига, мадрасаларни ислоҳи учун Макка, Мадина ва Мисрга талаба юбормоқ керакдир... Ёшлардан ҳиммат ва файрат, бойлардан шафқат ва марҳамат керакдур.

\* \* \*

### *«Ибтидоий мактабларнинг тартибсизлиги ёхуд тараққийнинг йўли» (1914. «Ойна» № 38) дан*

Ҳақиқатда тараққий ва таомили учун биринчи йўл ва асос мактабдур. Мактаб ислоҳ қилинса, умумий ишлар ислоҳ ва тартибга киради, деб бўладур. Чунки камроқ бўлса ҳам ислоҳ қилинган мактабдан чиққан болалар ислоҳпарвар бўлурлар. Биз Туркистонликларга лозимдурки болаларимизнинг кўз очиб кўратурғон 8—10 йиллар умр сарф қиласурган (дорилтарбия)лари бўлган мактабларнинг ҳолига назар ва диққат ила қарасак хоҳ Бухоро, Самарқанд, Тошканд хулоса умум Туркистон шаҳарларинда бўлган мусулмон қариндошларимиз инсоғ ила фикр қиласалар мактабларимизни кўп паришон ва боинтизом ҳолда қурурлар. Тахзиб ва тасфир ахлоқ деган нарса мактабларимизда ҳеч йўқ. Муддат таҳсил кўп узоқ бўлганлиги учун кўп кишилар болаларни 8—10 йил мактабга кўймайдилар. Чунки қудрат ва истеъдоллари етмайдур. Ҳам мактабларимизда интизом йўқдур. Шунинг учун мактабда юрган болаларимиздан 10—8 нафаридан 2—3 нафари саводли бўлиб чиқадурлар. Мактабларда зўр китоблардан таълим берилмаганлари ва ўқиган китобининг маънисини болаларга билдираганлари учун болалар ўқимоқ ва ёзмоқдин бошқа ҳеч бир маълумот олмайдилар. Низом ва тартибга кўйилмаган миллатнинг ҳоли паришон, мозийси барбод ва истиқболи қора ва умидсиз бўладур. Бу кун Бухорода юзларча мадраса ва қарийб 350 қадар ибтидоий мактаблар бордур. Булардан ҳеч бири тартиб ва интизомлик эмас.

Маданият илгари кетган ҳолда илм ҳам тараққий этиб илгари кетадур. Нафис илм санъат жумласидан бўлгани каби, таълим ва тарбия равишлари ҳам санъат жумласидандур.

Илм-маърифатсиз ҳеч бир миллат... ҳаёт майдонида тура олмас. Хоҳ ул миллат ҳоким ва хоҳ миллат маҳкум бўлсин, илм-маъ-

рифатдан маҳрум бўлганлиги учун бошқа санъат ва ҳунар тожи бўлган миллиатларнинг оёғи остида эзилурга мажбурдирлар... Бой бўлган миллиат, албатта, дунёда яшай оладур. Ул миллиатнинг динига эмас, ҳатто миллитига ва шахсиятига ҳеч ким тега олмайдир. Масалан, сувсиз, ерсиз ҳолда яхудийларнинг ҳолига қараб ибрат олсан ҳам бўладур. Аларни ҳеч бир мамлакат ҳалқи ўзларининг ерида турганларига рози бўлиб аzon ва жавоб бермайлар. Лекин алар ҳамонда турарлар, аларга қарасак қандай улуғ ва катта шаҳарларнинг энг яхши ва энг тузук жойларида турарлар. Нимага яхши жойларда турарлар? Чунки яхуд миллиати бадавлат ва ҳунармандур. Ҳунарлик ва бой бўлмоқ учун нима лозимдур? Албатта илм ва маърифат лозимдур. Илм ва маърифат учун мактаб ва мадрасаларнинг ислоҳ қилиниб низом ва тартибга киргизилмоғи лозимдир. Ҳунарли ва маърифатли бўлган миллиатларнинг ҳалқлари фақир ва бечора бўлиб, дарвишлар қиёфасига кириб, гадойлик қилиб юрмайлар. (Мақола «Ойна» журналида Ниёзий Ражабзода томонидан ёзилган.)

\* \* \*

*«Таҳсил ва сафар замони таъом» (1915. «Ойна», № 10).*

Руҳонийларни жадид мактабларига бола ўқитишга қаршиликда айблайди. Илм олишининг фойдаси ҳақидаги ҳадислардан мисол келтириб уларни танқид қиласди... Илм замона ўқуб замони одами бўлганлар замона ҳол ила тириклик қилганларидек, ҳукумат ишларига аралашиб мусулмонлар ила русларни бир-бирига яхши танишиб ва ҳам икки орани, ва икки тоифани тинч ва яқинлиги... бўлурлар.

Азиз биродарлар, ўғил тўйларга сарф қилатурғон ақчаларингизни шул илм замони йўлига сарф этингиз. Сиздан ўғлингизга мол мерос қолмаса қолмасин, балки, албатта, илм ва тарбия мерос қолсин.

\* \* \*

*«Бизни кемиргувчи одатлар» (1915. «Ойна», № 13) дан*

Тўй ва таъзияга сарф қилинатурғон ақчаларимизни биз Туркестонликлар илм ва дин йўлига сарф этсак, қариyb европаликлардек тараққий этармиз ва ўзимизнинг динимизда обрўй ва ривож топар. Йўқ ҳозирги ҳолимизда давом этсак дин ва дунёга залолат ва маснунатдан бошқа насибамиз бўлмайдур.

\* \* \*

*«Ҳақ, олинур — берилмас» (1917. «Хуррият», № 22) дан*

Яъни, бирорвга ҳақингиз бўлса ўзингиз сави ва ҳаракат ила баъзан файрат ва қувват сарф этмагунча ололмассиз, онинг учун

ман айтаманким, «ҳақ, олинур — берилмас», мунга тарихий, шаръи, воқьи кўб далиллар бўлуб, барча аҳли тажрибага маълумдур.

Федератсия, яъни муҳторият, биз Туркистон мусулмонлари истаймизким, Русия мамлакатига ёпишуб туруб, хорижий ва ишларга онинг ила бир бўлиб туриб, доҳил ишлар ва тирикчиликларимизни ўзимиз идора этсан, мунинг кайфияти шундай бўлур. Беш вилоят (область) дан иборат Туркистоннинг ҳар бир шаҳар ва уездидан бир неча нафардан киши сайланиб, Тошкентда катта марказ бир мажлисимиз бўлуркни, барча олур-солиқ ва минбад жорий бўлатурган қонун ва низомномаларни алар тузиб Туркистонда жорий қиласурлар...

Ўзимизни муҳофазатимиз учун миллий жандарма, аскаримиз бўлур. Мамлакат хазинасидан бошқа миллий ва маданий ишларимизнинг масрафи учун ўзимизнинг алоҳида хазинамиз бўлур. Мактаб ва мадрасаларимиз, вақф ва доролқазоларимиз ўз қарамоғимизда бўлур. Хулласи калом, давлат ва сиёsat ишларидан бошқа барча ишларимиз ўз ихтиёrimизда бўлур.

\* \* \*

### *«Бизга ислоҳ керак» (1917. «Нажот», № 18) дан*

Эски золим ҳукуматнинг иши ва дин бузгувчи одамлари, ва миссионерлари мадрасаларимизни ва мактабларимиз тўғрисинда ҳам бизни ҳайвониятга ва жаҳолат майдонига ҳам йўқ ва маҳв бўлмиш чуқурига судрайдурган закунлар вазих этдилар. Мадрасада ҳеч нима билмайдурғон ёш талabalарни мадрасага сайлаб қўйиш тадбирини закун қилиб чиқордилар. Миссионерлар ила бизнинг нафаспаст баъзи уламоларимиз бул мақсад закундан модада зиёда истеъфода этдилар. Уч-тўрт мударрис ўрнига бир мударрис кифоя деб қарор бердилар. Натижала уламо озайди. Ахлоқ бузилди, уламо мусулмонияга жоҳил ва хоинлар сарф-саводсиз кишилар қози бўлди. Бошқа тарафга қарасак, қози ва мударрислик учун истеъдод томони бўлган уламомиз ва оч юрадур. Оҳ, золим ҳукумат ва миссионерлар бизга налар қилдилар!

Эски ҳукумат зоҳиро бизни маданий қилмоқ учун «русский туземни» исминда бизнинг учун мактаблар очиб ўз фаҳмларинча бизни дунё ва охиратда нек баҳт, яъни насорат (христиан) қиласурғон миссионерларга топширдилар... Хуфия приказлар ила бу мактаблардаги мусулмон болаларини оз таълим бермоқға ва бу қадар имкон амрини зоих ва ўзини ҳайвон қилмоқға фармойиш қиласурлар.

Мадфун золим ҳукумат усул жадида мактабларига мониҳ эди. Масалан, Хўжанднинг мавзийига... Тўрахоновлар бир мактаб очди, Каттакўргоннинг Пайшанбасидаги руский туземний мактабига

муаллим бўлиб турғон мулла Юнусни олиб бордилар. Аммо адолатлик Фарғона инспектори сан самарқандлик деб мактабдан қувиб юборди.

... Бу тафтишлар устидан арз қилатурғон ер йўқ.

\* \* \*

*«Таҳсил ойи» (1913. «Самарқанд», № 11)*

Август ва сентябрь ойиндан бошлаб, дунёвий мактаблар, яъни ҳукумат мактаблари ва бошқа миллат болаларининг таҳсилига бошлаганлари кўз олдимииздадур.

Туркистон шаҳарларининг русия қитъаларинда эрта соат еттидан саккизгача диққат ила қараган киши икки синф ҳалқни кўрап.

Биринчиси, етти ёшдан йигирмагача талаба ва толиботларга қўлларинда ўнлаб нусха китоб ва ҳар бири суратлик юриш ила гарва-гарва мактабларга кетарлар. Булар истиқбол учун, фаолият истиҳзоли учун дарс олурлар. Ва мунинг сабаби ила дин ва дунёларини обод этарлар.

... Бу синфга диққат қилғоң киши кўрапга... замон одамлари рус, яхудий, армонидур.

Буларнинг мақобилинда русия қитъаси узгамларинда яна бир синф ҳалқ кўриладурки, устларина оғир юк. Қўлларина бел ва кетмон.. меҳнаткашлик ҳаммол ва маздурик топмоқ учун корхона ва қадоқхона, ва меҳнаткашларга бориб, бир кунда йигрма тийиндан бир сўмгача олмоқ учун, ва тамом ўн икки соат меҳнат қилмоқ учун кўча-бакўча иш ахтарурлар. Оҳ, на ёмон ҳолат.

Ҳамшаҳари яхуд, армон, рус болалари оппоқ кийиниб, қўлтиқ-қўлтиқ китоб ила мактабларга кетар экан, бизни болаларимиз на учун кир ва йириқ кийим, оёқяланғ бир ҳолда эшик-базшик меҳнат ахтарур? Инсон бу ҳолатларга диққат ила боқса истиқболдан маъюс улур...

... Энди бизларга икки ишдан бири қолур. Яъни алардек замонани илм ва хунарларга ёпишмоқ ва ёйинки борлиқ немираларимизни ҳам қўлимииздан бериб қўймарга ва бехудаликға сарф этуб аларга хизматкор бўлмоқ.

Бир карра диққат ила шаҳарларга қаралсун. 25 санадан бери савдо ва қасбимиз бошқаларга ўтди. Улар биздан уруб олмадилар, ўтуб олдилар...

Мозий — истиқболнинг тарозисудир.

*«Эҳтиёжи миллат» (1913. № 26) дан*

Бошқа миллатларга қаралса кўрилурга мунтазам мактаблари бор ва ул мактабларда диний илм устинда дунёвий илм ва фанлар ҳам ўқилур. Чунки дунёга турсоқ учун дунёвий фан ва илм лозимдур.

Замона илм-фанидан бебаҳра миллат, бошқа миллатларга поймол бўлур.

... Шариат илм мадрасаларга, қонун илми русия дорилфунунларига ўқидур. Дорилфунунга кирмоқ учун, аввало, ўн сана гимназияга кирмоқ керак. Сўнгра тўрт сана дорилфунун ўқиб андан хукуқ санаси, юрист, таъбир жоиз бўлса, замона фақиҳи бўлиб чиқар. Суд маҳкамаларина, давлат доираларинда кириб ҳар бир хукуқ, ўзликни ва ўз миллати, ва ўз тоифаси, ва ўз ватани, ва ўз давлатининг нафига сўйлашур, мудофаа қилур.

Масала, давлат думасинда биз Туркистон мусулмонлариндан шундай хукуқ вакил бўлса бизни дин ва миллатимиз нафига ҳаракат қилур. Аммо шундай одам бизда йўқ. Давлат думаси нари турсун, судга ва расмий маҳкамаларга кириб бизни ҳимоя қилатурғон кишимиз йўқ.

... Туркистон меваси... тоши, туфроғи.. немусалари Оврўпо бозорига кетар. Муни Оврўпо доллори келиб оз баҳога олиб кетар. Меҳнатни биз қиласиз, фойдани улар кўрап. Ўз немирсамизни Оврўпо бозорига элтиб яхши баҳога сотатурғон бизда бир одам йўқ. Оврўпо ила савдо қиласурғон кишини ўн сана замона илми ўқимоги лозим.

... мактабимиз, дўконимиз, корхонамиз, мадрасамиз ва немирсамизни замончи ислоҳи лозимдур.



---

---

## **Абдураззоқ Фақирий**

(1880—1925)



Асл исми-шарифи Абдураззоқ Абдужаббор ўғли Фақирий (Фақирий унинг тахаллуси) Хивага яқин Бўзхона қишлоғида туғилган. Унинг отаси Абдужаббор ўз даврининг билимдан кишиларидан бўлиб, ўз қишлоғида мактабдорлик ва деҳқончилик билан шуғулланган. У, ўғли Абдураззоққа яхши тарбия бериб, унинг хатсаводини чиқариш учун мактабда бошланғич таълим беради, сўнгра эса Хивадаги Оллоқулихон мадрасасида ўқитади. Мадрасада ўқиб юрган кезларида у мустақил равишда Шарқ адабиёти ва мусиқасини, хаттотлик санъати ва араб, форс тилларини ўрганиб, шеърлар ёзишни машқ қиласди. Ўз отасидан нақошлик хунарини ўрганиб, бу соҳада ҳам шуҳрат топади.

Абдураззоқ Фақирийнинг шеърларида халқпарварлик, ватанпарварлик, маърифатпарварлик, яхши одоб-ахлоқ, шахс камолоти ва унинг тарбияси тўғрисидаги гоялар ифодаланади. Шоирнинг фикрича, инсоннинг одобини белгилайдиган биринчи белги — керакли сўзни гапириб, кераксизини ишлатмаслик хусусида таълим берган.

Абдураззоқ Фақирий жоҳиллик ва нодонликни қоралаб, ёшларни бундай салбий хислатларга эга бўлган кишилардан доимо йироқ юришга ундан, уларни ақсли, илмли кишиларга яқинлашиб, суҳбатидан баҳраманд бўлишга даъват этади.

Шоир, дўстлик ҳақида гапириб, ёшларни ўзи ёқтирган одобли, инсофли, диёнатли дўст орттиришга ва унинг фазлидан фақат яхшиликка бошловчи хайрли таъсирларидан баҳраманд бўлишга чақиради. У, ёшларни ўзаро яқин муносабатда бўлишга, дўстликка чақирап экан, бир-бирининг сирини ошкор қилмасликка, аксинча ҳамдард бўлишга ундейди.

Айниқса, шоирнинг оиласи турмуш этикаси ва меҳмондорчилик одоби тўғрисидаги фикрлари халқ мулкига айланиб кетганлиги диққатга сазовордир. Унинг ахлоқий-дидактик гояларининг құмматли ва ҳаётийлиги ҳам ана шундадир.

## ФАҚИРИЙ ИЖОДИДАН НАМУНАЛАР

Тили гўё сўз ичра барча одам,  
Туну кун ҳоримас, сўзлар дамо-дам,  
Ҳаммамиз ҳам улуф сўзларга хуррам,  
Бил энди, ҳақ сухан тинглар киши кам.

Аввал ичра бу нақл ҳам эрур фош,  
Неча эр оғзида сақлаб эмиш тош,  
Сухан дафъи учундир билки қардош,  
Кўтар тилдин неча оғат гарип бош.

Яна дебдур неча бор аҳли ҳикмат,  
Дема кўп сўз, агар истарсан иззат,  
Ки, хомушлиг эмиш нодонга давлат,  
Хатога тил очиб, сўнг чекма ҳасрат.

Фикр қил, кўр шимиб сўзни мазосин,  
Дебон билмай яна тортма изосин,  
Тилидин нечалар кўрмуш жазосин,  
Топиб баъзиси танбеҳу сазосин.

Мажолис ичра ҳар хомуш омондур,  
Хижолатга сабаб, бил, бу — забондур,  
Оғизда тил уюб ётган йилондур,  
Агар тебранса, чақмоқдин гумондур.

Бу тилдин нечалар ҳомиш зиёнга,  
Неча расво бўлиб жумла жаҳонга,  
Нечалар тил сабаб ғарқ ўлди қонга,  
Не лозим сир деюб яхши-ёмонга.

Бўлур ақли фузун ким бўлса хомуш,  
Ҳамма кайфдин анинг кайфи эрур хуш,  
Кел, эй, дил, сенда бўлса ақл ила хуш,  
Фақир ўл, бу шарафдин қолмағил бўш.

Сўзда навбат етса, минг андиша бирла сўзлангиз,  
Йўқса хомушлиғ улуг давлат экандур билсангиз.  
Ақли маъни суҳбатин иста, бажо қил хизматин,  
Меҳнату молингни зоеъ қилма ҳар нодона харж,  
Жоҳилу фосиқ, мунофиқ аҳлидин бўлғил йирок,  
Дўст фаҳм айлаб, аларға қилмағил мардона харж.  
Дўст жонлардин ҳамиша яхшилиғ айлаб умид,

Бас, ёмонлиғлар кўруб, тун-кунлар ҳайрон бўлмагай,  
Аксари авқат нодонларга бўлдим ҳамнишин.  
Ҳеч кишининг бу жаҳонда дўсти нодон бўлмагай,  
Илтифот эткайлар аммо баъзи жоҳил дўстлар,  
Излабон борсанг изингда бўлса ўғлон бегараз.

Ки, чин дўст аяmas, бир-биридin моли или жонин,  
Агарчи бўлсалар ҳам бир-бирининг қонига муҳтоj.  
Эрур нокаслик аввалги ул дўстидин жудо бўлмоқ,  
Бўлурлар баъзи тоза ҳамнишин бўлғонига муҳтоj.  
Дўст бўлғон дунёдин кўл ювса бир-бири учун,  
Дўнмайин бир-бирига, қилса фидо жон бегараз.

Ким ақил эрса бир ёр или умрин ўтказур доим,  
У нодондур жононни ҳар лаби хандонига муҳтоj.  
На армандур кишининг бир вафолиғ дилбари бўлса,  
Ҳамиша бўлсалар бир-бирининг фармонига муҳтоj..



---

## МУНДАРИЖА

Китобхонлар аҳлига (Академик И. Искандаров, профессор М. Ҳайдаров) .....	3
Ўзбек миллий таълим-тарбияси анъаналари тарихидан (Профессор К. Ҳошимов) .....	5
Ўзбек халқ педагогикаси (Профессор Малик Муродов) .....	11
Ўзбек халқ педагогикаси намуналаридан лавҳалар (З. Ф. Миртурсунов) .....	23
Зардушт (Профессор Ҳ. Ҳомидий) .....	31
Авесто (Ҳ. Ҳомидий) .....	34
«Авесто» дан намуналар .....	38
Арастунинг Искандарга насиҳати (Форс тилидан Ҳ. Алиқулов, Ҳ. Кароматовлар таржимаси) .....	41
Мұхаммад Мұстафо саллалоҳу алайҳи васаллам пайғамбарнинг қисқача таржимаи ҳоли (С. Очил, А. Аҳмад) ...	49
Ахлоқ-одобга оид ҳадис намуналаридан .....	56

### ҚАДИМГИ ЎРТА АСРДА ЎЗБЕК ТАЪЛИМ-ТАРБИЯ МАКТАБИННИНГ РИВОЖЛНИШИ (VI–VIII АСРЛАР)

Абу Абдуллоҳ Мұхаммад ибн Мусо ал-Хоразмий (Профессор К. Ҳошимов, З. Очилов) .....	63
Ал-Хоразмий ижодида математик фанлар (Профессор А. Аҳмедов) .....	64
Мұхаммад ибн Мусо ал-Хоразмийнинг «Васиятлар китоби» (Профессор А. Аҳмедов) .....	70
Маҳмуд ибн Мұхаммад ибн Умар ал-Чағминий (З. Очилов) ...	81
Имом ал-Бухорий (Ш. З. Бобохонов) .....	88
Имом ат-Термизий (Ш. З. Бобохонов) .....	94
Аҳмад Фарғоний (З. Очилов, Р. Ҳасанов) .....	97
Абу Бакр Мұхаммад ибн Закариё ар-Розий «Жолин-ўз-Замон» (А. Заҳидов) .....	101
Абу Наср Форобий (Академик М. Хайруллаев) .....	107
Имом ал-Мотуридий (М. Ширинов) .....	118
Абу Бакр Мұхаммад ибн ал-Аббос ал-Хоразмий (М. Жуманиёзов, М. Ҳошимова) .....	121
Абу Райҳон Беруний (А. Ирисов, Э. Тўракулов) .....	127
Ибн Сино (А. Ирисов) .....	143

Ибн Сино ҳикматларидан (О. Имомхўжаева) .....	145
Юсуф Хос Ҳожиб (К. Ҳошимов) .....	157
Аҳмад Яссавий (М. Рўзиқулов, Р. Мұхаммадиева) .....	177
АЗ-Замахшарий (К. Ҳошимов, С. Очилов, З. Нуридинова) ..	184
«Нозик иборалар»дан (У. Уватов таржимаси) .....	190
Сулаймон Боқирғоний (С. Очилов) .....	196
Бурҳониддин Марғиноний (М. Умарова) .....	200
Маҳмуд Кошғарий (Ҳ. Алиқулов) .....	205
Шайх Нажмиддин Кубро (К. Ҳошимов) .....	212
Жалолиддин Мангуберди (Р. Жуманиёзов, С. Очил) .....	216
Бурҳониддин Зарнуджий (К. Ҳошимов) .....	221
Аҳмад Юғнакий (А. Ирисов) .....	223
Паҳлавон Маҳмуд (С. Очил) .....	228
Баҳоуддин Нақшбанд (И. Тожиев, М. Ҳошимова) .....	234

### **XIII–XIX АСРЛАРДА ЎЗБЕК ТАЪЛИМ-ТАРБИЯ МАКТАБИ ВА АНЪАНАЛАРИ ТАРАҚҚИЁТИ**

Амир Темурнинг одоб-ахлоқ, таълим-тарбия түғрисидаги	
ўғитлари (М. Муродов) .....	241
Лутфий (Ҳ. Алиқулов) .....	253
Улуғбек Мирзо (Професор А. Аҳмедов) .....	256
Али Қушчи (Ҳ. Алиқулов) .....	265
Алишер Навоий (К. Ҳошимов, С. Раҳимов) .....	269
Абдураззоқ Самарқандий (Э. Тўракулов) .....	281
Ҳофиз Хоразмий (Ҳ. Алиқулов) .....	286
Ҳайдар Хоразмий (Професор Н. Қобулов) .....	289
Хожа (Доцеент А. Зоҳидов) .....	292
Захириддин Мұхаммад Бобур (Ҳ. Алиқулов) .....	295
Мирзо Бедил (Ҳ. Алиқулов) .....	299
Турди Фарогий (А. Зоҳидов) .....	304
Роқим (С. Ҳасанов) .....	307
Мұхаммадниёз Нишотий (Професор Н. Қобулов) .....	310
Махмур (А. Зоҳидов) .....	312
Мунис Хоразмий (Професор К. Ҳошимов) .....	315
Мұхаммадизо Оғаҳий (А. Мұхаммаджонов, С. Ҳасанов) ....	321
Нодира (Филология фанлари доктори М. Қодирова) .....	324
Дилшод (М. Қодирова) .....	326
Мұхаммад Юсуф Маҳзум ибн Ҳўжамберди Рожий	
(Професор Ф. Р. Юзликаев) .....	332
Феруз (С. Очил) .....	334
Муқимий (А. Зоҳидов) .....	338

Убайдулла Солиҳ ўғли Завқий (К. Ҳошимов) .....	342
Фурқат (А. Зоҳидов) .....	347
Илёс Мулла Муҳаммад ўғли Сўфи (Профессор Н. Қобулов) .....	353
Муҳаммад Шариф Гулханий (А. Зоҳидов) .....	356
Комил Хоразмий (Р. Мадримова, М. Ҳошимова) .....	361
Аҳмад Дониш (Х. Алиқулов, Р. Ҳасанов) .....	368
Исҳоқхон Ибрат (М. Ҳошимова, Р. Ҳасанов) .....	372
Саидаҳмад Сиддиқий (М. Фаттаев, Ю. Ахроров) .....	378
Аҳмаджон Табибий (К. Ҳошимов, А. Мусаев) .....	380
Анбар Отин (М. Қодирова) .....	384
Жаҳон Отин Увайсий (К. Ҳошимова) .....	391
Аваз Ўтар (Ф. Расулова, М. Ҳошимова) .....	396
Бердақ (У. Алеуов) .....	400
Маҳмудхўжа Беҳбудий (Н. Авазов, Р. Ҳасанов) .....	406
Абдураззоқ Фақирий (К. Ҳошимов) .....	416

# ЎЗБЕК ПЕДАГОГИКАСИ АНТОЛОГИЯСИ

Тузувчи муаллифлар: **КОМИЛЖОН ҲОШИМОВ**

**САФО ОЧИЛ**

*Қайта ишланган ва тўлдирилган иккинчи нашри*

«O‘qituvchi» нашриёт-матбаа ижодий уйи

Тошкент — 2010

Муҳаррир *С. Мирзахўжаев*  
Бадиий муҳаррирлар *Ш. Хўжаев, Д. Мулла-Охунов*  
Техник муҳаррир *С. Турсунова*  
Компьютерда саҳифаловчи *С. Мусажонова*  
Мусаҳҳих *А. Иброҳимов, Д. Исмоилова*

Оригинал-макетдан босишга рухсат этилди 25.05.2010. Бичими 60x90<sup>1</sup>/<sub>16</sub>.  
Кегли 10 шпонли. Таймс ҳарфига терилиб, оффсет босма усулида чоп  
этилди. Шартли б.т. 26,5. Нашр т. 29,13. 1000 нусхада босилди.

Буюртма № 156-10.

Ўзбекистон Матбуот ва ахборот агентлигининг «O'qituvchi» нашриёт-  
матбаса ижодий уйи. Тошкент — 129. Навоий кўчаси, 30 уй. // Тошкент,  
Юнусобод даҳаси, Муродов кўчаси, 1- уй. Шартнома №12-82-07.

74.03.(5У)

Ў31

**Ҳошимов, Комилжон.**

**Ўзбек педагогикаси антологияси** / ЎзР олий ва ўрта маҳсус таълим вазирлиги, Тошкент Давлат педагогика ун-ти «Педагогика» кафедраси; тузувчи муаллифлар: К.Ҳошимов (ва бошқ.); сўз боши муаллифи И.Искандаров; таҳрир ҳайъати: К. Ҳошимов ва бошқ. Тўлдирилган ва қайта ишланган 2-нашри. —Т.: «O'qituvchi» НМИУ, 2010, — 424 бет.

ББК74,03(5У)